

<36614818900010

<36614818900010

Bayer. Staatsbibliothek

<36614818900010

<36614818900010

Bayer. Staatsbibliothek

<36614818900010

<36614818900010

Bayer. Staatsbibliothek

Hom: 2227.

SALOMONIS VANTIL,

*S. S. Theolog. Doct̃oris, & Professoris in
Academia Lugduno Batava*

**METHODUS
CONCIONANDI:**

illustrata

COMMENTARIIS & EXEMPLIS.

Quibus additæ sunt ejusdem Auctoris

BIBLIOTHECA THEOLOGICA,

ET ALIÆ DISSERTATIONES.



TRAJECTI AD RHENUM,

Apud JACOBUM VAN POOLSUM,

M. D. CC. XXVII.

Handwritten text, likely a title or header, appearing as a series of faint, connected characters.

Handwritten text, possibly a subtitle or a line of a poem, appearing as a series of faint, connected characters.

Handwritten text, likely a line of a poem or a descriptive sentence, appearing as a series of faint, connected characters.

Handwritten text, possibly a line of a poem or a descriptive sentence, appearing as a series of faint, connected characters.

LECTORI BENEVOLO

S. P. D.

DANIEL BEDBER.



Biennium impræsentiarum elapsum
est, cum luci publicæ exposuimus
CLAR. VIRI. S. VAN TIL *Ho-*
miliæ Catecheticae & Festales, & quæ
illis additæ sunt, Tunc editionem
Commentariorum ad Auctoris Metho-
dum concionandi, præter alia opera,
maxime polliciti sumus. Verum primos labores im-
pen-

pendimus Auctoris nostri *Analyticis operibus*, quæ nobis Sacras Literas aperiunt, & doctioribus non ingrata fore novimus. Certum atque deliberatum mihi erat illud opus desideratissimum cum erudito orbe primum communicare: at flagitantibus & monentibus Viris Celeberrimis, qui summo cum applausu in patriæ nostræ Academiis primariis Sacra profitentur, & Clar. VAN TIL, *Methodum concionandi* docent, ingeniosissimis suis ac summam eruditionem sapientibus dictatis illustant, poliunt atque confirmant, hosce *Commentarios* quoque prelo subiecimus Tironum in commodum, quibus contigit sub tantorum Virorum ductu ad cathedram ecclesiasticam formari ac fingi. Duo hæc opera sunt, quæ aliquamdiu prelum exercuerunt, sed iis amplius vacare prohibuit Germana editio horum *Commentariorum*, quam procuravit Vir Clarissimus *Fridericus Grimm. Eccles. Reformatae Hanov. Inspecto .P. Prim. &c.* Quæ non sine damno Typographi nostri in tabernis librariis prostat. Queritur Cl. Editor, Se incidisse in *manuscriptum satis impurum*, adeo ut Ipsi *Augiæ stabulum repurgandum fuerit*, verum nos dolemus, hunc Virum laboribus suis publicis & privatis tot temporis detraxisse in paranda editione, tot vitiis scatente; quorum numerus haud parum augetur Auctoris nostri *Bibliotheca Theologica*, quam hisce valde depravatam, sua quoque auctoritate

tate, cum stricturis addere jussit. De isto labore differens Cl. Editor, autumat *alios minus necessarios Germanis eradi, alias non minus utiles addi posse.* Quorum librorum indicem Virum illum ex sua penu depromere posse, nemo forte inficias ibit; neque Clarissimus VAN TIL, si in vivis esset, ambigeret de eo. Sed sciendum est, Auctorem illam *Bibliothecam Theologicam* aliquot abhinc annis Discipulorum suorum in usum delineasse, nil minus spondentem, quam tam accuratam *Bibliothecam Theologicam* adumbrare, cui in commodum Germanorum, addam modo Belgarum, non quidam libri immisceri, aut alii substituti possent. Tales notatos inveniet B. L. in *Bibliotheca Theologica*, quam ex Cl. Auctoris ore in chartas coniecimus ante hos novem admodum annos, & hisce *Commentariis ad Methodum concionandi* subjunximus. Opus non quidem omnibus numeris absolutum, sed cui posteriores curas tamen adhibuit Auctor: de quo, dum postea differere debeam, hic tantum præmoneo, Auctorem nostrum nil aliud in animum induxisse, quam Discipulos suos introducere ad cognitionem illorum librorum, ex quibus *Bibliothecam* instruere possent, qui Interpretes Sacrae Scripturae & Oratores Ecclesiae aliquando agerent, ne Magistrorum aut aliorum Virorum orationibus populum erudirent, aut ad Locos communes Theologiae, Concordantias, Le-

xicographos, & simile genus librorum, tanquam sacras anchoras perpetuo concurrerent. Ex purioribus fontibus sapere amabat Auctor, eorumque Virorum opera evolvenda esse monebat, quæ ad veram eruditionem acquirendam, nobis via n. pandere satagunt. Et quid mirum! Apparatas atque ex omni parte consentientes orationes diligebat, illasque varietate distinguere ac dolare suis Discipulis præscribebat. Quibus ne desiderata deficerent, quosdam, non omnes, Auctores indicare voluit, qui iis prodesse possent.

Tractatus, quos *Commentariis ad Methodum concionandi* suffixos, & *Bibliothecæ Theologicæ* præfixos videris, sunt quoad potiore partem isti, de quibus Auctor in *Opere concionandi* commemorat, adeoque hos non ingratos fore putabam iis, qui hanc Auctoris *Concionandi Methodum Commentariis illustratam* manibus terent, ut ad Ejus dictata orationes suas componant. Iis præprimis invidere nolui *Tractatum de Formulis loquendi*. Quo consilio & in quem usum Auctor illam dissertationem delineaverit, in præfatione Ipse aperuit: quæ conferri potest cum iis, quæ cap. i. part. i. i. *Methodi concionandi* leguntur. Ad quod caput commentarios dare, dum valetudo adversa & postea mors prohibuerunt, illum defectum hic *tractatus* quodammodo supplere potest.

Hermeneutica Scripturæ Propheticæ, methodo Mathematica
de-

demonstrata audit dissertatio subjecta. Eam delineavit Auctor, ut *Prophetarum filios de sensu Prophetiarum vero redderet persuasissimos*, atque haberent *exploratam* viam, juxta quam Scripta Prophetarum analytice ad scopum Vaticinantium resolvere ac demonstrare disce-
rent. Qua occasione hanc dissertationem formaverit, conclulio *opusculi* nos erudit, & ad illud provocare videtur Auctor lib. 1. cap. v. §. 7. *Methodi concionandi*.

Halce dissertationes excipit *Specimen supplementi in Clarissimi Abrahami Gulichii Theologiam Propheticam*. Labores hujus Viri magno in pretio habebat Auctor, atque Cl. Gulichium morte erudito orbi intempestive ereptum fuisse conquerebatur. Erat enim ille, cujus studia in eruendis Prophetarum scriptis Magno Coccejo placuere, qui non tantum calculum ejus cogitatis adjecit, sed & stimulos addidit, ut pergeret vaticinia utriusque Testamenti inter se conferre, & in certam seriem digerere. Quam feliciter sub ductu Cl. Cocceji eo in studio perrexerit, & quam egregie id in pluribus præstiterit Cl. Gulichius, omnes norunt, qui ejus scriptis utuntur. Imo lugent Prophetarum filii, Deum huic Viro non permisisse vitam, usque dum telum absolverit. Sed hæc fere est studiorum infelicitas, ut optimi Viri immatura morte abripiantur, antequam in lucem ediderint ea, quibus congerendis & conficiendis magnam ætatis par-

partem dederint. Hoc dum evenit quoque Cl. Gulichio, *Articulos Temporum ad finem perducere nequit, ut in Commentariis ad Methodum concionandi. part. 11. cap. 11. §. 3. lit. e. monuit noster Auctor, addens, se specimen exhibuisse, ut viderent Tirones, quomodo ex fragmentis Gulichii operis totum suppleri posset.*

Hoc specimen, ab Auctore olim abalienatum, per paucis Ejus Discipulis innotuit; apographum nihilominus nactus, dum in Academia versabar, illud bis exscribere jussi. Exemplar, quod tum Cl. Auctori suppeditabam, post Ejus fara iterum in manus incidit meas; verum ex eodem apographo & eadem manu descriptum, adeoque pro uno codice habendum. Frustra compellavimus tales Viros, qui Auctoris nostri cogitata admirantur, & inter *κειμήλια* reservant, dum ne unum quidem exemplar detegere potuimus; quo tamen summopere indigebam cum ob depravatum codicem, tum ob characteres, quos amanuensis adhibuerat in exprimendis Cl. Gulichii dissertationibus, ad quas noster Auctor sub istis signis identidem provocat, & quibus notis articulos suos claudit. Characteres illos referendos esse ad duos tractatus Cl. Gulichii, exstantes in Parte II. ejus *Theologiæ Propheticae* & hic detegere debeo. Prior tractatus audit *Oeconomia Temporum*, & compositus est ex *Ultimis Moysis, Cantico Salomonis, Daniele, & Apocalypsi*: posterioris vero

vero titulus est , *Oeconomia temporum Veteris ac Novi Testamenti* , secundum *xii. minor. Prophet. prædictiones.* Uterque tractatus in duo dispescitur capita , & ambo posteriora sunt , quæ Auctor in hoc *specimine* adduxit. Tractatum ordinem sub lit. *α. & β.* designatum reperiet Lector.

Huic *specimini* adjunximus dissertationem , quæ Auctoris nostri auctoritate nuncupata est *Analytica & paraphrastica elucidatio sermonis Paulini, in Synagoga Antiochiæ Pisidiæ habiti, ad locum Actor. xiii. vers. 16-41.* Reticet de hac quidem Auctor in *Methodo concionandi & Commentariis* suis; sed plurimos non inferioris subsellii Viros dudum hanc desiderasse dissertationem non me latebat: quibus dum in hisce satisfacere studeo , non ingratum fore Tironibus duco, quod in lucem protraham talem dissertationem , quæ locum egregium, sed admodum vexatum, a multis suggillationibus vindicat & explicat. Observabunt & studii analytici cultores in hac dissertatione , qua methodo noster Auctor loca controversa ad analysin , & scopo loquentium aut scribentium formatam , revocaverit, ut ostenderet , quam erudite & nervose dogmata nostræ Ecclesiæ defendere ac vindicare ille satagat , qui ad studii analytici interiora penetraverit.

Denique subjunximus *Bibliothecam Theologicam*, quam Auctor in tres partes dividere constituit , ut ipsi tituli

**

pro-

probant, & non pauci mecum ex ore Ejus perceperunt: verum institutum illud expolire tunc feriæ stativæ & postea fata vetuerunt. Hoc opus, etiamsi ut fragmentum vobiscum communicamus, utilissimum tamen fore Tironibus persuasum est mihi, dum auctores, & utilissima opera non tantum indicat Auctor, sed & simul optimum usum plurimorum ostendit. Insuper aperit studiorum progressus, & quomodo talium virorum scriptis Theologiæ studiosi sua fundamenta exædificare & ornare possint. Occasiones identidem detegit, quibus plurimi libri conscripti sunt, & in iis Tirones ea offendent, quæ frustra alibi quærerent. Hisce accedit, quod *Bibliothecam Theologicam* ita concinnaverit Auctor, ut simul doceat, quas partes *Sciagraphiæ Antiquitatum Hebraicarum*, & *Sciagraphiæ Theologiæ Paracletiæ* isti libri explicent aut illustrent. Quam utilitatem autem hæc præstare possint, non meum est prædicare.

Sed harum *Sciagraphiarum* dum toties mentionem fecit Auctor, non tantum in *Bibliotheca*, verum & in *Commentariis ad Methodum concionandi*, multi rogabunt causam, quæ me cohibuerit ab harum editione, illos scire volo, me in illorum Virorum sententiam ire, qui judicant *Sciagraphias* non esse divellendas a partibus, quas Auctor ipse elaboravit, & aliquando, Deo annuente, lucem aspicient. Interim velim, quod ingrata & perfida manus non diripisset tot ac tantas

tas analyses concionum, ut vocare solebat Auctor, quibus exquisitas partes *Theologiae Paracleticae* complexus est: aut ut hujus thesauri possessor tandem cogitaret de spolio illo restituendo, ut in Ecclesiae commodum specimen perfectae *Theologiae Practicae* cum ejus doctoribus ac membris communicari posset. Vivimus enim ea tempora, quibus inter desideratissima doctiores recensent cognitionem *Theologiae Practicae*, quae omnibus numeris absoluta esset; atque talia hujus doctrinae fundamenta aperuisse nostrum Auctorem non difficile est conjicere ex *Sciagraphiae* fragmentis, quae in plurimorum potestate sunt, ac iis, quae in scriniis supersunt & praedonis manibus elapsa sunt.

Ast nimis diu te hic detineo L. B. dum adhuc narrare debeo, quam rationem in procuranda hujus voluminis editione habui, omissis iis, quae editioni *Homiliarum Catechetarum & Festalium* praefiximus. *Methodus concionandi*, cujus novam editionem tibi exhibet Typographus noster, concinnata est ad ultimas editiones hujus libelli: quibus dum sublata erat studendi methodus, olim cum studiosis Gymnasii Dordraceni communicata, etiam illam in hac editione omittendam esse judicavi: nullus dubitans, quin Auctoris mandato id factum sit, Qui & alia mutavit istis in editionibus; ut illi constabit, qui modo

modo collationem exemplarium instituere velit. Deprehendet talis investigator Auctorem nostrum §. 3. cap. 111. part. 11. in recentioribus editionibus memorare opus suum, quod *Atrium Gentium* nuncupavit & sex fere annis post primam *Methodi concionandi* editionem luci publicæ exposuit. Non levis quoque occurrit mutatio §. 2. cap. v. part. 11. ubi Auctor docet quænam illi observanda sint, qui feliciter de *virtute aut vitio*, quando ut *thema simplex* occurrit, disputare velit. Illas immutationes ab Auctore profluxisse omnes colligere possent ex instituta collatione, atque eos confirmabunt *Commentarii*, quos noster Auctor ad posteriorem locum dedit juxta illum ordinem, quem in ultimis editionibus offendimus. Mutilata itaque non prodit hæc editio, quum modo ea prætermisimus, quæ Auctor ipse sustulit. Cujus annotationes, quas manu sua adjecit primæ editioni, consilium hoc quoque suaserunt. In limine vero istius codicis manu Auctoris exaratum quoque occurrit propositum, ad quod aspiravit in *Methodo concionandi* elaboranda, & *Commentariis* illustranda: quibus verbis dum involutum experiebamur fructum, quem sibi spondere potest, qui hos labores perscrutatus fuerit, non dubitavimus ea describere & vobiscum communicare, prout in codice leguntur.

Tria

Tria mihi sunt peculiariora observanda.

- I. Regula proportionis, quam exigit præceptum de concione intra horam absolvenda, & dirigit ratio finis ut scopo tamen maxime satisfiat: quare minus inhaerendum est rebus, a scopo remotioribus. Artificium ergo exigit vela contrahere, ubi proportio exigit; quod valet stylus Laconicus, & amplificatio omissa.
- II. Regula subordinationis. Cum in explicatione, tum in applicatione.
 - A. In priori casu fugere debemus vocum significationes multiplicatas, & temerarias explicationum rejectiones, cum componi possent.
 - B. In posteriori: applicationes revocandæ sunt ad unum punctum, in basi applicationis ita proponendæ, ut ceteræ observationes particulares ad suos usus & loca referantur.
- III. Usus Apodicticus in historicis & prophetis. Qui mihi novam partem facit in pluribus concionibus.

Adde Methodum deliberativam in prophetiis occultorum subjectorum. Hinc observandum ut prophetiæ V. T. tantum in expositione confirmantur ex V. T. atque articuli spei ex parallelis V. T. non aliter ac si nobis tunc res esset cum Judæis.

Commentarios ipsos quod attinet, non paucis in locis corruptos, ut & auctorum tam sacrorum quam

aliorum loca in nostris codicibus continue deformatata reperimus. Et quid mirum? Tirones hæc dictata in chartas coniecerunt, non Auctor, Cui mos fuit pauca adnotare in schedulis & ea in collegiis amplificare. Hinc est, quod perpauca supersint manu Auctoris exarata, quæ tamen assidue consulimus, & ansam dederunt quædam temerata restituendi. Justinus Martyr inter illos est, quos Auctor sæpius citavit, & ad cujus auctoritatem in primis provocat pag. 199. Ubi ipsa verba Justiniani recensens usus est editione, quam eruditus orbis debet Joanni Ernesto Grabe, cujus obitum nostræ Græcæ literæ lugent. Ast illa editio ad manus non erat, quum illum locum prelo committerem, adeoque Langi versionem, quam castigavit Sylburgius, potius describere, quam inconsulto Auctore locum illum typis excudendum tradere volui. Quam rationem & in aliorum auctorum locis quoque secutus sum.

Parti secundæ horum *Commentariorum* quando manum admoverem, constituebam analyses tantummodo illas adponere, quæ inter editas *Homilias* non reperiuntur; consilium autem mutavi, & addidi illas ipsas, quas hisce *Commentariis* immiscuit Auctor, cumprehenderem hinc illinc quædam mutata, & alia addita esse. Reolebam quoque,
Aucto-

a procuranda editione, in qua errores Actoris in-
numeris editoris naëvis augentur, hic profiteri non
dissimulo. Neque negare possum in hac editione
me aliquantum discessisse a consilio, quod olim ce-
peram, & leges aliquoties transiisse, quæ modum
definiunt illis, qui defunctorum monumenta orbi
literato exponunt. Sed nullus dubito, quin facile
id mihi ignoscerent, qui perpendent, qua occasio-
ne & in quem finem hæc dictata discipulis suis de-
derit Auctor, & quo animo nos editioni manum
admoverimus. Quæ autem nunc e carceribus preli-
emittimus, limatiora forte prodiissent, nisi præfe-
stinans prelum id interdixisset, adeoque vitia, quæ in
librorum inscriptionibus & commentariis nimia fe-
stinatione relictæ sunt, incuria typothetarum aucta,
si tollere velis B. L. & conatibus nostris favere
pergas, erit quod gratulabor. Dabam Almeriæ ipsis
kalendis Octobris Ann. Aer. Vulg. mdccxvi.

CON-

CONCIONANDI METHODUS

Clarissimi Viri

D. SALOMONIS TILLII

Τῷ μακαρίῳ,

cum eam plenius luci publicæ concederet

REV. D. DANIEL BEDBER

Ecclesiæ Alcmarianæ Antistes vigilantissimus.

Delphica fatidici sileant oracula ditis,
Et redeant conjuncta suis nova flamina flammis,
Æthereis rutilis descendat ab arcibus imber,
Spiritus altisonus pia pectora lampade lustrat,
Confusumque Chaos meditantis dirigat æstus,
Ne vaga conspurcent, atque indigesta cathedram,
Ne quid, inexperto, quem occidat, & excidat ore,
Non sua, sed Domini dictata & verba loquatur;
Eloquii prægrande decus! nil scire, quod Auctor
Non chartis mandare suis, quod scire negavit
Omnipotens sacris scriptoribus atque prophetis;
Quodque revelatum est Methodo disponere, ut ordo
Luceat, ex dictis Deus ordinis inveniatur.
Pulpita sic resonent, ut permulcere, movere,
Persuadere queat plenus gravitate serena,
Exonerare pios modo, nunc onerare nocentes;
Multiplicata loqui non verba fluentia cursu;
Pondera sed rerum, quæ mens intendit, acervet,

Entheas

Enthæa, temporibusque suis magnalia vatum
Aptet, ut attentis velut os cœleste locutum
Dixeris, atque aderit facundæ gratia voci.
Hæc limata suo ingenio clarissimus adfert
TILLIUS, eximium cunctis laudabile nomen,
Proh dolor! extinctum, sed adhuc lacrymabile bustum,
Cui tragicos lessus Lugdunum immurmurat urnæ
In censum, Libitina, tuum quæstumque redactæ.
O utinam! liceat manes excire sepulcro!
Sed quid id optabo? nam spe frustrabor inani.
Vivit, & in scriptis manet immortale superstes
Nomen, posteritas, serum & mirabitur ævum.
Non probitas tuta est, manet haud tuta Ægide Pallas,
Et Lachesis dominatur, & ejus falce secatur.
FABRITII tantique viri mœrentia mulcent
Pectora totius celeberrima lumina mundi.
BEDBERIO meritas dignas persolvere grates
Non opis est nostræ, *κεφάλια* tanta reservans
Non dubitat mandare typis, neque is invidet orbi,
Et solida Methodo indoctos doctosque beabit.

JACOBUS HOOGHCAMER.

Ætatis anno LXXVII.

GYG-

G Y M N A S I I D O R D R A C E N I

Studiosis Ornatissimis &
præstantissimis.

 *uam a nobis serio flagitastis , O. & P. D. D. Studiosi, concionandi Methodum , quæ vobis sit manu ductio ad Cathedram ecclesiasticam, typis excudendam tradidi, quia sine methodo (quæ est memorie mater, laboris compendium, & studiorum gratissimum condimentum) cum nemo unquam feliciter artem oratoriam tentaverit, & nostri muneris esset omnia pro viribus præstare, quæ ad exascianda vestra studia requirebantur, e re vestra fore putavimus, quæ alibi utilissima formandis concionibus præcepta occurrerant, succinctis præceptis contrahere, & quas ipsi concepimus hermeneutices disciplinae leges illis inferere, addendo quæ præter dispositionem etiam ad inventionem spectant non contemnenda monita.*

Brevia & succincta sunt fateor, quæ vobis proponimus, verum in privatis collegiis plenius deducenda, & exemplis illustranda: ut postea rebus intellectis, intra horulam totius artis rationem vobis repræsentare, & ita omnia firmitus animo imprimere possitis; ad ipsam compositionem concionum feliciter tentandam: quod tum demum cum fructu auspicandum est, quando jactis Theologicæ cognitionis fundamentis, vobis non desit de rebus fidei differendi materia & judicium.

S Y L L A B U S.

- I. METHODUS CONCIONANDI.
- II. COMMENTARIUS AD METHODUM CONCIONANDI.
- III. TRACTATUS BREVIS DE FORMULIS LOQUENDI, AD STYLUM PRO CATHEDRA ADORNANDUM.
- IV. HERMENEUTICA SCRIPTURÆ PROPHETICÆ, METHODO MATHEMATICA DEMONSTRATA.
- V. SPECIMEN SUPPLEMENTI IN CLARISS. ABRAHAM. GULICHII THEOLOGIAM PROPHETICAM.
- VI. ANALYTICA ET PARAPHRASTICA ELUCIDATIO SERMONIS PAULINI, IN SYNAGOGA ANTIOCHIÆ PISIDIÆ HABITI, AD LOCUM ACTOR. XIII. v. 16—41.
- VII. BIBLIOTHECA THEOLOGICA.

PARS

P A R S P R I M A.
 D E
 METHODO CONCIONANDI
 I N G E N E R E

C A P. I.

COMPREHENDENS OBSERVATIO-
 NES QUASDAM GENERALES

§. 1. rs concionandi inter disciplinas practicas censenda est, quæ tradit Methodum verbum Dei rite explicandi, dextreque applicandi, una cum artificio ornatæ pronunciationis, ad ædificationem ecclesiæ Christi in fide, spe & charitate comparatam.

§. 2. Aliæ proinde sunt regulæ, quæ spectant concionis *dispositionem*; aliæ vero, quæ tradunt ejus aptam *enunciationem*, qua conceptus nostros circa mentem Spiritus Sancti in sacris literis loquentis, in ordinem reductos ad captum auditorum *emphatice & pathice* proponere conamur.


§. 3. Concionis dispositio quatuor membris absolvitur: *Exordio, Præparatione, Explicatione & Applicatione.*

§. 4. Elocutio requirit stylum convenientem, nec non vo-
 (a) cis

cie & gestuum proportionatum moderamen, quæ requiruntur non tantum ad excitandas veras & claras in auditoribus rerum enarrandarum ideas: verum etiam, ut παθήματα animi (quousque ad majorem mentis attentionem conferunt.) moderate tamen excitentur; nimia enim παθήματα iudicium magis corrumpunt, quam juvant; quare ista potius scenis & theatris committimus.

C A P II.

D E E X O R D I O.

§. 1.  xordiorum scopus in antecessum probe expendendus est, quia *conditionum est regula atque norma*; illud vero alium in finem oratores non invenerunt, quam ut attentionem præpararent, & jucunditate quadam appetitum in auditoribus excitarent.

§. 2. Ac proinde ejus condiciones sunt.

- I. Ut auditorum animos legitimo processu, sine ullo saltu, aut hiatu, in argumentum pertractandum introducat: ita tamen ut exordium tuum non sic longe petitum, neque etiam nimis speciale; quæ duo extrema plane sunt evitanda.
- II. Quoad *argumentum* quoque exordium *debet esse jucundum*, intellectum auditorum sua suavitate aut gravitate ad arrectionem aurium excitans.
- III. Quoad *stylum* *debet perspicue & concisis* proponi periodis, quo intellectus erudiendorum majori rerum copia impleatur; alias enim magis inertes quam diligentes præstat auditores.

IV. Quo

IV. Quoad *deductionem*, debet esse *brevis*, ne iterum auditores in expectatione defatigemus, & inutile temporis dispendium evitemus.

V. Quoad *elocutionem*, *submissiori*, sed tamen *satis gravi pronuntiatione*, corpore bene composito & sedato *pronunciandum est*; ita tamen, ut quantum fieri potest, ab omnibus audiatur: alias enim scopo excidit concionator, qui erat attentionem excitare.

§ 3. Hoc Exordium desumendum est, vel

I. *A generali*, ut, invento textus scopo ex connectione profluente, hinc nobis formemus axioma scopum explicans, aut connexionem exhibens: & dein assurgendo concipiamus axioma aliquod generalius, sub quo illud particulare possit comprehendere; ita enim facillime in executione a generali descendimus ad specialius.

II. *A simili*; verum ut hoc casu exordium auditoribus sit pergratum, similitudo illa desumenda est, vel *ab Emblemate* aliquo, sive sacro, sive profano; vel *a typo Veteris Testamenti*.

III. *A contrario*, atque tunc axioma exordii præliminare oppositum est axiomatici ex scopo aut connectione confecto.

IV. Aliquando etiam, sed raro, *ab occasione temporis* exordiendum est, in quo explicamus, quid prudentia temporibus illis extraordinariis pertractare dicaverit.

§ 4. *Partes Exordii*, per quas deduci debet, sunt,

I. *Basis*, comprehendens

A. Axioma illud præliminare, concise per modum sententiæ nervosæ, aut aliquo sacrae scripturae dicto proponendum: vel

(a 2)

B. Etiam

B. Etiam typi aut emblematis brevem historiolum, illa prudentia propositam, ut comprehendat omnes circumstantias, illasque solas, quæ textui legitime accommodari & applicare queunt.


II. *Deductio*, quæ in Exordio axiomatice requiritur, fieri potest elegantiori sed breviori ratiocinio, aut illustrari succincta paraphrasi, & nonnunquam etiam uno aut altero exemplo. Verum in Exordio typico & Emblematico post basin historicam instituere debemus collationem typi cum antitypo, & utriusque ostendere analogiam, illas servando ultimo loco analogias, quæ scopum textus maxime feriunt.

III. *Conclusio*, quæ est ipsa Exordii ad textum accommodatio, in qua asserimus & ostendimus, nunc hoc ipsum a Spiritu Sancto in textu nostro proponi & pertractari: quod tamen non debet abrupte fieri, sed isto verborum selectu, qui verba baseos facit quasi colliquescere cum verbis textus.

§ 5. *Methodus* inventionis Exordii optima est, ut de eo inveniundo deliberemus, postquam totam concionis compositionem absolvimus, aut saltem ad basin applicationis perduximus; quia nunquam clarius perspicimus axiomatis particularis complexum (quod totum textum exhaurire debet) quam cum in fine explicationis omnia colligimus ad scopum; tunc enim concludimus in hoc ipsum axioma, quod requirebamus.

CAP. III.

DE PRÆPARATIONE.

- §. 1.  *ræparatio* est secunda concionis pars explanationi præambula, quæ auditorem præparat ad orationis intellectum, quem exordium præparaverat ad attentionem.
- §. 2. Hujus præparationis tres sunt distinctæ partes.
- I. Ostensio cohærentiæ.
 - II. Propositio.
 - III. Divisio.
- §. 3. *Cohærentia* ostenditur, quando assignamus causam dicendi & occasionem, quam Spiritus Sanctus habuit, cur selectam pericopam, aut sententiam isto in loco collocaverit, atque adeo spectat ad considerationem Methodi & digestionis rerum.
- §. 4. Hæc cohærentia, ut a nobis facilius inveniatur, semper tenenda est totius libri brevior analysi ex scopo confecta, & considerandum, ad quam partem generaliore locus pertractandus spectat, ut ita, quænam deducenda aut demonstranda erant, felicius teneremus.
- §. 5. Deinde expendere oportet, num textus pertractandus occurrat, ut *nova propositio*; an vero propositioni subordinetur, tanquam *particula deductionis*: ubi prudentia logica adhibenda est ad discernendum, an illa *deductio* se habeat per modum illustrationis & amplificationis; an vero per modum argumenti, positionem aliquam confirmantis; num vero comprehendat oc-

cupationem objectionis, qua præjudicium aliquod veritati oppositum auferri debuit.

- §. 6. Inter varias *positiones* primarias observanda est cohærentia rerum; nec non obiter ostendendum, quænam sit subsequentiū positionum series & legitimus processus.
- §. 7. Si *positionis* alicujus comprehendat *illustrationem*, monendus est auditor, post positionis illustrandæ indicationem, ex quo loco, aut ex qua similitudine illustratio illa desumpta sit.
- §. 8. Si textus comprehendat *argumentum*, monendus est auditor, quam propositionem sibi demonstrandam proposuerat Spiritus Sanctus, & quibus argumentis hætenus eam demonstrationem tentaverat, ac tum subjungendum est, ex quo fonte præsens argumentum sit depromptum; abstinendo tamen a demonstratione efficaciz argumenti, quæ explicationi subjungenda est, quia supponimus, textum nondum plenario intelligi, nisi post absolutam explicationem; ac proinde efficaciam argumenti intellectum verborum sequi oportet.
- §. 9. Si autem *objectionis* occurrat quædam *occupatio*, post repetitam positionem defendendam, accedendum est ad præjudicium, quod sibi auferendum proposuisse sacrum scriptorem monere debemus, & simul ostendere, ex quo fonte sibi respondendum esse existimaverit, demonstrationem efficaciz responsionis quoque servantes ad *inducendum*, explicationi verborum subjungendam.
- §. 10. Cavendum tamen, ne cohærentiam illam nimis longe petamus, cum sufficiat assertionem primariam proxime præcedentem considerasse, & in ejus enunciatione

tione verbo assignationem scopi generalis involvisse.

§. 11. Secunda pars præparationis est *propositio*, in qua tria sunt observanda, argumenti commendatio, selectus consilium, dispositionis ratio.

§. 12. *Argumenti commendatio* ad captandam benevolentiam facit, atque rei pertractandæ cum dignitatem tum utilitatem verbo aperit; exponens ut argumentum satis nobile cum fructu in memoriam denuo revocetur, aut a vulgi cognitione remotum ad fidei, spei, aut interioris pietatis profectum distinctius veniat nunc inculcandum. Notandum tamen; illam commendationem non semper & ubique locum habere; sed quando repetitio rei satis cognitæ justificanda est, aut argumentum pondus habet.

§. 13. *Selectus consilium* aperiendum quandoquidem, ut scopus & ratio oratoris manifestetur. Locumque habet in textibus solutis & avulsis, non autem in continuatis, totum librum aut caput in suo coherentia exponentibus, & sapientiam Spiritus Sancti in sua connexionem eruentibus. Si quis ergo Systema Theologiæ didacticæ, aut paracleticæ, vel etiam propheticæ, sive etiam ejus partem ad textus selectos velit exponere, propositionis loco poterit rationem translationis ab uno argumento in aliud cum auditoribus suis communicare. Aut si temporis ratio moverit argumentum tale enucleare, propositio indicare poterit ansam pertractationis, & quam opportune atque ad rem futura sit materiæ indicatæ meditatio, aut excussio.

§. 14. *Dispositionis ratio* si sit ad levamen attentionis exponenda, moneantur auditores, qua methodo proposuerimus totam concionem absolvere; promittentes
post


post explicationem verborum peculiarem *ἰνδύξιν* ad scopum & efficaciorē applicationem: aut si textus propheticus est, monentes repræsentamen implementi explicationi subjungendum fore, & omnia ad pietatem applicanda; quæ quidem rerum divisio est toti pertractationi accommodata, sed a divisione analytica verborum probe distinguenda.

§. 15. *Divisio* analytica tertiam constituit præparationis partem, cujus conditiones sunt:

- I. Ut partes ejus sint, quantum fieri potest, paucissimæ; ne potius confusionem, quam distinctionem in auditoribus excitent.
- II. Ut totum exhaustiant textum, nec plus nec minus contineant.
- III. Ut singulas particulas sub suis capitibus juste comprehendant, ne, quæ videntur spectare ad hanc classem, in alienam transferantur.
- IV. Ut singulæ partes justas accipiant denominationes, quæ tanto erunt perfectiores, quo magis exprimunt cujusque partis scopum & rationem: ut vel eopse auditor intelligat, in quem finem & ad quem usum dicta illa adhibeantur.
- V. Ordinem potius retineamus naturæ, quam verborum, ut sic videamur a primis cognitis adscendere ad alias veritates, quæ exinde profluunt & natura minus cognitæ sunt.

CAP. IV.

DE EXPLICATIONE TEXTUS IN GENERE.

§. 1.  xplicatio, cujus scopus est lucem foenerari textui, alia est *verbalis*, alia *realis*.

§. 2.  Verbalis iterum est *Grammatica* aut *Rethorica* : quod attinet explicationem verborum aut phrasium *Grammaticam*, illa solummodo requiritur,

I. Quando vox aut phrasis est *obscura*, id est, nostris auribus infueta.

II. Aut *controversa* : sive dissensus sit inter Theologos orthodoxos : sive etiam inter doctores Ecclesiæ & adversarios, quo in casu incumbit nobis necessitas alienas significationes removendi, antequam ad veram stabiliendam accedimus.

III. Aut *emphatica*, quando vocabulum aut phrasis peculiarem habet efficaciam, subjæctæ materiæ convenientem.

§. 3. Extra hos casus non facile veniendum est ad excutiendam significationum varietatem ; quæ enim clara sunt & extra controversiam posita explicatione non indigent : neque etiam, quæ sua absurditate corruunt, auditoribus ad nauseam obtrudenda sunt, utpote quæ tutius oblivioni traduntur, quam ingeminentur.

§. 4. Ad discernendam commodam vocum & phrasium acceptionem ab incommoda

I. In vocibus & phrasibus obscuris in consilium adhibere oportet linguæ genium, populi mores, lin-

(b.)

guas

guas orientales vicinas, & quidquid studium Philologicum suppeditat.

- II. Ubi utriusque sensus est in controversia, vocisque usus varias significationes admittit, erroneæ applicationes ex eo convincendæ sunt, quod sensum absurdum inferant, aut saltem analogiæ fidei & morum contrarium; vel etiam ex scopo, contextu, & aliis textus circumstantiis convellendæ: cavendo tamen, ne ad controversiæ pertractationem descendamus, contenti dixisse, ad quem errorem palliandum adversarii verum sensum in alienum defleant.
 - III. Si emphasin vocabuli requiramus, eo collimandum est, ut ostendamus, cur hac voce aut phrasiologia potius usus fuerit Spiritus Sanctus, quam alia; quod ex scopo dicentis expendendum est.
 - IV. Quando plures significationes scopo conveniunt, considerandum est, an non sibi invicem subordinari queant, aut saltem considerari tanquam per *σύναντη* acute dicta & utrimque ferientia: in quibus prudenter agendum est. Vide nostram Introductionem ad script. prophet. p. 1. cap. 6. § 15.
- §. 4. *Rhetorica* autem explicatio, cujus est tropicam significationem a propria discernere, & rationem figuratæ dictionis tradere, locum habet.
- I. Quando ipsa rei natura propriam vocis aut phrasiologiæ significationem respuit.
 - II. Quando sacra scriptura alias a contradictione liberari non potest.
 - III. Quando historia & rerum eventus ob defectum implementi literalis figuratam significationem exigit.

§. 6. Hic autem omnis pertractatio versatur circa analogiam rei figurantis cum re signata; ubi proinde oportet concionatorem probe perspectas habere omnes figuræ proprietates ex puriori philosophia & antiquitatum historia deducendas, omittendo tamen illa omnia, quæ rei figuratæ applicari nequeunt, aut quæ videri possent obtorto collo huc pertrahi.

§. 7. In applicatione figuræ ad rem figuratam accurate attendere debemus ad stylum & modos enunciationum, quæ perpetuo alludere debent ad proprietates figuræ antea descriptæ, ut utriusque convenientia melius pelluceat; deinde ne multitudo collationum auditores obruamus, reducendæ sunt ad classes generales, sub quibus alia subordinari possunt.

§ 8. Post explicationem verbalem sequitur *realis*, quæ tribus partibus absolvitur, aut enim

I. Rem illustrat & aperit per definitiones, & substitutiones vocabuli usitati pro inusitato & catachrestico, seu proprii pro tropico, aut magis perspicui pro obscuriori: quibus adde similitudines. Vel etiam per deductiones a notiori ad ignotam, secundum consuetudinem Mathematicorum.

II. Aliquando ostendit amplitudinem rei per partes: aut si sit actio, quam thematis simplicis instar consideramus, per varios exsequendi modos, quæ duo oratori aliquando amplum differendi campum aperire possunt.


III. Tandem confirmat, mentem adsignatam & rei naturam explicatam convenienter Sacræ Scripturæ & rationi fuisse propositam; ubi novus campus aperitur ad rem deducendam per argumenta artificialia & inartificialia.

§. 9. Attamen cavendum est ,

- I. Ne explicationes reales alienæ & obsoletæ hic revocentur.
- II. Neque etiam excurramus in locos communes , aut cum adversariis in plenarias controversias.
- III. Neque etiam in deductione a notiori ad ignotum semper rem a primo principio exordiamur : quia aliquid in auditoribus præsupponendum est ; alias enim eadem principia ad nauseam usque semper recurrunt.
- IV. Neque etiam argumenta inartificialia vera auctoritate carentia adducenda sunt , utpote ad pompam magis & inanem ostentationem , quam ad solidam populi Dei eruditionem spectantia , atque ita rejicimus Patrum antiquorum & Theologorum in cathedra jactata nomina.

C A P. V.

DE EXPLICATIONIS PARTIBUS IN SPECIE.

- §. 1. um omnis oratio explicanda constare debeat ex unica aut pluribus enunciationibus , & quælibet enunciatio componatur ex *subiecto* , *prædicato* & *copula* , cui copulæ nonnunquam plura alia adhærent , videndum nunc porro , quid de singulis statuendum sit , ut vera lux textui inferatur ; ac dein progrediendum erit ad cujusque enunciationis nexum cum præcedentibus.
- §. 2. Ut distinguamus ea , quæ subiecto adhærent , ab iis , quæ ad prædicatum spectant , nec non enunciationem ab enunciatione , inspicienda est textus originalis accen-

centuatio , quæ saltem quoad textum Hebraicum non est negligenda , & quoniam potestas accentuum peculiarem requirit eruditionem , commendamus eum in finem *Wasmuthi* tractatum eruditum & curiosum de hac materia , & qui ejus defectus nuper supplevit, *Andream Reinbeek*.

- §. 3. In subjecti & prædicati enucleatione , quatenus unumquodque ut thema simplex spectatur , vocabulorum significatio nominalis & realis secundum ea , quæ præcedenti capite dicta sunt , debet expendi.
- §. 4. *Subjectum* enunciationis vel unica denominatione, sive propria sive figurato sensu accipienda , vel cum epithetis , aliisque descriptionibus ad subjectum relatis, proponi solet.
- §. 5. Quando subjectum ex unica eademque propria denominatione dependet , de eo parum aut nihil dicendum est, secundum illum canonem, *quæ per se innotescunt, explicatione non indigent* , qualia sunt omnia usu familiaria , ut *domus* , *equus* , *gladius* &c. quæ definienda non sunt , nisi illis aliquid insuetum aut exoletum adhæreat , quæ ex antiquis consuetudinibus obiter illustrentur; neque etiam personæ sæpe recurrentes, *Jesus*, *David*, *Paulus* &c. ubique requirunt *προσωπογραφίαι*, sed solummodo in eo casu , quando sub aliquo peculiari schemate considerantur : sic Exempli gratia , si prædicatum respicit munus Christi propheticum , in subjecto Christus considerandus ut unctus in prophetam : sin vero munus regium , ut unctus in regem &c Reliqua omnia , utpote a scopo aliena , omittenda sunt.
- §. 6. Circa subjectum , quod sola denominatione nobis non innotescit , vel hæremus ob vocabuli ambiguitatem,

tatem, & quæstio incidere potest, quodnam sit subjectum verum; vel hæremus circa ejus latitudinem, & tunc disceptatur, quousque subjectum sit hujus considerationis; vel simpliciores hæsitare possunt circa naturam subjecti, qui informandi sunt, quid sit subjectum, quod hætenus tantum nomine tenus innotuit.

- § 7. Quotiescunque interpretes propter *ambiguitatem* denominationis prædicatum non uni subjecto applicant, paucis sed efficacioribus rationibus erroneæ applicationes convellendæ sunt, & denominatio vero subjecto restituenda: huc pertinet quæstio, an denominatio sensu literali, num vero mystico accipienda sit; videatur hermeneutica nostra prophetica *de inveniendo subjecto*.
- § 8. Si dubium aliquod incidat circa *latitudinem subjecti*,
 I. An considerandum sit sub aliquo schemate & peculiari relatione;
 II. Nec non, an pertineat ad subjectum omnis temporis; num vero ad determinatum aliquem statum & periodum; quæstio quoque decidenda est paucis, & considerandum, an non emphasis denominationis aliquam restrictionem involvat, vel contextus suppeditet.
- § 9. Si rei dignitas, & præsupposita auditorum *ignorantia* requirat, ut ostendamus, *quid sit subjectum*; res per definitionem breviter illustranda est: huc pertinent virtutum & dogmatum claræ definitiones, personarum succinctæ prosopographiæ, locorum, temporum, actionum, &c. pro rei cujusque exigentia determinationes, prout ad hoc aut illud prædicamentum referuntur.

- §. 10. Quotiescunque subjecti denominatio est *emphatica*, non tantum dandæ sunt denominationis rationes, verum etiam hinc eruendum, quare sub isto schemate potius, quam sub alio proponatur.
- §. 11. Si denominatio est *emblematica*, illæ analogiæ præ reliquis considerandæ sunt, quæ explicant attributa prædicatis convenientia, ad prædicatorum intellectum consideratu necessaria.
- §. 12. Quando vero subjecto adhærent quædam *Eplitheta*, aut descriptiones ad subjectum relatæ, præcipua deliberatio esto, quorsum spectent, an ad subjecti ab aliis discretionem; num vero, ad extollendam laudem, dignitatem, excellentiamque ejus; vel contra in ejus vituperium; ubi non diu immorandum in virtutum aut vitiorum &c Explicatione, sed præcipua ratio consideranda est, ob quam subjectum ita extollatur aut deprimatur, ita Ex. gr. Zacharias & Elizabetha vocantur justî, & supponuntur per illam virtutem omnibus innotuisse, non simpliciter ut laudarentur, verum ut constaret, quibus parentibus Christi prodromus convenienter rei sanctitati & dignitati natus & educatus fuerat; attamen postea Simeon vocatur quoque justus, verum longe alio scopo: nimirum ut designaretur qualitas testis, Jesu Messiatum publice profitentis; hæc enim qualitas ad *ætiologia* alicujus testimonii requiritur.
- §. 13. Alterum extremum alicujus enunciationis est *prædicatum*, de quo plura dicenda sunt, quia proprius differentis scopus est, ut in specie illa percipiamus, quæ de aliquo subjecto dicantur.
- §. 14. Prædicatum ergo juxta præcepta de nominali & reali explicatione cap. præced. proposita, accuratissime de-

debet illustrari, idque omni modo (modo non excurremus extra amplitudinem vocabuli aut phrasilogiæ) juxta regulam, *verba significant, quidquid per contextum significare possunt*. Vid. introduct. proph. p. 2. c. 5. §. 4.

§. 15. Hoc saltem cavendum est, ne in exoticis nimis diutius moremur, quando enim ritus antiquos adducimus, non debemus testimonia exotica ibi allegare verbotenus, aut pluribus deducere, quia non pertinent ad cognitionem vulgi, & simplex allegatio ritus eruditus erit sufficiens: aliter autem se res habet, quando illas consuetudines confirmamus ex ipsa Sacra Scriptura, utpote ad quam omnes auditores aditum habent.

§. 16. Quoad explicationem realem prædicati, distinguere oportet materiam prædicati, & distincte considerare, an pertineat ad *questionem juris*, num vero respondeat *questioni facti*.

§. 17. *Ad questionem juris* pertinent plurima dogmata fidei atque morum, quotiescunque prædicata considerantur tanquam attributa, ad constitutionem alicujus rei spectantia, vel ex ejus natura profluentia; qualia sunt genus & species, totum & pars, attributa essentialia & proprietates, nec non causa & effectus, quotiescunque aliquid causatur, vel ex necessitate naturæ causæ agentis, vel etiam ex ejus decentia.

Ubi præter prædicati definitionem ostendere nos oportet, ad quam classem prædicabilium spectent.

§. 18. *Ad questionem facti* explicandam, considerare oportet, an subjectum se habeat ad prædicatum active, an passive: *passive* autem se habet ad prædicatum, quatenus facti enarratio ostendit, quid illi extrinsecus ad-

advenerit; ubi attendendum, an illud factum sit naturale, an vero supernaturale; ultimoque in casu miracula exaggeranda sunt, ostendendo, quomodo naturæ leges excedant, aut an illi eveniant in bonum vel malum, ac proinde habeant rationem aut beneficii, aut poenæ; quæ exaggeranda quoque sunt, ostendendo, quomodo subjectum a beneficiis perficiatur, quantumque illi profint; a poenis autem destruat, quantumque illi noceant. In his casibus notandum quoque, quomodo prædicatum modificetur per dictiones illi cohærentes, quæ ut plurimum adverbialiter enunciantur: ut sapienter, juste, valde &c. quibus viæ Dei justificantur, aut actionum intensiones aut remissiones determinantur.

§. 19. *Active* se habens subjectum ad suum prædicatum, consideratur ut rei gestæ & narratæ causa, quo in casu attendendum:

- I. Ad actionis naturam & exsequendi modum sive processum, qui modus aliquando etiam pluribus dictionibus prædicato adhærentibus accuratius designatur, quod non solum adverbiiis, verum etiam gerundiis & participiis enunciari solet.
- II. Ad facti bonitatem aut malitiam, sive consideretur bonum utile, sive honestum, sive legitimum &c. quæ consideratio requirit actionis in se consideratæ laudem aut vituperium.
- III. Ad actiones, quæ possent trahi in exemplum: ubi prudenter despiciendum, num ex toto, num vero ex parte tantum laudandæ sint; & si quæ vitia ex imbecillitate illis adhæreant, accurate ex suis fontibus detegenda sunt, ne cum reliquis in exemplum trahantur.

§ 10. Subjectum & prædicatum in enunciatione se habent per modum extremorum, quæ logice debent copulari: *copula* vero logica est verbum substantivum *Est*; quod vel exprimitur, vel verbis includitur, nonnunquam etiam per *ἡ* intelligitur: cui copulæ adhaerent quoque variae particulae, naturam enunciationis determinantes; quarum

- I. Aliæ sunt affirmationis aut negationis, quæ nonnunquam includunt affirmationis aut negationis vehementiam, certitudinem & pondus; præcipue quando exprimunt simul animi loquentis *παθήματα*: ita affirmamus aut negamus aliquid cum gaudio aut dolore, cum spe aut metu &c.
- II. Aliæ ostendunt enunciationis quantitatem; quando affirmant de omni aut de aliquo, unde tota enunciatio est universalis aut particularis.
- III. Aliæ sunt *temporis*, atque enunciationis veritatem referunt (præcipue in rebus facti) ad tempus præsens aut præteritum, atque ita comprehendit historiam: vel ad tempus futurum, & tum pertinet ad Prophetias vel ad promissiones aut comminationes divinas.
- IV. Aliæ sunt *circumstantiarum*, & limitant enunciationem, eamque restringunt ad particulares casus, aut ostendunt solummodo rei possibilitatem aut impossibilitatem, contingentiam aut certitudinem &c. intra quos cancellos tota enunciatio inter pertractandum cohibenda est, nisi velimus extra oleas vagari.

§ 21. Enunciatio ita modificata & limitata, *confirmanda* est; præsertim in quæstione juris: atque ostendendum, quo jure & quam vere prædicatum subjecto secundum illam modificationem competat. Quæ confirmatio per-


perficitur argumentis inartificialibus & artificialibus, id est, per testimonia aliunde ex S. Scriptura desumpta, & per rationes ex Theologia aut saniori Philosophia desumptas. Estque hic optimum demonstrandi genus, quod procedit a priori.

§. 22. Nonnunquam tamen confirmationem præcedere potest enunciationis illustratio, quæ perficitur exemplis aut similitudinibus.

§. 23. Quod si alicubi occurrant testimonia in speciem contradictoria, *παρτιοφωνία* illa solvenda est prudenter, nec non nodi, quos componunt adversarii contra datam enunciationem, expediendi sunt.

C A P. VI.

DE EXPLICATIONE TEXTUUM, EX PLURIBUS ENUNCIATIONIBUS COMPOSITORUM.

§. 1.  uando plures enunciationes unica concione absolvendæ sunt, præcipue animus intentus esto considerationi connexionum, quas propositiones illæ inter se habent; ac proinde hic aliqua de enunciationum cohærentia distinctius sunt tradenda.

§. 2. Cohærentiam enunciationum Grammatici septuplicem faciunt, eosque modos copulandi peculiaribus dictionibus designant; vocaturque illarum copularum

I. *Prima conjunctiva*, quæ denotatur vocula *Et*, atque, &c. ostenditque, duas illas enunciationes simul

(c 2)

con-

convenire subiecto, ad minimum generaliori: ubi considerandum, an illa sint separabilia, num vero inseparabilia: deinde an se mutuo non eleganter perficiant, aut alio quovis nexu cohæreant. Qui semper erit nexus realis, ex utriusque rei concursu ad idem effectum eruendus.

- II. Secunda *disjunctiva*, quæ explicatur particulis *aut, vel, &c.* Ubi notandum, an ex aliqua necessitate sive contrarierate naturæ disjungantur; num vero ex aliquo casu interveniente. Aliquando quoque habet vim exclusivam, qua priorem propositionem limitat, quo in casu limitatio urgenda est.
- III. Tertia *illativa*, quæ exprimitur particulis *ergo, adeoque &c.* quo in casu prior enunciatio comprehendit fundamentum atque rationem posterioris; ubi ostendendum, quo pacto posterior enunciatio comprehendatur in prædicato prioris.
- IV. Quarta *causalis*, quæ proponitur voculis ætiologicis, *quia, nam &c.* Estque illa enunciatio αἰτιολογική præcedentis, cujus prædicatum includit axioma antecedens, quod per modum conclusionis ex allata ratione deducitur.
- V. Quinta *similaris*, quæ designatur vocibus *ut, sicuti &c.* Ubi notandum quod Hebræorum וְ, & Græcorum ὡς aliquando significant rerum similitudinem, non autem veritatem; aliquando vice versa rei veritatem, non similitudinem; nonnunquam vero utramque, & similitudinem & veritatem. Accedit quoque, quod res sæpe inter se conferantur quoad qualitatem, licet non quoad æqualitatem, quibus in casibus nexus pro rei exigentia tractandus

dus est. In similitudine autem attendendum est,

A. Ut illud tertium, in quo conveniunt, accurate excutiat.

B. Ut in comparatione illa omnia omittamus, quæ ad scopum non faciunt.

C. Ut, si plures sint analogiæ, ad evitandam confusionem, omnes ad pauca summa capita revocentur, quibus plures subordinari possunt.

VI. Sexta *hypothetica*, quæ exprimitur particula *si* conditionali: in qua connexionenunciatorum ultimum suspensum est a priori; estque illa conditio aliquando *impossibilis* aut nunquam futura, & tunc nihil ponit in esse, quoniam enunciatum conditionale non semper præsupponit rei seu enunciati veritatem, sed ponit solummodo utriusque enunciati connexionem. Quod si vero conditio sit res possibilis, ostendendum, in priori enunciato comprehendere requisitum necessarium, sine quo impossibile est pervenire ad complexum alterius enunciati; sive illud proponat bonum consequendum, sive malum evitandum.

V. Septima *temporalis*, quæ exhibetur vocabulo *quando*, aut aliquando per *περίφρασιν* circumscribitur, involvit qualitatem temporis aut opportunitatem, aut aliquando utramque. In Prophetiis semper qualitas temporis notanda est, raro opportunitas; in Historiis autem contra ut plurimum opportunitas, nonnunquam qualitas, quatenus aliquid convenienter Prophetiis fieri videmus. Ad eruendam autem opportunitatem, circumspectum est, quam occasionem præcedens historia sequenti suppeditaverit.

§ 3. Singulæ enunciationes admittunt triplicem pertractationem, hoc ordine prosequendam, ut

I. Prior sit *exegetica* extremorum, id est, subjecti & Prædicati: quæ in longioribus textibus non est pertractanda, nisi aliqua necessitas exstet, quam ob rem necessario illustrationem requirunt, quotiescunque nimirum a vulgi cognitione sunt remota.

II. Altera est *παρασηματική*, quæ, quando exegetica locum non habet, aliquando requirit Paraphrasin; atque ita procedit ad propositionem totius enunciati copulati per copulum logicam, & confirmanda est argumentis tum artificialibus, tum inartificialibus: cui confirmationi num magis aut minus inhærendum sit, expendere oportet ex rei dignitate.

III. Tertia est *connexionis*, quæ ultimum locum requirit, quoniam per eam omnia reducuntur ad scopum, & suppeditabit commodiorem occasionem transeundi ad reliqua. Exigit autem connexionis ostensio rationes, quare in tali nexu & consecutione totius contextus præsens enunciatum constituatur. Hac methodo sapientia & prudentia Dei, in suo verbo loquentis, Auditorum conscientis optime manifestatur.

§ 4. Quotiescunque connexio includit ratiocinium Spiritus Sancti, non alia argumenta ad confirmationem propositionis aliunde sunt adducenda; sed oportet nos contentos esse, ut demonstremus, consequentiam legitime factam esse eamque ab objectionibus vindicemus.

- §. 5. Cavendum quoque est, ne semper eodem ordine enunciationes pertractemus, quo in Scriptura nobis occurrunt; imo aliquando, quæ posterius dicta sunt, prius enodare oportet; quotiescunque ordo naturæ illud requirit, cum stylus Rethoricus nonnunquam eleganter admittat transpositiones, quas tamen logica prudentia restituit, ut clariorem rei perceptionem suis Auditoribus insinuaret.
- §. 6. Transitori ab explicatione unius enunciati ad explicationem alterius, evitare debemus omnes transiitiones hiantes, quod fieri potest per commodam rerum concatenationem, in qua sermo ita moderandus est, ut videamur sponte in sequentem materiam incidere.
- §. 7. Non approbamus quorundam consuetudinem, qui singulis enunciatis parvam aliquam applicationem ad pietatem subjungunt; verum omnes observationes istius naturæ rejicimus ad applicationem generalem.
- I. Quia omnis fervor fini reservandus est, ubi animi παθήματα sunt excitanda, unico actu & perpetuo orationis vigore: ita enim auditores fortius commovebimus.
 - II. Quia, cum explicatio debeat esse directa ad scopum, Auditorum attentio ab illo puncto collimationis non est divellenda & divertenda.
 - III. Quia per experientiam constat, quod, qui observatiunculis moralibus nimium inhiant, sæpe loquantur ἀπεσδιόνηα, & quæ ne hilum quidem sunt ex scopo loquentis.
- §. 8. In fine explicationis omnia præparanda sunt, ut collectionem generalem ad scopum videas sponte profluere; ita enim facilis erit transitus ad applicationem;

nem ; in quem finem aliquando licet totum textum succincta Paraphrasi adumbrare.

C A P. VII.

DE APPLICATIONE IN GENERE.

§. 1.  *applicatio* est collectio omnium ad scopum, una cum nervosa atque pathetica accommodatione ad legitimos usus, quæ absolvitur duabus partibus, basi nimirum & accommodatione ad animum Auditorum.

§ 2. *Basis* quod attinet, comprehendit compendiose scopum dicendorum, & ejus conditiones sunt sequentes tres potissimum :

- I. Ut comprehendat primarium textus scopum, sive per modum *observationis*, sive per modum *conclusionis*. *Observationem* appello ipsam textus enunciationem Paraphrastice adumbratam ; *conclusionem* autem, aliquod corollarium ex enunciatis simul sumtis deductum, atque scopum loquentis comprehendens.
- II. Ut totum scopum exhauriat, in quem finem considerandum *a quo, ad quem, quando* sive *quo in rerum statu & quo loco* aliquid dictum sit.
- III. Ut clare & nervose exprimatur, necesse enim est, ut, quod potissimum ab Auditoribus animadvertendum est, eo modo proponatur, qui in Auditoribus excitare potest facilem, claram & distinctam perceptionem, ne illud, ad quod collimandum est perpetuo, cujusquam oculos & intuitum effugiat.

§. 3.

§. 3. Si plures fuerint observationes per *πορίσματα* jam notatæ in ipsa explicatione Textus, huic insudandum est, ut in applicationis ulteriori pertractatione primario scopo legitime subordinentur, atque ibi mediorum aut motivorum locum impleant, vel particulares instantias suppeditent.

§. 4. Absoluta basi, progrediendum est ad accommodationem argumenti ad usus, qui alii sunt Theoretici, alii Practici, & spectant vel ad fidem, vel ad mores, cujus conditiones sequentes sunt:

I. Ut in omni applicatione non omnes & singulos usus requiramus, verum pro diversa Textus natura accommodationes instituantur, nihilque exinde deducatur, nisi quod per solidam consequentiam erui possit.

II. Neque omnes usus æque sunt amplificandi, sed præcipue tantum illi, qui primario intenduntur: ita in *textu doctrinali*, præcipue veritas dogmatis probanda & defendenda est, & oppositi errores sunt redarguendi. In *textu Prophetico* & *typico* applicatio ad historiam & implementum per omnem analogiam deducenda est. In *textu adhortatorio* præcipue nos occupatos teneat officii præscriptio, una cum vitiorum oppositorum redargutione. In *textu comminatorio* applicatio præcipue versetur circa judiciorum præfagia & mala metuenda. In *argumento consolatorio* potissimum exaggeranda est gratiæ propositæ præstantia & utilitas in omni casu & in omnem eventum.

III. Procedat autem a thesi ad hypothesein, aut contra ab hypothesei ad thesin. Prius fieri solet, quo-

(d)


ti-

tiescunque lex aliqua, aut præceptum, five etiam qualiscunque doctrina generalis transfertur ad homines nostri temporis in specie. Alterum vero obtinet, quando doctrina particularis, aut exempla cum laudata tum culpata revocantur ad fidem aut obligationem universalem. Notandumque hic loci est, quod Methodus Anglicana, quæ jubet per *Doctrinas* populum erudire, solum in ultimo hoc casu locum habeat.

- IV. Argumenta, quibus aliquem usum adstruimus aut urgemus, five ille sit Theoreticus, five Practicus, omnia defumantur ex solo textu ejusque circumstantiis; neque hic probationes novæ scripturariæ sunt adducendæ, nisi velimus basin alicujus usus ipsis verbis Spiritus Sancti proponere atque enunciare, & ita ostendere, nos monendo, reprehendendo &c. loqui cum infallibili Spiritu: verum si dentur testimonia, in quibus ex iisdem præmissis eadem conficitur conclusio, illa omnino argumentorum vim habent, quia probant nos legitimam conclusionem ex præmissa basi deduxisse, atque non aliter ratiocinari, ac ipse Spiritus Sanctus per viros *divinos* ratiocinatus fuerat.
- V. Quoad stylum, applicatio in suis accommodationibus debet esse pathetica, atque huc plurimum conferunt in convictionibus interrogationes, in comminationibus exclamationes &c.

C A P. VIII.

DE ACCOMMODATIONE AD USUS THEORETICOS.

- §. 1.  pplicatio hæc alia est *ἐπιδεικτική*, alia *πρακτική*. *Ἐπίδειξις* autem est usus Theoreticus, qui versatur aut circa veritatis dogmaticæ confirmationem, aut circa errorum *ἔλιγχον*, atque eo respectu dicit Paulus: 2 Tim. 3: 16. quod omnis scriptura sit *ὠφέλιμος πρὸς διδασκαλίαν, καὶ πρὸς ἔλιγχον*.
- §. 2. Usus *διδασκαλικὸς* in eo occupatur, ut Orator veritatem dogmatis alicujus fidei solidis argumentis ex ipso Textu desumptis adstruat, & exceptionibus occurrendo, clanculum illa urgeat, quæ exceptionibus possent satisfacere, & mentem Auditorum præoccupare, ne per illas a veritatis recto tramite divelli queat, quia ipsa responsum habeat in promptu.
- §. 3. Hic usus, qui est institutionis, aliquando spectat ad solam cognitionem, explicans aut rem aut rei modum, ita enim post demonstratam alicujus articuli veritatem, auditoribus ob oculos ponimus rei demonstratæ modum, quotiescunque cum aliqua modificatione in textu comprehenditur: aut pertinet ad fiduciam, quotiescunque veritatem aliquam concludimus, quæ est fiduciæ fundamentum.

(d 2)

§. 4.

§. 4. Requirit autem hæc διδασκαλία,

- I. Claram veritatis enunciationem.
- II. Prudentem limitationem, ne quis dicta in errorem trahat.
- III. Solidam confirmationem. Argumenta non simpliciter sunt proponenda, sed hic quam maxime urgenda sunt, ut percipiat Auditor undiquaque cum propositione quadrare.
- IV. Nonnunquam adjicimus veritatis illius commendationem, ut illam prope teneamus, cognitionis incrementum quæramus & constanter retineamus; aut si fiduciæ est argumentum, illi tranquillo animo innitamur.

§. 5. Secundus usus Theoreticus est *elencticus*, qui locum habet quando Adversariorum errores directe Textui sunt oppositi, alias in refutationibus non est excurrendum; neque alii errores in Applicatione generali refutandi sunt, nisi qui toti complexo sunt oppositi: reliqui autem, qui cuipiam textus particulæ oppositi sunt, obiter solummodo in explicatione Textus sunt removendi.



§. 6 Pertractatio Elenctica requirit erroris enarrationem quasi Historicam, quæ fieri debet

- I. Prudenter, omittendo omnes hæreses dudum sepultas, sententias Adversariorum ridiculas, & controversias in Ecclesia problematicas.
- II. Modeste, non cum dictis aut convitiis, quæ exacerbare, non autem ædificare possunt.
- III. Candide, non adscribendo Adversariis aliquid contra eorum mentem; hic enim virtute, non dolo agendum est.

IV. Cum

C A P. IX.

DE ACCOMMODATIONE AD USUS
PRACTICOS IN GENERE.

- §. 1.  sus Practici ad tria summa Capita revocari possunt, nimirum *ἐπαγέθωσιν, παιδείαν & παράκλησιν.*
- §. 2.  Hi usus omnes putandi non sunt in Textu locum habere; quod qui existimant, nescio quibus fidiculis alienos usus aliquando extorquent & extundunt.
- §. 3. Neque omnes eodem ordine perpetuo sunt proponendi, verum primo loco ille proponendus est, qui primario Textu scopo magis convenit; itaque *si aliquando basis applicationis comprehendat argumentum, quod Christiani hominis felicitatem aut privilegium complectitur*, primarius scopus erit consolatio: quæ proinde primo loco urgenda est, ostendendo, a quibus malis per hanc felicitatem immunes constituamur: ac proinde tum monendi sunt fideles, ut hanc conditionem consequantur aut se in eo statu conservent, quo perpetuo eo beneficio ad mentis tranquillitatem frui possint. *Si vero basis comprehendat officium aliquod Christianum*, primarius scopus est monere, quo in casu aliquando eleganter admonitioni subjungitur consilium prudentiæ, ut sibi caveant ab omni vitio opposito, & nullo conceptibili modo ab hac norma deflectant; ostendendo per illam cautelam, quomodo tentator per varia vitia conetur homines illa-

illaqueare , & a recto tramite sinistrorsum sive dextrorsum deducere. Quod si vero omnes usus potius ex basi per conclusionem eodem jure deducantur , tum præstat incipere a reprehensione , atque ita a remotione vitiorum progredi ad officium , concludendo usu consolationis.

§. 4. Oportet Ecclesiastem probe novisse gregis sui statum & conditionem , & pro illius variatione sermonem suum aliter atque aliter moderari. Proinde alius est status communis omnium , alius est particularis quorundam ; hic omni loco & tempore convenit in genere dehortari a peccatis & suadere officia sanctificationis. Verum peculiariter agendum est , quando consideramus vitia sæculi aut gentis , aut vocationis ; vel quando Ecclesia consideratur ut fervida zelo , aut tepida socordia ; ut tentationibus aut afflictionibus agitata , aut alta pace fruens : quibus in casibus varium dicendi genus adhibendum est ; compellari enim possunt Auditores in tertia aut in secunda , vel nonnunquam etiam in prima persona.

I. *Compellatio in tertia persona* necessario locum habet , quando illa consideramus , quæ a cœtu nostro sunt aliena ; ita de afflictionibus loquentes coram Ecclesia , quæ pace fruitur , nequaquam convenire potest compellatio secundi aut tertii generis , id est , secundæ aut primæ personæ. Estque illud dicendi genus in tertia persona communius , locumque habere potest in omni usu , tam adhortationis , quam reprehensionis aut consolationis.

II. *Compellatio in secunda persona* adhibetur , quoties
argu-

argumentum speciatim tangit Ecclesiam : Estque vividius, quia oratio magis directa fortius ferit Auditores: locumque habet, quando aliquod vitium corrigendum, aut aliqua virtus fovenda communis est, ut quoque in gaudio vel luctu publico; nihilominus ab eo abstinendum est, quando vitia vocationum sunt Magistratus aut superiorum, ne illorum personas vulgi odio exponamus; tunc enim potius loquendum est in tertia persona, ut magis vitia quam personas designemus.

III. *Compellatio in prima persona*, si quando locum habet, omnium est suavissima, & summopere Auditorum animos excitat, dum nos ipsos includendo aliis Duces præstandi officii proponimus; habetque locum in communi statu: nam in singulari concionator se debet multitudini eximere, nisi se eorundem vitiorum consortem profiteri velit.

§ 5. Stylus sit simul blandus & gravis, qui fraternum spirat amorem & sollicitudinem pro salute fratrum.


§ 6. Semper quoque simus memores in cuius nomine loquamur, ac proinde Ecclesia hic audire debet, *ita dicit Dominus, non ego*; prætumida enim illa verba, humanam spirantia auctoritatem, longe absint: Neque tamen perpetuo ingeminandum est illud, *audi, quid Spiritus dicat Ecclesiis*, nisi ipsa verba Spiritus Sancti adducamus.

§ 7. Tandem quoque nos ipsos respiciamus, considerando qualem ad Ecclesiam habeamus relationem: alia enim decent pastorem in propria sua diœcesi, alia
in

in aliena ; qui enim particularia vitia taxando in secunda persona applicant in aliena Diœcesi , potius arrogantes , præsumidi & morosi Catones videntur , cum hoc solum sit relinquendum cuique Pastori inter suos.

C A P. X.

DE ΕΠΑΝΟΤΩΣΕΙ SIVE REPREHENSIONE.

§. 1.  *επανοτῶσις* est vitiorum correctio , oratione ad peccatores directa , quæ absolvitur peccatorum propositione , peccantis convictione , & seria a peccatis dehortatione.

§. 2. Peccata proponenda sunt cum omni suo ambitu , descendendo a genere ad omnes ejus species , & deducendo per omnes peccandi modos : ubi nonnunquam animadvertendum , quo pacto in pluribus vocationibus locum habeant : quod tamen fieri debet

I. *Prudenter* , ut , quæ communia sunt , proponantur universaliter ; quæ autem sunt privatorum , nunquam reprehendantur cum particulari personarum designatione ; non enim sunt irritandi peccatores , sed corrigendi : proinde in hac causa sufficit sola metus obtestatio ; quod forte sint inter nos , qui designati criminis rei sunt , quos velimus ex laqueis diaboli extricatos.

II. *Caute* , cavendo ut infanda scelera nunquam describamus quoad perpetrandi modos , atque ita non omnes formulæ perjurii , nec furii , mœchationis &c. modi proponendi sunt , quos vulgus

(e)

igno-

ignorat, aut qui salva castimonia non audiuntur, ne quis evadat peccatorum Doctor. Præstat enim peccata ignorare, & in genere quorundam vitia sub universali denominatione oppugnare, quam in hisce se accuratum præstare.

§. 3. Quoniam non sola vitiorum enarratione nos oporteat esse contentos, sed homines quoque convincendi sunt, propositioni vitiorum adjungenda est historica quasi asseveratio, qua asserimus, illa vitia inter nos committi: cui adde conscientiae convictionem, qua reatum hominibus ob oculos ponimus: itaque hic

- I. Peccata, quæ fiunt in occulto sine arbitris, prudenter in publicum protrahenda sunt.
- II. Peccata hypocrisis obvelata, & sub specie pietatis perpetrata larvam hanc detrahendo revelanda sunt.
- III. Peccata virtutis nomine hominum animos fascinantia, prout aliquando avaritia sub parcimoniae, & superbia sub generositatis nomine occultantur, per propria signa & συμπτώματα debent manifestari.
- IV. Peccata, quæ a quibusdam elevantur & minoris existimantur, pro meritis exaggeranda sunt, adducendo leges prohibentes, & exempla in scripturis vituperata. Ubi aliquando etiam ex Ethica Gentilium tales sententiæ possunt adduci, quæ vitiorum gravitatem designant, quatenus habent vim manifestandi testimonium conscientiae.
- V. Peccata imbecillitatum nomine excusata prudenter ab imbecillitatibus sunt discernenda, & manifestanda ex perpetrantium de liberato consilio, animi

mi fervore, delectatione & subsequenti gaudio, nec non iterata repetitione, neglecto etiam omni evitandi studio.

VI. Peccata communia, qualia sunt sæculi, nationis, &c. eleganter exaggerantur ex contumacia, qua perpetrantur aduersus fraternas, & ex verbo Dei depromptas admonitiones; paternas Dei castigationes nonnunquam sæpius iteratas; aduersus Dei longanimitatem & benignitatem, quibus pudendum in modum peccatores abutuntur; & aduersus media externa illis affatim suppeditata.

§ 4. *Dehortatio* absolvitur motivis & consiliis, ubi *motiva* spectant ad conversionem, *consilium* ad conversionis modum & facilitatem.

§ 5. Motiva agunt, vel

I. *Simpliciter dissuadendo*, argumentis defumtis a consequentiis peccati poenitendis; ubi ostenditur, quod necessario, evigilante conscientia, illos aliquando poenitebit facti.

A. Ob vanitatem operis multo labore perficiendi, & nihilominus nihil eorum præstantis, quod ad satietatem animi facere possit.

B. Ob neglectum melioris & solidioris fructus, qui illos præterit, dum fructum peccati quaerunt, cum oppositorum simultaneum nequeat esse studium.

C. Ob illaqueationem diaboli, hac methodo aberrantem ad pejora scelera protrahentis, mentemque in peccatis obfirmantis, unde difficilior ad Deum reditus.

II. *Peccatorem pudefaciendo*, sive pudorem incutien-
(e 2) do,

do, per vitii turpitudinem exaggeratam ; & quidem ex eo, quod committatur

A. Contra honestatem.

B. Contra dignitatem hominis Christiani.

C. Contra peculiarem nostram obligationem,

D. Contra meritum divinæ gratiæ.

E. Contra gloriam summi numinis.

F. Contra ædificationem proximi.

III. *Peccatorem perterrefaciendo*, quod fit comminationibus pœnarum a Deo adversus omnes istius peccati reos statutarum : quod quoque amplificari potest exemplis eorum, qui propter designata scelera in horrendas pœnas inciderunt.

§ 6. Hisce subjungitur *consilium*, in quo aliquando opportune detegimus vitiorum causas : quibus sublati, cessare debet pravus ille effectus : addimus aliquando media, & ostendimus occasiones evitandas.

§. 7. Non tamen hæc in reprehensione omnia sunt querenda, sed tantum illa adducenda sunt, quæ

I. Vel ex ipso textu profluunt,

II. Vel propter peccantium varium statum requiruntur : ita in contumaces, qui elata manu peccant, Oratori detonandum est ; & qui pudore superari nequeunt, comminationibus a peccatis sunt absterrendi : qui autem peccata excusant, elevant &c. quia omnis pudor nondum est prostratus, illorum conversio per passionem pudoris tentanda est : qui autem adhuc tenerrimam habent conscientiam, illis magis conveniunt dissuasiones, utpote qui periculum sua sponte abhorrent.

§. 8. Conditiones orationis sunt, ut

I. Li-

- I. Libera sit reprehensio.
- II. Ex animo profluens, qui sollicitudinem spirat, & desiderium quærendi hominum salutem testatur.
- III. Seria tamen & cum gravitate; ostendendo reprehendentem loqui ex Deo: & qui consilia nostra spernunt, rebellare Deo in scripturis loquenti.
- IV. Absit autem omnis excandescencia, vociferatio agrestis & rustica, & quam maxime scurrilis levitas.

C A P. XI.

DE ADHORTATIONE.

§. 1.  *adhortatio*, est secundus usus practicus, qui absolvitur officiorum propositione, auditorum excitatione, & nonnunquam etiam institutione.

§. 2. Officiorum propositio debet considerari, tum quoad materiale, tum quoad formale; Non enim sufficit, ipsam officii materiam Auditoribus proponere, verum etiam oportet nos accurate attendere ad exequendi modum, in quo ratio formalis virtutis consistit; ac proinde hæc pars exigit

- I. Prudentiam, qua discernimus ἀδιάφορα a necessariis, officia generalia a particularibus, & principia pietatis ab incremento: ex quibus considerationibus propositiones suas accipiunt determinationes.
- II. Illustrationem ex locis Sacræ Scripturæ, in quibus eadem conclusio ex datis præmissis occurrit, quibus ostendimus, nos legitimo modo conclusio-

(e 3)

nem

nem nostram fecisse, Spiritu Dei præeunte: vel etiam exemplis laudatis, quatenus eodem modo, in simili rerum statu, officium suum præstiterunt viri pietate conspicui.

III. Amplificationem, quando a generaliori officiorum propositione pergimus ad peculiare officii præstandi modos, cavendo tamen, ne inhæreamus minutiis; hi modi dupliciter colliguntur;

A. Ex ipsa officii natura & attributis, nec non relatione ad varios casus & personas, quæ amplificatio locum habere solet in pertractatione Thematicis simplicis, aliquod officium præscribentis.

B. Ex circumstantiis textus alicujus Historici; ubi animadvertimus, quo virtutum comitio principalis officii præstatio incedat; hic itaque Auditores monendi sunt, ut omnes illas virtutes particulares in eodem officio præstando exercent.

§ 3. Excitatio est mentis persuasio, animum Auditorum solidis rationibus sive motivis ad alacritatem in præstando officio suo excitans; ubi

I. Prudentia exigit, ut ab istiusmodi rationibus abstineamus, quæ possunt ingenerare affectus vitiosos; nam cum ipsa officiorum virtualitas sola vere dependeat a mentis humanæ scopo & ratione, rationes omnes debent esse Evangelicæ. Ita Ex. Gr. qui morum honestatem suadere vellet a jucunditate famæ, quam sibi acquirit virtutis studiosus, rei non satisfacit, quia huic generositati co-

coherere vitium potest, proinde istius generis mori-
va rejici debent, vel ita circumscribi, ut quidquid
vitiosi adhaerere potest, hinc separetur.

II. Fontes autem rationum notantur vulgo quintupli-
ces, nimirum

A. *Ab honesto*, ubi ostendimus, quid hominem
Christianum in sua vocatione deceat; quid le-
gi tum naturali, tum divinæ conveniat; con-
siderando ejus æquitatem & justitiam: quid
exigat Ecclesiæ ædificatio, & proximi relati ad
Deum conservatio; quibus rebus curandis ex
fœdere Dei sumus obstricti, quibusve peculia-
ribus Dei beneficiis obligati.

B. *Ab utili*, hic non considerando utilitatem ex-
ternam corporalem, cui adhaerere potest vi-
tium: verum quando officii præstatio promo-
vere possit nostram ulteriorem sanctificationem,
confirmare bonam conscientiam, & animo præ-
stare tranquillitatem & *ωληροφρίαν*.

C. *A jucundo*, quatenus hinc jucunda oritur amo-
ris divini sensatio, & placida præstiti officii
conscientia, quæ conjunctam habebit gratam
mentis acquiescentiam.

D. *A necessario*, quatenus habent rationem ne-
cessarii medii, aut conditionis sine qua non:
quibus rationibus argumentum ab utili adhuc
amplius confirmatur & asseveratur.


E. *A commodo*, ostendendo difficultates, virtutis
exercitio se opposcentes, non difficulter posse
superari; ita enim impedimenta auferuntur,
quæ aliquem ab officio retinere possunt.

III. Mo-

- III. Moderamen nihilominus hic admittendum est, non enim semper & ubique omnes illæ rationes adducendæ sunt : verum in Textu ampliori, quo varia themata comprehenduntur, solummodo eas rationes adducere oportet, quæ ex Textus explanatione profluunt, atque in hunc usum observationes peculiare, quæ rationum efficaciam habere possunt, huc erunt revocandæ, & prudenter scopo generali subordinandæ.
- IV. Modus dicendi sit patheticus, ad conscientiam directus; ubi plurimum valent interrogationes, quæ mentem intime penetrant, & Auditores clanculum ad forum conscientiæ revocant, dum coguntur ad interrogata tacite respondere, & non possunt non æquitati assensum præbere.
- § 4. Institutio subjungitur per modum consilii, & absolvitur præscriptione mediorum, quo facilius reddatur propositi executio; ubi tamen sedulo notandum est, non adhibenda esse
- I. Media generalia, sed specialia; nisi velis in omni concione eadem oberrare chorda, atque ita te ridiculum præstare, auditoribus nauseam creando.
 - II. Non ubique locum habere media, nisi quando res ardua est, pluribus impedimentis intricata, ex quibus Auditores expediendi sunt.
 - II. In pertractatione thematum complexorum observationes particulares, quæ possunt præstare usum mediorum, huc etiam revocandæ sunt, neque alia media aliunde adducere oportet.

CAP. XII.

DE USU CONSOLATIONIS.

§. 1.  *Consolatio* est ultimus applicationis Practicæ usus, quo Auditorum animis nimiam tristitiam & illegitimum metum aut desperationem eximere conamur; atque absolvitur historia casus corroboratione, & nonnunquam etiam exploratione.

§. 2. *Historia casus* consistit in descriptione status aut conditionis hominis alicujus, qui solatio indiget ob peculiarem aliquam miseriam: qui casus

I. Determinate proponendi sunt, considerando miseriarum genus; mala enim alia sunt externa, alia sunt interna & statum spirituales respicientia: *Externa* autem respiciunt privationem fortunæ, honoris, sanitatis, societatis, vel etiam libertatis & tranquillitatis &c. *Interna* autem peccatum commissum, tentationes diabolicas, desertionem spirituales &c. ad quæ *mala* homo se dupliciter habere potest, vel quatenus illa considerat ut *præsentia*, atque ita affligitur mœrore & tristitia; vel quatenus considerat ut apparenter *futura*, atque ita incutiunt metum & pusillanimitatem, secundum quas circumstantias propositio accurate determinanda est.

II. Prudenter, non comprehendendo in propositione illos, quibus hoc solatium non convenit, ac proinde

(f.)

de

de subjectum propositionis illis characteribus describendum est, qui omnes alienos excludunt.

III. Ex vero, mala imaginaria negando, vera autem concedendo, & querimoniam verbis sanctorum ex sacra scriptura haustis, aut ex penuario experientiae depromptis, proponendo.

§ 3. *Corroboratio* est secunda consolationis pars, quæ tristitiæ aut metui solida opponit remedia,

I. Respectu *status interioris*, seu spiritualis,

A. Tristitiam quæsitam deregere conatur ex causis, quæ sunt aut ignorantia, aut incredulitas, nonnunquam etiam defectus contentationis, vel etiam imaginatio falsa, ac si querula illa & gemebunda vita singulariter Deo grata foret, cui interdum adhæret superbia spiritualis, sub humilitatis specie occultata: in quo casu corroboratio aliquam admittit increpationem, ostendendo ignorantiae atque incredulitatis indecentiam, defectus contentationis vitium, utpote comprehendentis adversus œconomiam Dei morositatem & obmurmurationem; si imaginatio falsa de grata querimonia aliquem occupet, ostendendo nihil ita Deo invisum atque odiosum esse, quam querulum illud vitæ genus. Superbia vero spiritualis acriter defricanda est, ne homines in pertinaci sua pusillanimitate magis magisque confirmarentur & corroborarentur.

B. Tristitiam veram, ex conscientia peccati obortam, & ad desperationem sollicitantem, firmissimis argumentis aggredi oportet; desumtis

N. Ex

- n. Ex gratuitis Patris promissionibus.
 2. Ex amplissima Filii satisfactione & benevola intercessione.
 1. Ex fidelissimo Spiritus Sancti ductu , & nunquam non intermittenda oblatione; addendo, œconomiam gratiæ divinæ habere dilucidiora intervalla, quæ permittunt, ut aliquando tenebræ intercedant, quo jucundior fit in posterum gratiæ divinæ sensus.
- C. Metus, ex tentationibus conceptus, auferendus est ostendendo auxilium gratiæ Divinæ imbecillioribus promissum, & jus Divinum ad filiorum suorum explorationem; ita tamen ut hostis providentiæ divinæ subsit, & per Christi victoriam exarmatus fuerit.
- II. Respectu *status exterioris*, remedia afflictionibus opponenda sunt, & pusillanimes erigendi variis considerationibus, desumptis
- A. A causa efficiente ærumnarum, quæ est voluntas Dei, omnia sapienter, prudenter, & ex singulari amore dispensans.
 - B. Ab officio obediendi, & crucem nostram sustollendi, utpote quibus incumbit athletarum more bonum certamen decertare, & stadium luctando decurrere.
 - C. A calamitatum levitate, aut saltem momentanea duratione.
 - D. Ab earundem fructibus & utilitatibus, iisque multiplicibus, de quibus plurima habent Practici.

E. A meliorum exemplis , qui tamen eadem tulerunt , quales Christus , Prophetæ , Euangelistæ & Apostoli &c.

F. A causa adjuvante , quæ crucis tolerantiam reddet faciliorem , vires suppeditando , aut vehementissimos ictus avertendo.

G. Ab optatissimo ærumnarum eventu , vel in hac , vel in futura vita expectando.

§ 4. Conditiones autem rationem subsequentes , sunt ,

I. Ut eliciantur ex natura rei , vel ex Textus circumstantiis.

II. Ut malis specialioribus consolationes speciales opponantur.

III. Ut promissiones , quæ certum habent eventum , absolute proponantur , cum forti asseveratione ; reliquæ autem non nisi sub conditione , nimirum si Dei gloria , regni Christi promotio , & propria nostra salus ita efflagitent.

IV. Ut genus orationis medium sit inter tristitiam & lætitiā , atque undiquaque spiret *συμπάθεια* , præterquam eo in casu , quo aliquam increpationem adhibendam esse monuimus.

§. 5. *Exploratio* pertinet ad prudentiam ; & aliquando utilis est , ut consolatio hominum animis arctius insinuetur. Nam per illam instituitur iudicium discretivum , quo veros fideles distinguimus ab Hypocritis , aut hominibus carnali securitati innodatis & immerfis. Atque absolvitur quibusdam signis : ubi notandum ,

I. Quando illa convenient ; non enim admittimus illa , nisi ubi aut res flagitat , aut ipse Textus suppeditat ;

dirat : locumque solummodo habere possunt duplici in casu.

A. Quando metus est , fore , ut hypocritæ , aut homines carnaliter securi , sibi piorum privilegia temerario ausu arrogare præsumant.

B. Aut quando lugentes & ad desperationem tentati de statu gratiæ dubitant ; extra hos casus nulla est signorum necessitas : imo aliquando eorum ingeminatio noxia est , quoniam hominum mentibus nimiam a signis dependentiam ingenerat , quo se ab ipso gratiæ divinæ intuitu avertunt : non enim semper & perpetuo cum diabolo disceptandum de jure filiationis , sed potius hortandi sunt fideles , ut *αληθοφροσύναν* suam promoveant.

II. Qualia requirantur , probe dispiciendum est ; debent enim esse.

A. Clara , ne per æque obscurum aliud obscurum demonstretur.

B. Certa & infallibilia , atque adeo reciproca , & ad minimum proprietates , quas vocant quarto modo , quæ omnibus & semper competunt , & inseparabiliter inhxrent.

C. Pauca , ne auditores hic obruamus numero , atque ita propter operis molestiam absterreamus.

III. Ex quibus fontibus derivanda sint notandum quoque est , nimirum ex intima rerum natura , aut causis & effectis necessariis , non autem ex effectis aliis , quæ solent consequi incrementum gratiæ ; multo minus ex adjunctis aut concomitantibus.

bus , quæ aliquando adhærent heroicis animis : non enim dubitandum est , quin infans aliquibus vitæ operationibus carere possit , quibus odolefcentem carere non oportet.

- IV. Quomodo urgenda sint , caute quoque dispiciendum , nimirum non attendendum esse ad animi passiones , quales gaudium , tristitia , metus &c. cum illa a corporis indispositione , aut peculiari temperamento dependeant : verum respiciendam esse intimam mentis sententiam , & sincerum gratiæ desiderium , non curantes , an passiones adsint , num vero absint. Deinde notandum est , vera signa sinceritatis non debere considerari perpetuo in statu præsentis , verum sufficit conscientia olim habitæ veræ poenitentiae & fidei ; ex eo fundamento , quod Deum nunquam suorum *χαρισμάτων* poeniteat.

F I N I S P A R T I S.

Generalioris

METHODI CONCIONANDI.

P A R S S E C U N D A.

D E

P E R T R A C T A T I O N E T E X T U U M

I N S P E C I E.

C A P. I.

D E T E X T U H I S T O R I C O.

§ 1.



um varia sint argumentorum genera, singula quoque percurrenda esse statuimus, ut, quid in unoquoque peculiare requiratur, ostendamus; initium facturi a Textibus Historicis, spectantibus ad quaestiones facti, tum Veteris, tum Novi Testamenti.

§ 2.

Exordia hic requiruntur admodum succincta, & quæ totam Historiam, quantum fieri potest, exhauriant: a typo exordium desumturis, deliberandum est, an non persona agens in simili casu alicubi habeat typum aut exemplar, in quo similis actionis detur præludium, alias desumuntur ab observatione generali, descendendo ad specialia.

§ 3.

Propositio debet involvere scopum Sp. Sancti, quem in rei gestæ enarratione intendit, ac proinde librorum Historicorum primum usum per studium Analyti-

lyticum probe tenere debet Orator. Monemus igitur, libros Historicos V. T. comprehendere in genere, rerum in populo Dei gestarum & propter œconomiam notabilium, congeriem ac selectum; quibus ut plurimum inest argumentum stabiliendi divinitatem cultus Mosaïci & fidei Patrum. Libros autem Evangelicos N. T. qui vitam, præclare dicta & facta Christi comprehendunt, nihil aliud intendere, quam confirmationem istius veritatis, quod Jesus sit Christus. Et in Actis Apostolorum, quod Evangelium Christi legitimo modo secundum Prophetias sit propagatum, Deo variis signis cooperante.

§ 4. *Divisio generalis* explicite & coadæquate proponatur, ita ut Historiam in partes natura distinctas dirimat, verum subdivisiones non sunt præter necessitatem allegandæ; sed potius ejus partes commodis nexibus sunt conjungendæ.

§ 5. *Explicatio* versatur, vel circa simplicem Historiam, vel circa Historiam dogmatibus & moralibus mixtam.

§ 6. *In simplici Historia* versamur circa puram quæstionem facti; quod est vel creaturarum, vel Creatoris.

I. Creaturarum facta & res gestæ requirunt explicationem

A. *Personarum*, cum agentium, tum actiones recipientium, nec non comitio suo assistentium, quarum, ubi necesse est, danda προσωπογραφία, in qua præcipue illi characteres sunt notandi, qui spectant ad eorum officium, quo in hac scena funguntur; ita *assistentes* aliquando cooperantur, nonnunquam se habent per modum testium.

B. *Fa-*

- B. *Facti*, quod consideratur vel ut honestum, vel ut turpe, nonnunquam ut utile, aut noxium, sub quibus σχήμασι exaggerandum est.
- C. *Modi agendi*, qui aliquando ex ritibus antiquis & extraneis illustrandus est; quæ illustratio facit quoque ad tacitam rei gestæ confirmationem.
- D. *Temporis*, cujus descriptio duplex esse potest, vel Chronologica, quatenus consideramus, quo anno, mense, aut die aliquid gestum sit; vel χρονίας, quando animadvertimus opportunitatem rei gestæ: ita quæ aguntur diebus publici Comitii, sunt illustriora propter multorum testium præsentiam, vel convenientiora propter diei memoriam, & res in illo Comitio peragendas.
- E. *Locorum*, qui illustrantur per Geographiam, & quorum etiam notanda commoditas & congruentia.
- F. *Rationum*, quare dicta aut facta in illis circumstantiis prodierunt.
- Monendi tamen sunt Tyrones, singulis hisce solummodo immorandum esse pro gravitate materiæ, & multitudine rerum dicendarum; quæ autem pondere carent, simplici Paraphrasi absolvenda sunt.

II. Creatoris, id est, ipsius Dei, aut Christi facta considerantur.

- A. *Ut benedictiones*, quatenus aliquid commodi introducunt, in quo casu beneficiorum utilitas deregenda est.

(g)

B. *Ut*

- B.** *Ut maledictiones*, sub quibus etiam comprehendo piorum castigationes; in quibus ostendendum, quibus bonis priventur, & cum quibus malis luctentur.
- C.** Hisce innectuntur nonnunquam *miracula*, quæ ex sana Philosophia exaggeranda sunt, ostendendo quomodo præsentia phænomena omnes causarum secundarum vires excedant.
- §. 7. Quod si quando Historiæ immixta sint dogmata fidei aut moralia, probe attendendum est,
- I.** Quoad dogmata fidei, num occurrant
- A.** Per modum confessionis, in quo casu *ὁμολογία* confessionis illius per *collationem* scripturarum inculcanda est, & quidem præcipue ex Prophetiis & scriptoribus confessores antecedentibus, ut pelluceat unde hæc hauserint.
- B.** Aut per modum novæ revelationis: ubi ostendendum est quid prioribus revelationibus aut luminis, aut amplificationis superadditum fuerit.
- C.** Aut comprehenduntur in ipsa Historia, quatenus suppeditant doctrinam providentiæ divinæ, aut repræsentamen status, tum humiliationis, tum exaltationis Christi &c. in quo casu illa veritas, aut obiter confirmanda est, aut, si res ita ferat, ad generalem demonstrationem apodicticam rejicienda.
- II.** Moralia quod attinet, descriptiones virtutum & vitiorum
- A.** Nonnunquam adherent personis; in quo casu non sufficit illas implicite in genere morum
- de-

describere in abstracto, verum præcipue consideranda sunt in subjectis, quatenus aut faciunt ad eorum ~~autoniam~~, aut ad eorum aptitudinem ad rem molitam persequendam.

B. Nonnunquam adhærent actionibus, & tunc sup-
peditant materiam ad factum illud aut laudan-
dum, aut vituperandum.

§. 8. *Applicatio primaria sit apodictica*, quam vulgo tur-
piter negligere solent, qua Historia V. aut N. T. de-
ducitur ad scopum, ostendendo rem gestam in œco-
nomia Dei eo tempore & in illis circumstantiis sin-
gulari Dei consilio exhibitam: atque hic notabilem
recipere locum, ad adstruendam religionem & justi-
ficationem viarum Dei: quod confirmamus

I. Per prædictiones & promissiones, quibus Deus
populo suo spem dederat, hunc designatum rerum
eventum in hac periodo futurum. Jam vero, quod
ex peculiari Dei consilio evenit, si est *benedictio*,
& præmium virtuti statuit, viam bonam confir-
mat; si est *maledictio*, & vitiis poenam statuit,
comprehendit ~~autoniam~~ populi redargutionem, &
utroque modo veram religionem confirmat.

II. Per miracula Historiæ nonnunquam adhærentia,
quibus Deus veram doctrinam & studium pietatis
ex ea profluentis solet confirmare, & ab incredu-
lorum oppositionibus vindicare.

§. 9. *Textus Evangelici*, qui quotannis redeunt explicandi,
(cum sint aut passionales aut festivi,) etiam pecu-
liarem requirunt *anabasis*.

I. *Passionalium anabasis* respicit præcipue ablationem
scandali crucis, ostendendo

- A. Afflictiones Messiae expositas jam olim fuisse delineatas per Prophetias & typos illustres: atque ita Jesum eas tulisse secundum scripturas.
- B. Causas passionum non fuisse quales Judaei existimant, qui ipsi aliquos reatus falso imputant, verum consilium Dei & munus redemptoris his ipsis passionibus fuisse, perficiendum: Huc faciunt omnes circumstantiae,
- N. Quae pertinent ad demonstrationem innocentiae Christi: cum enim Judaei eum arguerent ut *Ἰουδοπροφήτης*, hominem blasphemum, & concitatorem populi adversus Majestatem Caesaris, diligentissime omnes circumstantiae notandae sunt, quae has calumnias refutare possunt: ita Ex. Gr.
- a. Propriarum praedictionum in passionibus implementa solide probant, eum fuisse verum Prophetam, & consilii divini intime conscium.
- β. Quando se potestatibus mundanis non opposuit, postquam specimina potentiae dedisset, eopse refutavit calumniam seditionis.
- γ. Quando specimina omnipotentiae & omniscientiae dedit, probavit se non reum fuisse blasphemiae, quando se filium Dei professus est: quippe divinae naturae consors.
- δ. Quae ostendunt, quod Jesus sciens, volens, valensque passiones subiit, probant eum
- non

non invitum passiones tulisse, verum ex prudenti consilio, & constanti animi proposito quo præstare munus redemptoris, quod in se susceperat, laborabat: utpote qui propter fidelitatem suam summam, sponsor noster factus, causam nostram deferere noluit.

3. Quæ manifestant piissimum supplicium ferentis animum etiam in maximis tentationibus, opprobriis & doloribus, probant ejus constantiam, mansuetudinem & tolerantiam: ac proinde sanctissimum hominem principi tenebrarum ad luctam expositum fuisse, evincunt, idque justissimo Dei consilio, ut ipse salutarem de hoste triumphum, summis experimentis exploratus, reportaret: qualia in redemptore quam maxime requirebantur.
7. Quæ pertinent ad opera Dei miraculosa, tam valide causam Christi adversus calumniantes defendunt, ut ipsi Gentiles potuerint inde concludere, eum revera Dei filium fuisse, quod solide urgendum est.
7. Quando in passionis exitu viri summi & honesti Christum condecorarunt jam mortuum, ostendendum est, illos testes fuisse innocentiae Christi, omnibus requisitis conditionibus instructos, quos nemo jure rejicere aut repudiare potest; quibus Pilatus sæpe accedit in processu Juridicali Jesu testimonium innocentiae dans, cujus fides

in quolibet Textu ex circumstantiis adstruenda est.

- I. Hostium perversa methodus & exacerbatus in Jesum animus pro Textus circumstantiis quoque eruatur, ut eorum auctoritatem convellamus, quæ Judæos hætenus excecaverat.
- II. *Festivarum* concionum *apodicticæ* requirit demonstrationem articuli cujusdam fidei, ut Christum natum fuisse, ex mortuis surrexisse, adscendisse in cœlum, & Spiritum suum emisisse ad Ecclesiæ N. T. inaugurationem: quæ duabus partibus absolvitur.
 - A. Collatione rei gestæ in omnibus suis circumstantiis notabilibus cum Prophetiis, designatum Christi statum prædefinientibus; ita enim manifestum facimus, omnes characteres Christi in solidum competere Mariæ filio.
 - B. Examine testium & testimoniorum, quorum ope manifestatum est illud Evangelium; atque hic solummodo illæ notæ seu characteres veri testis adducendi sunt, qui ex præsentis pericopa eruuntur, quo argumento veritas Historiæ probatur, sicuti priori argumentò ejus convenientia cum Prophetiis.
- §. 10. Applicationem Apodicticam sequitur *Allegorica applicatio*, quæ est collatio inter Historiam, rationem Typi habentem, & ejus rem significatam isto typo adumbratam, cujus leges videbimus in Textibus typicis & parabolicis.
- §. 11. *Applicatio Practica* ad mores formandos jam sequitur; in qua observandum, I. Ob.

- I. Observationes morales in explicatione non esse subjungendas singulis partibus, verum rejiciendas & reservandas esse huic loco, ut excitato ardore omnem impetum jungamus ad movendos animos, & in explicatione non abrumpamus rerum nexum.
- II. Si plures sint observationes morales, illas ad unum summum caput esse reducendas quantum fieri potest, & particulares generali subordinandas esse; ita enim aliquando varios officium exequendi modos, subordinate propositos, eleganter exponere possumus.
- III. Si autem sint heterogeneæ propter varietatem personarum agentium vel patientium, auditores convocandos esse ad contemplationem nunc hujus, nunc illius: ita pii in exemplum proponendi sunt virtutis in simili casu: impii ad cautelam, ne in simile impietatis & incredulitatis incidant Christiani exemplum.
- IV. In passionibus & festivis Christum considerandum esse.
 - A. Ut sponforem, qui in nostrum solatium talia præstitit aut expertus est: ubi diligenter attendendum, quomodo illa conducant, aut ad salutis nostræ impetrationem, aut ad ejus applicationem: ita enim ex demonstratis & assignatis fructibus arboris vitæ excitatur Christianorum *evangelica* & solidissima consolatio.
 - B. Vel ut exemplum, quo nobis imitandum proponitur; quatenus Christus legi subjectus & officia legis præstans, nobis factus est spiritualis

tualis obedientiæ vividissimus typus, & exemplar exprimendum.


§. 12. Ad applicationem Practicam pertinet quoque Tropologica & Anagogica, quæ in Historiis V. & N. T. nonnunquam locum habet.

I. *Tropologica* transit ad mores, ex gr. quando a lepra corporali fit transitus ad lepram spirituales, & contagium peccatorum.

II. *Anagogica*, quæ transit ad spem rerum cœlestium, ex gr. quando a deliciis Paradisi & Canaanis adscendimus ad cœlestia gaudia & beatam requiem.

C A P. II.

DE TEXTU PROPHETICO.

§. 1.  prophetiæ sequuntur Historias ob rerum viciniam, cum nihil aliud sint quam Historia ante rem factam prædelineata, ac proinde methodum pertractandi in pluribus convenit, si modo invertamus ordinem *ἀνὰ ἄνω*, nam textus Historici demonstrantur per Prophetias, Prophetici autem per implementa Historica.

§. 2. Explicatio tamen heic requirit peculiarem excussionem subjecti; quod

I. Nomine tenus designandum est, si silentio aut emblematica denominatione involvitur; quo in casu eruendum est; secundum axioma, *talia sunt subiecta, qualia esse permittuntur a suis prædicatis.*

Si

Si vero nomine proprio & literali designetur, paucis absolvi potest.

- II. Cujus sit temporis aut periodi & circumstantiis & signis temporum accurate etiam definiendum est: Hisce enim limitibus circumscripta attentio felicius statuere potest de significatione prædicatorum.
- III. Nec opus est, ut *Subiectum latens*, ac proinde ex prædicatis eruendum, ilico suo designetur nomine, quo vulgo innotescit. Prudentiæ est quandoquidem, ne videamur in auditoribus ilico velle creare præjudicium, hoc differre ad tempus, contenti *titulo aliquo generali*, schema exprimente, sub quo in scenam prodit, sermone deliberativo pergentes, & in prædicatorum pertractatione, quæ subiectum restringunt, ea notantes, quæ homines vicini muneris excludunt; hac enim via auditores pedetentim ad specialiore[m] ejus cognitionem adducuntur, ac tandem eo constituuntur loco, quo remotis removendis assensum præbere adiguntur; coacti ex characteribus apud se definire, quis sit, quem innominatum sistunt Prophetæ. Ita Prophetæ maximus post Prophetarum choragium sistendus: Sacerdos vero cum vero placamento adducendus: Rex Judæorum & gentium, salutiferæ gratiæ œconomus & dispensator &c. sub quocumque schemate veniat, facile intelligitur esse *Christus*, licet hoc nomen ad tempus tacite prætermittas. Eodem modo inimicus & impius, in civitate Dei sub habitu summi pastoris latens, sed interim artibus atque dolo fidem ac regnum Christi

sti subvertere quærens, hoc suo charactere, in prædicatorum evolutione eruendo, satis innotescit: adeo ut quilibet jam tum apud se paratus sit nobiscum concludere, Antichristum suis depingi coloribus, licet innominatus incedat.

§. 3. Prædicata in explicatione requirunt hic quoque, ut alibi,

I. Examen potestatis vocabulorum, ut constet quid verba significare possint ex consueto dicendi genere; & eruatur, quæ amplitudo significationis per circumstantias, scopum, nec non antecedentia & consequentia retineri possit.

II. Explicatio rerum hic reducit sensum ad *πορίσματα*, quæ in Prophetiis confirmanda, & ad scopum reducenda sunt, secundum leges sequentes;

A. Ut dogmatica per collationem loci unius aut alterius, sed breviter, ostendantur esse secundum Analogiam fidei.

B. Ut moralia considerentur in scopo, & sic referantur ad laudem vel vituperium, eodem modo ut in Textibus Historicis.

C. Ut Prophetica majori molimine conferantur cum Prophetis Parallelis, considerando

1. Prædictiones Prophetarum antecedentium hic loci, aliunde, & nonnunquam compendiosus repetitas, scopoque applicatas, aut etiam aliquando peculiari studio distinctius explicatas

2. Prædictiones Prophetarum insequentium, tanquam testimonium communis expectationis, qui aliquando spem præcedentium repe-

repetunt cum novo aliquo lumine, aut investiant novo Emblemate.

D. Quoad stylum notent tyrones,

N. In explicatione rerum propheticarum se versari circa doctrinam spei, atque adeo *verba* hic adhibenda esse *in futuro*, seu res futuras commode repræsentantia; aut, si futura veniant verbis præteriti vel præsentis temporis, moneas, Prophetas esse considerandos, ut ex visione, res præoccupante & antevergente, fermocinantes, ac proinde tempora fore juxta eorum prædictiones, quibus talia in terris hominibus certi temporis conspicienda objiciantur. Oportet itaque semper memores esse, quale dicendi genus dogmata spei requirant, ut ratio temporis perpetuo observetur.

2. In Prophetiarum V. T. enucleatione phrascs V. T. tantum esse adhibendas etiam putamus, non aliter ac si nobis solum res esset cum Judæis, ut ita convictio sit major, & de rebus speratis minus sit dubium: eas, quæ N. T. suppeditat, servantes implemento, ubi cum sermone prophetiarum sunt conferendæ, ac ejusdem esse valoris ostendendum est.

§. 4. Applicatio Apodictica transit a prædictionibus ad earum implementa, omnia prædicata per collationem transferendo, a qua collatione in explicatione caute abstinendum est, & omnia ad applicationem Apodicticam sunt reservanda: Quæ hisce absolvitur

(h 2)

I. Ut


- I. Ut primo loco ostendamus , ubi id fieri potest , eandem Prophetiam eidem subjecto applicari in N. T. quo argumento evincitur applicationem nostram habere auctoritatem divinam , saltem apud Christianos.
- II. Ut implementa Historica enarrantes , res gestas probemus ex Historiis divinis , si fieri potest , vel saltem ex probatis Auctoribus , qui a nemine possunt repudiari , & extra suspicionem sunt collocati , ac si quidquam implementum inveniendi gratia effinxissent.
- III. Ut prædicata plurima in Historia implementi referamus ad classes , ne ex rerum multitudine Auditores confundantur. Huic enim incumbendum est , ut omnia facillime possint assequi , & memoria retinere.
- IV. Ut , inter deducendum , illa præcipue designemus , quæ plurimum valent ad auferendam suspicionem , ac si illa casu essent facta , vel etiam sagaci conjectura potuissent prævideri ; cui malo occurrendum , notando
 - A. Distantiam inter hanc prædictionem & rei eventum.
 - B. Circumstantias plurimas & minimas Historiæ , secundum determinationem Prophetarum , Prophetiæ adhærentes.
 - C. Actiones ab ancipiti hominum voluntate vel occasionato occurso suspensas , qualia ne sagacissimi quidem per ullam conjecturam assequi possent.
 - D. Rerum momentum , unde plurima , quæ ad regnum

regnum Christi pertinent , quoque suspensa erant, quæ non permittunt aliquid casu factum esse , cui tanta ratio subest.

- §. 5. Ἀποδείξις ita absoluta urgenda est quoque contra illos, qui res gestas ex ignorantia viarum Dei male interpretantur, & aliorum rapiunt, quam quo juxta Prophetiam referendæ erant : quomodo sæpe peccant Judæi & cultores Antichristi , signa temporum & viarum Dei invertentes , atque proinde Christum ejusque regimen , & Antichristum ignorantes.
- §. 6. Fideles quoque monendi sunt per Applicationem Practicam, quomodo ipsos deceat has Dei vias agnoscere , & quales futuri sint istius agnitionis fructus, quomodo in illis viis, Deo duce, progrediendum, & ejus voluntati obsequendum : nec non quomodo Deus in illis viis sit glorificandus.
- §. 7. Ex Prophetiis nondum impletis applicatio Apodictica deduci non potest , quia adhuc implemento carent ; verum reducuntur ad firmandam spem fidelium, & eorum solatium , si quid boni pro Ecclesia contineant ; aut, si comprehendant aliquam castigationem, revocantur per illas prædictiones ad prudentiam, ut, quando illa Ecclesiæ eveniunt, non scandalizentur ; peccata, quæ notantur tanquam afflictionum causæ , prudenter evitent , & studeant mediis in ærumnis bonam servare conscientiam , expectantes bonum rei & fortunatum exitum.

C A P. III.

DE TEXTIBUS EMBLEMATICIS,
SIVE FIGURATIS.

- § 1.  *Emblema* nihil aliud est, quam alterius rei aut actionis passionisve imago; in quo proinde primario respicitur translatio, per comparisonem tum signi, tum signati illustranda & demonstranda. *Textus autem emblematici* nobis vocantur, non qui hinc inde habent Metaphoras, verum qui *constant toti allegoria, ænigmate, typo aut parabola.*
- § 2. *Allegoria* est metaphora continuata, per quam Spiritus Sanctus argumentum, cum subiecto suo satis manifesto propositum, illustrat, & argumenti pertractationi ita innectit, ut clarum sit, quid intendat. *Ænigma* autem est allegoria, & typus nonnunquam, verum cujus subiectum in occulto est; cujus inventio & applicatio relinquitur solerti lectoris indagini. *Typus* autem est figura aut imago, qua ex mente Dei, persona, actus aut passionis Christi, nec non fata Ecclesiæ N. T. præfigurantur & adumbrantur; sive illa imago sit legalis, sive historica: differt autem ab Allegoria, quia hic res, quæ naturam habet imaginis, in eum finem demum accidit aut instituta est, ut tale quid significet, & proinde ad significandum aliquid destinata est; cum in Allegoria solummodo observemus simplicem similitudinem, cujus convenientia non est ratio rei, verum observatio ingenii

nii conferentis ad illustrationem faciens ; sic enim similitudines rem illustrant , atque ad eum solum finem adhibentur. *Parabola* autem est imago rei sive præteritæ , sive præsentis , sive futuræ , per narrationem Historicam fictam , & quod inter homines fieri solet adumbrantem , aliud repræsentans.

§. 3. Quoniam Hieroglyphica fuit Antiquorum in Oriente Sapiencia , S. Scriptura istiusmodi emblematicis abundat : nam ab ipso Paradiso primum verbum gratiæ ænigmatice proponitur : Unde Ægyptii , Arabes , aliæque nationes Orientales studium hoc Emblematicum & Hieroglypicum , tanquam sub se divinam aliquam sapientiam comprehendens , excoluerunt , & pluris fecerunt. Proinde non inutile erit ex *Horo Apolline* , *Jamblicho* aliisque antiquorum emblemata sibi reddere familiaria , & cum S. Scriptura conferre ; ex quibus constabit , nonnullas res tum naturales , tum artificiales , &c in doctrina Emblematica consuetam habuisse significationem , ac proinde hunc stylum antiquis non tam obscurum fuisse , quam quidem hodie inexercitatis videtur. *Conf. Atrium gentium* p. 120. &c.

§. 4. Primaria emblemata sunt typica ; verum ut possimus feliciter discernere , quænam ad doctrinam typicam sint referenda , quænam vero non , sequentes canones sunt observandi , quibus iudicium nostrum debet inniti : statuimus igitur ,

I. Totam legem cæremonialem esse typicam , teste Paulo : Col. 2: 17. Hebr. 10: 1. & proinde Interpretem ibi tuto deliberare de investiganda analogia.

II. Hi

- II. Historiam V. T. quoque esse typicam, ac sup-
 peditare typos Historicos, (sicuti ex cæremoniis
 conficiuntur typi legales) quod eruimus ex hoc
 fundamento, quia universum V. T. est typicum:
Hebr. 8: 13. ita tamen, ut non omnes minutiae
 sint prosequendae, verum illa, quae peculiari Dei
 providentia sunt characterizata, & magnum ali-
 quod opus præstant. Qui enim considerat intro-
 ductionem populi in terram Canaan, & captivi-
 tatem Babylonicam esse typica, ille facile nobi-
 scum concludet, Deum voluisse in populo suo pe-
 riodos regni Christi delineare.
- III. Personas ante legem & sub lege, quatenus præ
 aliis excellunt,
 A. Aut propter munus sacrum,
 B. Aut propter peculiare cum Deo commercium,
 C. Vel etiam propter spectabile aliquod opus,
 fuisse typos Christi, ut Noachus, Isaacus, &c.
- §. 5. Verum magna est difficultas in invenienda vera ana-
 logia, ac proinde ibi sequentes Canones tenendi
 sunt.
- I. Quidquid vel expresse vel implicite alicubi a Spi-
 ritu Sancto ad analogiam refertur, id ipsum sta-
 tuendum est Deum intendisse. Dico
- A. Expresse, sc. quando illi Typi in N. T. studio
 applicantur; ita vocatur Adamus typus Chri-
 sti: *Rom. 5: 14.* nec non Jonas: *Matth. 12: 39.*
 40 alique; ita quoque Sara & Hagar sunt
 typi Ecclesiae liberæ & servæ: *Gal 4: 22. 31.*
- B. Implicite id fieri dicimus, quando Scriptura
 V. T. antitypum proponit sub nominibus figu-
 ratis;

ratis; sic Christus vocatur David: *Ezech.* 34: 23. 37: 24. *Hof.* 3: 5. Johannes venit sub nomine Eliæ: *Luc.* 1: 17. regnum Antichristi sub nomine Sodomæ & Babylonis: *Apoc.* 11: 8. vel etiam quando prædicata per modum Metaphoræ aut Allegoriæ alludunt ad res aliquas gestas, ac proinde fundamentum similitudinis nobis ob oculos ponunt.

- II. Quidquid per legitimum ratiocinium colligere licet ad analogiam pertinere, hoc quoque ex scopo Spiritus Sancti eo pertinet; multa enim sunt typica, quæ nullibi in V. aut N. T. ad analogiam revocantur; revocata enim nobis tantum suppeditant solummodo comparationis & analogiæ exemplar: legitimum autem collectionis ratiocinium dependet a scopo & circumstantiis, & congruente rerum convenientia.
- III. Omnem analogiam, quæ subjectam materiam non excedit, esse admittendam, modo analogia fidei permittat, nam S. Scriptura in tanta amplitudine accipienda est, quantam subjecta materia admittit.
- IV. Basin similitudinis interim debere convenire, ut omnes circumstantiæ ad eam possint reduci, sicuti lineæ ad circumferentiam peripheriæ, ejusque centrum; ita Ex. Gr. non sufficit colores considerare in sacerdotum vestimentis tanquam emblemata candoris, cœlestis majestatis aut sanguinolentarum passionum in genere; verum referri debent ad basin, & eo reduci, ut videamus, quam influentiam Christi innocentia, meritum, aut di-

vina majestas habeant in illam partem muneris, quæ per illud vestimentum in specie representabatur: ita quoque non sufficit arcam considerare, ut emblemata humanitatis Christi, habentis legem in præcordiis suis; verum quia ejus basis erat thronus inhabitationis divinæ majestatis, & quidem collocata erat in Sancto Sactorum, Christus debet ibi considerari, tanquam qui adscendit in cœlum, & cujus regnum pro fundamento habet obedientiam in terra præstitam, quam in cœlis Patri perpetuo representat.

- V. Typos personales Historicos distincte considerandos esse in lineamentis characteristicis & temporalibus, sive Periodicis, id est, persona typica debet considerari, qua temporis Periodo in V. T. præstiterit aliquod beneficium, secundum quod est basis totius typi: nam representat Christum certa Periodo simile aliquod beneficium Ecclesiæ adducturum; verum, ad majorem analogiam, illi nonnunquam adhærent plura attributa characteristicæ, quæ videri possent ad alia tempora respicere, cum tamen solummodo respiciant ad nobilitandum illum typum: Ex. Gr. ita David fuit typus Christi secundum illam Periodum Ecclesiæ, in qua hic hostes, id est, Reges & Imperatores gentiles devinceret: verum non pervenit ad regnum, nisi post multas passiones, quæ sunt representativæ passionum Christi, atque proinde videntur ad primam Periodum spectare; verum cum illæ convenientiæ non sint primariæ, sed secundariæ, vocamus potius illas characteristics, quam tem-

temporales, & significant Christum jure passionum suarum aliquo tempore Draconem deturbaturum de throno suo.

§. 6. Emblematum omnium explicatio præcipue versari debet

I. Circa illa lineamenta & characteres, qui ad signatum postea sunt transferendi, reliquæ autem circumstantiæ non adeo sunt curandæ, quia ut plurimum faciunt ad instrumentum emblematis: sicuti imago regis non adeo consideratur secundum materiam argenti, auri aut lapidis, utpote quæ ad instrumentum tantum pertinent, verum secundum lineamenta convenientia.

II. Attributa omnibus nota non adeo explicantur, verum solummodo minus nota; in quem finem consideremus sex fontes communiores, ex quibus Emblemata depromuntur, nimirum naturalia, artificialia, cæremonialia, œconomica, Politica & moralia.

A. *Emblemata naturalia* illustrantur, quoad litteram, ex sana Philosophia, & antiquis ac hodiernis Philosophorum observationibus, qui rerum naturalium phænomena, id est, naturam, proprietates & effecta curiosius annotaverunt.

B. *Artificialia* lucem scenerantur ex artium Mechanicarum regulis ac præceptis, nec non Historiis de inventionibus rerum.

C. *Cæremonialia* illustrantur ex lege dogmatum, Thalmudistis, Historiis, gentem Judaicam & ejus consuetudines describentibus, atque ali-

quando etiam ex ritibus gentilium, quatenus aliquid ex antiquo cultu retinuerunt, aut per *κακοζήλια* imitari voluerunt.

D. *Oeconomica* intelliguntur ex populorum Orientalium consuetudine, & antiquitatum scriptoribus, qui illas diligenter excusserunt.

E. *Politica* eruantur ex Reipublicæ Hebræorum scriptoribus, & aliquando utiliter conferuntur, quæ in vicinorum populorum regimine obtinebant.

F. *Moralia* interpretamur quoque ex populorum indole & consuetudinibus, quatenus hæc laudare, alia vituperare solebant.

III. Circa characterem primum, quatenus facit basin similitudinis & convenientiæ, prima sit deliberatio ut inde procedamus ad characteres secundarios, quatenus per circumstantias adhærentes convenientiam augent.

IV. Heterogenea non sunt aliunde adducenda; sed adhærendum est illis, quæ in Textu explicite tradita sunt,

V. Quæ non faciunt ad similitudinem, sed tamen postea notanda sunt, (ut ostendatur signi a signato dissimilitudo & differentia) in explicatione Historica aliquando quoque non sunt negligenda.

§. 7. A signo transeundum est ad rem signatam, idque per collationem, assignando omnes characteres, qui in re signata signo erant analogi: hæc autem collatio in Textibus mere allegoricis immiscenda est explicationibus; in Textibus vero Typicis, Parabolicis & Ænigmaticis reservari debet ad applicationem Apodicticam,


§. 8. Applicatio Apodictica igitur hic consistit in translatione characterum ad rem signatam; ubi

- I. Subiectum signatum accurate definiendum est, & si fieri potest per applicationem scripturariam, quotiescunque Scriptura alicubi testatur, emblemata tali subiecto convenire.
- II. Basis convenientiæ rei significatæ non aliter ac in explicatione primo loco applicanda est, atque inde progrediendum ad characteres secundarios, ad circumstantias spectantes
- III. Omne *ὑπόκειται*, comprehendens adscriptionem alicujus attributi, sive characteris, ac proinde conficiens enunciationem primariam, si fieri potest, probari debet, non aliter ac solemus dogmata fidei & morum: ut videant Auditores datam applicationem non pugnare cum analogia fidei.
- IV. Quod tantum pertinet ad instrumentum similitudinis, nequaquam applicandum est, quia nihil facit ad rhombum.
- V. Absoluta applicatione convenientiæ, progrediendum ad dissimilitudinem ostendendam, si illud operæ pretium fuerit, id est, si periculum foret, Auditores utrumque extremum, signum nimirum & signatum, habituros pro rebus ejusdem ordinis atque classis: nam semper minus est in typo, quam in antitypo; & in typo nihil præter umbram, & in Antitypo solo veritatem invenire possumus.
- VI. Stylus nunquam in totum recedere debet a Metaphorico dicendi genere, atque proinde omnia *ὑποκειμένα*, rationes, exempla & similitudines eadem forma translationis debent investiri.

- § 9. Applicatio Practica idem requirit artificium, ut nimirum perpetuo postulet sibi involutam comparationem, perpetua allusione ad Emblemata ejusque proprietates, etiam illas, quæ in Textu ipso non comprehenduntur, modo contineant officia legitima consequentia inde deducta, aut consolationes legitime profluentes.

C A P. IV.

DE CONCIONIBUS CATECHETICIS.

- § 1.  uoniam primarius scopus hic est dogmata fidei & morum Theologice pertractare; non diu detineantur Auditores in exordii, quæ debent esse brevia, & apte desumuntur ut plurimum a connexionne, & eleganter a typo connexionem involvente.
- § 2. Divisio magis sit accommodata rebus pertractandis quam verbis Catechismi. Nimis enim scrupulosi sunt, qui Catechesin fere eadem reverentia pertractant, atque ipsam S. Scripturam: neque sectandæ sunt nimium subdivisiones.
- § 3. In explicationibus progrediendum est a notioribus ad minus nota, ut veritates ostendamus ex veritatibus profluere: neque etiam necesse est, nos coarctare intra limites rerum aut argumentorum, quæ in Catechesi proponuntur.
- § 4. *Articuli fidei* non tantum systematice sunt explicandi, verum etiam unumquodque *πείσμα* post datam probationem ab objectionibus vindicandum est; hinc pro-

progrediendum ad considerationes fidei, quæ circa illas veritates versatur, estque tum ostendendum pro applicatione, quænam sit

I. Illius fidei necessitas, quod scopus Catechismi requirit: nam postquam ostenderat, fidem esse medium communionis cum Christo, jam perrexerat ad illam indagationem, quænam creditu essent necessaria; ac proinde ostendendum, quod peccator sine agnitione illius veritatis non habeat spem aut fundamentum accedendi ad Deum, vel ad Christum: Verum contra, data illa veritate, amicitiam Dei nunc maximo cum fructu facile posse comparari.

II Illius excitatio ad præstandum quadruplex officium.

A. Ut se in confirmatione illius veritatis exerceat, ne illam sibi ab hostibus veritatis eripi permittat.

B. Ut veritatis istius jucunditatem & utilitatem menti suæ ita proponat, ut illi læto animo possit adstipulari.

C. Ut fides in accessu ad thronum gratiæ huic fundamento innitatur, & in suo cum Deo commercio, nec non in omnibus tentationibus huc provocet, & tanquam ad sacram anchoram confugiat.

D. Ut ferat fructus illa fide dignos, & nunquam aliquid agat, quod istius veritatis confirmatæ abnegationem involvit, atque ita claudatur oratio in aliquo motivo ad officium, quod desumptum est a nobiliori præstiti officii fructu.

§ 5. *Decalogus* peculiarem quoque requirit pertractationem, atque ibi

I. In explicatione præcepta negativa non aliter ac positiva primo sunt consideranda in sua positione affirmativa: atque ita explicatio examinatur

A. Subjectum, quod hic est officii objectum in peculiari relatione considerandum, quatenus a Christiano conspici debet, ut legitime circa illud versetur; nempe omnia præcepta moralia cum profluant ex jure naturæ, (id est, ex Dei imagine) eorum objectum ita considerandum est, ut videamus illud in sua connexionem cum decentiis Dei, qui homini statuit honorem, opes, vitam, famam &c. ut possent esse apti Dei ministri, quorum *bonitas* prærequirit *bonitas*, ac proinde honor, vita &c. sunt objectum officii nostri, quatenus illa in hominibus conservari debent, ut Deo ministrent.

B. Officium positivum exinde debet erui ita generale, ut omnes species officii comprehendat, ostendendo simul, illud officium esse immutabile & indispensabile.

C. Præcepta negativa ergo prohibent, ne quis obligationem suam hic rumpat ullo modo.

D. Quando in specie descendimus ad vitia, ostendendum est, varia illa vitia prohibita, & in Catechetica responsione annotata, nihil aliud esse quam peculiares modos, quibus naturalis obligatio rumpitur, & jus Dei violatur in suas creaturas, quibus vitiiis postea virtutes particulares opponuntur, tanquam varii modi illud jus Dei conservandi.

E. Lo-

E. Loca S. Scripturæ, ad probandum aliquid esse vitium, hic non sunt nimium coacervanda, nisi ubi casus, quem vocant conscientiæ, est dubius; alias enim sufficit jam manifestasse, quod hoc vitium in hoc præcepto sit prohibitum, id enim hic proprie in quæstione est.

II. In Applicatione basis esto, eum, qui velit habere bonam conscientiam, quod sit foederatus Dei, etiam debere habere conscientiam sinceri studii ad deponenda illa peccata, ac magis magisque exuenda, quæ in explicato præcepto erant prohibita: monendique per consequens sunt auditores, ut sibi in nullo eorum indulgeant, aut veniam pollicentur, omniaque motiva ad dissuadendum aut adhortandum desumenda sunt ex illa juris naturæ æquitate, quam in principio explicationis assignaveramus.

§. 6. Circa *orationem Dominicam* notare debemus,

I. In explicatione

A. Objectum petitionis, circa quod versatur nostrum desiderium, cujus significatio secundum omnem amplitudinem, quantum per scopum fieri potest, sumenda sive accipienda est.

B. Prædicatum comprehendit ipsam rem desideratam: ubi in explicatione evolvendi sunt omnes modi, quibus res illa desiderata executioni demandari potest.

C. Quilibet modus possibilis non tantum illustrari debet exemplis, verum etiam Prophetiis aut promissionibus Dei ostendi debet, Ecclesiæ illam spem datam esse, ut Auditores percipiant,

(k)

nos

nos verbo Dei inniti, quando hæc a Deo postulamus, atque adeo illa ex fide rogare posse.

D. Imo cujuscunque modi ostendi potest convenientia ad promovendam gloriam Dei, & salutem Ecclesiæ &c.

E. Ostendi quoque debet in fine explicationis, quomodo illa petitio profluat ex Dei alloquio, tanquam Patris nostri, & cohæreat cum præcedenti petitione.

II. In applicatione basis esto, quod qui cum filiali fiducia velit accedere ad Deum, tanquam Patrem, ita debeat esse animatus erga objectum petitionis, ut sinceritatem desiderii propositi coram Deo possit testari: hinc profluet


A. Usus convictionis eorum, qui tale desiderium ore testantur, & tamen operibus abnegant.

B. Usus admonitionis, quo hortamur supplicatores, ut utilitatem & necessitatem rei desideratæ bene expendant, & sibi ex illa consideratione sincerum ejus desiderium acquirant: deinde ut sibi forment firmum propositum omnibus modis & mediis rem desideratam promovendi, precibus suis hunc scopum præfigant, ut Deus nostris conatibus velit auxilium suppeditare.

C. Usus consolationis sit, quo Auditores reddimus certos, Deum hæc preces exauditurum, & omne desiderium impleturum, utpote qui a Christo, Dei filio accepimus manuductionem ad Patrem, & jus hæc omnia implorandi, Qui proinde suum patrocinium nostris precibus adjungere non denegabit.

C A P. V.

DE TEXTIBUS PRACTICIS, VIRTU-
TEM ALIQUAM, AUT VITIUM
COMPREHENDENTIBUS.

§. 1.  uotiescunque virtus aliqua, aut vitium
pertractari debet, vel ut thema simplex,
vel ut tota enunciatione comprehensum
occurrit.

§. 2.  Quando in textu occurrit thema sim-
plex, in explicatione

I. Ab Emphasi vocabuli incipiendum, quo in Textu
Originali utitur Spiritus Sanctus.

II. Ad definitionem virtutis aut vitii progrediendum,
quæ compendiose proponi debet, quoniam per
explicationem realem in sequentibus tractanda est;
idque hoc ordine, ut evolvamus

A. Objectum, circa quod virtus aut vitium ver-
satur.

B. Virtutem ipsam aut vitium pertractemus juxta
considerationem Energeticam & Geneticam

α. Energetica consideratio exigit, ut expona-
mus

α. Actionem secundum varios actus, qui
in cujuscunque exercitio ad effectum
concurrunt; incipiendo ab elicitis, &
progrediendo ad imperatos: quid mens
agat juxta varias suas facultates; quid
corporis aut certorum membrorum ope
praestet.

- 1.** Effecta, Objectum, si virtus agat, perficientia, si vitium, destruentia, aut ei detrahentia.
- 2.** Proprietates inseparabiles, actiones utriusque modificantes.
- 3.** Genetica consideratio notat causas ita agendi, detegitque in virtutibus, quis finis agendi legitimus actionem rectam faciat, & quomodo fides hic sit operosa. Cum enim nulum opus sit bonum, quod non provenit ex fide, tenditque ad gloriam Dei, atque ex iis principiis prognascitur, oportet sane, ut in quacunque virtutis singularis explicatione ostendamus, quomodo utraque, fides nempe & quæstio gloriæ Dei, mentem ad virtutis istius exercitium excitent, applicent, & in operando dirigant.
- §. 3.** In applicatione considerata sunt illa motiva, quæ præcipue procedunt
- I.** Ab honesto aut inhonesto, considerantes objectum aliter tractandum, quam peccatores solent: aut hominis ad salutem vocati officium & decen-
tiam.
- II.** Ab utili, considerantes quid virtutes conferant ad salutis nostræ stabilimentum, regni Christi promotionem & Dei gloriam: vitia autem considerantur, ut hisce omnibus opposita.
- §. 4.** Stylum quod attinet, eleganter depingimus virtutis aut vitii indolem, introducendo personam illa virtute imbutam, aut vitio deturpatam: ita enim elegantius afficimus Auditores.
- §. 5.** Unusquisque virtutis aut vitii character exemplis &

& sæpe etiam emblematis efficaciter depingitur, insertis hinc inde S. Scripturæ testimoniis per modum sententiarum & axiomatum moralium.

§. 6. Verum quando virtutes aut vitia se in Textu habent per modum subjecti cum suo prædicato, definitio tantum evolvi & elucidari debet; & considerandum est, an prædicatum pertineat ad effectum peculiarem, an vero ad ejus generalem turpitudinem, noxam aut periculum, si agitur de vitio; vel contra si agitur de virtute: in hoc enim casu omnes nervi intendendi sunt ad amplificandum prædicatum, & ostendendum, quomodo illud virtuti aut vitio cohæreat.

§. 7. In Proverbiis Salomonis ut plurimum virtutes suis vitiis oppositæ repræsentantur: ibi autem oportet nos considerare, axiomata illa moralia pertinere ad œconomiam Sapientiæ, id est, Christi in Ecclesia; nam ut hoc obiter moneamus, librum illum putamus conscriptum esse occasione templi a Salomone conditi, & repræsentare templum spirituale Sapientiæ cum omni sua œconomia; ac proinde illa axiomata referenda sunt ad conversationem Christiani, tanquam domestici Dei, cui sapientia prudentissima supeditat consilia ad consequendum bonum, & effugiendum malum, agendumque, ut tam digni domicilii domesticum & inquilinum decet. Methodus ergo talis esto,

I. Ut connexionem investigemus in affirmando casu periculi & tentationis, sub quo tales prudentiæ canones locum habent verorum mediorum, partibus & cohærentiis tentationis legitime oppositorum.

(k 3)

II. Ut

II. Ut propositio gnomam sapientiæ commendet, tanquam suo in casu utilissimam, ad expediendam animam tentationis metu correptam.

III. Explicatio vero in hunc modum procedat.

A. Virtus & vitium suis prædicatis præmittantur, & tanquam opposita considerentur.

B. Prædicata, quæ ut plurimum sunt utriusque effecta aut consequentiæ, deinde subjungantur.

C. Hinc proinde concludamus, propter contrariam oppositorum naturam, illorum actiones & studia quoque habere contrarios effectus, aut saltem eventus.

D. Interim conclusio illa debet relate concipi ad casum tentationis, prudentiam illam requirentis: ostendendo, ut vitii effectus hominem projiciat in laqueos a tentatore protensos; virtutis contra præstet libertatem, & immunem reddat a malo intentato.

IV. Post hanc conclusionem, quæ simul basin facit applicationis,

A. Reprehendendi sunt, qui contra prudentissimum sapientiæ divinæ consilium designato vitio etiamnum adhærent, & tam incongruos illi œconomix effectus producant.

B. Hinc ad officium exhortandi sunt fideles, ut consilium datum sequentes, oppositam vitio virtutem colant, & meliores effectus producant, quo meliorem eventum possint sperare.

F I N I S . P A R T I S

Specialioris.

PARS

P A R S T E R T I A.

D E

EXTERNO CONCIONUM ORNATU,
ET PRONUNCIATIONE,

C A P. I.

DE STYLO EXCOLENDO.

§ 1.



ostquam vidimus totam rationem compositionis, nunc etiam paucis nonnulla considerata sunt, quæ pertinent ad ornatum, & ad externam recitationem.

§ 2.

Maximum ornatum sibi mutuatur concio a stylo, id est, a congruo dicendi genere: requirit

enim Cathedra & Majestatem, & evidentiam; cum enim scopus loquentis sit intelligi prompte, perspicue, & cum aliqua jucunditate, valde attendendum est, quibus mediis illum effectum possimus consequi, ac proinde hic quædam erunt observanda & accurate notanda.

- I. Ut verba eligantur emphatica, quæ mentem eleganter exprimant, qualia si in proprio significato non occurrant, eligenda sunt Metaphorica.
- II. Omnia obsoleta vel e trivio desumpta plane negligenda sunt, quoniam priora non omnibus intelliguntur, posteriora non servant Majestatem, ac proinde generosis judiciis atque animis ingrata occurrunt.

§. 3.

- § 3. Ad ornatum styli pertinet quoque, ut periodi non sint nimis protractæ, verum concisæ pro viribus cujusque vocis, ut unica pectoris respiratione cum Emphasi suo proferri eloquio possint.
- § 4. Quoad connexionem Periodorum non evitandæ sunt copulationes, quæ sequentis periodi munus designant, ut aliqui solent, in eo styli Majestatem quærentes, dum volunt videri nil nisi sententias effundere : quoniam hoc scopum loquentis nimis involvit & obscurum reddit; verum præcipue huic incumbendum est, ut istarum copulationum copia in promptu sit, ne earumdem copularum repetitione perpetua Auditoribus tædiosi simus : ita sententiæ, quæ copulandæ sunt per *ἀιτιολογίαν*, & conclusio, variis modis possunt converti, quod ad styli elegantiam plurimum facit.
- § 5. Maxima tamen styli Majestas dependet a verborum constructione syntactica, & adverbiorum locatione, in quibus lingua Belgica peculiarem admittit *ἰδιωτισµον*, quæ tamen magis discuntur ex bonorum Auctorum lectione, quam quod regulis circumscribi queant.

C A P. II.

D E V O C E.

§. I.



Quod attinet ad elocutionem, ut grata sit, rei-que enunciandæ accommoda, requirit quoque peculiare aliquas conditiones.

- I. Ut sit tarda, id est, articulata & distincta, quam tamen nemo acquirat per syllabarum protractionem; singula enim verba requirunt arctam syllabarum conjunctionem, verum ut ad Commata & Cola

Cola proportionatum relinquamus temporis intervallum, quo aliquantisper cunctandum est, non aliter ac in Musicorum Pausis fieri solet.


II. Ut absit omnis *μωρολογία*, delicatæ enim sunt aures, & acerrimus earum sensus, ac moderamen aliquod requirunt, ut in reprehensione dicta sint severiora, in consolatione blandiora; in vocibus *εὐεργητικάις*, (quæ enunciationi basin & lucem suppeditant) efficacia & quasi urgentia.

III. Ut nunquam in principio elevetur, imo ne quidem ullibi ad tantam altitudinem, ut gubernari nequeat, & non audeat currus habenas: verum ut semper omnes inflexuras requisitas habeamus in potestate.

§. 2. Interim monendi sumus, ut quisque consulat suis viribus, & quæ voci vitia adhærent naturalia potius corrigere studeat; non enim approbamus illorum consuetudinem, qui sibi prædicatorem aliquem imitandum proponunt, contra propriæ & naturalis vocis indolem; ita enim simias agunt, & simiarum instar se omnium risui exponunt.

C A P. III.

D E G E S T I B U S.

§. 1.  Quoniam gestus externi non aliter in oculos incurrunt, ac externa elocutio aures afficit, habent aliquid, quo mentem etiam afficiant, atque ita duplici modo mens excitata sæpe felicius intelligit.

§. 2. Verum pro gravitate linguæ nostræ vernaculæ debent
(1) esse

esse compositi, & ad gravitatem vergentes: proinde

I. Erecta statura hic majestatem præ se fert, neque corpus nimis jactandum, neque corpus inclinandum est; neque etiam jactanda nimium sunt brachia: istas enim gesticulationes ad scenam & theatra amandamus.

II. Manuum motus moderatus esto, sed tamen vividus, id est, accomodus ad rei pertractatæ expressionem; ita in comminationibus digitum intentamus: in vitiis recensendis, ad pudorem exprimendum nonnihil averso capite, & manu relegante, indignationem exprimimus: atque ita in reliquis.

III. In allegationibus Textuum nulli gestus locum habent; manus igitur sit pacata, verum in recitatione aliquando elegans est digiti *indextus*.

§. 3. Vultus exprimat suis lineamentis animi passiones, atque ita componatur moderate hinc ad lætitiā, illinc ad tristitiā, nonnunquam ad indignationem, aliquando ad humanitatem, prout aut magna promittimus, aut tristitia comminamur, vel pudenda reprehendimus, aut etiam ad officia blande allicimus.

C A P. IV.

DE EXTEMPORANEO DICENDI GENERE.

§. 1.  uamvis Tironibus consultum velimus ad acquirendum habitum dicendi, & copiam verborum Emphatice doctrinam exprimentiam, ut calamum conscribendis concionibus exerceant, & aliquamdiu huic immorentur: nihilo-

hilominus non existimo per omnem vitam huic in-
hærendum esse: non tantum propter temporis dispen-
dium, quod aliis studiis impendi potest, verum etiam
propter libertatem dicendi; qua comparata, oratio
majorem accipit vivacitatem, & quasi ex imo animi,
seu pectoris meditullio profluit.

§. 2. In eum finem attendere oportet

I. Ad totius concionis systema, secundum *πρόσωπα*
& *ἀξιώματα* essentialia.

II. Ad facundiam comparandam, ut possis animo con-
cepta ex tempore pronunciare.

§. 3. Quantum attinet ad conjunctionem rerum,

I. Menti proponenda est Analytica omnium partium
constitutio; scilicet ut tibi proponas, unde exor-
dium desumendum sit, qua in re connexio con-
sistat, quid in propositione urgere velis, quænam
sint divisionis partes, & (quod tibi soli reservan-
dum) divisionum subdivisiones Hinc in Applica-
tione menti quoque proponas omnes Usus.

II. Quilibet Articulus suppeditabit tibi *πρόσωπα* ali-
quod deducendum, quod cum fieri possit, & ple-
rumque debeat, tum per elucidationem, tum per
confirmationem, hoc totum in repetita meditatione
memoriæ imprimendum est, ut menti proponas,

A. Quibus similitudinibus aut exemplis, vel
etiam quali deductione a priori unumquod-
que *πρόσωπα* velis elucidare.

B. Quibus locis parallelis, ad stabiliendam analo-
giam fidei, unumquodque *πρόσωπα* velis confir-
mare, additis aliquando rationibus, ex quibus
eandem veritatem adstruas.

§. 4. Ut autem imaginatio nostra hisce rebus facilius ad-

hæreat, exempla, similitudines, &c. una denominatione poterunt memoriæ imprimi, ex qua dependet totius rei occurfus; qua in re quisque experiri debet, quænam notæ illi magis conducant, hoc enim mihi fere simile videtur Antiquorum arti Hieroglyphicæ, qui unica notula totam sibi designabant Historiam.

§. 5. Rebus menti repræsentatis, restat, ut comparemus nobis facundiam, qua facile animo concepta ornato sermone reddimus & exponimus; ubi plurimum peccatur ab inconsuetis:

- I. In vocabulorum quorundam sermonem exordientium inani repetitione, quibus tardior ad pronuntiandum mens quasi incumbit, ad lucrifaciendum aliquod temporis interstitium cogitationibus formandis requisitum, adversus quam consuetudinem animus valde obfirmendus est.
- II. In particularum copulativarum identitate, quod vitium facile avertimus, si comparemus nobis consuetudinem invertendi formulas dicendi; ita Ex. Gr. quotiescunque ad confirmationem ratiocinandum est, particulæ *αιτιολογικαι* inter se commutentur, quales sunt *nam*, *ideo*, *idcirca*, &c.
- III. In periodi defectiva enunciatione, qua aliquando verbum ipsum aut ejus temporale omittunt; cui opponimus consilium considerandi verbum tamquam enunciationis basin, & in ejus elegantia quærendi Emphasis; reliqua autem omnia usu comparantur.



COMMENTARIUS

A D

METHODUM CONCIONANDI.

P A R S P R I M A.

C A P. I.

O B S E R V A T I O I.



onciones hermeneuticas jam in primitiva Ecclesia obtinuisse, & hoc ἔργον incubuisse jam olim episcopis, evincit locus. 1 Tim. v. ψ. 17. ubi presbyteri καλῶς πρεσβεύειν ii tantum censentur, qui simul etiam sint κοπιῶντες ἐν λόγῳ καὶ διδασκαλία. In coetibus Christianorum statim post Apostolorum discessum idem obtinuisse probat locus illustris, qui extat in Justini Martyr. Apolog.

II. τῇ τῷ ἡλίῳ λογιμῇ ἡμέρᾳ πάντα κατὰ πόλιν καὶ ἀγρὺς μενοῦνται ἐπὶ τὸ αὐτὸ συνίλευσις γίνεται, καὶ τὰ ἀποκηρυκτούμενα τῶν ἀποστόλων, ἢ τὰ συγ-

γράμματα τῶν γραφῶν ἀναγιγνώσκονται μέχρις ἐσχάτου. εἴτα παιδαγωγῶν τῷ αἵματι καὶ πνεύματι, ὁ πρεσβύτερος διὰ λόγον τῆς ἰσχύος καὶ πρόληψιν τῆς τῶν καλῶν ταύτων μιμήσεως ποιεῖται. Ex quibus constat, præfectum immediate post lectionem verbi divini subjunxisse adhortationes, aliosque sermones, verbo prælecto respondentes, & ad usum revocantes. In Constitutionibus Apostol. lib. 1. c. 5. Episcopus describitur quod esse debeat πολυδιδάκλος, *librorum factorum cupidus meditator*, ἔσ' ἀσπιδὺς λέκτορ, ἵνα τὰς γραφὰς ἐπιμιλῶς ἐρμηνεύῃ NB. ἐκαστοίχως τοῖς Προφῆταις καὶ τῷ νόμῳ τὸ Ἐυαγγέλιον ἐρμηνεύων &c. unde exhortatio etiam ad episcopos sequitur, ut possit πάντα καλὰ καὶ λίαν ἐρμηνεύειν, utque ita populum multa ἔσ' copiosa doctrina nutriendi, ἔσ' illustratione legis illuminent. Agnosco quidem illas Constitutiones non esse primi sæculi opus, mihi tamen sufficit, jam tertio aut initio iv. sæculi collectionem istam factam fuisse, ut saltem primitivæ Ecclesiæ consuetudinem hinc legitime eruamus. Adjiciam & Synodi Laodicensis canonem, habita autem hæc fuit circa medium quarti sæculi: cujus canon xix. ita se habet.

A

Ὅπου.

Oportet post conciones episcoporum etiam catechumenorum preces perficere
 μὴ τὰς ἐμιλίας τῶν ἐπισκόπων καὶ τῶν κατήχησέων ἐν ἑκὶ ἐπιτελεῖσθαι. Nota
 ibi vocari ἐμιλίαις episcoporum opus.

OBSERVATIO II.

Conciones non esse multum ultra horam protrahendas.

Hanc conditionem seu hoc præceptum præscribunt fere omnium sæculorum doctores: beatus Hussus apud Foxum in Martyrol. scribit ad sacerdotem quendam: *Concionare perpetuo, sed breviter, & cum fructu, prudenter intelligens & discrete dispensans sacras scripturas.* Hinc disciplina fratrum Bohemorum hanc quoque præscripsit doctoribus regulam. *Legis instar est, ut concionis prolixitas vitetur ad evitandum in auditoribus fastidium. Ideo matutina concio non ultra horam, etiam cantu annumerato, quemadmodum & pomeridiana, pro festique diei concio protendi iubetur, In magno evangelico textu explicando hora datur. Meridiana & vespertina non ultra horam mediam.* Hinc in Harm. Synod. Belg. Cap. xi. §. 6. hæc lex præscribitur; concionibus nimis prolixis auditorum memoria ne oneretur: sed, si fieri potest, ad unius horæ spatium sermo temperetur. Ex homiliis veterum constat etiam, patres succinctos habuisse sermones: ex Augustin. in Pl. xc. & Chrysof. Orat. iv. advers. Judæos constat, quod non licuerit, sermonem ultra concessum tempus protrahere, ut ad terminum illum venientes profiteantur se abrumpere, ceteraque differre: imo patres per horæ spatium concionari solitos observat vir clarissimus Hoornbeekius ex Basil. sermon. in Pl. xlv. Bernard. serm. xiv. xlv. lxxxiii. in Cantic. Labet subjungere, quæ circa hanc causam disserit Keckerman. Rhetor. Eccles. Lib. i. cap. x. „Dispositio sic informetur, ut concio fiat brevis, atque horæ
 „spatium non excedat, quia raro in papatu conciones ad populum fiebant,
 „missis nimirum & aliis Idololatricis ritibus in locum doctrinæ publicæ sub-
 „stitutis, ideo factum est, ut si quando ad conciones habendas prodirent mo-
 „nachi, diebus præsertim sacris pascha proxime præcedentibus, nullumque
 „possent præposterii homines concionandi modum servare, detento sæpe
 „auditorio ad horas tres, imo quatuor aut plures. Hodie adhuc ex eo laudem
 „quærent monachi Capucini, præsertim quod, cum rigidiorum regulam
 „sequi nitantur, ad movendum populum magis sunt comparati: At vero
 „Prophetarum, si Apostolorum, si Christi ipsius conciones, quæ concio-
 „num nostrarum normæ & exemplaria esse debeant, spectemus, breves et
 „sunt pleræque omnes, & tales, quæ intra dimidiatæ horæ decursum possent
 „recitari, quod idem de plerisque patrum homiliis dicere possumus: nec
 „videntur longæ & prolixæ istæ conciones pertinere ad Ecclesiæ vel
 „ædificationem, vel *ἐνδοξασίην*, sive decus & ordinem, hoc præsertim
 „tem-

„tempore, quo abrogatis misificationibus crebræ ac frequentes concio-
 „nes populo Christiano divinitus reſtitutæ ſunt : & ſane cum duo ſint
 „oratoris Eccleſiaſtici officia, docere, & movere, utriusque neceſſaria &
 „lex, & virtus eſt brevitās: neque docet methodice, qui docet prolixè,
 „nec movet ſatis efficaciter, qui nimium movet. Obruuntur auditores
 „copia, & dum deſperant aſſequi, deponunt attentionem, ut prudenter
 „dixerit magnus ille concionator Bucholcerus. *Brevis concio detinet au-*
ditorem in affectu. Item *Brevis prædicatio, longa raminatio, perpetua actio.*
 Confer quoque Gauſſenium in tractatu *de ratione concionandi.* p. 285.

C A P. II.

D E E X O R D I O.

§. 1. Notandum, cauſam huius conſilii latere in humana noſtra condi-
 tione; mens enim auditura, quæ dicentur, propter conjunctionem
 cum corpore ad debitam attentionem ſæpe tardior eſt, & antequam
 ad novarum rerum conſiderationem tranſeat, ab aliis cerebri imagi-
 nibus ſuſpenſa retinetur, aut in alienas cogitationes diſtrahitur.
 Hinc prudentiæ oratoriæ eſt ſpirituales fluctus componere, aut ad
 aliam determinationem revocare: quod oratores argumento quo-
 dam gravi & jucundo præſtare ſolent. Præprimis tardior eſt ho-
 minum animus, quando ex rerum terreſtrium curis ad ſpiritualem
 contemplationem aſſurgere debet; idque partim propter corruptio-
 nem naturæ adhærentem, partim propter rerum ſpiritualium ſubli-
 mitatem. Hinc ſermonibus panegyricis etiam exordia quaſita ſunt,
 quæ vagas illas, & curis vitæ immerſas cogitationes ſuaviter pro-
 pellunt, quorſum faciunt argumenta, ſua novitate, dignitate, &
 ſuavitate animum ferientia.

§. 2. *Condiſiones eius ſunt.*

I. Niſi exordium animum auditorum recte introducat in rem ipſam,
 attentionem avertit, aut deſaſſare ſolet. Cum itaque exordii mu-
 nus ſit, veſtibuli aut atrii munere fungi, & auditorem ſtatim in
 ipſum adytum intromittere; ſermo omnis hians & ſaltum com-
 mittens, eoſque quod male cohæreat & extra oleas vagetur, nobi-
 lem animum in limine offendit, ac proinde primam attentionis
 flammulam extinguit.

A. *Non longe petitur*, id eſt, nimium a re præſenti remotum, etiam
 ex eadem lege proſluit, quia attentio nimium vexata etiam
 ſponte flacceſcit.

B. *Nimis ſpeciale dicitur*, quando cum re ipſa pertranſcanda
 A 2 coin-

coincidit, ita ut in ipsa exegeſi ſibi locum peculiarem vendicet; jam vero fruſtra ſit ejusdem rei repetitio.

- II. Exigit iſta conditio, ut *argumentum* ſit *rarum*, & *jucundum*; non vulgare igitur, quod pluribus textibus applicari poſſit, aut tritum; ſolet enim mens affici a rebus novis aut minus cognit-
tis: *ſuavitas* & *gravitas*, quarum mentionem fecimus conſiſtit in rerum pondere & eleganti pictura: his enim mens delectatur.
 - III. *Perſpicuitas* requiſita conſiſtit in eo, ut verborum emphafi & periodorum conciſione idea in auditoribus ſtatim excitetur, atque ita ſine magno labore ad propoſitionis contemplationem perveniat.
 - IV. *Brevitatem deductio* exigit. Notandum quod ultima ratio *de temporis diſpendio* deſumpta, nitatur canone de concionibus, intra horam abſolvendis; ut enim rei pertractandæ faciamus ſatis, non iis immorandum eſt, quæ minus ad cauſam faciunt.
- §. 3. Monet hic articulus, ea quæ ſpectant ad exordiorum inventionem, ſcilicet ex quibus locis ea petenda ſint, & quomodo mens in inventionibus ſit dirigenda. Eligamus ad rei illuſtrationem textum unicum, ut conſtet, quo pacto ex variis ſedibus locorum varia exordia illi aſſumi queant: locus eſto Ezech. xviii. §. 31.
- I. Si hic a *generaliori* ſit progrediendum, meditatio proſpiciat actionem ſpecialem, in quantum compendioſe continet totius textus argumentum. Eum in ſinem notate locum illum propheticum. *In periculo moriendi probare conſilium, atque dare deſcriptionem modi, quo malum evadat Iſrael.* Itaque argumentum in ſynopſi, quod vocamus ſpeciale, eſt. *Prudentiam poſtulare, ut per animæ mutationem molitas defectiones deponat, qui mortem evadere velit.* Jam delibera de axiomate generali, ad baſin exordii formandam ſpectante; dum enim conſideramus defectiones iſtas ſe ad mortem imminentem habere, ut cauſam ad effectum ſuum, ſumme neceſſarium & prudentiæ eſt, ut cauſam fugiat; qui ab effectu malo tutus eſſe velit, ſtatim proſilire videas hoc axioma: *prudentiæ eſſe, ut malorum cauſas avertat, qui noxios effectus evadere velit.*
 - II. *A ſimili* quando ſunt, exemplum aliquod ſpecierum aſſumitur, per quod alias regula iſta generalis illuſtrari poſſet, atque ita brevitatis cauſa unum aliquid ſimile eligatur: quod ut clarius & evidentius conſtet, retinete ad eundem textum in mente axioma aſſignatum, ſcilicet, *prudentiæ eſſe, ut qui malum evitet, a mali cauſa recedat.* Hoc axioma deduci poſſet per varia exempla in naturalibus obvia. V. C. Ita nauclerus in curſu, quem tenet, ſcopulum objici monitus curſum invertit, ne naufragium

gium patiat; vel æger de veneno monitus, quod inimicus potioni medicæ immiscuit, eam abjiciet &c. tu si brevis esse labores, poteris tali exemplo contentus incipere a fictione similis casus, & per collationem brevissime transilire ad textum, naturalia cum spiritualibus conferendo V. C. prudens nauclerus &c. hujus ad exemplum progreditur etiam prudens Christianus &c. Verum cum huc quoque exordia revocanda sint ab *emblemate sacro, vel profano, vel typo*; etiam hanc rem exemplis illustremus. Exordium ad eundem locum eligamus.

A. Prudentiæ in vitandis malorum causis evidens emblemata observamus in serpente, quod animal a simili prudentia commendatur: V. C. in serpente prudentiæ symbolo, ut singulare prudentiæ specimen notatur a physicis, quod bruma præterita exuvias, quas laxiores contraxit, ad rimam petræ se alidens exuat, atque deponat, ne ipsi in querendo alimento sint impedimento, & inedia intereat, renovata prodians facie, qua vitales actus promptius exerceat; unde hæc fieri potest translatio: Christus serpentis commendans prudentiam eam quoque nobis in exemplum proposuisse censendus est: Matth. x. v. 16. Saltem eadem res est, quam hic Israelitis commendat Deus, ne ob defectiones non depositas moriantur: exigit enim, ut istas veteris hominis exuvias exuant, deponant, abjiciant, ac novitate cordis ac spiritus novam contrahant faciem, quod unicum mortem evadendi præscribitur remedium.

B. Poteris & contrarium symbolum eligere, scilicet pueri, per imprudentiam ludentis cum serpente, eamque in sinu condentis, a qua ipsi ictus imminet internecinus, cujus exaggeranda est stultitia, & temeritas: ut autem translatio fiat commoda, ita pergendum, defectiones non aliter esse respiciendas ac serpentis lusus, a quibus nihil expectari potest, nisi mors ipsa.

III. *A contrario*, si quis hic sermonem incipere velit, attendat, nihil illi curandum esse, nisi ut axioma tale generale invertat in contrariam enunciationem. V. C. pro exordio a generali inveniuntur prudentiæ esse &c. jam invertit, ut exordium sit ab opposito contrario. V. C. *insana esse temeritatis malum fovere in sinu, a quo tibi præsens imminet periculum.*

IV. Ubi exordia ab occasione temporis sunt desumpta, in iis exponitur ratio consilii, cur peculiare aliquod argumentum pertractandum sumserimus; scilicet facies temporis strictim depingitur cum aliquo animi affectu, & ad manifestationem necessitatis rapitur, ut de ea deliberemus, & argumento commodo po-

stulato temporis satisfaciamus, ostendendo, argumentum convenire temporis: circa hujus generis exordia monet Cl: Walæus; *In concionibus sacris rarius esse usurpanda, nisi forte diebus festis, aut jejuniorum, aut coram novis auditoribus, aut positis novis casibus.* Nonnunquam obtinet, quod Johannes Polyander monuit: *Exordium istius generis ex abrupto fieri debere, ut plurimum per apostrophen ad Deum, vel auditores; aut per interrogationem, aut per epiphonema, cum scilicet, subita, ingens & inexpectata ecclesiæ ex statu meliori in pejorem, vel ex pejore in meliorem, mutatio, id ipsum flagitat, alias, notante Walæo, ridiculum esset & ineptum statim in initio movere affectus nisi res aut casus extraordinarius id postulet.* Hæc si excutiamus ad regulam exordiorum, æquum continere postulatum facile constat, quia cum exordia sint ad attentionem excitandam & mentem ab aliis curis abstrahendam, id sane minus requiritur, quando novitas rei omnium animos occupavit, tunc enim præsupponimus, mentem potius circa illud objectum fovendam esse circa contemplationem, recens enim rumor de victoria acquisita communem parit in animis læticiam, qui affectus facile omnes alias cogitationes expulit, in quo statu conservandus est auditor: si vero fama de strage illata consternationem inseruerit hominum animis communem, haud alienum est sensum malorum retinere vivum, ut desiderium solatii aut studium remedii sponte suscipiatur, a quo consilium suum temporis accommodatum recludit ecclesiastes.

Observatio peculiaris est, ut noster hermeneutes, si ex sedibus istis assignatis haud commodum legibus exordii argumentum statim inveniat, potius exordii loco a cohærentia textus incipiat, quæ propositio speciem exordii inducere potest, quotiescunque nexus inter antecedentia & textum ipsum ad aliquam enunciationem, rationem nexus continentem, revocari poterit; alias deliberatio de cohærentia pertinet ad præparationem, sequenti capite tradendam.

- S. 4. I. *Basin Exordiorum* requirere concisam & nervosam propositionem, ex ratione exordiorum derivatur, quia primus pulsus est ad aurium reclusionem, ut cogitatio, quam excitare cupimus, subito & paucis percipiatur, & quasi in reliquas cogitationes vagas irrumpat.
- II. *Quod deductionem* notetur, ut exordium axiomaticum triplici modo possit amplificari.
- A. Ratiocinio.
 - B. Paraphrasi.
 - C. Uno aut altero exemplo, quod ita intelligendum est, non ut

ut omnia ista conjungamus, sed ex triplici ista sede unam tantum speciem deductionis deligamus, eam proferentes, quæ naturam axiomatis exordialis potissimum illustrat.

- III. Translationem non esse omittendam monemus serio, nec frigide attingendam; quare *accommodatio exordii* ad textum exigit texturam verborum utriusque extremi, ita, ut videamus, fere verba verbis respondere; præprimis si ab exordio verba aut generalia aut emblematica observamus influere debere in argumentum textus, sub suis notionibus propositum aut proponendum. Ita V. C. voces metaphoricæ & emblematicæ per connexionem genitivi cum substantivo anteriori, mentem metaphoræ explicantis conjungi possunt, ut *serpentini motus affectionum nostrarum* & *cupiditatum*, &c.

C A P. III.

D E P R Æ P A R A T I O N E.

- §. 1. *Preparatio* ad intellectum textus spectat, eaque fit, ut textus majori commoditate lucem acquirat; considerat itaque homilista textum, in quantum totius sermonis partem facit, & in contextu suum tuetur locum, sive quo sensu, quo scopo affirmationem aut negationem includit, proinde consideratur non tantum, quatenus, quod verum est, affirmet, falsum neget, sed etiam cujus rei gratia allegetur textus elucidatio, & qua latitudine aut restrictione incedat, quod aperitur, quando assignatur, quas partes suo ambitu contineat.
- §. 2. I. *Ostensio coherentie* ostendit omnem contextus rationem, seu relationem, quomodo enunciationes cujuscunque pericopæ in se aut ad se invicem se habeant; hoc vero in disciplina hermeneutica maxime facit ad sensum eruendum, quia potestas vocabulorum postmodum ad hunc lapidem lydium erit examinanda, & postmodum ostendit, quæ vocabulorum aut phrasium significatio ad quæstionum solutionem faciat tantummodo.
- II. *Propositio* judicium formandum suis includit limitibus, cum ratione subjecti tum prædicati, atque ita ne meditatio *μίσγρον* faciat *αἰς ἄλλο γένος*, præprimis efficit.
- III. *Divisio* etiam res pertractandas restringit, & expendendas in classes redigit, monetque auditores, quænam, & quo ordine nobis omnia examinanda constituerimus.
- §. 3. *Coherentia* dicitur a nobis ad considerationem methodi & digestionis rerum spectare: scilicet ea aperit, quomodo Spiritus S. in disponendis rebus sapientiæ divinæ specimen ediderit, res eum in modum dirigendo, quo scopum facillime & maxime solide assequatur.

§. 4.

§. 4. Traditur *hic inventio coherentiae*, repræsentaturque medium, quod est ex studio analytico Biblico, quo interpreti nihil utilius, præclarior, excellentior. Inservit enim non solum memoriæ, ut facile in dispositione partium librorum & capitum contenta synoptice teneamus, sed præprimis, ut aptam rei dispositionem perspectam habeamus; introducit nos in agnitionem legitimæ methodi & progressus, ac postmodum reddit nos aptos, utendi iudicio logico præter regulas hermeneuticas, docentque, eam esse vocabulorum potestatem, eamque latitudinem, & restrictionem, quas exigit scopus, & permittunt antecedentia. In hunc finem commendamus tyronibus, ut non negligant, qui analyticos labores ediderunt, præprimis *Enchiridion biblicam Heideggeri*. & *Partem analyticam Theologiæ prophetiæ Gulichii*, scripturamque legentes in studio particulari pietatis ante lectionem utrumque conferant, nec non sibi familiares reddant nostros labores, attendantque ad denominationes partium, quas forte adhibuimus evidentiores, & magis ad scopum facientes.

Hæc analytica scientia cum perpendat potissimum scopum, & cetera omnia, scopo subordinata & promoventia, hinc sequitur, unumquemque librum, ut coherentiam inveniamus, revocandum esse ad scopum, qui nihil aliud est, quam scribendi causa, & rationes; ejusque cognitio agnoscitur in hermeneuticis primum iudicii logici fundamentum, cujus ope in mentem Spiritus S. penetrandum est; nec dissimulare possum, si quis velit ulterius pergere, & in hac disciplina sibi comparare argumentum scientiæ circa singulos libros, ei deliberandum esse semper, an scopus, quem hæcenus dederunt Viri Docti, non possit ulterius restringi: vitium enim est in generalibus & circumscriptionibus obambulare: quod ut feliciter præstemus in posterum, ex historia temporis, populi, aut civium quærendam esse occasionem scribendi tenendum est, quæ feliciter detegit morbos, quibus in scopo remedium quæritur; & quo status Ecclesiæ, cui S. S. quædam communicat, aut ad quam epistola singularis mittitur, penitus cognoscitur, eo restrictior erit scopi consideratio, huc etiam ut perveniamus sacr. script., aut epistolæ perpendendæ sunt in omnibus dictis ad historiam status Ecclesiæ spectantibus, & si ex profanis auctoribus aliquid colligi poterit ad mores gentium illarum cognoscendos, nec non ad idololatrias singulares eruendas; hoc & sedulo colligendum est, quia sæpe ad talia respiciunt Apostoli in suis epistolis. Ita V. C. si epistolam ad Ephesios intueamur ac legamus, quo animus plus est imbutus cognitione Ephesiorum istius temporis religionis, gentium & Judæorum, civitatem illam incolentium, cultus Dianæ præprimis, ut patronæ artium magicarum, studiorum Apollonii Thyanæi inter Ephe-

Ephesios proxime secutorum, ejusque adversus religionem Christianam consiliorum, eo facilius erit tota istius epistolæ intelligentia: omnes quidem dicunt esse epistolam confirmatoriam in fide, huncque scopum sibi præfuisse Paulum, ut novi conversi Christiani adversus proxime instantes tentationes perstarent; jam historia Apollonii Thyanæi, ejusque consilii, scopum restringet, scilicet, cum ejus consilium fuerit artibus magicis illudere Apostolorum miracula, non aliter ac in Ægypto magi illudere conati sunt miracula Mosis, occasio scribendi fuit metus istius tentationis instantis, atque ita talia quærere remedia, quæ successum istarum tentationum avertere possent. Hinc Apostolus in epistola eleganter argumentatur a felicitate conditionis, ad quam mediante religione Christiana provecti fuerant; hinc gratulatur illis adoptione filiorum in œconomia Dei; hinc apprecatur illuminatos mentis oculos, ut ad diversa œconomica attendant, eaque perspecta habeant; hinc illis commendat concordiam, & ut a vitiis nationis abstineant, atque ita se componant ad certamen illud adversus machinationes magicas sustinendum, præprimis in quantum armatæ incederent brachio sæculari, atque ita modum præscripsit, cum in præparatione certaminis, tum in modo gerendi se in bello illo spirituali, ut de perseverantia sub tentatione hanc viam tenentium nullum sit dubium, & ab artibus illis diabolicis nullum sit metuendum periculum; ut ille ipse in illa epistola mores suadeat gentium moribus oppositos, ii sæpe illustrari possunt ex poetis aliisque scriptoribus profanis Jonum & Ephesiorum vitia arguentibus. Eodem modo igitur circa ceteros libros & epistolas progrediendum est.

§. 5. *Cohærentia* in sacris dupliciter consideranda est pro duplici sermonis genere, cujus alius consistit

I. in enarratione historica.

II. Alius in sermone discursivo.

A. Sub enarratione historica comprehendo etiam prophetias de rebus futuris; sicuti enim historia res narrat præteritas, ita prophetia sæpius repræsentat res futuras ut præteritas, prout scena visionis exigit; respicitur autem in utroque genere sermonis cohærentia temporalis in prædictionibus prophetiis, æque ac in historicis narrationibus notanda; qua indicat, quid factum aut futurum; prius asserant antecedentia, & quomodo se habeant ad factum & futurum; posterius sequentia, sive facta aut futura conspiciuntur ut humana, sive ut divina; habentque se consequentia ad priora, tanquam effecta ad causas, ut plurimum pertinentia ad classem rerum contingentium.

B. Hæc præsupponentes progredimur nostra deliberatione circa

B

ser-

sermones discursivos, quales aliquando inseruntur libris historicis, & propheticis, & continentur præprimis in Apostolorum epistolis, cumque ratiocinia illa verentur circa assertionem veritatis, aut destructionem falsitatis; assertio, aut negatio faciunt propositionum demonstrationem, & ulterior deliberatio est discussio, num satis solide talis propositio probata, aut vindicata fuerit.

C. Moneo hic *de nova propositione*, scilicet quando propositio sequitur priorem demonstrationem; prima enim propositio non habet cohærentiam cum priore, nisi quod conferatur tantummodo cum scopo, & causa scribendi, sed nova semper habet relationem relativam ad propositionem, aut res anteriores, de quibus in præparatione monendi sunt auditores.

§. 6. Cum itaque positiones cum prioribus sint conferendæ, legitimus progressus inter eas notandus est, atque hunc etiam manifestabit totius libri analysi inspecta. Sume epistolam ad Romanos, cujus scopus est literis pertractare, quod ipsa præsentia non poterat Apostolus, sumit sibi in argumentum justitiam fidei, quod generaliter proponit Cap. I. sed ea cum scopi istius determinatione, ut voluerit videri, se argumentum sumere, in quo manifestatur potentia Evangelica, quo videant Romani dilati itineris rationem non esse causam, quod ipsum pudeat Evangelii Christi, aut sibi diffideret, suisque argumentis pro fide Christiana propter eruditorum copiam, quam isthoc loco inveniret: hinc ergo sumit sibi doctrinam de Justitia Christi imputata, ac per fidem accepta, demonstrandam, tanquam articulum fidei, in quo cardo & vis religionis Christianæ versatur. Hunc scopum ut obtineat Paulus, rem tribus positionibus absolvit.

- I. Omnes homines, atque non solum gentes, & inter eas morum censores, verum & Judæos esse sub reatu, ac per consequens justitia propria, quæ ex lege est, destitutos.
- II. Justitiam gratuitam, quæ ex fide est, agnoscendam esse, si peccator reus in se justificabitur apud Deum.
- III. Justitiam fidei, seu imputatam, ea omnia includere, quæ ad peccatoris legitimam restaurationem requiruntur, ut ex Evangelica expositione res salvis Dei decentiis propagetur.

Pone jam, ecclesiastem velle pertractare locum Rom. v. v. 1. oportet in ostensione cohærentiæ in hunc fere modum progredi; videlicet Apostolum gentium, ut obtineat, in doctrina de justitia fidei esse potentiam commendandi doctrinam Evangelicam præ omnibus aliis religionibus hætenus ostendisse, non solum omnes homines esse sub reatu, ac proinde propria justitia destitutos, & extrinsecus adveniente egenos, nec non Evangelium demum in doctrina de justitia fidei manifestasse veram illam justitiam, ob quam

quam solam peccatorem credentem Deus justificat, nunc ut istius sufficientiam justitiæ ostendat, incipere demonstrationem sufficientiæ istius ex fructibus, justitiam istam consequentibus; quod incipit a statu pacis, seu reconciliationis hominis cum Deo, quæ justitiam fidei necessario sequitur, asserens justificatum ex fide pacem habere cum Deo.

§. 7. *Illustratio*, quam aliquando instituunt Scriptores sancti, fit per deductionem causarum, aliquando etiam per *similitudines*. Exemplum prioris esto, Rom. III. §. 24. In quo loco justitia fidei commemorata illustratur, & exponitur a causis & modo: justificari enim dicimur gratis, id est sine aliquo nostro merito, aut *ἀὐτῶν*: deinde ex gratia Dei, ita ut omnis causa sit Deus ex gratioso benevolentiae suæ proposito justificans, intercedente *ἀπολύτρωσις*, qua Christus satisfecerat justitiæ Dei, ut ejus meritum & *ἀὐτῶν*, salva Dei dignitate, in nostras rationes transferri possit. Exemplum posterioris sit, Jacob. II. §. 26. Ubi Apostolus in eo est, ut *fides* absque operibus vanam esse, & nullius utilitatis, quod hac similitudine illustrat. *Sicuti corpus, inquit, absque spiritu mortuum est, ita & fides, &c.*

§. 8. Num textus se habeat in ista serie per *modum argumenti*, facile dignoscitur ex particulis, ratiociniis inservientibus, quæ vocantur *ἀντιλογικὰ*, sicut etiam ex illativis; aut si fiat talium ellipsis, ipsa collatio cum propositione antecedenti facile indicabit attentiori contemplatori, vim argumenti subesse isti enunciationi.

§. 9. *Objectionum occupatio* facile dignoscitur, dum observamus nodum solvi, & cum materia pertractata conciliari. Sic Rom. III. §. 31. sub interrogatione latet obiectio, dum Paulus rogat. *An igitur legem aboleamus, per legem fidei?* legem scilicet operum, atque respondet sibi remotionis notione, *æsit*; sed contrarium ejus fieri affirmat, dicens, *fide nos legem stabilire*, quia cum doctrina fidei exigit, non ut Deus judex, legis rationem in judicando non habeat, sed contra, Deum exigere, ut omne *δικαίωμα τῆ νόμου* adimpleatur, id est, quod juridici dicunt, Deum legem interpretari, ut omnia cum legis postulatis tamen consentiant.

§. 10. Ratio moniti est fundata in eo, ut concio vix ultra horam sit protrahenda; ne igitur temporis fiat dispendium, & cogamur graviora abrumpere, de quibus præpræmissis monendi sunt auditores, *coherence contractio* fieri debet, quantum potest.

§. 11. De propositionibus textuum notandum.

I. Propositionem argumentum continere; expositio autem argumenti pro textuum varietate varie quoque concipitur & proponitur; si enim sint succincti & unius enunciationis, solent verba textus aliquando brevi periphrasi seu circumlocutione amplificari

plificari, sin vero aliquando sint textus selecti plurium enunciationum, totasque comprehendant pericopas, quales sunt festales, dominicales, epistolici, & similes, tunc propositio exigit, ut totum sermonem, seu integram pericopam contrahamus ad summam aliquam rem.

§. 12. II. Adjiciamus aliquando argumento *commendationem*, verum probe distinguendum est, quibus in casibus id obtineat, & quem locum obtineat commendationis varietas; scilicet in consilio ecclesiasticis notandum, quod textus pertractandi admodum variant.

- §. 13. A. Quandoquidem *librum aliquem, aut caput aliquod* sibi explicandum sumit ecclesiastes, eo in casu quilibet textus commendationem non exigit, alias enim omnia semper commendare velle nauseam crearet.
- B. Aliquando per textus selectos materiam aliquam, suis titulis coherentem, exponere statuit ecclesiastes, eamque ex *Theologia dogmatica aut paracletica vel prophetica, nonnunquam etiam ex typica*; eo vero in casu reddimus solummodo, commendationis loco, rationes selectionis ostendendo causas, cur titulum præsentem priori pertractato subjungimus, atque ita justificamus rationem dispositionis nostræ.
- C. Nonnunquam textus eligimus liberos, ratione habita ad statum Ecclesiæ, aut quorundam casuum in Ecclesia, quales sunt sequentes.
1. Quando controversiæ quædam fervidius agitantur in populo, nostræ curæ commendato, seligimus aliquando textus, controversias decidentes, atque ita commendamus argumentum textus ut utile, ad confirmationem fidei in tentatione præsentis, & ad corroboracionem populi, adversus hostium strophas & insidias.
2. Textus aliquando difficiliore eliguntur, quorum *σκιερὰ* quosdam abripit ad scepticismum, aut atheismum, tunc commendamus hoc argumentum a difficultatum superatione, quam spondemus, ut victrix semper evadat veritas.
3. Nonnunquam ob peccata & vitia domestica electos textus eligimus, atque tunc commendatio est ab opportunitate temporis, exigentis reformationem plebis, nobis commendatæ.
4. Idem obtinet, sicubi consolatoria aut vitæ directoria in adversis, nec non obligatoria in rebus secundis, proponere consilium est, iterum ratio temporis habetur, & quidem præsentis.

§. 15. *Εἰς*

§. 15. *Est divisio rerum expendendarum resolutio in partes,*

- I. Singulatim, & certo ordine pertractandas; ut videamus, quarum partes totum corpus ingrediantur, & constituent.
- II. Ea ad præparationem lucis facit, postulat enim divisionem sæpe textus amplitudo; nonnunquam intricata verborum series, ut syntactice distracta, ob elegantiam styli, logice restituantur; semper autem nativa distinctio partium divisionem requirit, ut talis fiat resolutio, quæ ea, quæ ad se mutuo spectant ab alienis avellat, & suum cuique relinquat.
- III. *Divisio* sequitur propositionem, quia propositio exhibet corpus integrum ex textu commode representatum, ast *divisio* spondet accuratorem ejus lustrationem, quæ non fit nisi resolutione in partes, singulatim expendendas, donec omnia, quæ textui insunt, distincte perspexerimus, ita primus & generalis aspectus corticem lambit, & adhuc confusus est; sed *divisio* omnia proponit ad articulatum rerum intuitum, ex quibus coaluit corpus.
- IV. Sunt qui omnem *divisionem* negligunt, quam methodum vocant *Crypticam*, dum nihil monent de *divisione*, & præsertim hæc methodus obtinet apud Gallos, dispositionem sermonis auditoribus occultantes, nullisque indiciis indicantes, ab una re transitum fieri in aliam, verum sermones suos quasi una textura absolvunt. Hic vero Judicium viri Clar. Wolzogen⁹ in *Oratore sacro* lib. II. Cap. XLV. facimus nostrum, qui censet *divisionem* haud esse omittendam, addens, eam facere, ut *sermo clarius intelligatur*; ut *servetur memoria fidelius*; *eximatur denique Auditorum tædio. qui omne longum iter putant, quod continenti labore emetiendum. Vult certis spatiis interquiescere.*
- V. Dubium forte videri possit, an *divisio* locum habeat, ubi interpres thema simplex sibi exponendum sumsit; verum casus iste exstare non debet, quia non licet thema simplex ita avellere a suo loco; aut si quis sub themate simplici intelligat verbum officii, virtutis obligationem exhibens, V. C. Quando Christus dicit: *vigilate*, illud non ut thema simplex stricte recipiendum, sed ut enunciatio de obligatione nostra, plenam affirmationem continens, atque tunc sufficere potest indicatio methodi, qua obligationem istam discutere proposuerimus, incipientes ab objecto, vel a casu, & pergentes ad obligationis naturam, eo in casu.
- A. 8. Omnes fere scriptores, qui de ratione concionandi agunt, *hanc legem præscribunt*, & quidem præcipiunt partes in *divisione* constituendas, ternarium aut quaternarium numerum excedere non debere; nos vero dicimus *partes, quantum fieri potest, quarendas esse paucissimas*, quia partitiones ex rebus ipsis depromendæ sunt; fieri tamen potest,

test, ut res aliud quid requirat. Ita Cap. I. Geneseos post generalem creationis descriptionem sequitur specialis, quæ pro operibus sex dierum, necessario in sex partes resolvenda est. Ita tabulæ Legis in priori parte continent quatuor, in posteriori sex præcepta. neque subdivisio aliter constare potest.

2. Ratio præcepti desumpta est ex usu *divisionis*, quæ introducta est ad distinctam perceptionem in auditoribus excitandam, quem fructum cum tollat multiplex partium constitutio, quippe *confusionem pariens*, ea omittenda est, ut id jam olim Seneca docuit quando, dixit, *Quod idem vitii habeat nimia, quod nulla divisio*, qui itaque præcipit, *utile esse, rem dividi, non concidi*. Clar. Walæus aliam reddit rationem, Quod *alioquin tedium soleat auditoribus obrepere, si tam multa sibi audienda intelligant*: adde quæ habet Clar. Wolzogen in *Orat. Sacro*: Lib. II. Cap. XLVI. *Major numerus difficilem reddit memoriam, & anxiam efficit longioris orationis expectationem*. Quod cavendum magis ut non fiat, quando caveri facile potest; plures enim partes minutiores in suos fascies sunt comprimendæ, nec sunt illæ tam ab invicem dispositæ, ut non in idem aliquod genus cogi possent.
1. Subdivisiones non sunt introducendæ, prout etiam præcepit Erasmus Lib. II. de *Ratione concionandi*: *Cavenda est, inquit, illa concisa divisio, quæ causam in articulos, & frustra secet potius, quam in membra*: addit tamen, *subdivisionem concionantis opportune inservire posse memoriæ, eamque juvare, si membrorum illorum ordinem, & partitionem apud se retineat*. Vir haud spernendus in *Logica practica* Kekkermannus monet: „Subdivisiones confundere memoriam dicentis & audientis, si velimus eas annu- merare, ac postea etiam minus accommodatas esse ad affectus movendos, dum concio fit intercisæ, frigida, & ingrata, quia semper una parte absoluta, quando ab una re ad rem aliam diversam transitum facimus, oportet impetum affectuum deponere, & novum quasi spiritum sumere: adeoque necesse est impedire amplificationes rerum grandiores, & longiores, quæ solæ affectus potissimum commovent; nec certe quisquam usque adeo affectus habet in sua potestate, ut facile possit illum, quo antea erat permotus, exuere & novum plane alium, qui ex dissimili genere oriretur, induere.
- B. *Nec plus nec minus continere debet divisio*. Quia lex jubet nihil addere aut demere verbo Dei; id sane de sapientissimo verbo

verbo Dei cogitandum est, quod nihil dixerit Spiritus sanctus præter causam, aut nihil superfluum sit, nihilque defectuosum; quare qui addit, aut demit, verbum Dei corrigit, eique plenam sapientiæ laudem denegat, sicuti in animum incidit; si quid videatur superfluum, potius cogitandum est de causis, cur adjiciatur, atque adeo non superfluum erit: si vero videatur aliquid omiti, putandum est, illud ad causam Spiritus sancti non facere. Moneo itaque ecclesiasten, ut hermeneuten agat, non oratorem: oratori quidem conceditur facultas, argumentum suum ex locis quibusdam adornandi, prout ipsi visum fuerit, atque ita excurrendi, contrahendi, allegandi, aut omittendi pro lubitu: verum interpres qui oratoris sermonem suscipit explicandum, cancellis orationis includitur, nisi velit etiam criticum agere, & superflua atque defectuosa ostendendo, virgula censoria oratorem castigare; verum cum hermeneutes versetur circa sermones Dei, qui infallibilis & profundæ sapientiæ ac prudentiæ fons est inexhaustus, oportet eum memorem esse, ut non liceat illi criticum agere, sed *dicere*, omnemque sapientiam Dei in literis manifestare & defendere, ac per consequens nihil corrigere, nihil addere vel demere. Eleganter hic Clariss. Wolzogen *Orator. Sacr. Lib. II. CAP. XLVI. Partes*, inquit, *quas textus nun habet, non magis ad eum referendæ, quam nobis vellemus aptare membra amputata caesorum: nulla tamen magis earum partium, quæ insunt in ipso textu negligenda, quam pateremur nobis persuaderi, pedes aut manus ad nos pertinere.*

- C. Hæc lex jubet. *Singula sub suis capitibus recte comprehendere.* Quod necesse est ne fiat *μὴ ἀεὶς ἐκ ἀλλογίας* V. C. Habac. II. *Ψ. 4.* Ubi axioma erigitur magni momenti; *Iustus ex fide vivet.* Indubium est, quin *iustus* hic sit subjectum, de quo maximum prædicatur beneficium in futurum, prædicatum enim ei adjungit spem vitæ; verum etiam in enunciatione occurrunt verba, *ex fide ejus*, quæ ab aliquibus referuntur ad prædicatum, ab aliis ad subjectum: prudentia in *divisione* observanda jubet, ut *singula sub suo capite legitime constituentur*, cumque ut docet accentuatio hebraica, & omnis scopus orationis contineat ad subjectum, sane ad restrictionem hæredis vitæ pertinet, atque adeo in *divisione suo sub capite* referri debet, cum enim vox *iustus* significare possit *justum ex justitia propria*, illa a spe vitæ excludit, dum hic *iustus* ut hæres vitæ futurus ponitur, qui talis est ex fide in Christum.
- D. Maximæ utilitatis cum sit hic canon, præprimis notandus, quippe qui *partibus dividendis justas imponit denominationes:*
haud

haud enim hic nobis placent termini logici, perpetuo inculcati, cum nominantur partes enunciationis semper logicis terminis. V. C. Textum dividere in subjectum & prædicatum, quandoquidem verum est in re ipsa, non tamen latis exhaurire elegantiam.

Fiant igitur *denominationes*, scopum & rationem denominationum includentes, quod quidem singularis iudicii opus est, ut in auditoribus viva rei idea in suo formali excitetur. V. C. Rom. VIII. §. I. *Nulla igitur nunc est condemnatio iis qui in Christo Jesu sunt.* Ibi vides subjectum conficere. *Iis qui in Jesu Christo sunt.* Prædicatum. *Quod nulla iis condemnatio sit.* Ast frigidum est partes ita denominare coram auditoribus, potior esset partium denominatio, si dicamus Paulum hic suppeditare.

N. Designationem hæredum gratiæ; vel definitionem veri Christiani.

2. Additionem immunitatis; indicationem prærogativæ &c.

E. N. *Divisio* non solum in partes resolvit sermonem, verum etiam in ordinem collocat partes, quod tamen haud quamquam censendum est, fieri per modum correctionis sacre scripturæ, sed tantummodo per modum constructionis logicæ: elegantia rhetorica sæpe exigit, propter stylum, vocabulorum distractiones, sed quæ facile restituuntur ad leges logicæ & grammaticæ examinata. Itaque monet *Divisio* ordinem restituens, de qua re hermeneutes primo, de qua vero secundo, tertiove loco sit dicturus.

2. *Facit hoc*, inquit Clar. Hoornbeekius, in *Ratione concionandi*, Cap. III. *Partim ad commodiorem, certiore & maxime genuinam rei intelligentiam, tum etiam ad tractationis evidentiam, aliter enim non evitaveris obscuritatem, & tautologiam.*

2. Requiritur hoc in casu iusta & mollis rerum consecutio, quæ ex natura materiæ substratæ, & quasi sponte fluit.

V. C. Galat. III. §. 13. *Christus nos redemit a maledictione legis.* Quod hic primum legitur in textu non tamen prima, imo ne quidem secunda pars pertractationis esse debet, sed

α. Esto, substitutio Christi pro nobis sub maledictione, in verbis. *Christus factus est pro nobis maledictio.*

β. Sit, ejus assertionis probatio, *Scriptum enim est, maledictus omnis qui suspensus in ligno.*

γ. Continet ejus rei salutarem fructum, *Christus redemit nos de maledictione legis.*

Sic præstat ordinem geneleos sequi ad textum, quam contra ductum & naturam rei, ordinem verborum premere.

CAP.

CAP. IV.

DE EXPLICATIONE TEXTUS.

§. 1. *Explicatio*, quam hic inculcamus, est verborum & phrasium textus in qualibet pertractationis parte, dilucida expositio, qua eorum vel singulorum vel conjunctorum germana sententia evidenter & ad auditorum captum recluditur, & si opus sit, sensus alienus, præprimis ad falsum dogma comprobandum efficitur, refellitur. Versatur itaque ista expositio circa alterius dicta aut sermonem, quem nobis exponendum sumimus, ut ab auditoribus ex omni loquentis scopo intelligatur, ut proinde disciplina sit hermeneutica, prudenter in mentem alterius inquirens.

§. 2. *Grammatica verborum explicatio* circa *vocum* & *phrasium* potestatem versatur, indicans & adstruens eam significationem, quæ textui secundum leges hermeneuticas convenit.

I. Lex prior requirens *grammaticam resolutionem*, desumitur a *vocis* aut *phrasibus obscuritate*, quæ quidem aliam originem non habet, quam quod alterutra *auribus nostris sit insueta*, seu respectu nostri, quatenus antiqua significatio ad nostram cognitionem non adeo pervenit: notum est voces significare ex instituto, & valere ex usu. Ita in *voce est obscuritas*, quando lexicographi dissentiant, atque ex bonis auctoribus certum sensum eruere minus potuerunt, vel etiam quia res denotata voce nobis non ita est cognita, quia ea res inter nos non obtinet. In *phrasi est obscuritas*, si vel constructio cum genio linguæ vernaculæ propter idiotismum minus consentiat, vel ad ritus abolitos spectet: illustremus exemplis quibusdam, quæ diximus.

A. Verbum *καταβραβειν* Coloss. II. ψ. 18. *Μηδεις υμας καταβραβειτω*. Obscurum censei potest, quia apud classicos auctores non occurrit, nisi forte apud unum *Scholiam Aristophanis*. Nihilominus lexicographi in tres abeunt sententias, retinent omnes respici vocem *βραβειν*, quod præmium athleticæ virtutis notat; interim alii volunt, verbum inde derivatum cum compositione præpositionis *κατα* artem significare commilitonis, qua efficit, ut non attingat cursor palmam atque *βραβειν* maneat destitutus; alii iniquam actionem forensensem significare dicunt, qua causidicus aliquem reum agit, ut *βραβειν* destituatur & quoad causam suam damnetur; alii actum injusti remuneratoris putant, quo, qui præest, eum, cui ex æquo debebatur *βραβειν*, in alium conferendo præterit: propter quem dissensum meretur verbum, ut in
C. ejus

ejus potestatem distinctius inquirat interpres : similia verba sunt apud Hebræos *אֲשֶׁלֶם לִיגְמוֹנָא*.

- B. Quia species rei minus nota , inde *voces obscuriores* occurrunt ; ita vox *Aries* , licet notum significet animal , *obscurior* tamen est , quando respicit speciem nobis incognitam , & in oriente solum spectatam , ubi arietes habent caudas latas , pingues , quas postello impositas post se trahunt , ne a terræ spinis lædantur : id nisi auditores moneas in expositionibus legis , quæ in sacrificiis postulat , ut adeps cum cauda comburatur , non perciperent ignari , quid lex illa cum cauda velit.
- C. Idem obtinet in armis Veteris Testamenti , quæ non amplius sunt in usu , aut aliter in oriente fuerunt formata ac penes nos , ut currus ferrei , falcati , clypei , telorum varia genera , arietes &c. , quæ ex antiquo orientalium usu sunt exponenda : adde & *מנלר ספר* seu *volumen libri* , quod difficulter intelligit , qui non vidit libros , nisi nostro modo compactos , & confutos , ignarus rituum veterum , qui paginas in longum conglutinantes circa scipionem convolvebant : qua de re monendi sunt auditores , quippe quia sine hac usus antiqui expositione non intelligent , quomodo libri a tergo fuerint conscripti juxta poetam :

Scriptus & a tergo , necdum finitus Orestes.

- II. *Controversæ vocabulorum & phrasium interpretationes* hic & necessitatem imponunt de genuina significatione disceptandi , non tamen putandum , omnem dissensum hic esse momenti ejusdem. Sunt enim qui diversantur aliquando in versionibus , quæque orthodoxiam non lædunt , sed salva fide & charitate disceptantur. Alii vero contra doctrinam fidei pugnant eamque corrumpunt , quo in casu nobis res est cum adversariis heterodoxis , quoties aut vim significationis effugiunt , aut hæreses stabilire conantur ; quod attinet

- A. Versiones dissentientes sine damno fidei motæ , oriuntur illæ ex diversa vocum aut phrasium intellectu , & acceptione , nonnunquam ex varia constructione syntactica & propositionis potestate. Sunt verum nomina , quæ a lexicographis , & interpretibus variis subjectis attribuuntur , ita disceptatur , quænam animalia intelligantur per voces *לִיָּרִן* . *בהמור* &c. Inter arbores & plantas dubiæ sunt multæ spinæ , & carduorum species , ut *רודאים* &c. Similiter se habet res cum lapidibus pretiosis , quid sit V. C. *כרלח* &c. dubitatur.

B. Dis-

B. Difficultates in phrasibus, præsertim in dictionum & vocabulorum constructionibus, magnam quoque peperere in versionibus diversitatem; unde notiones simplices aliam & aliam subeunt relationem, ut ex varia relatione variam potestatem habent: præprimis magnam difficultatem peperit particularum varia apud Hebræos potestas, quæ efficit, ut quod in constructione adhæret ad alium locum quoque revocetur, & in genere causarum admodum variet.

C. Majoris momenti sunt controversiæ, a quibus fidei orthodoxia dependet, ubi heterodoxorum *πρεβλάσας* nobis sunt refutandæ, & versio orthodoxa per decisionem grammaticam est defendenda, si vox rapitur ad alienum sensum, aut constructio fiat contra syntaxin & accentus: vel per decisionem logicam, si nec analogia, subjecta materia, nec *ἀλληλογική* versionem admittant. Ita controversias de verbo *justificare*, de voce *justitia*, & nomine *διαθήκη* &c., adversarii movent, ut vim argumentorum, quæ ex iis desumuntur pro sententia orthodoxa, effugiant. Ita circa phrasin, quid scilicet notet *Sedere ad dextram Dei*, quid *Mori* seu *animam dare* *ἀντὶ τοῦ θανάτου* &c.

III. *Emphasis* in vocibus & phrasibus notanda est, quotiescunque in textu originali major vis est, quam quidem apparet in versione, sive id, quod vox connotat, in versione non ita potuerit exprimi, sive interpretes non attenderint ad omnem potestatem vocabulorum & phrasium; sufficit enim hic, si non omne id, quod verba in originali connotant, exhaustiat versio vernacula, & tamen ejus animadversio facit ad uberiores & distinctiores materiæ subjectæ intellectum; quo in casu *emphasis* premere maxime facit ad glorificandam Dei in Sacra Scriptura loquentis sapientiam, & prudentiam.

A. Ex hac lege *emphasis*, quæ est in significatione nominum Dei, notatur, quotiescunque relationes inde ortæ subjectam materiam perficiunt; ita in verbis & vocibus compositis ex radice sua cum præpositione notatur, quid præpositio verbo primitivo superaddit: V. C. *ἐξηγούμενοι* Gal. III. ̳. 13, *παράκλητούμενοι* Philipp. II. ̳. 30. *ἀπολύτρωσις*, Ephes. I. ̳. 7. Conferamus locum ad Philippens. II. ̳. 12. *Cum timore ac tremore vestram ipsorum salutem conficite*. Hoc loco abutuntur Pelagiani, ex eo urgentes opus resipiscentiæ esse in omnium hominum potestate relictum, atque ita considerant illud hominibus dictum, qui adhuc sunt in statu naturæ; ast contextus ostendit, Paulum agere cum regenitis, qui fidem Christianam assumerant: verbum ipsum ob compositionem non

significat simpliciter *operari*, sed opus susceptum *consummare*, &c. *promovere* ut *ad finem perducas*, sic itaque verbi emphasis Pauli scopum perficit, qui in eo est, ut ostendat media perseverantiæ Christianismi, jamque accedit ad illud consilium ut curent suam confirmationem, ne tam facile postmodum ab omni vento doctrinæ circumagi queant: quas vires per exercitia pietatis acquirerent, consummatio enim salutis commendata ad virium promotionem facit, quam maxime & ad athleticæ spiritualis ulteriorem habitum.

B. Ex hac lege fit deliberatio, cur ex omnibus synonymis Spiritus Sanctus potius hanc quam aliam denominationem elegerit; credendum enim est, id non præter causam factum.

5. 3. Monemus, in hocce paragrapho;

I. Extra *hos casus non excutiendam esse significationum varietatem*, quia in initio Reformationis plurimum concionatorum mos, & methodus fuit, omnes vocum particularium significationes discutere, quotquot invenire poterant ad omnem non solum *ὁμοnymίας* attendentes, sed etiam sæpe præter necessitatem multiplicantes: omnes has significationes tum veras tum fictas non tantum proferrebant, sed & addito uno aut altero textu probare laborabant; quibus factis de significatione textui congrua anxie & per longas deductiones deliberabant. Hunc quidem laborem, quo conemur, homonymias imminuere non augere, haudquaquam excludimus ex theologi methodo investigatoria, ut circumspiciendo se ipsum reddat de vero sensu certior: verum omnem istam deliberationem pro concione proferre & cum populo communicare, est deplorandum committere temporis dispendium, & nescio quam auditoribus creare confusionem atque nauseam; ubicunque materia subjecta & textus rem ita palam definiunt, ut nemo interpretum unquam de communi acceptione dubitaverit & nec ipse dubitare queas, nihil aliud erit iste labor, quam oleum & operam perdere, dum sine istis ambagibus auditor de mente Spiritus Sancti satis persuaderi potest: inde bene aliquis dixit. *Qui difficultates in vocibus captant, & obscuritates in dictionibus venantur præter ostentationem, non solum non ædificant, sed auditores obruendo rem implicant.*

II. Præprimis *quæ sua absurditate corruunt expositiones*, plane esse *omittendas* dicimus, quia superioribus seculis, Reformationem antevertentibus, multas contortas & ridiculas expositiones in suis homiliis protulerunt monachi, quarum magna pars ex linguarum orientalium, bonarumque literarum ignorantia ortum cepit; cumque aliquando invenias, qui hac in parte videri velint curiosi, dum ista fatilia licet cum rejectione repetant, sane studio huic

huic obicem ponere consultum duximus, has enim velle ad examen revocare, quippe obsoletas, & ad lumen literarum nostri seculi dispulsas, esset utique cornicum oculos configere: propriis cum ab istiusmodi nugis huic seculo nullum imminet periculum. Monendi hic etiam sunt ecclesiastici ordinis doctores, ne *Synopsi* Poli abutantur, qui forte nimis diligens fuit in variarum versionum collectione, etiam sine proprii iudicii interpositione, cum de hac re judicare potius secum debeat interpretes, cum auditores de multis nugis grammaticis nonnunquam judicare & dijudicare minus queant. Placuit mihi semper clariss. *Floornbeekii* iudicium in tractatu, *de Ratione concionandi* Cap. III. „Ceterum quando certa textus & vera explicatio dari facile potest, „non sunt Auditores gravandi aliorum expositionibus, multo „minus omnibus. Aliud scholam, aliud ecclesiam decet. Neque sane is, qui in re certa aliorum sententias ibi adfert, Ecclesiae aedificationem unice intendit, sed vel tempus terere, vel quod non minus illicitum, se & nomina populo ignota inaniter jactare, *Aufert mercedem suam*. Aliud est, quando incerta etiam inter Orthodoxos est interpretatio, & vix constat, quid certo sequendum; tum & eam quoque interpretationem addere licet, quae non minus *probabilis*, citra vanam tamen Auditorum citationem; sed illa ratione, omnes quorumcunque, vel non necessarias, aut probabiles expositiones adferre, est difficultates non velle tollere, sed augere, & Auditores (quorum plurimi, si non omnes, simplicissimi) intricare. Talis sibi concionatur *I Cor. XIV. v. 4.* imo nec sibi & neque Deo, neque officio, neque Ecclesiae satisfacit. Haec est regula concionatoribus perpetua, & catholica; *quod pro concione adfertur, & neque primo neque necessario facit ad intelligentiam & aedificationem omnis Ecclesiae, peccat. I Cor. XIV.* Ille concionator conscientiam suam iudicem, ne de aliorum iudicio dicam, constituit debet, in eo quod dicit agitque, ut caste omnia & digne: Haecenus ille.

- S. 4.** Requiritur hic imprimis iudicium discretivum, prudenter circumspiciens, & per concordantias expendens, quas significationes ubique subjecta materia admittat, & cui significationi praedicata omnia convenient, juxta regulam, *Talia sunt subjecta, qualia praedicata esse permittunt, & talis est praedicatorum sensus, qualis subjecto convenit*, hac regula tacite utitur *Bochartus* in suo *Hierozyico*, & *Goussletius* in *Commentariis Linguae Ebraicae*. Imo utuntur optimi interpretes omnes. Notandum porro jam omnem deliberationem esse de inveniendi isto discrimine, & discretionem, prout *commoda acceptio va-*

cum & phrasium requirit; quare deliberamus de mediis in eum finem adhibendis.

I. Præscribitur hic via removendi obscuritatem in vocibus & phrasibus per linguæ genium, populi mores, linguas orientales &c.

A. *Linguæ genium* nihil aliud notat, quam linguæ idiotismos in phrasibus, seu, quicquid unaquæque lingua sibi habeat particulare ab usu aliarum linguarum remotum; sicut Hebræi dicunt *montes Dei*, *arbures Dei*, quoticumque rem extollere cupiunt, gradu superlativo carentes, & ita supplentes defectum Linguæ. Quando Lxx. Interpretes in versione sua græca talia ad literam retinent, atque scriptores Novi Testamenti eosdem Interpretes imitantur, isti idiotismi a viris doctis *Hebraismi* vocantur, quales collegit & ad capita revocavit Clarissimus Vorstius in lib. *de Hebraismis Novi Testamenti*. Conferendi etiam sunt, qui contra *Pfochenium* Hebraismos in N. T. defenderunt, quos uno volumine nuper edidit Clarissimus *Rhenferdus*. Serram contentionis de lingua Hellenistica traxerunt inter se viri maximi *Heinsius* & *Salmasius*. Interim probamus eorum labores, qui constructiones quasdam græcas in specie duriores cum probatis auctoribus conferunt, ut puritatem linguæ græcæ adstruant; quale specimen sane laudandum nuper edidit Franequeræ *Clariss. Bos*, ut & in collegiis privatis Vir, in Græcis nemini secundus *Cl. Gronovius*, Collega conjunctissimus.

B. *Populi mores* etiam sunt notandi. Etenim sine hac collatione multorum sensum attingere non possumus, quandoquidem aliquid subjecto tribuitur, quod nobis insuetum, adeoque primo intuitu nobis a re videtur alienum esse. Ita *Mensæ accumbere* dicitur pro *assidere*, quia olim convivæ in lectis prostrati & alteri cubito innixi se mensæ admovebant. Similes ritus veteres ac mores studiose Rei Antiquariæ Scriptores annotarunt, quorum cognitionem, in quantum inter Hebræos olim vigeant, invenies apud Reipubl. Hebr. Scriptores, *Sigonium*, *Berramum*, *Cunæum*, *Godwinum*, & qui eos notis suis illustrarunt. Addatur Buxtorfii *Lexicon Chaldaicum Talmudicum* &c. Opus omnibus aliis præferendum; nec non *Lightfooti Horæ Hebraicæ*; *Dieterici Antiquitates*. Imo ut ex fontibus ipsis delibemus rerum cognitionem, *Libri Misnici* ex Talmude adjiciantur ex editione clarissimi *Surenhusii*. In Græcis *Antiquitates Homericas* succincto labore exhibuit *Feitius*; addantur *Pfeifferi Antiquitates Græcæ*, *Cragius de Reipubl. Lacedæmoniorum*, *Rousii Antiquitates Atticæ*; in *Antiquitatibus* *Rei*

Romanis Kippingius singulari studio se applicuit iis, quæ sacram scripturam illustrare possunt.

C. *Linguae Orientales vicina* multum valent ad veram significationem vocum Hebraicarum eruendam, ubi id exigitur: filia enim aliquando restaurat matrem: suppeditant enim linguae orientales varias radices, quæ apud Hebræos non inveniuntur in usu, & multorum nominum vestigia ibidem adhuc supersunt. De usu istarum linguarum præsertim Arabicæ & Æthiopice, ad Hebræam illustrandam, jam multa monuerunt clarissimi viri *Hottingerus* & *Jobus Ludolfus*. Huc referendus est doctissimus tractatus *Cheitomai de Vocibus Græco-barbaris N. T.* Opusculum mole parvum, sed eruditione grave. Cumque maximum dubium sit in nominibus animalium, arborum, plantarum, &c. quatenus inter nos similia non cernuntur, aut a nostratibus differunt, erudiendi sunt tyrones ex *Bocharti Hierozoico*, & ceteris ejus operibus. Maji *Historia Animalium*. Ursini *Arboreto Biblico*. Cocquii *Phytologia Sacra*, atque aliis similibus.

D. *Quicquid studium philologicum suppeditat*, etiam conferendum est. Philologiæ pomceria adhuc ampliora sunt, atque sub ea comprehendo omnes observationes Virorum doctorum, partim ad Libros Sacros, partim alibi dispersas. Accessit etiam Numismatum antiquorum discussio, ex quibus multa illustrantur, quæ vix alibi apud auctores invenias; saltem multa antehac dubia definiunt, & quid de re sit, aperiunt. Ita E. G. cujus figuræ fuerit idolum Ascalonitarum & Gazensium, quod sub nomine *Dagon* venit, jam prostat nummus apud Illustriss. Norisium de *Epochis Syro-macedonum*. Unde videas hallucinationes Virorum doctorum remotas, remque in lucem protractam.

II. Notatur hic *varietas interpretationum*, quæ oritur ex controversiis realibus, verum cum duplex sit dissensus in interpretatione, cujus alius est inter orthodoxos, sed fundamentum fidei non mutans; alius inter nos, & adversarios, quando sensus heterodoxus producit; tenendum est, aliter agendum esse cum prioribus, ac posterioribus: Expositiones enim, a quibus non metuenda est fidei corruptio, non sunt coram plebe discutiendæ, sufficit si nostram sententiam tacite, secundum canones hermenenticos, asseramus: ast cum expositionibus heterodoxis aperto Marte militandum est. Notandum porro, judicium logicum omnes expositiones explorare, justæ an erroneæ sint ad duplicem lapidem lydium *analogiam* nempe rei manifestæ, & *cuiusque textus cum contextu* considerati.

A. Ana-

- A. *Analogia rei manifestæ* adhibetur, quando sensus, quem prædicatum ex ulla interpretatione proponit, discutitur, num in collatione cum subiecto conveniat veritati aliunde manifestæ, aut contra: cum enim Deus nunquam possit sibi contradicere, tenendum verba præter mentem Dei non esse accipienda, Deus enim verax, & mentiri nescius, ut clarissime videmus 11 Cor. I. v. 18—20. Cui & Christus dedit testimonium Joan. XVII. v. 17. Ubi petitioni pro sanctificatione suorum in veritate subjungit ὁ λόγος ἡ σὺς ἀληθεύεις. Jam vero pro manifesta rei veritate habendum est, quicquid innotuit,
- B. Per *manifestam sensuum experientiam*, nemine non, quod res est, observante, qui modo examen suum legitime applicat; ita contra transubstantiationem probamus, panem non mutari in corpus Christi, quando Eucharistia celebratur, quia id quod traditur, & comeditur secundum sensuum examen panis est, visu, olfactu & gustu probantibus colorem, odorem & saporem panis.
- C. Per *notiones insitas primarum veritatum*, scilicet notiones communes, unde profluxerunt canones. *Idem non posse simul esse, & non esse. Totum esse majus sua parte. Unum corpus non posse pluribus in locis esse simul. Mentem esse substantiam cogitantem, corpus autem extensam*, &c. Ita transubstantiationem impugnamus ex variis notionibus communibus, quia corpus Christi est sublatum in cœlis, tanquam res extensa, loco suo inclusa secundum dimensionem corporis, hoc ipsum non potest esse corpus transubstantiatum. Cum corpus plurimis in locis non possit esse simul; repugnat jam corpus Christi esse in plurimis cibariis, vel millenis in locis &c.
- D. Per *revelationes manifestas de fide*, quæ vocatur ἀναλογία fidei Rom. XII. v. 6. Ubi collatio fit locorum, in quibus quid Deus de subiecta materia credi velit, satis aperte indicavit, cumque ἱπὶ ἡμᾶς humana postulet, ut nullius Viri prudentis dicta contra animi sententiam, quam alibi exposuit, excipiamus, æquum est, ut eandem saltem ἱπὶ ἡμᾶς circa verbum Dei adhibeamus, quippe qui nunquam potest oblivisci mentis & sententiæ suæ; quare omnis sententia menti divinæ alibi expositæ contraria rejicienda est, & illa tantum vocabulorum, & phrasium potestas admitenda est, quæ cum analogia fidei convenit. Ex hoc principio etiam rejecerunt interpretes sententiam, & expositionem verborum Christi, quæ transubstantiationem introducit, ostendendo multis, corpus ex pane non esse corpus

pus ex beata Virgine acceptum : dogma illud præjudicare articulo de glorificato corpore Christi , de ascensione in cœlum &c. imo subvertere naturam dogmatis de obſignatione fidelium per ſigna & ſigilla Teſtamenti Divini ; cum omnis ſacramentorum ratio ſit , fideles confirmare in fide & ſpe ſalutis , atque ita gratiam anteriorem non ingenerare , ſed confirmare apud conſcientias hominum.

7. Per *teſtimonium conſcientiæ circa id , quod honeſtum & turpe eſt* ; abſit enim ut Deum aut rei turpis doctorem aut præceptorem faciamus , qui *Sanctus eſt , & purior oculis , quam ut prævum poſſet intueri* : atque ex hoc fonte etiam contradicitur Transubſtantiationi , cum apud omnes gentes turpe ſit , adorare quod ventri committitur , quod mures rodiunt , quod fures abripiunt , & quæ ſunt ejuſmodi ordinis plura . Per hunc canonem manifeſtatur Interpretatio heterodoxa , revocaturque ſenſus enunciationis ad ſubjectam materiam . Melanchthon hanc legem ita propoſuit : *Verba ſunt intelligenda ſecundum ſubjectam materiam* . Keckermannus : *Pro materiæ natura & proprietatibus atque dialoſis ejuſdem* . Hunc explorandi expoſitionum orthodoxarum modum hauſerunt interpretes , cum ex conditionis æquitate , tum præprimis ex Auguſtino ejuſque laudatiſſimo libro *De Doctrina Chriſtiana* .

- B. Alter lapis lydius eſt convenientia interpretationis cum ſcopo loquentis , & omni contextu . Ad quem exigitur expoſitio omnis controverſa , etiam quæ ſenſum heterodoxum non proferret : hic autem mens loquentis ex animi ſui conſilio derivatur proxime ; ita ut omnis expoſitio ſenſum fundens , quæ ad ſcopum loquentis nihil facit , aut cum antecedentibus aut conſequentibus non cohæret , tanquam aliena a mente loquentis rejicienda ſit . Huc facit canon Hilarii , quem adducit ad Deut. xviii . *Intelligentia dictorum ex cauſis ſumenda eſt dicentis* , id eſt , ex ejus ſcopo , ut propoſita pertractandi methodo .

8. Quare in antecellum inquirendus eſt ſcopus cujuſvis textus & libri , cujuſ partem facit textus : id recte monet Keckermanus dicens : *In reſolutione textus omnis , primum hoc ſit præcognitum , recte perſpexiſſe textus ſcopum , ad quem omnium , quæ ibi dicuntur , intelligentia eſt dirigenda : ſicut enim omnia alia media ſine menſurantur & ordinantur ita etiam quicquid in textu dicitur , menſuratur ejuſdem ſcopo* . Quo pertinet & præclara Jurisconſultorum regula , quam habet Celfus : *Prior & potentior eſt mens ,*

D

quavis

quam vox dicentis. Hac de re etiam habet Augustinus memorabiles admonitiones L. III. *De Doctrina Christiana*, Cap. v. & x.

2. Alterum est, quod contextus series accurate sit perpendenda, & ex antecedentium & consequentium nexu interpretatio sit facienda. Ista enim collatio potissimum restringit verborum significationes, ut limitatio potestatis ex antecedentibus & consequentibus sit elicienda; qua de re quoque Augustinus egit; *De Doctrina Christiana* Lib. II. Cap. xxxi. Hieronymus ad Matth. Cap. xxv. canonem ita exprimit: *Ex antecedentibus & consequentibus colligitur verus scripturae sensus*. Clem. Alexandrin. lib. VII. *Stromat.* p. 757. proprium hæreticis esse dicit, scripturis quoque Prophetiis uti *Πρῶτοι μὲν, ὃ πάσαις, ἴσμεν, ὃ τελείαις, ἃ δὲ ὡς τὸ σῶμα καὶ τὸ ὕψος τῆς προφητείας ὑπαγορεύει, ἃ δὲ ἐκλειγόμενοι τὰ ἀμφιβάλλωσι εἰς τὰς ἰδίας μεταγχαί δέξαι*. id est. *Primum quidem non omnibus, deinde non perfectis, neque uti dicat corpus & contextura Prophetia: verum eligentes ea, quæ dicta sunt ambigue, traducunt ad proprias opiniones*. Neque aliter cum legibus agunt Jurisconsulti; Sic & Celsus. *Incivile*, ait, *tota lege non perfecta, & una tantum ejus parte proposita, judicare velle de toto legis sensu*.

III. Nota ibi; quod

- A. *Emphasis vocis*, quam textus originalis adhibet, præprimis ex etymologia & vocum compositarum resolutione indaganda est, sicuti & phrases a præpositionibus aliisque particulis dependentes ex præpositionum usu.
- B. Quare vox *emphatica* cum vocibus synonymis conferenda, nobisque ex usu primo, discernendum, quid plus, aut minus dicat, quam ejus synonymum, id sæpe enim animadvertunt interpretes optimi, & præprimis quoad linguam Hebræam Clarissim. Coccejus, partim in *Lexico*. Partim in *Commentario ad Jobum*. Ut & clarissim. Gussenius in *Commentar. Lingue Ebraicæ* etiam multa feliciter expedit; in aliis saltem investigandi ansam dedit. Noldius de *Particul. Ling. Hebr.* in omnem varietatem potestatis *Præpositionum* se diffundit, verum ne quis eo opere abutatur, tenenda est regula. *Verba multa apud Hebræos vindicare sibi suas Præpositiones, & Particulas certo sensu*, adeoque ante omnia dispiciendum est ex Libris Historicis, quorum stylus simplex est, quas præpositiones suo sensu verba sibi adsciscant, hoc nisi quis observaverit, temere se aliquando diffundet in alienas a re cogitationes.

C. Per-

C. Perpendendum etiam accurate in textus meditatione; an versio nostra recepta, vernaculis verbis & phrasibus potestatem & vim dictorum exhauriat; quod si fiat, nil de emphasi vocum originalium monendum est, sed tantum deliberandum de prudenti enunciatione propositionis; si contra, monendi sunt auditores quid ultra id, quam est in versione, connotet dictum aut tota phrasidis, ac quomodo scopum dicentis perficiat.

IV. Inter varias, aut variantes orthodoxorum interpretationes, omne iudicium discretivum ex scopo & contextu solummodo dijudicare potest. Quod si argumenta inde desumpta occurrant, quæ rem definiunt, eique satisfaciunt, bene est, neque facile desistendum ab ista inquisitione, donec nobis conscius simus, nos omnem adhibuisse diligentiam. Quod si tamen utraque expositio verum dicat respectu subjectæ materiæ, & æque scopo dicentis conveniat; adeo ut per contextum non determinemus, quid sit eligendum, aut alteri præferendum, eo in casu tota deliberatio se convertere debet ad commodam admissionem utriusque, siue jungantur expositiones variorum per *subordinationem*, siue, si res aliter non patitur, per *σύνταξιν*.

A. *Subordinatio* est, quando in potestate vocis aut verbi eam animadvertimus intellectus aut sensus latitudinem, quæ permittit, ut sub eodem genere utraque species, aut sub eodem consilio uterque modus agendi comprehendere possit.

B. *σύνταξις* est, exponente Clar. Vossio, cum voce ambigua una plures res significantur; hanc figuram rhetoricam non esse a Sacræ Scripturæ sensu removendam in casu supra posito, vel inde constat, quod elegantiam in se contineat, neque enim ambiguitas vocis aut constructionis hic ambiguos relinquit interpretes, dum utraque locutio ponitur ex scopo, & mente loquentis. Exempla occurrunt varia. Ita Rom. I. 1. 1. legimus *Evangelium Dei*. Ubi dubium videri possit, an casus genitivus denotet Deum auctorem, atque ita denotetur Evangelium ex Deo revelante ortum; num vero innuat Evangelii objectum. Hoc enim agit, ut Deum commendat a gratia sua per filium suum impetrata, & applicanda: cum autem uterque sensus a scopo non ablu sit, & manifestam veritatem comprehendat, nihil prohibet, quominus id accipiamus per *σύνταξιν* dictum. Ita Matth. vi. 1. 33. *Querite primum regnum Dei* &c. ubi *πρῶτον* prioritatem temporis, æque ac dignitatis connotare potest, quidni igitur utrumque simul per *σύνταξιν* dictum putemus. Ad datur Matth. xxvi. 1. 38. Ubi Christus de se testatur *πνέμα ἅγιον καὶ ἑωυτοῦ ἰσὺς θεοῦ*. Phrasidis *ἑωυτοῦ ἰσὺς θεοῦ* notare

tare potest aut tristitiæ intensiorem & gravitatem, ut notetur angustia hominem enecans, aut ejusmodi extensionem, aut & durationem, ut repræsentetur tristitia non recessura, donec mors mentem separat a corpore, videtur sane utrumque per *ἐνδεψι* retinendum & intelligendum. Clariss. Vossius lib. iv. *Instit. Orator.* Cap. x. 8. addit aliud exemplum probaturus, neque Sacram Scripturam *ἐνδεψι* ignorare, ex Joanne xii. *ψ.* 32. Ubi dicit Christus. *Si sublatum fuerit de terra, omnes traham ad me ipsum.* Ad quem locum sic scribit. *Christus plane videtur lingua Syriaca vocem usurpasse homonymam, quæ utrumque significat, & tolli in sublime, h. e. in crucem, & tolli e medio, nempe ex hominibus in cælos.* Ad defensionem istius figuræ plura diximus in *Introductione nostra ad Script. Prophet.*

- S. 5. Sequitur post grammaticam *rethorica explicatio*, cujus est ad interpretationem vocabulum usitatum loco inusitati & catachrestici, ac proprium loco tropici ac figurati substituere, inquirendo simul in causas & rationes, cur tamen potius ita loqui voluerit Spiritus Sanctus, quam usitate, & proprie.
- I. Prima lex recedendi a *Propria vocis & phræseos significatione* hic statuitur, *Si natura rei propriam significationem respicit.* Ita nimirum exploratur textus expositio grammatica ad canonem hermeneuticum, qui jubet analogiam subjectæ materiæ observare, quæ si excludat sensum proprium, exigit ut de figurata dictione cogitemus. Hoc examen multi intermittentes inciderunt in absurdas cogitationes & sententias. Cujus canonis neglectu Nicodemus offendebar ad doctrinam Christi de regeneratione Joann. iii. *ψ.* 3-5. Judæi Capernaïtæ, dicta Christi de orali manducatione carnis Christi, secundum literam accipientes, a Christo recedebant Joann. vi. Multi in absurda studia abierunt; hinc Abyssinorum baptismus ignis ex Matth. iii. *ψ.* 11. Et Origenes se eunuchum fecisse fertur ex loco Matth. xix. *ψ.* 12.
 - II. A proprio sermone depellimur. *Quando alias Sacra Scriptura a contradictione liberari non potest*, atque ita exploratio fit juxta canonem de conferenda Scriptura cum Scriptura, seu de analogia fidei, ut non admittamus Deum sibi met contadicere, de quo canone satis superque egimus jam ante.
 - III. In prophetiis conferendum esse vaticinium cum rerum eventu præscribimus; ubique cogimur a litera recedere ad tropicam significationem, quotiescunque res secundum literam facta non est; ad cujus rei illustrationem duo conferamus vaticinia de Christo, quorum alterum extat Ps. xxii. *ψ.* 17. Quo loco prædicitur, *Manuum & pedum perfossio.* Alterum extat Pl. xl. *ψ.* 7. Ubi Christo

Christo tribuitur *Perforatio aurium*. Sane ante eventum, seu historiam eventus dubitari poterat, an utraque enunciatio esset juxta literam, num vero tropice intelligenda, verum eventus dubium illud abstulit, in cruce enim videmus prius illud effatum in litera fuisse impletum; idque eleganter continere supplicii crucis circumscriptionem. Alterum vero cum literaliter factum non fuerit, nec tropica enunciatio commodam inveniat applicationem, ex eventu constat, textum illum tropice esse exponendum. Simile quid Malach. iv. §. 5. Ubi Spiritus Sanctus *Eliæ adventum* spondet, qui Christi adventantis ageret prodromum. Ante rerum adventum quis dubitare posset, num forte Elias, in Cælum sublatus, sit in terram iterum ablegandus, ad nobile hoc ministerium Christo præstandum: verum eventus docuit, Eliam figurate proponi, ut notetur Johannes Baptista, cum ipso comparandus, ut qui ejus spiritu, & potentia fuit indutus, atque hæc interpretatio Angelum habet auctorem: Luc. i. §. 17. Sic Ezech. Cap. xl. & seqq. de templo agitur, an materiali, an vero spirituali, disceptant interpretes; verum cum multa prædicata sunt, quæ templo secundo non conveniunt, potius est, rerum adventum non admittere, ut de alio quam templo spirituali hæc accipiamus.

Velim hac occasione quoque inculcari canonem. *Res non aliter esse applicandas, quam ab ipso Christo & Apostolis applicantur.* Ubi ergo vaticinia quadam applicantur rebus, spiritualiter denominatis, non decet nos esse sapientiores Viris, Spiritu divino actis. Sic in Apocalypsi quæ de *Babylone* aut de *Tyro* dicta fuerunt a Prophetis, applicantur *Babyloni* spirituali, seu Regno Antichristi in N. T. Hæc referatur *Gog & Magog*, quod vaticinium Ezechielis plane revocatur a Joanne in Apocalypsi ad hos Regni Christi sub Novo Testamento.

§. 6. Notetur hic,

- I. Justificationem *tropi aut figuræ* hoc exigere, ut certis rationibus doceat interpretes, Spiritum Sanctum consilium suum efficacius persequi per *tropi & figuræ* adhibitionem, quam fecisset, si in subjecto argumento iis non fuisset usus.
- II. *Analogia* autem, quam observare jubemus in metaphoris, nihil aliud est, quam convenientia attributorum inter signum & rem signatam, quæ per collationem extremorum inter se sunt eruenda.
- III. Cum autem ratio metaphoriæ collationem aliquam extremorum exigit, ut convenientiam rei utriusque in certis proprietatibus intelligant auditores, oportet hermeneuten extrema bene habere perpensa & cognita. Fontes autem sunt
 - A. Quod res figurata seu spiritualis cognoscatur ex ipsa Theologia

logia , quæ , quid credendum , quidve sperandum , aut ex obligatione legis faciendum sit , in suo ambitu absolvit.

- B. *Proprietates autem signorum cognoscuntur ex disciplina, ad quam spectant. Si sint naturalia , ex Philosophia puriori hauriuntur.* V. C. Quando Deus dicitur *Sol* , necesse est , ut viæ Dei cum effectibus solis comparentur ; itaque Philosophia suppeditabit cognitionem naturæ & proprietatum solis , atque ita deliberatur , quousque hæc convenientia quærenda & admittenda sit : Aliquando metaphora desumitur ex aliis rerum classibus ; ita , quando Deus dicitur *Clypeus* , studium antiquitatis suppeditabit , quid in usu bellico præstet clypeus , unde describitur tanquam instrumentum optime fabrefactum , ad defensionem corporum militum adversus tela ab hostibus projecta : atque ita ex scopo Deus confertur tanquam defensor populi sui , qui eum immunem reddit ab hostium insultibus.

§. 7. Monemus hic , duo observanda.

- I. Ut , qui versatur in *Analogiis conferendis* , pro applicatione proprietatum figuræ semper immisceat denominationibus propriis etiam emblematicas , sed ex eodem loco , in quo versamur , desumtas. V. C. si verbum *conflandi* in textu occurrat , Deoque attribuat , populum expurganti , oportet , ut teneamus , metaphoram desumptam esse a metallurgis , adeoque in amplificatione repetendas esse phrasas ex ista officina derivatas : uti , si ignis consideretur ut instrumentum purgationis , in applicatione figuræ dicamus ; *Deum igne afflictionum uti ad omnis impuritatis discussionem.*
- II. Monemus etiam , *Analogias ad classes esse revocandas* , quod ut illustretur , maneamus in eadem metaphora , atque revocemus pertractationem ,
 - A. Ad considerationem hypotheseos , supponitur enim , quod populus *conflandus* se habeat instar metalli nobilioris , sed ob scorias intermixtas corruptus ; nam
 - N. Cum argento , & auro , aliisque metallis pretiosis confertur populus propter dignitatem , & puritatem.
 - D. Ast scorias habere intermixtas concipitur , qui recessit a puritate nativa , per gratiam Dei introducta.
 - B. Effectus autem , qui desideratur , est scoriarum a metallo puro separatio , ut ad suam puritatem & dignitatem redeat ; ita intendit *conflatio spiritualis* separationem scoriarum , seu vitiorum a principiis virtutis , quæ remanent in regenitis.
 - C. Modus autem præstandi istum effectum , egregie involvitur similitudini , quod enim
 - N. Artifex igne præstat erga metallum impurum , id precipitur

pitur Deus facere sua gratia circa populum suum.

2. Modus etiam parum abludit; præstat enim artifex istam separationem mediante igne in fornace accenso & multo statu exaggerato. Sic Deus utitur igne afflictionum & persecutionum afflantibus aliquando hostibus, ut sensus afflictionum sit asperior; quod fieri solet, quotiescunque Deus ex consilio gratiæ castigationes immittit &c.

§. 8. Sequitur jam *explicatio realis*, quæ tradit rerum vocibus propositarum rectam cognitionem: error enim aliquando est in mente, dum veram & integram rerum ideam nondum percepisse discipulos Christianissimi suspicio est. Interpretis autem munus est integras rerum ideas & rectas, nondum forsitan perceptas, ex mente Christi in auditoribus excitare. Id confici monemus,

I. *Rerum illustratione*, quorsum facit,

A. *Definitio*, quæ respondet ad quæstionem, quid res sit? atque auditorem informat de vera & utrinsecâ rerum natura, in jam deliberemus, non quid nominis, sed quid rei sit, & quam requirantur ad integram rei naturam constituendam; falsæ autem & incompletæ hominum de rebus perceptiones corriguntur, ne in praxi fidei, spei, aut sanctitatis se decipiant, & umbram pro corpore amplecti instituant. Ita sæpius occurrit necessitas exponendi per definitionem, quid sit fides, spes, amor, justificatio, condemnatio, &c. In Theologia enim sive theoretica, sive paracletica, sive prophetica ea via tenenda est, ubi vel minima suspicio est, rudiores inter auditores rem non plenarie concipere, & juxta omnem ambitum in suo formali non perpendere: hujus explicationis topica, unde definitiones desumuntur, se latissime diffundunt, in quantum Scriptura præter res Theologicas etiam ex aliis disciplinis multa transumit. Hinc aliquando definitiones a *Philosophis, Philologis, Medicis, Juridicis*, &c. mutantur, quamnam Sacra Scriptura, ex aliis disciplinis illustranda, transumerit, eleganter colliguntur & distribuuntur in titulos a Viro olim diligentissimo Alstedio in *Triumpho Bibliorum Sacrorum*.

B. *Similitudines* etiam ad illustrationem faciunt, quarum ope varias res ad captum auditorum accommodare possumus: nihil enim ad populariter docendum & simul delectandum magis accommodum est, dum res mirifice subjiciunt animo, & earum quasi imagines proponunt. Monuit Rudolphus Agricola, Lib. I. de *Invent.* Cap. xxvi. ex Augustino. *Hebetes, & populares mentes, quæ in ipsas res penetrare non possunt, ut quale quid sit introspeciant, non alia re agitur, quam*

ima.

imagine & figura notiorum aliarum rerum, in id quod ostendere volumus, introduci possunt. V. C. Pro varia contemplatione fidei jam fides confertur cum manu, oblatam gratiam Dei in Christo acceptante: cum oculo, gratiam Dei in Christo una cum notis exuberantiæ & indebiti erga nos amoris contemplante: cum desponsatione, animam Christo sponso ad arbitrium amoris sui commendante, eique se submittente. *Leges similitudinum sunt,*

1. Ut deductæ sint ex rebus sensibilibus & in medio vitæ communis positis. *Alias enim, inquit Kekkermannus, nec intelligentur a populo, nec eundem movebunt; siquidem vis earum potissima est in eo, quod sint sensuales.*

2. Ut potius ab aliis usurpatæ assumantur, quam ut novas confingamus, præsertim inquit *Idem: Cum in hac re maxima multorum prudentissimorum Virorum extet diligentia.* Ita Lycosthenes ex variis collectas in unum librum collegit, & pro varia materiarum distributione commode digessit: quod & a Grutero factum.

3. Cavendum tamen, ne nimium humi repant aut dissimilitudine hient. *Illæ enim, ut bene monet Bucanus, de majestate verbi Dei detrahunt*

C. Illustratio a priori & notiori etiam eleganter rem declarat, & quasi genetice in ortu suo spectat. Ita V. C. fidem expositurus, a priori quando consideratur ut admissio testimonii divini cum assensu & transitione in eam sententiam, monet verbum aliquod testimonii cœlitus esse delatum, quo arcana consilii divini, quod homini peregrinanti in cœlis introspicere non datur, exponuntur nobis ope Virorum Dei, in eum finem legatorum; additurque in eo contineri expositionem rationis salutis, peccatoribus oblata, quare hoc testimonium a mente perpensum concipitur, ut propter rationem intrinsicam, fide dignum, propter testium veram auctoritatem ad assensum obligans, quare fidei esse opus concludimus, & testibus & testimonio assentire, utrique fidem habere, nec dubitando de veritate, nec cunctando perseverare in assensus negatione, verum, ut Deo, salvare volenti, cum *susceptione obedientiæ*, se ejus gratiæ committat.

II. Rerum *amplificatio* etiam facit ad clariorem & evidentio-rem cognitionem, curatque

A. *Deductionem per partes.* Ita V. C. quando de Christo deliberatur, tanquam a Patre legato, & uncto, commode non solum agimus de auctoritate illa a Patre concessa, sed & descendimus ad tres officii partes, sive potius ad tria ejus mu-

munera, in quantum completum Servatorem constituunt; ut ad collationem salutis populi sui Regiam acceperit potestatem; ut ad reconciliationem populi cum Patre procurandam Pontificis munus in illum fuerit collatum; ut ad certiore istorum beneficiorum cognitionem ipse voluerit quoque munus Propheticum aggredi, ut ex ipsius Sospitatoris ore constaret, quid de eo sperandum, aut credendum sit.

B. *Actiones* quandoquidem secundum *modos agendi* amplificantur, V. C. *Deum querere jubemur*: Jes. LV. *ψ*. 6. Quod ut legitime fiat, exponitur esse opus modificatum variis actionibus; requiri enim in eo.

1. Desiderium restitutionis boni amissi, quo incenditur homo ad actionem.

2. Dispectus viæ ad finem suum prosequendum commodæ & aptæ.

3. Deliberatio cum Deo aut verbo Dei, ut in consilium adhibeantur, quos ut viæ istius commonstratores respicit.

4. Studium alacrius currendi viam inventam, cum derelictione omnium rerum a cursu trahentium.

5. Nulli labori parcere, etiamsi graviora sint experienda.

6. Transitio omnium impedimentorum, ut a nullo objecto patiaturs se sisti, aut a progressu cohiberi.

III. *Confirmatio* sensus indicati spectat ad canones hermeneuticos, & præprimis, illum primum, qui jubet explorare veram interpretationem ad analogiam subjectæ materiæ, atque adeo rei naturam expositam ostendit veritati naturali aut supernaturali esse consentaneam; quo labore auditores certiores redduntur de veritate exposita, quo facilius rem nunc perceptam admittant. *Argumenta* hic adducuntur.

A. *Artificialia*; quæ ita appellantur, quia ratiociniis utimur arte confectis, utimurque consequentiis ex materia subjecta derivatis.

B. *Inartificialia*; quæ ita dicuntur, quia constant testimoniis, fide dignis, & ad veritatis testatæ susceptionem obligantibus.

§. 9. I. Lex prior excludit *explicationes reales, alienas & obsoletas* Quippe quæ versantur in quæstionibus nimis curiosis & inutilibus, aut ex fabulis natis; solebant enim monachi antehac multa garrere ex cathedra, quæ nil nisi fictas fabulas, aut imprudentes locorum detorsiones sapiebant. V. C. Matth. CAP. II. de *Magis* agitur: quæstionem illam, num Reges fuerint, quot numero, quibusve insigniti fuerint nominibus, ad pertractationem istius capitis coram plebe velle ventilare, esset obsoleta revocare; diu multumque enim de

monstratum est, fabulas adduxisse monachos a re ipsa alienas; sufficit ostendisse, *Magos* fuisse ex Eruditorum classe, non ex Regum, aut Principum ordine, neque homines ex plebe desumptos, sed sapientiæ laude inter Persas celebres, qui ex Zoroastris disciplina unius Dei cultum tradebant, omnemque colendi modum, nec non quod jus & fas inter homines exigebat; ita enim tacite refutamus Reges fuisse, sed ex Eruditorum ordine homines. Adde & Esaj. 1. §. 2, 3. Quem locum homines illi temerarii revocarunt ad classem vaticiniorum de Christo nato, quasi mens esset indicare, boves & asinos agnovisse Christum Dominum in præsepi repositum; supponentes, id factum in antro nativitatis Christi; Judæos autem in officio suo defuisse: quæ explicatio omnino a contextu aliena est, nihil enim historia Evangelica memorat de ista brutorum erga Christum natum reverentia: imo contra pernoctasse gregem ac proinde armenta eo tempore sub dio, non in stabulis, monet eadem ipsa historia Evangelica.

- II. Lex altera prohibet in *locos communes excurrere*, aut cum *adversariis in plenarias controversias*. Sufficit enim hic in veritatis adstructionem locus unus aut alius parallelus; constatque inter omnes, qui methodum concionandi conscripserunt, illud vitio vertendum esse, quia temporis consulendum est, & rerum momentis, ut retineatur, in concione per horam absolvenda, regula proportionis, de qua suo loco.
- III. Exigitur etiam prudentia, & moderamen in *deductionibus a priori*; cæ semper tentanda non sunt, multo minus omnibus modis deducendæ, quoniam *aliquid præsupponendum est in auditoribus*. Ad *nauseam usque recurrerent eadem principia*, licet sub alio schemate. V. C. Omnes notiones in applicatione salutis ita possent deduci, ut a statu hominis recto incipiamus, atque ita tota illa pars Theologiæ recurreret: sume notionem *Lucis* per illuminationem divinam accensæ, quæ propellat tenebras mentis: hic velle incipere a primigenia luce in Adamo, eamque rem multis adumbrare, dein pergere ad obtenebrationem animorum, quam primi hominis lapsus introduxit, eamque per partes exaggerare, antequam ad ipsam *Lucis* restorationem pervenias, quid aliud quæso esset, quam sub hac metaphora & schesi totam repetere Theologiam? potius est omnia illa anteriora verbulo tangere, supponentes auditorum animos utcunque instructos esse de rebus istis, & quotidie instrui per partes in concionibus Catecheticis. Qui sibi nil præsupponendum existimat, semper incipere deberet a prima veritate *cogito, dubito, ergo sum*. Atque ita ridiculum se concionatorem præstaret.
- IV. Prudentia circa *argumenta inartificialia* adhibenda est, ut non liceat

liceat producere testimonia, *vera auctoritate carentia*, nihil enim ad fidem obligat præter solam Sacram Scripturam, quare abstinendum putamus ab allegationibus omnibus, quæ sunt fidei humanæ, ne seducatur populus & tacite pro norma fidei admittat *sententias patrum, aut theologorum celeberrimorum*; cum enim illi ipsi sint fallibiles, nihil aliud possunt quam præjudicia creare. Nolim ista nomina humana jactari ex cathedra, mos enim ille iniquus ex papismo derivatus est in quosdam Protestantes, præprimis Lutheranos; sed cum nil nisi *ad pompam & ad ostentationem inane* eruditionis, ac multæ lectionis faciant, proscribendum esse illum morem existimamus merito; Scriptura sola est semen regenerationis, Scriptura sola est laticinium educationis spiritualis.

C A P. V.

DE EXPLICATIONIS PARTIBUS IN SPECIE.

- §. I. Digeruntur hic quæ præsentī capite sunt pertractanda, revocanturque ad propositionem unius *enunciationis*, nbi nota,
- I. Ex notionibus simplicibus fieri *enunciations*, quæ continent in se affirmationem aut negationem, adeoque plenarium de re proposita iudicium.
 - II. Cum in iudicio illo alia sit res, de qua quidquam affirmatur aut negatur; aliud id, quod rei alicui tribuitur aut detrahatur; aliud iterum, quod affirmationem, aut negationem indicat: prius appellamus cum logicis *subjectum*, alterum *prædicatum*, tertium *copulam*, non grammaticam, sed *logicam*, quæ in verbo substantivo est continetur, cujus usus est *prædicatum* referre ad suum *subjectum* & utrumque copulare, vel disjungere.
 - III. Extremorum expositio, quæ sic se habent ut *subjectum* & *prædicatum*, hoc agit, ut teneamus, quænam jungantur aut disjungantur, & secundum eam relationem exponamus, secundum quam illam conjunctionem admittant vel respuant.
 - IV. Nexus enunciationis, ubi attingitur, ostendit allegatam *enunciationis* veritatem aut falsitatem eum in toto sermone præstare usum, ad quem huic loco inferebatur, adeoque locum suum legitime tueri. De hoc nexu moniti erant auditores in præparatione, sed hic loci ostendenda est ejus soliditas, ut glorificetur Spiritus sapientia in Sacra Scriptura loquentis.
 - V. Monemus etiam ad hunc paragraphum, simplicem *enunciationem* aliquando amplificari, ita ut quædam adhæreant *subjecto*, quædam *prædicato*, alia vero *copulæ*: V. C. I. Cor. II. *ŷ. 14.*

Ubi *subjectum* est *אֲדִיפֻן*, verum illi adhæret adjectivum *פְּזִיזִים*, adeoque cum *subjecto* pertractari debet; *prædicatum* est *דִּיזִרָא* *suscipit*, *admittit*, cui etiam adhæret descriptio rerum, quæ perceptioni offeruntur; copulæ cohæret negatio *ו'*, adeoque excludit *פְּזִיזִים אֲדִיפֻן* ab admissione rerum spiritualium, ostendens extrema ista minime cohærere, aut *prædicatum* cum *subjecto* minime convenire.

- §. 2. Hic medium præscribitur, cujus ope aliquando facilius indagamus, quænam *subjecto* adhæreant, quænam *prædicato*, imo ad quam *enunciationem* vocalæ quædam pertineant.

- I. Medium illud est cognitio *Punctationis accentuum*, quæ in lingua Hebræa haud negligenda esse tuemur; saltem ejusdem auctoritatis & ætatis esse cum punctis vocalibus, vel inde innotescit, quod mutationes punctorum vocalium ex parte ab accentuum positione dependeant, & quamvis hic locus non sit de antiquitate punctorum, vocaliumque multa disserere, nihilominus eorum sententiam mihi placere profiteor, qui tempore Christi & Apostolorum extitisse probare conati sunt: saltem ante Masorethas Tyberienſes, ac proinde ante confusionem reipublicæ populi Judaici.
- II. Accentuum ratio a multis sæculis ignorata penitus vel non satis intellecta effecit, ut interpretes sæpius dicta non justo loco exhibuerint, sibiſque licentiam transpositionis assumerint contra leges accentuationis, verum cum indies istorum accentuum ratio magis magisque fuerit detecta & revelata, velim ut interpretes eorum rationem quam maxime habeant. Qui primus arcanum accentuationis inspicere cepit, fuit *Samuel Boblins*. Hunc majori cum successu secutus est *Casparus Ledeburius*, in libro cui titulus est *Catena Sacræ Scripturæ*. Plura singulari opere præstitit *Matthias Wasmuth*: verum cum adhuc variæ videantur relictæ anomalix, novissime argumentum illud resumſit *Andreas Reinbeck Luneburgensis*, qui a regulis recedi propter singulares affectus, & emphasin ostendit, ut anomalix conjunctionis pro disjunctione a lectore præcipitem exigant elocutionem, certis passionibus animæ consentaneam, & contra disjunctiones loco conjunctionum præcipiant suspensam lectionem esse observandam, etiam passionibus requisitis consentaneam, quod doctiss. Auctor per aliquot centena exempla illustrat, totam fere Sacram Scripturam percurrentes.
- III. Ut autem neminem lateat, quam insignem in rerum conjunctione & disjunctione usum notatio accentuum præſtet, notandum est, non solum illos dividi in conjunctivos & distinctivos, verum & distinctivos ita differre inter se, ut alii minorem, alii

ma-

& Judæos, illos Christo applicantes, hos vero populo Israelitico, in præfenti exilio oberranti. Sunt etiam, qui Jeremiæ applicant a populo & Rege Judæ male habito; verum eo in casu secundum eandem progredimur regulam, quam applicabimus de subjecto inveniendo propter ambiguitatem denominationis ad paragraphum VII. sequentem.

§. 5. Hic paragraphus jubet,

I. Quæ explicatione non indigent, non ita explicatione premenda esse, ut liceat illa plerumque supponere, nisi forte sub *schemate aliquo veniant*: ac tunc illa attingenda esse tantummodo secundum *schesm*, quam tuentur. V. C. II Samuel. XXIII. §. I. In enunciatione, ubi *David* dicitur *amænus psalmis Israelitarum*. Hic David venit sub *schemate* musici ac poetæ, adeoque in ejus *επιγραφία* ea tantum attinguntur, quæ peritiam ejus spectant in compositione odarum, & cognitione rei musicæ: repetit itaque interpretes ex ejus *βιογραφία*, ut assuetus vitæ pastoralis jam olim incubuerit rebus musicis, sibi que peritiam tractandi nablium & citharam ceteraque instrumenta comparaverit, ut jam ad aulam admissus, Regis animum hac arte mirandum in modum inflexerit: transituri autem ad *prædicatum*, animadvertimus, Deum hanc peritiam suo tempore sanctificasse; atque Spiritu suo hoc gloriæ Instrumentum applicuisse componendis odis sacris, ad ædificationem Israelis spectantibus, &c.

II. Quæ propter aliquid *insuetum* & *exsoletum* denominationi adhaerent, aliqualem illustrationem, ex antiquitate requirunt, discutienda secundum ea, quæ diximus ad Cap. IV §. 2. N. I. & §. 4. N. I.

§. 6. Hic fit distinctio rationum secundum quas *indagatio subjecti* aliquando variat, qui casus expenduntur sequentibus paragraphis.

§. 7. *Ambiguitas denominationis subjecti* proponitur ut removenda.

I. *Canon*, quo utimur ad id facile præstandum, est, quod *talita sunt subjecta, qualia permittuntur esse a suis prædicatis*. Quæ enim prædicata subjectæ materiæ non conveniunt, cogunt nos inquire in aliam materiam subjectam, cui satis conveniunt, & quæ tamen sub ambiguitate denominationis contineri potest. V. C. Gen. VI. §. 2. *Filii Dei* dicuntur respexisse *filiis hominum*, quod pulchræ essent, atque ex iis sibi adscripsisse uxores, quas elegerunt. Veterum imprudens interpretatio *subjectum denominatum* retulit ad Angelos, quia apud Jobum Cap. XXXVIII. §. 7. *Angeli filii Dei* dicuntur, atque inciderunt in absurdam istam interpretationem, qua asseruerunt, *Angelos cum filiabus hominum concubuisse*, monstra inde prognata fuisse; non attendentes, quod *filiis Dei* etiam audiant homines, veræ religioni adhaerentes, & secundum iudicium charitatis pro adoptivis *filiis Dei* habendi, qua signifi-

catione

catione admissa, absurda illa omnia effugimus, sensusque sub-
jectæ materiæ conveniens sponte profluit.

- II. Huc etiam referendæ *denominationes*, de quibus disceptatur, *num sensu literali, num mystico accipienda sint*, de quibus egimus, Cap. IV. §. 5.

§. 8. I. *Dubium*, quod incidit circa latitudinem *subjecti*, proponitur hic etiam discutiendum. Exemplum sumamus, quæ de *Angelo Goale & Angelo in rubo apparente* dicuntur: Genes. xxxii. §. 24. & xlviii. §. 16. & Exod. iii. §. 2. & aliis in locis. Inquiritur an ibi de qualicunque *Angelo* sermo sit, num vero de *Angelo increato*, cum Filius Dei sit caput Angelorum & ipse Angelus dicatur, in quantum est Angelus Dei, quod prædicata definiunt.

- II. Huc refertur *consideratio subjecti sub aliquo schemate & peculiari relatione* V. C. Mich. v. §. 1. Ubi משיח *sive dux* veniat tanquam *subjectum* vaticinii: verum quidem est, quod sub isto schemate describitur Messias; ast ibi non necesse est, ut statim decidatur quæstio; modo *Ducem & Imperatorem* hic asseramus, secundum ea, quæ in dubium revocari non possunt, quæque multa abscindunt. V. C. Si proponamus in pertractatione *subjecti* methodo deliberativa, Principem esse ducem, qui reliquis præest cum imperio, atque adeo personam exhiberi sua dignitate ceteris in populo præminentem, ita tacite abscinduntur omnes homines vulgares; tunc adde, hunc Principem depingi ut populo Judaico præpositum; ita tacite abscinduntur omnes Reges & Principes gentium: perge, addendo, Ducem futurum innui, imo promitti ad felicissimam populi conditionem; atque ita tacite abscinduntur omnes Reges & Principes, qui fuerunt ante Michæ tempora: imo & porro promissio Ducis istius exaggeranda est ex ejus beneficiis conferendis in populum Dei, ita ut concipiatur futurum Instrumentum consilii divini in populo suo, ad eundem ducendum in omni veritate & pietate; atque ita tacite excluduntur omnes futuri Reges Judæ impii. Hic subsistere potest adornatio *subjecti* in suo schemate, ut alterior definitio relinquatur pertractationi *prædicati* in textu, sed cum hoc vel simili transitu. Imo quantum hic Dux omni humana sorte sit futurus superior, probat nobile *prædicatum*, quod illi asseritur; dum illi *duplex* attribuitur *egressus*, quorum unum quidem haberet cum omnibus hominibus communem; alterum vero illi soli peculiarem, ita ut constaret, Filium Dei æternum fore Filium hominis in tempore.

- III. *Ad latitudinem subjecti* spectat etiam *consideratio subjecti in certo tempore*, adeoque deliberatur circa latitudinem *subjecti* agniti; an hic proponatur *ut omnis temporis*, an vero *ut temporis alicujus particularis*. Sic V. G. Psalm. xxi. §. 1. *Jehovah* proponitur.

cui

cui tribuitur, quod sit *Pastor eorum*, qui œconomiam ejus in sequentibus decantant, adeoque *Jehovah* hic in *subjecto* est; sed deliberatur, an hic proponatur ut agens per providentiam suam communem, an vero ut exercens peculiarem œconomiam gratiæ: ac proinde, an concipiatur *Jehovah*, ut Deus Triunus, num vero ut singularis Persona Trinitatis, qui schema *pastoris* proprie induit: in qua deliberatione hinc inde ex Psalmo ostendimus *prædicata* exigere, ut *Jehovah* hic occurrat tanquam amplissimæ gratiæ Largitor & Dispensator; quod cum N. T. peculiare sit, & per Christum præstandum, rei convenientius esse concludimus, ut hic Filius Dei & ipse *Jehovah* intelligatur, tanquam peculiarem *Θεοκρατίαν* N. T. sibi vendicans.

- IV. *Emphasis denominationis restrictionem subjecti aliquando involvit.* V. C. Hebr. x. ψ. 18. Ubi est ἀφ' ἑσθ' peccatorum. ibi non est amplius oblatio pro peccato. *Emphasis* vocabuli ostendit, hic agi, non de omni remissione peccatorum, sed de ea, quæ etiam includit deletionem reatus omnimodam, quæque continet exclusionem commemorationis peccatorum, adeoque *emphasis* vocis restrictionem aliquam includit; quod probatur ex distinctione inter ἀφ' ἑσθ' & πᾶσι, probaturque per contextum, quia locus allegatus, unde argumentum fit, nempe Jerem. xxxi. ψ. 34. habet in textu: *Non commemorabo peccata eorum.* Cum autem Paulus hanc vocem in textu substituatur, loco dictorum apud prophetam, oportet, ut ἀφ' ἑσθ' includat non *commemorationem* peccatorum, vel ut evidentius loquar, ἀμνηστὶ τῶν ἁμαρτιῶν; probaturque idem ex absurdo consequenti, quia nisi secundum hanc *emphasis* intelligas *subjectum*, dicendum est, in V. T. nullam fuisse remissionem peccatorum, quoniam ibi fuerunt sacrificia pro peccato: unde constat, vocem hic potius id in sua significatione includere, per quod sacrificia pro peccato ab œconomia N. T. excluduntur, quod tantum fieri per ablationem commemorationis peccatorum ex antecedenti argumentandi modo, quem Paulus adhibuit, palam est.
- V. *Latitudo subjecti aliquando solum per contextum restringitur.* Ita Psalm. x. ψ. 2. & sequent. multa de impio dicuntur, atque circa latitudinem istius denominationis a quibusdam dubium movetur: quippe qui *impium* hic collective accipiunt, pro quocunque homine improbo; ast personaliter hic vocem significare patet ex *prædicatis*, singulares actus respicientibus, quæque non omnibus, & singulis *improbis* conveniunt: proinde hic aliquibus characteribus *impius* ille concipiendus est ut piorum adversarius, atque Regni Dei hostis, persecutor in summa potestate constitutus, ac proinde ut persona singularis definiendus ex actionum inimicarum specie, atque ita methodo deliberativa invenie-

veniemus Antichristum designari, ut pessimum Regni Christi adversarium.

S. 9. Monet hic paragraphus,

- I. *Ut dignitas rei requirat aliquando succinctam subjecti descriptionem.* Nam quæ explicamus non tantum eruimus ad intellectum notionis simplicis, sed etiam commendamus; adeoque si sit peculiaris dignitas in subjectis, auditoribus aliquando simpliciter in memoriam revocamus, quæ tenent, propter jucunditatem contemplationis rei dignissimæ.
- II. Præsupposita auditorum ignorantia jubet etiam aliquid dicere de subjecto, ne tota dissertatio vel simplicissimos præterfluat: hac enim in parte rudiorum atque tyronum ratio habenda est semper.
- III. *Res per definitiones breviter illustrantur*, quia inquisitio in subjectum exigit, ut nostra pertractatio hic sit contractior cum studio brevitatis.
- IV. *Virtutes, & dogmata tales succinctas definitiones exigunt*, quia semper metus est, omnes auditores rem non tenere, quæ primi momenti est: deinde, quia versantur circa caput rei, salutem humanam, fidem nempe, & pietatem, quæ istius dignitatis sunt, ut accuratam ideam in auditoribus renovemus; imprimis, ut virtutes in subjecto propositas saltem ab ista parte intueamur, secundum quam influunt in prædicatum, & quædam singularia officia præstant, aut ut præstent, incitant. E. G. Rom. XII. §. 9. *Subjectum est charitas ἀγάπη*, quæ refertur ad aliqualem seu aliquam ejus proprietatem, ut sit genuina, proinde definitio charitatis præprimis involvit tendentiam ad proximum ex imperato rationis, quæ hominem ad charitatis officia obligat: nisi enim ratio sit legitima, quæ ad officium impellit, non esset amor proximi, sed sæpe alienus: hinc transitus sit ad prædicatum; esse fucum amoris, dum speciem refert & alienum productum ex alienis causis; atque ita hypocritam agere, quod Paulus prohibet.
- V. *Personarum succinctæ prosopographiæ in subjecto*, etiam subjectum considerant in relatione ad prædicatum, & ab ea parte nonnihil circumscribunt. V. C, Genes. xv. §. 6. *Abrahamus credidit Jehovæ, & imputatum est ei in justitiam.* Ubi subjectum, in questione est Abraham, verum considerandus ut pater futurus posteritatis alicujus electæ, quique proinde in exemplum proponitur viæ Dei cum peccatore electo, notaturque obiter, ut ipse vocatione divina translatus fuerit a cultu idololatriæ ad verum; adeoque ipse antea peccator & reus, sed cui tribuitur, quoad officium, quod crediderit; quoad beneficium, quod ei fidei imputata fuerit ad justitiam.

- VI. *Loci* denominatio, si rationem *subjecti* habeat, perpendi debet, an hic magis considerari debeat ratio situs, an ratio electionis. Mich. v. *ψ*. 1. *Beth-lechem Ephrata* designatur in *subjecto*, ubi fere utraque ratio obtinet: describitur itaque ut civitas, quæ definitur quoad situm in Ephrata, seu ea parte sortis Judæ, quæ non longe abfuit ab Hierosolymis: ast respectu *prædicati* ut patria familiæ Davidis, cui ista competeat gloria, quod populo Dei ex civium familiis unam exhibuerit, ad quam Regia potestas fuerit devoluta; huic enim omnes Reges ex familia Davidis debuerunt ortum: utque transitus fiat ad *prædicatum* inter eas eminentias quidem primariam esse, quod & esset futura patria præcellentissimi Regis atque Ducis; tribui enim in *prædicato*, quod ex ea civitate proveniret, qui clementissimum Ducem ageret.
- VII. *Temporum* descriptio, si quando per modum *subjecti* proponitur, etiam exigit singularem definitionem, V. C. Dan. ix. *ψ*. 24. *Septuaginta septimana* decisæ sunt super populum tuum, & super civitatem sanctam tuam. Ubi discutiendum in *subjecto*, quousque *septuaginta septimana* se in calculo temporum extendant, indicando hic *septimanas* non esse intelligendas dierum, sed annorum; idque probandum est ab usu scripturæ non esse alienum, nec propter multitudinem rerum promissarum aliam significationem admitti posse; contractius enim esse tempus sensu primo acceptum, ut intra terminos ejus *prædicata* includi queant: hinc ostendendum, periodum illam temporis proinde continere *septies septuaginta annos*, qui numerum conficiunt cccxc. annorum: verum cum illa periodus hic relationem habeat ad beneficia conferenda, animadvertimus etiam, istam periodum totidem annorum habere in se rationem formalem temporis tolerantie divinæ, a Deo constituti, ut ante ejus finem Deus esset contumaciaturus gravissimas promissiones de constituendo Christi Regno, utque post ejus finem tempus sequeretur effundendæ iræ in pervicacem gentem Judaicam, quæ ex stupore Regnum illud non admitteret.
- VIII. *Actiones* aliquando etiam rationem *subjecti* habent. V. C. Philipp. iii. *ψ*. 1. *Eadem vobis scribere me quidem haud piget, vobis autem tutum est.* Actio in *subjecto* est scribere easdem res ecclesiis; sed respectu *prædicati* concipi debet ut actio fugillata, quæ minus conveniret scriptoribus gravioribus, proinde ita instituimus orationem, ut Apostolorum erat scribere æque ac prædicare ea, quæ ad ædificationem ecclesiæ spectant, quo possint & in ecclesiis remotis officium suum præstare, quæ singularis scriptione utilitas est, ne videri posset supervacaneum esse, eadem aliquando repetere, Paulus repetitionem ejusdem rei scriptæ proponit ut haud inuti-

inutilem, &, quod alias fieri solet, sibi scriptori non tædiosum, quare utrumque in *prædicato* de repetitione sua asserit.

§. 10. De *denominatione emphatica*, sub qua aliquando etiam *denominationes in subjecto* veniunt, jam plura monuimus §. 4. & 5. hujus capitis, ad quam locum lectorem ablegamus.

§. 11. *Denominatio subjecti emblematica*, etiam ad *analogiam* revocanda est in relatione ad *prædicatum*. V. C. Joann. 1. v. 29. *Ecce Agnus Dei, tollens peccatum mundi*. Subjectum est *Agnus Dei*, neque dubium est, quin *denominatio* ista sit *emblematica*, atque hic respiciatur *Jesus*, de quo sermo est in omnibus circumstantiis, & quem Joannes quoque digito commonstrat, dum eum sub ea *denominatione* populo subjicit; sed inquirendum est in rationem *denominationis*, quæ consistit in justa *Agni* istius cum *Christo analogia*, *Agnum* eum *Dei* dici, quia a Deo exigente, & definiente vicem *agni* ageret. Non hic requiruntur in pertractatione omnes *analogiæ* & convenientiæ, sed *prædicatum* jubet me *subjectum* respicere, ut victimam piacularem, cui imponebantur peccata reorum in lege ceremoniali, propter rationem typicam, ut hic notetur istarum victimarum piacularium antitypus, in sacrificiis præfiguratus. Basis ergo convenientiæ erit, victimam hic adesse piacularem, dein convenire cum victimis in eo, quod per sponsonem in se susceperat peccata expianda: porro illum revera in se habere conditiones in victimis requisitas, ut sit purus ab omni labe, atque insons, propriis reatibus non implicatus; sicque fieri potest transitus ad *prædicatum*; nunc vero actu designari illud opus, quod a tali *subjecto* sperari poterat, scilicet *ablationem peccatorum mundi*.

§. 12. *Epitheta*, aliaque *subjecto adherentia*, quomodo sint animadvertenda, docetur hoc parægrapho.

I. Ut spectent aliquando ad discretionem *subjecti*. Ita locus allegatus Joann. 1. v. 29. non tantum *Jesus* repræsentat sub *denominatione agni*, sed ipsi adhæret vox *Dei*, ut notet piaculum, a Deo designatum, & Deum decens ad exclusionem *agnorum*, V. T. qui ex grege defumebantur, ne quis putet, victimas V. T. id revera præstitisse, sed tantum præfigurasse, hoc longe alterius ordinis *subjectum*. Ita Habac. 11. v. 4. In *subjecto* est *justus* sed adhæret vox *ex fide ejus*, ad exclusionem *justitiæ* operum, & accuratam rerum discretionem.

II. Aliquando spectant ad extollendam rei dignitatem, & excellentiam, imo & nonnunquam ad utramque simul. V. C. 1. Johann. 1. v. 7. *Sanguis Jesu Christi, filii Dei purgat nos ab omni peccato*. Ubi *subjectum* est *sanguis*, spectatus ut *piacularis* & *purgans*, verum illi adhæret aliquid, quod ad discretionem facit, dum determinatur *sanguis Jesu Christi* ad exclusionem sanguinis pecuini

non solum, verum etiam quorumcunque aliorum hominum: definitur enim persona, qui sanguinem effudit piacularem per nomen *Jesu*, qui est Filius Mariæ, & per agnomen *Christi*, qui solus a Deo constitutus, & unctus erat in Sospitatore; cetera quæ adjunguntur, faciunt ad rei dignitatem & excellentiam, valoremque, dum dicitur sanguis Filii Dei, ut ita designetur sacrificium Deo dignum, quippe Filius Dei est imago Patris, ejusdem naturæ cum Patre, qualis requiritur, ut munus Mediatoris adimpleat, & sanguini pretium, in ἀπολυτρώσει adstituatur.

III. Apponuntur aliquando tituli laudis aut vituperii, quod facere nonnunquam ad ἀξιολογίαν testimonii dicimus, ut non tantum laudentur quidam ob exemplum, & habitudinem ad munus aliquod præstandum, sed & fidem faciendam; in qua latitudine deliberatio se confert ad prædicata, si enim subjectum laudatum in scena concipiatur se habere per modum testis aut legati Dei, commendatio a virtute facit ad examen testis istius; quippe qui inde colligitur homo fuisse fide dignus, & admittendus in foro: sin vero consideretur ut munus agens, concipitur per eam commendationem ut bene instructus ad munus suum, ita V. C. Actor. xviii. §. 24. Proponitur *Apollos*, & variæ sunt appositiones subjecti, antequam prædicatum asserat, & sequatur, ut diligenter loentus fuerit, & docuerit res divinas: inter appositiones alias est, quod fuerit potens in Scripturis, nec non quod fuerit edoctus in via Domini & simul Spiritus zelo affectus, quæ omnia per appositiones adherent subjecto, ut nempe intelligatur, quam habilis fuerat ad opus doctrinæ in ecclesia. Monemus tamen in virtutum, & vitiorum explicatione non nimis esse immorandum, quia hoc in casu imprimis obtinet, non esse excurrendum in locos communes.

§. 13. Post inventionem subjecti sequitur deliberatio de inveniendi prædicato in sensu suo legitimo, & hic repetitur ea pars regulæ proportionis, quæ plura dicenda esse de prædicato, quam de subjecto, jubet, id est, quæ sunt dicenda de subjecto, exigere maximum studium contractionis, quæ vero dicenda sunt de prædicato, admittere majorem diffusionem: rationem præcepti subjungimus, quia prædicatum magis accedit ad intentionem dicentis, cujus consilium est, ut teneamus id de subjecto, quod statim affirmandum, aut negandum est.

§. 14. Prædicatum itaque dum pertractatur, prima deliberatione expenditur tanquam notio simplex cum suis coherentiis, atque ita hic observanda sunt, quæ capite præcedenti de reali & verbali expositione dicta sunt, nec non de grammatica, & rhetorica expositione. Sic V. G. metaphorica prædicata aliquando copulantur cum subjecto, ad litteram proposita, ut Genes. xlix. §. 14. *Isaachar est asinus offens.*

Luc.

ti, officium est, honorare parentes, quod describitur secundum omnes actiones honorantium, in quantum sunt testimonium dignitatis & præcellentie parentum, ut ita quicquid est in obligatione, eruatur; *coherentia* postmodum tractabit rationes debiti officii, & ita *quæstio juris* est, ostendens, quid juris competat parentibus in filios.

- III. Huc pertinent testimonia, in quibus *subiectum* & *prædicatum* se habent ad se invicem, sicut *genus* & *species* inter se: V. C. Hebr. i. 14. Ubi *Angeli* divini *administratorii spiritus* dicuntur. Hic in prædicato *spiritus* concipiuntur ut *genus*, & ita exponitur *spirituum* natura, in quantum est communis *Angelis* & *hominibus*; additurque *spiritus* hic vocari *administratorios*, qui sunt singulari modo obligati ad ministerium, qua in re aliqua dignitas est observanda, æque ac obligatio: *copulatio* postea ostendit nexum inter *Angelos* & *spiritus administratorios*, ut unum cohereat necessitate naturæ, nempe quod sint substantiæ cogitantes: alterum nexu electionis & decreti, quippe qui ad hoc conditi sunt, cum nomen *Angelorum* significet legatos ad missionem divinam constitutos.
- IV. Quando ad se mutuo se habent extrema, ut *totum* & *pars*, adeo ut *totum* non sit integrum si *parte* ista detruncatur. V. C. i Cor. xiii. 4-8. ubi *amor* est in *subiecto*, in *prædicato* autem partes officii *amoris*; expendamus enunciatorum unum, nempe, *amor est mansuetus*, ubi in *prædicato* *mansuetudo* ita pertractatur, ut videamus, quam partem utilitatis proximi sibi curandam sumat, ut, quando ad *copulationem* pervenerimus, videamus *amorem* non esse integrum, si & hanc partem obligationis non præstiterit.
- V. *Attributa essentialia*, & *proprietates* etiam spectant ad *quæstiones juris*, dum ratiocinii crit, extremorum nexum insolubilem ostendere, sic Hebr. xi. 1. in *subiecto* est *fides*, in *prædicato* ὑπόστασις ἰλαρισμένη. Ubi in expositione *prædicati* invenimus aliquid, quod est de essentia *fidei*, exponitur itaque *prædicatum* ut ἰλαρισμένη referantur ad promissiones fœderis gratiæ, quæ nobis. spem fecerunt rerum ad gratiam & vitam necessariarum: ὑπόστασις autem est pollicitatio, qua nobis propter spem factam bona futura spondemus, non aliter ac si jam per anticipationem accepissemus; ad pertractationem ergo *copulæ* faciat animadvertere, eam ὑπόστασις contineri in definitione *fidei*, & adeo illa extrema esse inseparabilia.
- IV. Quæ ita coherent, ut *causa* ad *effectum* se habeat, tanquam ex necessitate naturæ agens, vel ex *decernia*, cum etiam relinquunt nexum demonstrandum, ad *quæstiones juris* pertinent. V. C. Rom. vi. 23. Ubi *mors* dicitur *stipendium peccati*: sic fructus acerbior refertur ad causam suam, quæ est causa meritoria, *stipendium*

dium enim peccati in prædicato nihil aliud notat, quam meritum peccati, ac proinde deliberatio in prædicato est, peccatum secum trahere reatum, seu obligationem ad poenam; ita ut iustitiæ divinæ sit male agentibus malum retribuere: ad copulationem autem spectabit, mortem esse poenam peccati, ut nexus ille sit inseparabilis, Deum mortem exigere, ubi meritum peccati exigit, contra Pelagianos, qui mortem sequelam naturæ vocant.

§. 18. *Passive se habet,*

- I. *Subiectum ad prædicatum, dum, quod ei extrinsecus advenerit, narratur, ita tamen, ut quod est in prædicato, salva natura subiecti abesse possit. Ita Matth. iv. v. 2. Christus tandem esuriit. Patiens est Christus, in subiecto passio est dira fames, quo proin describitur tanquam aliquid Christo adveniens ex occasione, describiturque etiam, ut malum exaggerandum a dolore, & molestiis in fame comprehensis: copula adhæret vox tandem, & pertractatio copulationis asserit id Christo evenisse per modum facti; atque occurrit dubiis, quomodo Dei providentia permittere id potuerit, salvo amore Filii sui.*
- II. *Facta considerantur aliquando etiam simpliciter, ut naturalia, & ejusmodi prædicata se non extendunt ultra expositionem naturæ.*
- III. *At quando ut supernaturalia considerantur, alia est prædicati ratio: exemplum esto in miraculis, Matth. xi v. 5. Cæci vident, claudi circumambulant, leprosi mundantur, & surdi audiunt; ubi prædicata sunt videre, ambulare, mundari, & audire, exaggeranturque, ut singularia beneficia continentia, quæ homines admodum perficiunt, verum in copulatione cum ista jungantur cum subiectis, facultatibus iis omnibus privatis, jam exaggerantur ut raro contingentia, ut effecta in iis subiectis difficilia, ac Medicinæ spheram excedentia, quæ proin non nisi per divinam potentiam fieri possunt, cum alias Philolosophi dicant a privatione ad habitum non dari regressum, & quando fiunt, indicant singularem Dei gratiam hominibus, præter meritum talia concedentis.*
- IV. *Si prædicata subiecto, passive se habenti, eveniant, deliberare etiam oportet, quid boni, aut mali inferant, quod locum habet, quotiescunque prædicatum habeat rationem beneficii, aut pænæ, aut rei lætæ, aut tristi.*
- V. *Præprimis attendere oportet ad ea, quæ prædicato nonnunquam adherent, quibus & illud ipsum modificatur, siue prædicatum contineat bonum siue malum, sed limitatum & restrictum. V. C. Hebr. iii. v. 11. Ubi castigatio in prædicato accipit expositionem restrictionis, quando Paulus dicit, non quidem videri rem gaudii, sed tristitiæ, sed postea suppeditare exoptatos fructus; tri-*

bui

buitur itaque illi quidem species tristitiæ, sed restringitur illa tantummodo ad opinionem, & contra corrigitur illa opinio, ut sit minus solida, ac sic in ceteris.

§. 19. Hic consideratur *prædicatum*, cuius *subiectum* concipitur ut *agens*, & *rei gestæ causa*.

I. Attendendum hic esse in *prædicato ad actionis naturam* moneamus; est enim aliquando *actio* indifferens, simplex, & naturalis; aliquando *actio* circumscripta *exequendi modis*, quod præprimis obtinet, ubi officia continentur prædicato. V. G. Matth. xxviii. §. 19. Ubi *Christus* discipulis suis præscribit, *μαθητεύσατε πάντα τὰ ἔθνη, βαπτίζοντες*, &c. In *subiecto discipuli* considerantur, ut electa instrumenta propagationis Regni Christi, per doctrinam testimonii. *Actio* ipsis in *prædicato* præscripta, est, *μαθητεύσατε πάντα τὰ ἔθνη*, scilicet omnes gentes suscipite ad disciplinam Christianam, quotquot nempe se sistunt cum subiectione, sub auctoritate Christi & Evangelii; modus exequendi describitur participiis, *βαπτίζοντες καὶ ἡδυνάοντες*, quibus participiis iterum sua adhærent: ut primus *actus* in admittendis *discipulis* sit *baptismus*, concipiendus tanquam ritus inaugurationis eorum, qui scholam Christi ingrediuntur, quique præstandus est in nomine *Patris, Filii & Spiritus Sancti*: alter vero *actus*, est *institutio* inauguratorum perpetua, qua erudiantur: cui etiam adhæret definitio *materiæ institutionis*, nempe *servare omnia, quæ præcepit Christus*.

II. In *actione per modum prædicati se habente* attendendum etiam est ad *bonitatem* aut *malitiam*.

- A. *Bonum utile*, est beneficium, quod profluit ex causæ benignitate. Ita Matth. i. §. xi. enunciatio est, *Jesus servabit populum suum a peccatis suis*, auctor beneficii in *subiecto* est *Jesus*, ad quem dictio relativa nos remittit; beneficium in *prædicato* est *salus populi*, quod *prædicatum* occurrit hic cum amplificatione ad exaggerationem, nempe *salutem*, imo *salvationem hanc esse ab omnibus peccatis*: verum & restrictio est in ordine ad *subiecta* beneficium recipientia, spes enim ea fit tantum *suo populo*, in quo exerceret eam utilitatem, ut a peccatorum reatu, macula, & poena omnes ii liberarentur.
- B. *Malum damnosum* aliquando infertur per *actionem deprædicatam*. Ita Act. xii. §. 1—3. describitur in *subiecto* *Rex Herodes*, in *prædicato* ut ea faciens, quæ ad persequendam ecclesiam primam Christianam faciebant, *damnosæ eæ actiones* enarrantur plures.

N. Quod quosdam ex ecclesia male habuerit. Ubi actioni includuntur castigationes, mulctæ, & proscriptiones, quæ
mala

mala exaggeranda sunt in ordine ad passionem ecclesiæ, tanquam instructa ad metum & apostasiam quorundam consequendam.

2. *Actus* secundus est, quod occiderit *Jacobum*, fratrem *Joannis* gladio; quæ *actio* spectanda est in aggeratione, ut ecclesiam privans Viro utilissimo, &c.

B. Bonum honestum, sive legitimum, sæpe est in *prædicato*, quando viris probis conceditur in *prædicato* testimonium rei bene gestæ; sive comprehendat præstationem officii pietatis, sive justitiæ, sive temperantiæ. V. C. Luc. 11. v. 25. Ubi *Simon* dicitur expectasse consolationem *Israelis*, in *prædicato* describitur spes in *subjecto* vicens, & restringitur ad consolationem *Israelis*; in qua spe proinde laudanda est hinc Viri fiducia; illinc fiduciæ constantia adversus varias difficultates, quæ ad tentationem facere possent, cumque pertrahere ad spem abripiendam & projiciendam, laudatur itaque in istis circumstantiis admodum spes illa confirmata, & minime vacillans.

D. Si vero in *prædicato* sit malum turpe, id est *actio* scelestæ, vituperanda est ea admodum pro gravitate sceleris. Exemplum esto: Luc. xxiii. v. 39. Ubi pro *subjecto* ponitur unus ex maleficis, qui cum Christo suspensus erat, *prædicatum* illi tribuit blasphemiam in Christum, atque recludit sub qua enunciatione blasphemia ea contineatur. Hic igitur in *prædicato* blasphemia non solum accurate describenda est, ut sequentem enunciationem videamus sub definitione comprehendere, verum etiam crimen illud exaggerandum est ex violatione Majestatis divinæ, & contemptu summi boni.

III. Quodcumque boni laudantur ex aliqua *actione* in *prædicato* iis attributa, *actio* laudata consideratur sæpissime, ut propter exemplum laudata, in quantum describuntur isti, ut respicientes etiam aliorum allectionem ad idem studium; ita procul dubio Deus, & Christus proponuntur nobis aliquando in exemplum. Sed hic caute procedendum est.

A. Si in *subjecto* Deus aut Christus sit, actiones Deitatis, in quantum sunt omnipotentia divinæ, non sunt trahendæ in exemplum, quia illud exigi non potest a causis finitis; huc pertinent opera miraculosa Christi, itaque peccant, qui jejunium quadragesimale Christi in exemplum trahunt, cum hæc res effectus fuerit divinæ potentia filii Dei, sustentantis vitam suam. Adeoque in quibus Deus nobis exemplar est, nempe in lege sua, quæ continet expressionem imaginis Dei, in iis oportet ut illi evadamus conformes, aut in

quibus Christus se exhibuit tanquam sub lege factus, in iis se sistit tantummodo ducem, cujus vestigia sequi oportet.

- B. Si hominum exempla occurrunt, antequam in *exemplum* introducuntur; facta eorum ad normam legis excutienda, & sic laudanda sunt; fin vero in eo examine inveniatur *actioni probæ* cohærere aliquid *imbecillitatis*, hoc ipsum notandum est, tanquam legi difforme, ut proinde, dum *exemplum* hominis in *subjecto imitandum* proponitur, id fiat cum seclutione *imbecillitatis notata*. Ita obstetrices in Ægypto, Rachab in Palestina quædam præstiterunt *laudanda*, in quibus populi Dei bonum quæsiuerunt magno suo periculo, nihilominus mendacium adjunctum, quod profluxit ex quadam *imbecillitate*, & penuria consilii, haud proponendum est ut licitum, & ad eorum *exemplum imitandum*.

§. 20. Fit

- I. Transitus ad *copulationem*, quæ *prædicatum* in abstracto consideratum nunc refert ad *subjectum* suum, monetque quidquid in *prædicato* est, *subjecto* inhærere, vel saltem adhærere, si propositio sit affirmativa; fin vero propositio sit negativa, sejungit *prædicatum* a *subjecto*, monetque, illud *prædicatum subjecto* non convenire, nec illi inesse.
- II. Instrumentum *copulationis*, vocatur nobis *copula logica* facitque *copulationem verbum substantivum est*, atque monemus
- A. Vel *exprimi*. V. C. Rom. x. §. 4. *Finis legis est Christus, ad iustitiam cuius credenti*.
- B. Vel *includi verbis*, ut Genes. xv. §. 6. *Abraham credidit Deo*, quod idem est, ac si legas, Abraham fuit credens Deo. Extrema sunt, hinc *Abraham in subjecto*, illinc *credere Deo in prædicato*, quod in abstracto consideratum inquirere jubet, qualis sit illa actio, quæ enunciatur sub verbis *credere Deo*: *copula* verbo *credidit* inclusa, & eo modo quo diximus, elicta, talem fidem tribuit *Abrahamo*, a quo fides in eo *subjecto* concipitur.
- C. Etiam frequenter *ellipsis* istius *copulae* conspicitur in Sacris, quare tunc *verbum illud substantivum copulans* suppleri debet. V. C. Proverb. i. §. 7. *Timor Domini principium sapientiæ*, *supple, est*, quæ *copulatio* jam jubet demonstrare, quo modo *sapientia* inveniatur initium suum in *timore Domini*, seu quid sit in *timore Dei*, quod studium sapientiæ jubeat, *incipere*, & *promoveat*: Philipp. i. §. 21. *Vivere mihi, Christus; & mori lucrum*. In quibus duabus enunciationibus ejusdem *verbi substantivi ellipsis* concipitur, nihilominus *subjecta & prædicata* ita sunt componenda, ac si hac *copula logica* essent conjuncta.

III. Co-

III. *Copula* adhærent aliquando *aliæ particulae* naturam cohærentiæ corroborantes, aut determinantes.

A. *Affirmationes*, aut *negationes* adsciscunt aliquando *particulas*, quæ testantur affectum in affirmatione aut negatione propter rei pondus aut certitudinem. V. C. Matth. xxvii. v. 54. ubi *Centurio* affirmat cum affectu *Iesum*, in cruce licet mortuum, fuisse *Filium Dei*, quando dicit, *revera hic erat Filius Dei*. Ubi particula *revera* adhæret *copulae*, & affirmationem corroborat. Huc faciunt particulae *certe*: Jes. vii. v. 16. *Uti- que*: Psalm. lxxvii. v. 1. *Ecce*: Jes. vii. v. 14. Et ita in pluribus.

B. *Enunciationis quantitas* notanda etiam est, scilicet num *affirmatio*, aut *negatio* sit *universalis*, aut *particularis*; licet enim *voculae* adhæreant aliquando *subiecto*, aut *prædicato* in *copulatione*, tamen redire debet consideratio latitudinis, ut teneamus in deductione *affirmationis*, quousque res probanda sit, & quæ cum restrictione, id, quod in *quæstione* est, discutiendum sit.

C. *Circumstantia temporis* revocatur quoque a nobis ad *copulam*.

N. Notandum hic *verbum substantivum*, sive sit verbo activo, aut passivo inclusum, sive expressum, seu etiam propter *ellipsis* subintellectum, nonnunquam esse copulativum logices, id est, non connotare *tempus*; & id obtinet, quotiescunque *enunciatio* pertinet ad meram *quæstionem juris*. V. C. Joann. iv. v. 24. *Deus est Spiritus*. Ubi licet *copula* sit in præsentis, hic tamen ad *tempus præsens* nequaquam referendum est, sed indicat *veritatem æternam*, jubetque *spiritualitatem* concipere, ut cum *Deitate* indivulse cohærentem. Sic omnia attributa Dei prædicantur de Deo tanquam æternæ veritates: sed aliquando etiam *copula* ea exercet *notationem temporis*, quando scilicet *thema* ad *quæstionem facti* pertinet. Ita Jes. vii. v. 14. *Ecce virgo concipiet & pariet Filium*: extrema sunt, *virgo* ut *subiectum* *enunciationis*, ac *concipere & parere Filium*, ut *prædicatum* ejusdem; verum *copula* verbis inclusa jubet credere, aliquando futurum, quod alias sine exemplo est, & nunquam factum, scilicet ut *virgo* *מלך* / quæ nunquam revelavit pudenda, aut cum quovis virilis *sexus* habuit consuetudinem, suo tempore conceptura sit, & paritura prolem masculam, quare hic *copulata* potissimum sunt consideranda in relatione ad *tempus*.

D. Aliquando scriptura talia adjicit, quæ rem distinctius ad *tempus aliquod* referunt, & quidem

a. Ad *tempus præteritum*, ut notet rem gestam sua opportunitate, aut singulari tempore. Exempla sunt: **1 Sam. 111. ̳. 1.** *Sermo Jehovæ fuit rarus iis temporibus, nec fuerat visio aperta.* Ubi occurrunt duæ enunciationes, quarum altera *affirmativa*, altera *negativa* est, sed quæ se mutuo explicant; utrique in *copula* adherent verba *iis temporibus*, nempe tempore Eli pontificis, quo œconomia Dei peculiarem instituit viam; alias fuerunt sermones prophetarum frequentes, quia visiones iis oblatae fuerunt apertæ, spectat ergo ea penuria rei Spiritualis tantummodo ad eam periodum temporis populi Dei. Sic **Act. xxvii. ̳. 23.** *Adstitit mihi hac nocte Angelus Dei, cujus ego sum, & quem etiam colo.* Extrema hic sunt a parte *subjecti*, *Angelus Dei, cujus ego sum & quem colo*: quæ *subjecto* ita adherent, ut certum Angelum definiant: a parte *prædicati* affirmatur apparitio divina; nexus notat, illud evenisse *Paulo eadem ipsa nocte*. Ponitur ergo inter res raro contingentes, sed quæ hoc *tempore* singulari cum opportunitate ex gratia divina accidit.

p. Ad *tempus futurum* cum respiciunt, etiam se varie habent.

a. Per modum vaticinii; exemplum sit: **Jes. 11. ̳. 1.** *In fine dierum mons domus Domini exaltabitur supra omnes montes.* Ubi in *subjecto* est *mons domus Domini*, in *prædicato* *exaltatio ejus supra omnes montes*, non respectu quantitatis; sed respectu dignitatis, sub qua consideratione *exaltatio loci* nihil aliud dicit, quam privilegium celebritatis ob rem divinam, ut fiat collatio cum montibus aliis, propter apparitionem divinam celebratis, inter quos alios excellit *Sinai*. *Copulatio* autem exigit, ut ipem concipiamus, montem domus Domini hac in parte fore celebriorem *ceteris omnibus*: verum notandum, *copulae* adherere in *fine dierum*, id est, non longe ab eo tempore, quo œconomia Mosaica finem inveniret, & anterior ea forma politiæ Israelitiæ veniret auferenda & corrigenda; quæ mutationis scena cum pendeat ab antecedente adventu Messiae & Spiritus ejus, vaticinium prædicat, salutarem eum adventum, in *monte domus Domini* manifestandum esse, ante destructionem politiæ Judaicæ, & quidem haud diu ante excidium populi.

b. Per

- b. Per modum *promissionis* singularis, cuius exemplum esto: Luc. xxi. 43. *Hodie mecum eris in paradiso.* Ubi in *subiecto* est latronum alter, qui iudicium Dei iustificaverat, quo ipse iam supplicio affectus erat: *prædicatum* est fructus *paradisi* cum Christo. Quæ descriptio est status beatorum a loco, quo cum beata conditio erat connexa, qui hic symbolice denominatur. Exaggeratur autem conditio a consortio Domini moribundi; cum Christo enim in *paradiso esse*, est eo in loco præsentem habere Hospitorem glorificatum, & omnium beatorum Patronum sufficientem: verum *copulatio tempus futurum* includit, quando dicit *eris*, *verbum substantivum* futuri temporis; cui *copula* adhæret vocula *hodie*, atque spem facit beatitudinis instantis, non dilatae ultra terminum *istius diei*.
- c. Per modum *comminationis*; exemplum esto: Deut. xxviii. 16. & seq. *Maledictus eris in civitate, & agris &c.* Ubi *subiectum* est quilibet haud obediens præceptis divinis, *prædicatum* *maledictio*, quocunque in loco effundenda, & quasi ubique prælens, ut reos constrictos teneat, vel ubique ad suppliciumprehendat: *copula* autem differt quidem hoc iudicium in *tempus futurum*; sed simul asserit, aliquando certo illud iudicium adventurum, ut adeo iustum incutiat *comminationis* metum, ut resipiscant, & poenitentia illud iudicium antevertant.
- D. Adhærent *copulae* aliquando *circumstantiæ*.
1. *Particulares casus*, ut Ps. l. 15. *Invoca me in die tribulationis.* Ubi officium præscribitur, in quo obligati *subiectum* faciunt, postulatum vero obligatorium *prædicatum*; quippe exigitur *invocatio Dei*: *copula* autem casum exponit per verba ei adhærentia, *in die tribulationis*, concipitur enim fore, ut aliquando *tribulationes ecclesiæ*, aut piorum singularium exigant *preces fervidas*, & *deprecationes* tum peccatorum tum castigationum ulteriorum, itaque status *tribulationis* continet casum cum, qui obligat præprimis ad studium *supplicationis*.
2. *Rei possibilitas*, aliquando exprimitur per ea, quæ cohærent *copulae*, præsertim in rebus difficilibus, ad solatium facientibus: vide Matth. iii. 9. Ubi *Joannes* Judæis refragantibus dicit, dum gloriantur, te habere *patrem Abraham*, *Deus potest ex his lapidibus Abrahamo filius exsurgere.* Ubi in *subiecto* Deus consideratur, ut, qui spon-

ponderat Abrahamo semen, in *prædicato* deliberatur de *excitatione seminis* Abrahamo adducendi; nempe *ex ipsis lapidibus*; quæ res valde aliena videtur a ratione, nihilominus extrema ea *copulantur* ratione *possibilitatis*; mens est, potius futurum, ut Deus omnipotentia suæ novum præbeat specimen, antequam non præstet spem Abrahamo datam.

2. Aliquando adhæret aliquid *quod impossibilitatem* dicit. Ut Dan. v. *ψ. 8.* *Non poterant legere scripturam eam, & interpretationem notam facere Regi.* Sermo est in *subjecto* de omni *sapientum* genere, quos *convocaverat Rex*, concipiunturque ut homines, qui jactabant, sibi commercium esse cum Diis: *prædicatum* agit de *lectione scripturæ*, & *interpretatione* ejus, scripturam intellige, quam manus Dei parieti inscripserat, continentem judicium Regis: *lectionem & interpretationem*, ut media patefaciendi argumenta *scripturæ*, *copula* ita conjungit, ut neget iis sapientibus facultatem & potentiam utriusque, ut hoc specimine confundantur: si enim rem haberent cum Deo, tanquam ejus ministri, non occultasset Deus ab hisce eam potentiam & facultatem. Adde Tit. i. *ψ. 2.* *Deus non potest mentiri.* Ubi extrema ita proponuntur ut disjuncta in æternum, propter *impossibilitatem rei*, in eo *subjecto*: sed hic nexus concipitur ut Naturalis, & æternus, quippe derivatur ea *impossibilitas* non ex aliquo casu interposito, sicuti in priori exemplo, sed ex ipsa natura *subjecti*.
7. Quæ adhærent *copulæ*, *contingentiam* sæpe includunt; Genes. xviii. *ψ. 24.* *Sunt fortassis quinquaginta justi, &c.* Ubi in *subjecto* deliberatio est de *justis*, in *prædicato* deliberatur de *esse in urbe*: *copulatio* sibi junctam habet particulam *fortassis*, quæ efficit, ut *enunciatio* non sit plane affirmativa, *justos* nempe *quinquaginta* esse in urbe Sodomæorum, sed asserit tantum *contingentiam*. Sic & Job. i. *ψ. 5.* *Fortassis peccarunt filii mei.* Deliberat Jobus de *filiis suis* in *subjecto*, in *prædicato* de *commissione peccati*: per *copulam* in *subjecto*, in *prædicato* de *commissione peccati*: per *copulam* exprimit solummodo metum suum conceptum, ex *contingentia*, præprimis in iis circumstantiis.
7. Aliquando particula *copulam* corroborant, quæ *certitudinem* involvant. Sic Abigaël Davidi denunciat domum constantem cum assertionem corroborante: i Sam. xxv. *ψ. 28.* *Jehova certo domino meo domum constantem faciet.* Invitat Davidem in *subjecto* ad considerationem Auctoris beneficii,

ficii, qui *Jehova* appellatur; in *prædicato* ei asserit *constantiam* domus suæ per Auctorem in futurum : *copula* autem asserit, *Jehovam fore eum Auctorem*, idque certo, quæ particula omne dubium aufert, & intendit aut *σληροφειξ* efficere in auditore, aut esse persuasionem firmissimam in loquente.

§. 21. Hic monemus, *enunciationem copulatam* nunc eodem modo, ac *limitatam*, *confirmandam* esse, quæ confirmatio se aliter habet in quæstionibus juris, aliter in quæstionibus facti.

I. Exemplum esto in *quæstionibus juris*, per *argumenta inartificialia*, & *artificialia* in loco Rom. XIII. *ψ. 1.* *Omnis anima potestatibus supereminentibus subiecta esto.* Extrema sunt *omnis anima*, id est quilibet homo rationalis, quod ponitur in *subiecto*; & *subjicitur potestatibus supereminentibus*, quod ponitur in *prædicato*: *copula esto* hic notat obligationem tanquam præcepti affirmativi, & quidem universalem, omnibus & singulis incumbentem, ubi probatio exhibet.

A. *Argumenta inartificialia*, partim ex locis parallelis: 1 Pet. II. *ψ. 13.* Tit. III. *ψ. 1.* Partim ab exemplo Christi, qui factus sub lege, illud officium præstare non detrectavit: Marc. XII. *ψ. 17.* Matth. XVII. *ψ. 27.*

B. *Argumenta artificialia* hic quoque adjicienda sunt. V. C. Eam obligationem fundari in *foedere politico*, ex cuius jure *potestates supereminentes* præsumunt: dein etiam fundamentum habere in *ordinatione divina*, quæ rerum ordinem ita instituit; ut homines coacti fuerint, nisi velint salutem suam & suorum negligere, eam partem parentalis potestatis transferre in *potentiolem*, quæ ad legitimam administrationem reipublicæ erat necessaria.

II. Argumentum *quæstionis facti* sit in historia, de *Magorum adventu* ad Christum adorandum: Matth. Cap. II. Quæ causa asseritur ex testimonio omnium fere hominum, qui eo tempore civitatem sanctam incoluerunt; innotuit enim, ad singularem perturbationem animorum usque, horum peregrinantium consilium, ita ut Herodes Rex eos ad se arcesceret, ipseque in rem eam inquireret; quibus testibus fides haud deneganda est, cum testium multitudo continuerit homines cujuscunque ordinis & genii, qui rei favebant vel non favebant.

III. Verum cum alicubi moneamus esse quoque *textus generis mixti*, in quibus *enunciato modificata* potest extendi, ut *quæstio facti*, & simul etiam, ut *quæstio juris*; lubet & istius casus addere exemplum. V. C. *Christus resurrexit tertio die.* Ubi *Christus* concipitur in *subiecto*, *resurrectio* in *prædicato*, & *copula* factum adstringit *tertio diei*; *confirmatio* respectu facti procedit per al-

lega-

legationem testium, qui Christum a sepultura redivivum spectarunt non tantum, sed & omni sensuum examine explorarunt, qui non sunt pauci numero, sed plures; aliquando enim *visus est a quingentis fratribus*, quique testes fuerunt omni fide digni, quippe homines inculpatae vitae, omnia mundana abnegantes, & sub ipsis tormentis in testimonio veritatis constantes; imo quod omnia excedit, multi eorum paulo post a Spiritu Sancto ita fuerunt correpti, ut pro viris *ῥιπιδύσσις* habendi sint; quibus fidem denegare, est omnem humanitatem & pietatem exuere. Dumque eadem positio concipi possit per modum *questionis juris*, inquiritur in rationes consilii divini, cur nempe Sponsor crucifixus, & sepultus debuerit ex mortuis reduci, ubi inter rationes tanquam argumenta inartificialia allegatur.

- A. Quod causa *Christi* ita debuerit justificari contra blasphemias hostium, a quo *Christus* ad hoc signum provocaverat,
- B. Quia Sponsor a solutione pretii non amplius potuerit contineri sub reatu, sublata enim causa tollitur effectus: cum itaque mors nil juris amplius haberet in eum, & ipse justificandus esset, ut qui satisfactionem omnem praeliterat, necessario mortis vincula erant solvenda, id est, *αὐτῶντες* in vivis reducendus.

IV. Notandæ quoque sunt nonnullæ leges hic observandæ.

- A. Ut *argumenta inartificialia* non accumulent multa Scripturæ dicta, sed duo vel tria, eaque efficacissima adducenda sunt, in quo selectu iudicium probabit interpret; dein dicta Scripturæ non nude sunt alleganda, sed vel brevi cum paraphrasi, vel ratiocinio emphasim dictorum adstringente, ut auditores vim demonstrationis percipiant, & testimonia adducta ad rem facere scopoque convenire intelligant.
- B. Quoad *argumenta artificialia* tenendum.
 - 1. Non semper rationes requiri, ne quis, frustra circumspectando, huc trahat, quæ causam non absolvunt,
 - 2. Rationes non debere esse communes, sed rei propositæ proprias & evidentes.
 - 3. Rationes esse urgendas, donec auditores nexum teneant, & perspiciant.
 - 7. Si rationes quædam etiam in Sacris occurrant, post demonstratum valorem, etiam Scripturæ locus adstitui potest, in quo Sacra Scriptura eandem rationem ad probationem causæ adducit.

§. 22. Hic paragraphus conferri debet cum iis, quæ diximus: Cap. iv. §. 8. l.

- §. 23. I. Cum Sacra Scriptura a Deo provenire, mentiri nescio, a quo non potest non provenire *οὐκ ἔστι ἀπὸ τοῦ Θεοῦ*, ponimus in Sacris non dari veras *contradictiones*, & quæ huc trahuntur, solum quoad speciem esse talia, ac proinde ita perpendenda, donec testimonia collata inter se concordent.
- II. Proinde examinanda esse ea secundum regulam veræ contradictionis, quæ dicta demum pro contrariis habet. *Quando de eodem subjecto opposita dicuntur secundum idem, ad idem, eodem modo & eodem tempore.* Si in uno horum affirmationes in specie oppositæ differant, sane pro contradictoriis habendæ eæ non sunt; sed cum harum circumstantiarum, ex quibus judicandum est, cognitio aliquando occulta sit, sufficere hic potest ad contradictionem auferendam, ut modus aliquis possibilis concipiatur, secundum quem utraque assertio vera esse potest, atque ita *subjecto* citra *contradictionem* competere.
- III. Commendamus autem hic inter eos, qui *ἱεραποστολικὰς* Scripturæ collegerunt, & solverunt, *Waltherum, Theologum Lutheranum*, in libro, cui titulus *Harmonia Biblica*. Qui se præ ceteris diligentem hac in parte præstitit.

CAP. VI.

DE EXPLICATIONE TEXTUUM, EX PLURIBUS
ENUNCIATIONIBUS COMPOSITORUM.

- §. 1. Sub hoc titulo continentur varia concionum genera, prudenter distinguenda, ut
- I. Alii *textus prolixiores* sint, alii *succinctiores*. *Succinctiores* sunt duarum, trium, quatuorve *enunciationum* coherentium, quæ patiuntur, ut vela minus contrahamus, quam quidem in *prolixioribus*: hinc *prolixiores* fere exigunt pertractionem solummodo paraphrasticam, & analyticam; & continent integrum sermonem, aut totam pericopam, unica concione absolvendam. Hujus classis sunt conciones dominicales ex Evangeliiis, & Epistolis conflatae, quæ in ecclesiis Germanicis adhuc obtinent, in Belgicis vero, ex decreto Synodi Notionalis Dordracenæ sunt abrogatae, eo quod minus videantur compositæ ad promotionem cognitionis, & scientiæ in auditoribus. Huc faciunt quoque conciones anniversariæ festales, & passionales; imo est in quibusdam ecclesiis laudanda consuetudo, in concionibus vespertinis, pertractandi integrum caput Sacrae Scripturæ, ob-

fervando totam seriem Biblicam : quæ consuetudo admodum facit ad ædificationem ecclesiæ , ut populus introducatur in lectionem Sacræ Scripturæ cum intellectu Verbi Divini ; sicut enim lectio est inter exercitia pietatis domesticæ , ita lectores præparandi sunt ad intellectum : legere enim , & non intelligere debitam utilitatem haud præstat. Tales conciones analyticas , *prolixiores pericopas* exponentes , viguile in primitiva ecclesia , & inter primos Reformatores , *Homiliæ Patrum* , nec non tyli *Concionum Gualtheri* , aliorumque testantur.

- II. Variant quoque textus *prolixiores* pro varietate formæ , quando nimirum argumentum sumimus *historicum* , *dialogisticum* , aut *rationativum* : variant enim ea argumenta in modo *cohærentiæ enunciationum*. *Historia* enim res gestas , sicut & *Propheta* res gerendas , cum omni ambitu , nec non actionibus , & passionibus successivis deducunt ad eventum , atque adeo in *cohærentia* notetur potissimum successio , & vicissitudo rerum , interposita quandoque lucta , ut teneamus quænam impedimenta fuerint superata , vel in prophetiis superanda , antequam consilium Dei ad plenarium effectum fuerit deductum. *Dialogi* vero , seu colloquia , quando pertractantur , cum absolvantur interrogationibus , & responsionibus , vel narrationibus , & narrationum interlocutionibus , præcipue exigunt ab interprete , ut deliberet , quomodo responsio interrogationibus satisfaciât , & desiderium inquirentis adimpleat. Sed quando argumentum est *rationativum* , exhibens sermonem instructum ratiociniis , & omnis generis mediis , ad finem consequendum aptis , sive discutiat veritatem credendam , sive proponat officium curandum , sive etiam laboret de animo , in tentatione nutante , ut eum confirmet ; in iis omnibus *connexiones* , & *cohærentiæ* propositionum potissimum respiciunt *cohærentiam illativam* , & *causalem* , de quibus agemus ad sequentem paragraphum.

§. 2. *Cohærentia grammatica* , quæ nobis vocatur *conjunctiva*.

- I. Denotatur particulis conjunctivis , licet istarum particularum varia sit vis , & potestas , unde & 7 Hebræorum diversimode vertitur , adeo ut fere omnem cohærentiam aliquando sensu suo includat , qua de re vide Coccej. in *Lexic.* ad literam 7. Nec non Noldium in *Concord. Particular.* ad eandem literam. Judicium autem logicum dependet a collatione duarum *enunciationum* ad se invicem , attendendo , quam rationem in relatione utraque *enunciatio* induat. V. C. In 7 consecutivo sumamus exemplum : Genes. 1. 26. *Faciamus hominem ad imaginem nostram juxta similitudinem nostram : & exerceat dominium.* Hic conferendæ sunt *enunciationes copulatæ* , cujus prior continet

creationem hominis ad imaginem Dei, altera vero, concessum *dominium in creaturas*: errant hic Sociniani, qui confundunt imaginem Dei cum dominio concesso, quasi per appositionem id dicatur, copula enim ꝑ ita conjungit ea duo, ut simul indicet distincta esse beneficia, & concessionem domini accedere ad imaginem Dei; quod, si quis relationem rite animadvertat, considerandum est, ꝑ esse consecutivum, & *imaginem* habere se, ad *dominium illud*; ut bonus habitus ad exercitium muneris alicujus, adeoque per *imaginem Dei* accepit homo primus rectitudinem intellectus & voluntatis, qua instructus poterat legitime administrare *dominium concessum*; Verte igitur, ut *dominetur*, & *legitimum imperium habeat in omnes creaturas*. Monemus porro, deliberandum esse in meditatione nostra,

A. An *duæ enunciationes ita copulatae* dicant aliquid *separabile* a se mutuo. V. C. Psal. xxii. *Ps. 19. Partiuntur vestimenta inter se & pro indumento meo projiciunt sortem*. Describitur Christus patiens, atque hostes in eum insilientes, ut spoliū mortis invaserint, supponentes eum ad hominum consortium non rediturum: vident enim eum vestibus exutum, & sic rem ejus conclamatam esse existimant, diripiunt ergo vestimenta ejus, & in suam potestatem transire faciunt, sed quod hic speciatim notatur, est duplex *modus partitionis vestium* inter se, alter divisionis ex æquo, alter mediante sorte: priori modo vestimenta dividunt, posteriori modo indumentum aliquod reliquum alicui adtribuunt: *conjunctio* tamen *separabilis* est, & per accidens concurrens, ex qua conditione exaggeratur præscientia divina in prophetiis; dum enim illud ultimum priori accedit plane fortuito, & contingenter, hic sponte occurrit character divinitatis verbi prophetici, definientis res contingentes, & intercedente arbitrio humano futuras; ut enim suspenderit Deus veritatem suam in verbo suo patet, quando aliquid affirmat de rebus, quæ sine determinatione divina fieri aliter potuissent. Addi possunt plura similia: V. C. Psal. lxi. *Ps. 22. Dant pro rejectione mea amarum, & in siti bibendum dant mihi acetum*. *Enunciationes iterum separabiles*, ita ut unum fieri potuerit sine altero: distinctas enim esse actiones ostendit implemētum historię Evangelicę, ubi poculum myrrhatum Christo oblatum ponitur in initio passionum in Golgotha; acetum vero propinatum ex calanio, cui spongia intincta erat alligata, accidit in fine passionum; unde iterum glorificare possumus accuratam Dei præscientiam in verbo prophetico testificatam.

Sic & Jes. LIII. §. 9. *Dedit improbos sepulchro ejus, & divitem in mortibus ejus.* Ita vertimus hunc locum, cujus argumentum est, varietatem testium veræ Christi sepulturæ introducere, qui hinc forent improbi in custodiam sepulchri, & adeo causæ Christi inimici, illinc divites, vel dives Christi causæ favens, & opibus suis honorandum esse sepultum testificans; *separabilia* tamen erant, sed ex superabundanti curam Dei indicant ad majorem certitudinem rei, dum testes testibus adjicit.

- B. Aliquando ad se mutuo se habent *enunciationes* duæ; tanquam *inseparabiles*. V. C. Jes. LIII. §. 10. *Videbit semen, quod prolongabit dies, & delectatio Jehovæ per illud prosperabitur* Scilicet pro jure Christi hæc separari a se invicem nequeunt, quia semen videre, est familiam adificere, in qua Christus œconomiam gratiæ exerceat, hæc autem familia non potest non esse prospera, uti affirmatur in secunda *enunciatione*, quia ipsa gratia, quæ dispensatur inter filios familias, maximam includit *prosperitatem*, & non potest non ad finem prosperam deduci ex eodem jure Christi impetrato. 1 Joan. II. §. 1, 2. *Habemus advocatum apud Patrem, Jesum Christum justum, & ille est propitiatio pro peccatis nostris.* Apostolus in eo est, ut pios ex infirmitate peccantes erigat, ne ex commissa lapsione desperent, quod ut præstet, indicat fundamentum novæ spei: in prima *enunciatione* dicit, nos in foro Dei habere causæ nostræ *Patronum*, adversus accusationes agentem, *advocatum Jesum Christum*, eumque *Justum*, qui, pro jure suo, sibi potest vindicare fideles, etiam infirmos & lapsantes: in *enunciatione connexa* dicit, eum esse *propitiationem pro peccatis nostris*, hæc *inseparabiliter coherent*, fundamentum enim prioris est in *enunciatione posterioris*; non enim esset *Justus Christus Patronus*, nisi esset *Propitiator*: jus enim defensionis causæ fidelium fundatur tantummodo in *propitiatione*, pro peccatis facta, qui enim rogat non imputationem peccati alicujus, non potest exaudiri in foro Dei, nisi habeat allegationem deleti reatus per *propitiationem factam*, aut *faciendam*, prout ratio œconomiae exigit.
- C. Se mutuo aliquando egregie perficiant, aut alio quovis nexu cohærent duæ *enunciationes comparatæ*. Sic Rom. IV. §. 25. *Qui traditus est propter peccata nostra, & excitatus propter justificationem nostram.* In quo loco *morti Christi* superadditur *resurrectio*, & utriusque notatur singularis ratio, dum *mors Christi* concipitur ut expiatio peccatorum, *resurrectio* autem ut absolutio Sponsoris a debito ulterius solvendi; quare

quare *resurrectio ad mortem Christi* se habet ut *sequela juris*, & *testimonium absolutæ satisfactionis*, ita ut *fructus mortis Christi* non redundaret ad electos, eorundemque *justificationem*, quæ est *satisfactionis imputatio*, si *Sponsor per justificationem sui* non esset *absolutus a debitis nostris*, ei imputatis: hinc evidens est, ut *posterior enunciatio* perficiat *priorem*, scilicet, ut *mors Christi* fuerit *terminata resurrectione*, vi *absolutæ satisfactionis*, agnitæ in *foro Dei*, & *testificatæ per resurrectionem inter homines*, ut jam præstet *fundamentum nostræ justificationis*, quæ *radicata est in resurrectione Sponsoris*, in quantum ipse eo actu *justificatus est a reatu nostro*, Sic & *Marc. i. v. 15. Tempus adimpletum est, & Regnum Dei appropinquavit, resipiscite & credite Evangelio.* Videte quatuor *enunciationes*, quarum duæ *priores* copulantur *historice*, duæ *posteriores* ob *intrinsecum utriusque nexum*. *Historicæ assertiones* sunt: *tempus adimpletum est, Regnum Dei appropinquavit.* Nectuntur autem secundum *opportunitatem*, & *fidelitatem Dei*, qui *justo temporis articulo* *Regnum suum adduxit*: ultimum ergo *perficit prius*, mediante ea *veracitate*, & *fidelitate Dei*, qui *tempus definitum observavit*, quo *spem fecerat*, se *spiritualem Disparitatem* introducturum. *Sequentes enunciationes* continent *duplex officium*, hic *resipiscentiæ*, illinc *fidei Evangelicæ*: ultimum etiam *perficit prius*, notans eam *resipiscentiæ* solum esse *veram*, hominemque ad *ingressum in Regnum cælorum* introducens, *fidem Evangelii* habet *conjunctam*, id est, quæ ad *Deum* *redit propter gratiam in Christo oblatam*, quam amplectitur *fides*: tandem & *notandum*, duas eas *obligationes*, licet *copula* non *exprimatur*, habere *rationem formalem consilii*, quid nempe sit *curandum sub ea facie rerum*; habere se *resipiscentiæ & fidem ad Regnum cælorum*, in *tempore appropinquans*, per *modum ingressus in Regnum cælorum*, data ea *opportunitate* non *negligendi*, nisi quis velit ab eo *Regno* *excludi*.

II. *Cohærentia disiunctiva* etiam fere eodem modo perpendenda est, considerando *necessitatem*.

A. An aliquid *disjungatur natura*, sive *contrarietate rerum oppositarum*, quæ *nexum simultaneum respuunt*. V. C. *Matth. vi. v. 24. Nemo potest duobus dominis inservire, quin unum odio habiturus, & alterum amaturus sit: aut priori adheret & posteriorem contemnet. Non potestis Deo inservire, & Mammonæ.* Quo in loco *disjungitur cultus Dei a cultu Mammonæ*, propter *intrinsecam rerum contrarietatem*, derivatur

enim ea disjunctio ex eo, quod utriusque amor simul constare non possit, quoniam in *amore unius* includitur *odium alterius*, quod pro demonstratione coherentiae ostendendum est ex contraria oppositione *dominorum*, qui sibi mutuo *sunt oppositi*, Deus nempe, & *Mammon*; dein ex contrarietate *Regni*, aut *dominii* utriusque, *Regnum enim Dei* ita oppositum est dominio *Mammonis*, ut finis erectionis istius sit destructio hujus: hinc tertio leges ita sunt oppositae, ut quod exigit *Mammon* legibus suis, revera sit *odium Dei*, dum avaritiae praecepta exigant hominis occupationem in curandis rebus terrestribus omnimodam, nil temporis relinquentia curae rerum coelestium & spiritualium, aut celebrationi gloriae Dei.

B. *Disjunguntur etiam aliquando intercedente casu quodam*, licet alias & conjungi possint. Ita Lev. v. 5. 1. Ubi agitur de peccato occulto, & obligatur homo testis, ut revelet legitime, diciturque obligatus, sive *viderit*, sive aliunde *resciverit*: fieri potest, ut aliquis sit *testis* oculatus simul, & auritus; sed cum aliquando accadat, ut hic solum sit *testis* oculatus, solum ille auritus, disjunctio ea in textu definit obligationem revelandi, & verum dicendi in foro, scilicet alterutrum sufficere ad obligationem eam praestandam, quam *Lex* exigit, ne quis putet sibi facultatem relinqui semet subducendi officio, si quis non utroque titulo *testis* sit.

III. *Coherencia illativa* observanda est ea animi intentione, ut *enunciationem* alteram consideremus tanquam legitimam sequelam ex *enunciatione* priori; ubi notandum, quod particulae *illativae* aliquando per *ellipsis* omittantur, sed ipsum iudicium logicum facile discernit, quomodo *enunciationes* se ad se mutuo habeant, videndo rationem posterioris manifesto comprehendi sub *enunciatione* priori: omnis itaque deliberatio versatur circa vim argumenti ad Rom. v. 5. 1. *Nos itaque justificati ex fide, pacem habemus apud Deum per Dominum nostrum Jesum Christum*. Totus discursus Cap. III. & IV. revocatur ad hanc *enunciationem*, *nos credentes justificatos esse ex fide*, quae assertio concipitur ut multis probata, & proin indubia; dein concipitur ut fundamentum conclusionis, quae eam sequitur, scilicet consilium Apostoli est, ostendere ex fructibus istius doctrinae, ejusque sequelis, eam praestare, quidquid a vera justitia expectari possit: quod per partes exsequitur, ut prima sequela jam hic exhibeatur, quae est *pacem habere apud Deum, per Dominum nostrum Jesum Christum*, quod inter beneficia gratiae primum est; sicuti enim erat status inimicitiae in peccato, ita conditio *pacis* est, habere amicitiam

citiam Dei restitutam : nexus autem hic considerandus est , ut ea pax profluat potissimum ex *justificatione Filii* , in qua est imputatio satisfactionis *Christi* ad remissionem peccatorum ; jam vero quem habemus peccata remittentem , cum habemus nobis reconciliatum , & quem habemus conciliatum , cum eo habemus pacem , quæ vis hujus *illationis* est.

- VI. *Cohærentia causalis* se ad priorem habet ordine inverso , dum *enunciatio* prima exhibet propositionem demonstrandam , sequens vero proximam *enunciationem* probantem ; quippe adducens medium terminum , rationem probationis continentem ; & ita in ratiociniis varias propositiones *αιτιολογίας* observamus , se mutuo afficientes. V. C. Rom. 1. *ψ.* 15 — 18. Ubi propositio probanda est , Paulum iter Romanum differentem , interim non fuisse destitutum promptitudine , animique desiderio , Evangelium inter Romanos denunciandi ; hoc sequens *enunciatum* probat ex eo , quod *non pudeat ipsum Evangelii Christi* , id est , quod sibi conscius sit , neminem fore , qui possit cum in opere Apostoli pudescere : minus dicit , quam subintelligit ; mens enim est , Paulum sibi spondere triumphum ex Evangelio : ut vis argumenti sit , rem , unde triumphum expectat , habere in se calcar ad spontaneitatem subeundi certamen ; dein hæc ipsa positio probans *enunciatum* antecedens , induit etiam naturam propositionis confirmandæ , quod præstat sequens *enunciatum* , est enim *Evangelium potentia Dei ad salutem* , &c. Ubi argumentum indicat fundamentum , cur sibi certam victoriam spondeat , quod ponitur in *insuperabili potentia* , seu efficacia *Evangelii* : dicitur enim *potentia Dei* , quod proin habet Deum , eo instrumento potenter utentem , illud vero præstabit certam victoriam , sed tale quid est Evangelium , quo Deus utitur ad salutem hominum ; sed cum & hoc possit videri probandum , pergit argumentatione Apostolus , asserendo *justitiam Dei* per illud Evangelium revelari ex *fide in fidem* , cujus enunciati sensus est , argumentum Evangelii primarium esse dogma de *justificatione fidei* , soli Evangelio proprium , adeo ut nulla sapientia extranea spem salutis fundare possit , dum solidum vitæ jus indicare nequit : proin quæ doctrina sola tranquillare potest animum peccatoris respectu fori divini , ut legitime *justificetur* , ea habet *potentiam Dei* ad omnium animorum convictionem , reliquis omnibus doctrinis exclusis , at ita se habet Evangelium Christi in eo doctrinæ articulo , qui agit de *justificatione fidei* , & circa quam agit secundum Scripturas , quæ dicunt , *justus ex fide vivet*. In sermonis progressu sequitur nova ratio : *ψ.* 18. quæ tamen potissimum referenda est ad *potentiam Dei* , desumiturque ex temporis

ris opportunitate, qua *Ira Dei manifestetur e cælo subra omnem impietatem, & injustitiam hominum, in injustitia opprimentium*: quod argumentum confirmat iterum, *Euangelium esse potentiam Dei ad salutem, cuius credenti*, propter distinctionem, quam ira Dei faceret inter *credentes, & non credentes*, ita ut *non credentes & veritati se opposcentes palam fierent per supplicia iræ divinæ, cælitus inferenda*. Vis argumenti est in prædictione divina; quæ enim iudicia Dei secundum prædictionem divinam eveniunt in testimonium *iræ divinæ*, & in condemnationem oppressionis veritatis, ea justificant doctrinam Euangelii ut veram, ut causam Dei continentem &c. at eum in modum se habent *iudicia iræ Divine a Paulo prædicta*, & ad eos fines ab eodem relata: ergo in aliquo eventu Euangelium manifestabitur, ut potens instrumentum Dei ad conversionem hominis.

V. *Cohærentia similis* exigit ab interprete duarum *enunciationum* inter se collationem, inquirendo in illud tertium, secundum quod ea conferuntur, ut hic usus rationis sit res inter se conferre: sed hic quædam notanda sunt.

A. Dicunt grammatici *similitudinis* aliquando rei veritatem, non *similitudinem* dicere, quod tamen cum grano salis accipiendum est; hoc locum habere volunt, ubi res secum quasi conferri videtur, quod ego ita explico, fieri aliquando, ut res in actu conferatur cum idea sua ad probandum, quod idea ad amissum respondeat. Ia Joann. 1. §. 14. *Vidimus gloriam ejus, sicuti unigeniti a Patre*. Agit de Jesu Christo, Mariæ Filio, deque eo dixerat, *Sermonem carnem esse factum, & ita habitasse inter nos*. Jam in Jesu, Mariæ filio habitasse λόγος in carne, & sic inter homines, manifestat ex conspecta ejus gloria, quam comparat cum gloria unigeniti Dei Filii, non ut distinguatur ab unigenito Dei Filio: sed ut probetur eundem cum esse Dei Filium: hoc argumento collationem instituens; qui possidet in se omnimodam eam gloriam, quæ est unigeniti Dei Filii, ille est ipse ille Dei Filius, ita ut quam ideam præformarunt Vates & Prophetæ, jam asserant Apostoli se conspexisse in Jesu Mariæ Filio, qui proinde characteres possidebat *Sermonis caro facti*, seu, quod idem est, Dei habitantis in carne, & per carnem inter homines.

B. Nonnunquam veritatem, & similitudinem simul indicant particulae similes, uti Philip. 11. §. 7. & 8. Ubi Christus describitur *exinanitus, qui hominibus similis factus est, & in forma servi inventus, sicuti homo dicitur se humiliasse*. Ex quo loco male inferunt quidam, Christum non fuisse ho-

mi-

minem, quia cum *hominibus comparatur*, cum potius eam ob causam verus sit *Homo*; confertur enim cum *idea hominis*, quæ comparet in *aliis hominibus*, ita ut *homines*, & *Christus* in eo tertio conveniant, quod *idea hominis* æque locum habeat in *Christo*, ac in *aliis hominibus*, quippe qui ex mente & corpore conflata naturam humanam possedit, in qua poterat *subjici legi*, *obedire Deo*, & *mortem ipsam pati*, ut proinde hic & *rei veritas*, & *similitudo* obtineant.

C. *Particula similis* aliquando *similitudinem* restrictam, nullo modo *rei veritatem* continet. Sic Apoc. III. v. 3. *Si non vigilaveris, veniam ad te instar furis, neque intelliges, qua hora veniam*. In quo loco *Christus* minime conferendus est cum *fure*, sed *similitudo* solummodo restringenda est ad modum adventus utriusque, qui est clancularius, & ex improviso, ita ut nihil præmittatur, quod præambuli loco haberi possit.

D. Collatio per *particulas similes* aliquando respicit tantummodo *qualitatem*, non *aequalitatem*, ut Matth. VI. v. 12. *Remitte nobis debita nostra, sicut & nos remittimus debitoribus nostris*. Ex quo loco Sociniani male colligunt, *remissionem* in foro Dei fieri sine prævia satisfactione, quia talis a nobis exigitur, & comparatio inter utramque exigit convenientiam: sed erroneam constituunt comparisonem, quasi vero *aqualis* deberet esse nostra ratio *remittendi*, ac Dei; cum contra respiciat tantummodo *qualitatem* operis, licet non ex iisdem causis & rationibus profluat. *Remittere* est non exigere *debitum*, hanc gratiam cum Deus nobis præstet, vult, ut fideles Deum hac in parte sequantur, non suspirent adversus offendentes, non cupiant Deum Vindicem, aut ab eo supplicia exigant, memores, Deum velle offensis nostris esse gratiosum, ac proinde etiam offensis forte eorum, qui contra nos ex imprudentia peccarunt. Imo hanc *qualitatem* tantum respici, vel inde patet, quia collatio ea solum instituitur, ut ultimum habeat se per modum signi ad restitutionem eam, a Deo exigendam; fructus enim fidei necessario est clementia erga nostros debitores, quia non glorificat Deum *remittentem*, qui eundem cupit erga proximum Vindicem, & contra, qui clementiam eam Dei pro sua dignitate æstimat, ejusque amplitudinem, ut ipse includatur, cupit, non debet eam gratiam velle restrictam aut ad se solum, aut intra paucos; bonam conscientiam fidei non conservat igitur, qui vult exclusum a gratia, quem Deus forte vult inclusum. Unde constat usum *particulæ similis* hic eam *qualita-*

litatem denotare in orante, quæ non abnegat gratiam promissam in Deo: interpretis officium autem hic est,

- N. Ut illud *tertium*, in quo conveniunt, accurate excutiat, quod est opus comparationis spiritualis: Ut Hof. iv. v. 4. *Populus tuus est similis contendentibus cum sacerdote*. Respicitur *populus*, ut incorrigibilis, ac proinde omittendus: quippe quem quis frustra reprehendit, quia se potius reprehensionibus opponit, & cum reprehendente litigat: comparatur autem cum *contententibus*, seu *litem* moventibus *sacerdoti*, ubi respicitur tacite ad factum Corachi, sociorumque ejus, qui *litem* moverunt Aaroni de jure pontificatus; convenientia autem in hoc tertio est, quod nulla habita ratione missionis divinæ, omnis reprehensio ob morum incorrigibilitatem & animi pertinaciam evadat solummodo pejor; quæ convenientia solum discutienda est.
2. Lex altera jubet *omittere*, quæ ad scopum non faciunt. Monent enim Viri docti, *similitudinis* materiam a forma esse distinguendam, quod illustratur exemplo picturæ, quæ vultum Regis ad vivum adumbrat; ubi nihil ad rem facit, num pictura pro materia habeat lignum, aut pergamenas, aurum, an argentum, cum ea tantummodo sint instrumenta *similitudinem* recipientia, quæ ad *similitudinem* tamen ipsam non faciunt.
3. Si *plures sint analogiæ*, *subordinationis* lex observanda est, quæ jubet, ne numeri excrecant, *analogias* ad *capita* revocare, & quasi per subdivisionem *sub capitibus* suis varias alias comprehendere. Exemplum esto Joann. iii. v. 14. & 15. *Ut Moses serpentem in deserto exaltavit, ita oportet Filium hominis exaltari; ut quisvis credens in Eum non pereat, sed vitam æternam habeat*: confertur hic opus aliquod typicum cum rei veritate, quippe in quo typo est rei futuræ prolusio, oportet tantummodo animadvertere, ut typus paucis indigetur, cum ambitu tamen repetendus quoad historiam; cumque hic analogiæ sint plures, commodè ad tria capita revocari possunt: scilicet primo ad *remedii necessitatem*. Secundo *definitionem*. Tertio *successum*, seu *eventum*.
 - a. Sub *necessitate* notare oportet hinc morbum internecinum, illinc morbi istius causam, ictus nempe viperinos letales.
 - ß. Sub *definitione* attendimus, ut remedium fuerit descriptum, quoad materiam, formam, modumque offendi,

rendi, nec non locum, in quo offerri debuit.

- γ. Quoad *successum*, notantur sanitatem recuperatam, sed & restrictam ad modum utendi remedio, dum aspicientes solummodo immunitatem a morte acciperent: ubi est ostendendum, nexum inter remedium & medicinam non fuisse physicum, aut medicum, sed miraculosum, & ex solo Dei arbitrio suspensum; quibus ita in typo expositis historice, jam sub iisdem capitibus, antitypo explicato, collatio spiritualis prosequenda erit.

VI. Cohærentia *hypothetica sexta* est, per quam *ultimum enunciatum suspensum est a priori*.

A. *Conditio ea aliquando est impossibilis aut nunquam futura*

Ubi notamus tamen, veritatem connexionis extremorum esse retinendam, licet ea conditio *nihil ponat in esse*: Ita Lucas Cap. xix. v. 40. *Si hi taceant, lapides subito clamabunt*. Respondet hoc Christus Pharisæis cupientibus, ut *silentium imponat Christus acclamantibus*: tacite notat Christus, hunc impetum esse in pueris clamantibus a divina potentia, & ex divino consilio: ita ut *impossibile sit*, eum aliqua suadela humana, aut auctoritate cohibere; cumque hoc Dei consilium, mediante ejus summa potentia, veniat executioni demandandum, tantum abesse, ut id sistatur, ut *vel lapides hi clamarent*, non majorem Dei potentiam requirere ad testimonium illud Christo reddendum: cum itaque ultimum sit natura impossibile, prius etiam admittendum est, ut irresistibile. Adde locum 1 Cor. xv. v. 17, 18. *Nisi Christus sit excitatus, frustra est fides vestra: adhuc estis in peccatis vestris: nempe & qui obdormierunt in Christo, perierunt*. Quæ sub *conditione* ponuntur, nunquam erant futura propter immutabilitatem consilii Dei, & ratihabitionem consilii pacis: addixerat Deus Christo morituro *resurrectionem* tanquam testimonium satisfactionis peractæ, quæ si non fuisset secuta, non fuisset Christus absolutus a reatu nostro imputato, atque adeo non justificatus Sponsor, ut gaudens pleno jure satisfactionis: nexum autem porro jam ostendit inter statum eorum, pro quibus sponderat Christus, scilicet ita pendere electorum justificationem a justificatione Christi, ut hæc nulla foret, si per absurdum prior tollatur; quod tantum eo spectat, ut nexus ille pateat, quod qui negant eam *resurrectionem Christi*, eopse tollant omne fundamentum fidei, omnem œconomiam gratiæ inter Christianos credentes; imo omne fundamentum gloriæ quondam sperantium in Christum: nisi enim nexus ille

constaret, nulla vis esset in argumento Pauli, quo urget, absurdam esse sententiam, quæ ullo modo infert, *Christum non esse resuscitatum*.

B. Quando vero res est possibilis, ostendimus in priori enunciato comprehendi requisitum necessarium. Exemplum esto Galat. v. 25. Si spiritu vivimus, etiam per spiritum ambulemus. Scilicet, per spiritum ambulare non possumus, nisi spiritu vivamus, cum ambulatio in vita habeat agendi principium, & qualis est vita, talis est ambulatio: verum & reciproce notandum est, quod vita spiritualis probetur demum per spirituales ambulationes, ita ut frustra sint, qui jactitent, se spiritu vivere, dum secundum carnem ambulant propter indissolubilem nexum inter illud antecedens, & hoc consequens.

C. Notandum est, conditionem aliquando involvi. Ut Levit. xvii. 5. Quicumque homo illud fecerit, vivet in iis. Ubi vitæ conditio ponitur in priori enunciato; est enim ibi expositio argumenti legis operum, cujus stipulatio est, facere præcepta legis, & quidem omnia, sine hallucinatione: promissio autem est in enunciato altero, quod proponit spem vitæ ex operibus: nexus autem est inter obedientiam consummatam, & vitam, tanquam mercedem ex debito; quæ inter peccatores proponuntur, non ut iis spes fiat ex operibus propriis, sed teneant διὰ τὸν νόμον, quod implendum supponitur per Sponsorem, ut salvo legis jure fiat iis salus, qui ex lege alias omni spe exciderant.

VII. Cohærentia temporalis tandem sequitur, quæ consideranda est,

A. Secundum temporum articulum, in quantum denotatur χρονικός, ita enim rei particularis eventus componitur cum rebus, quoad chronologiam notissimis, ita enim eruitur per compositionem verus temporis articulus; sic in Libris Historicis normam chronologicam constituunt anni numerati Regum, in quos coincidunt enarratæ res, quas populus Dei expertus est in viis Dei: Exemplum esto Luc. ii. 1. — 7. Ubi norma chronologica tempus aliquod proponit notissimum ex diebus Herodis & Augusti, ut annorum periodus indicetur, intra quam nativitas Christi, quoad justum tempus collocanda sit; notatur id factum in diebus Herodis, adeoque ante obitum istius Regis; notatur quoque imperium Caesaris Augusti, & quidem postquam totum orbem imperio Romano subjecerat, ut proinde hæc nativitas inciderit post victoriam Actiacam, a quo tempore orientem sibi subjecit, propter quam subjectionem imperium Romanum dicebatur

& ita venit tempestive Sospitator populi sui, & Vindex libertatis spiritualis.

- D. In Prophetiis ut plurimum temporis notanda est qualitas. Ut Jes. II. §. 2. Fiet in fine dierum, ut mons domus domini exaltetur supra cubum montium &c. Promittit Vates ea, quæ cum Regno Christi essent futura, & hæc alligat tempori designato, verbis in fine dierum, quæ denominatio qualitatem temporis designat: finis enim dierum dicit tantummodo extremum tempus œconomiae istius Judaicæ, quæ a Mose initium ceperat; indicat ergo faciem temporis, quando respublica Judaica finiretur, quippe mutabilis, & mutanda: jam vero affirmat ante eam rerum faciem & non multo ante, sed circa illud extremum dierum, Deum erecturum Regnum illud Christi, sicuti & factum fuisse observamus, quando animadvertimus mortem Christi, ejusque exaltationem antevertisse finem Reipublicæ annos præter propter triginta septem; ita ut illud spatium etiam ad extremum Reipublicæ cum aliqua latitudine referri possit, dum omnia ad interitum vergerent.
- E. In Historiis etiam notatio temporalis aliquando singularem opportunitatem notat, ut respondendum fere sit ad questionem, cur Deus exemplum viarum suarum voluerit manifestatum in conjunctione cum definitis actionibus, & tempori alligatis. V. C.

N. Vidimus locum Luc. II. §. 1 — 7. componere *nativitatem Christi* non tantum cum diebus *Herodis, Augusti*, sed etiam cum actu solemnem *descriptionis*; ubi inquirere licet, cur in idem tempus voluerit Deus & *descriptionis Augusti*, & *nativitatem Christi* coincidere, ubi responsio in promptu est, id factum fuisse,

- a. Ut partus virginæ accideret justo loco, dum *descriptio* coëgit *Mariam* virginem ascendere *Bethlehemum*, locum in Prophetiis designatum, ex quo oriri debuit *Messias*.
- β. Ut *nativitas Christi* ita fieret palam, nam tempus *descriptionis* effecerat, ut omnis *Davidis* posteritas hoc tempore cogeretur nomen suum profiteri, unde & factum, ut hospitale advenis repletum locum parturiendi non concesserit *Mariæ*; hinc ergo factum est, ut innotuerint inter posteros *Davidis*, mater tanquam filia *Davidis*, & Proles tanquam partus virginæ, imo tanquam Filius *Davidis*, quem excitavit Deus ut Christum futurum seu venturum, adeo ut quotquot nomen suum eo die profitebantur, ad sua redeuntes, testes fuerint nati Christi, cum auriti ex

fama

mos toti populo propositos fuisse *Sermones* & adeo infallibiles Evangelii divini Præcones, & certissimos Christi resurrectionis Testes.

§. 3. Accedimus jam ad *regulam proportionis*, quæ præscribit, ut singula attingenda plus minus amplificationis requirant.

I. Cum *exegetica* extremorum exposita fuerint CAP. V. ibi dicta hic non sunt repetenda, sed commendamus nos hic tantummodo, ut in *textibus proluxioribus* huic labori *parcamus*, aut si aliqua attingendi necessitas extet, ut succincte vela contrahamus, ita, ut fere appositio sufficiat: V. C. Joh. I. *ψ*. 14. *Sermo caro factus est*, exhibetur enunciatio, cujus *extrema* requirunt aliquam illustrationem: si autem ea enunciatio in tota pericopa sit attingenda, sufficit, extrema per appositionem recludere, dicendo, *Sermonem*, qui est Deus, & Filius Dei, repræsentari per *incarnationem*, *hominem* factum esse, ut *caro*, quæ illi attribuitur, hic nihil aliud significet, quam *hominem* ipsum.

II. *Porismatica pertractatio* etiam concipitur per *regulam proportionis* ut contrahenda, partim respectu totius propositionis enunciati copulati, partim respectu confirmationis. Retineamus idem exemplum: porisma hic est, *Filium Dei hominem esse factum*, quæ copulatio nonnihil illustranda est: verum quando pericopæ pertractatio contractionem exigit, sufficit dicere, quod *Verbum*, *Filius Dei*, *homo* inceperit esse, non per mutationem divinitatis in hominem, cum id pugnet contra divinam immutabilitatem, sed per assumptionem humanæ naturæ in hypostaticam unionem: cumque id etiam confirmandum sit, sufficit unus locus, qualis est: Phil. II. *ψ*. 7, 8. coll. cum *ψ*. 6.

III. *Connexionis ratio*, reducens ad scopum, etiam plus minus pertractanda est, scilicet,

A. *Connexio* singularum enunciationum inter se etiam aliquo modo contrahitur, si multarum enunciationum pericopa jubet nos plures *connexiones excutere*.

B. Sin vero *connexionis ratio* tangat *ultimum nexum*, eumque communem, qui proxime scopum tangit, omnes vires impendendæ sunt ad illum *nexum* demonstrandum: exempla vidimus cujuscunque coherentiæ, §. 2. hujus capitis.

§. 4. Monemus, in *coherentia rationali* non esse discutienda *argumenta alia*, quam quæ in *textu adducuntur*, quia interpretes sumus, & excurrere in alia argumenta speciem habet censuræ Spiritus Sancti, qui censendus est, adduxisse id, quod convenientissimum est; quippe Qui nunquam oblivionis est accusandus, & censendi prudentissime egisse, & prudentissimum fecisse argumentorum selectum.

- §. 5. Ubi de ordine pertractationis enunciationum agitur, ita aliquando in *coherentia temporali* descriptio temporis *primo loco proposita*, expenditur in *analytica expositione ultimo loco*, ut res historica præmittatur circumstantiis loci & temporis, quia sic in progressu res magis magisque restringitur.
- §. 6. Cum textus prolixiores propter sæpe iterandos transitus ita sint pertractandi, ut tamen *fugiamus transiitiones biantes*, regula hæc commendat studium concatenationis: de hoc argumento totum caput antehac dictavimus in *Scheda de stylo formando*. Scilicet pendet hoc omne ex collatione enunciationum inter se, dum se habent ad se invicem ut causa ad effectum, ut effectus ad causam, ut accidens ad suum subjectum &c. Unum exemplum hic nobis sufficiat. Locus esto Joann. I. §. 14. Post assertionem *incarnationis Filii Dei* transit ad aliam enunciationem, quod nempe *λόγος ἐκλήσθη ἐν ἡμῖν*. Secundum illud enunciatur per copulam jungitur, & superaddit *incarnationi* singulare aliquod accidens, quare transitus hunc in modum commode fieri poterit; Scilicet hominem factum fuisse Filium Dei perassumptionem naturæ humanæ, ita ut eam non statim transfulerit in cœlum, & gloriam, sed placuisse summo Numini & huic ipsi Filio Dei, in eo carnis domicilio aliquamdiu morari inter homines, & ita inter nos *habitasse*; nec simpliciter, sed secundum *emphasin prædicati*, *hanc carnem inhabitasse* inter homines, tanquam *templum aut tabernaculum suum*: in quo collocavit *שכינא* seu veram præsentiam Dei. Ita scilicet elegans & insensibilis fit transitio ab enunciato primo ad alterum.
- §. 7. Cum duplex vulgo obtineat textuum prolixiorum pertractatio, alia secundum *methodum Anglicanam*, ut vocant, quæ singula porisimata ad *applicationem* trahit: alia secundum *methodum Gallicanam*, quæ omnem *applicationem* reservat ad finem usque: deliberandum est utra magis sit amplectenda. Adversus *methodum Anglicanam* faciunt rationes allegatæ, quibus hanc quartam addere licet, fieri non posse, ut secundum eam *methodum* pericopæ prolixiores pertractari queant, unde observatur, eos, qui paucis auditores manuducere debebant ad lectionem Sacrarum Literarum, nimis diu hære in particularibus, unde in homiliis patres, & primi reformatores ab iis discursibus sese abstinuerunt. Verum etiam habet *methodus Gallicana*, quod culpatur a prioribus, scilicet *applicationes* eorum ut plurimum esse confusas variis argumentis, atque adeo minus afficere auditores, nescire enim imperitiores, ad quid in specie incitare eos voluerint præcones: sed & huic malo remedium quærendum est, quod fiet per regulam nostram *legitimæ subordinationis*, quæ omnes observationes particulares jubet in *applicatione* ita disponere, ut se ibi habeant tanquam uni rei & scopo inservientes, de qua regula ad caput sequens. §. 3.

- §. 8. Monemus quoque aliquam *preparationem* faciendam esse ad *applicationem*, ut *transitus* etiam sit naturalis; quod fieri indicamus, quando *collectionem generalem ad scopum* attendimus, ut ita totum complexum revocemus ad usum suum in toto libro, cujus *pericopa nostra* partem facit. Facimus itaque hic, quod fieri solet a Mathematicis, qui propositionem propositam redire faciunt ad conclusionem, dicentes, *quod erat demonstrandum*; ita ut quæ in *preparatione* ad *connexionem*, & in *propositione* monita fuerint, nunc redire debeant quasi ad *conclusionem*, & aliquando *succincta paraphrasidumbrari*.

CAP. VII.

DE APPLICATIONE IN GENERALE.

- §. 1. *Applicatio* hic dividitur in *basis*, & *accommodationem ad usus*, & ita comprehendit secundam essentialem partem concisionis.
- §. 2. *Basis applicationis* nobis eadem est, ac in *methodo Anglicana*, *Doctrina generalis*, quæ est quasi omnium dictorum revocatio ad compendiosum argumentum, dum pertractata omnia redeunt ad id, quod in propositione propositum fuerat, non aliter ac Mathematici suas propositiones demonstrandas repetere solent in conclusione.
- I. Dicimus per *modum observationis*, & per *modum conclusionis* fieri. Ubi notandum, *observationem* esse ipsam assertionem in textu, *conclusionem* autem potius *collectionem scopi* ex dictis. Prioris exemplum sit Rom. xii. v. 12. *Estote tolerantes in afflictione*. Ubi *observatio* dicit, hominis Christiani per fidem justificati esse officium, in *afflictione tolerantiam* & patientiam exercere, ex lege autem præscripta Evangelica rite colligi obligationem hominis Christiani, & quod decebat Romanos, decere etiam nos, qui iisdem obligationibus constringimur. Posterioris exemplum est in textu historico Luc. ii. v. 8 — 7. Cum scopus historiæ sit ostendere Jesu nativitatem adimplere omnes characteres, & circumstantias, in adventu Messiae requisitas, *conclusio* est Jesu Filii Mariæ nativitatem investitam fuisse omnibus circumstantiis, & requisitis nati Christi, sive circumstantias respiciamus temporis & loci; sive etiam circumstantias humilioris conditionis; omnia tam exacte convenire Messiae characteribus, qui convenienter prophetiis debebant comitari introductionem Christi in orbem, ut hic nihil desideretur, quod vel aliunde adduci possit.
- II. Ut *scopum exhauriat*, commendamus etiam varias textus circumstantias, ut notemus: V. G. Matth. vi. v. 33. *Quærite pri-*

mo Regnum Dei & justitiam ejus, & ita omnia vobis adjicientur. Notandum hic,

- A. In *quem finem* hoc dictum Christi hic exhibeatur, scilicet scopus erat, in una concione Christi exhibere optima specimina inculpatæ ejus doctrinæ, quare *observatio* cum hoc encomio introduci potest. Observandum hic esse sanctissimum & prudentissimum Christi consilium, quo, ut *ἀμειψόμενοι* statuatur Discipulos, jubet & mentis & corporis *in αἰῶνι* legitime ordine quærere.
- B. Quando concipimus a *quo* id dictum sit, notamus Jesum Prophetam agentem moliri jura, & leges Regni sui.
- C. Quando expendimus *ad quos* lex pertineat, concipimus Illi rem esse cum futuris civibus Regni cœlorum, qui profitebantur, se illud Regnum expectare.
- D. Quod si lubeat & considerare *locum*, dicta hæc fuerunt in negyri, ut ea promulgatio speciem habuerit publicæ promulgationis, conferendæ cum publica legislatione Sinaitica, ex quibus circumstantiis scopus adhuc exaggeratur, scilicet hoc modo:

Sanctissimum & prudentissimum consilium, quod Jesus tanquam Propheta docens, & publice promulgans, cum Regnum suum introduceret, Regnum ejus expectantibus inculcavit, fuit, *spiritualia quærere ante βιωτὴν*, cum spe tamen & ea consequendi per acquisitionem prioris: cujus consilii sanctitas elucet in puritate electionis, quæ jubet *spiritualia* temporalibus anteferre, & *Regnum Dei cum justitia* pluris facere, quam *βιωτὴν*: prudentia vero eminet in hoc consilio, quia tradit viam compendariam & veram: *quærunt enim illi simul*, & quasi non *quærentes* inveniunt in quæstione *Regni Dei, & justitiæ*, hujus vitæ necessitates, & quidem tanquam benedictiones divinæ charitatis, ex manu Dei conciliati, & Amici, &c.

- III. Argumentum *obligationis*, aut *veritatis tradendæ* debet *clare & nervose* exprimi, quod fieri solet, quando ad notiones magis cognitæ & justos titulos revocamus. V. C. In textu modo allegato dixi, *spiritualia βιωτὴν præferenda esse*, quia illæ notiones ab omnibus facilius intelliguntur, & *Regnum Dei ac justitia ejus* in exegetica pertractatione ita supponuntur discussa, ut intellexerint auditores, omnia *bona spiritualia* sub iis vocibus fuisse comprehensa; itaque perpetuo collimabit auditor ad eam præminentiam *spiritualium præ temporalibus*, & ad obligationem suam in electione observandam, ut potiora bona inferioribus præferat.

§. 3. Respicit hic auream illam *regulam subordinationis*, quæ in omni *applicatione* erit observanda; cumque sæpius etiam a Viris, alias prudentioribus, negligatur, & tamen ejus interventu vitia in *metodo Gallicano* tollantur, velim hanc regulam præprimis observari. Praxis ejus in eo consistit, ut quas in exegesi collegimus *observationes*, sive *assertiones perisomaticas*, eas jam simul quasi a latere positas percurramus, attendendo quem usum, & scopum istæ totidem doctrinæ præstare possint: sæpe enim possunt suppeditare *consilium* ad facilitatem executionem obligationis, & tunc dicuntur *mediorum* locum adimplere: sæpe pollent vi *argumentorum* ad dissuadendum vitium, aut ad suadendam virtutem, & tunc concipiuntur *motivorum* vices tueri: nonnunquam virtus in obligatione concipiebatur in historia explorari, certis quibusdam tentationibus, aut & objectionibus, atque ita instantiæ particulares fiunt in *applicatione*. V. G. Siquis velit feliciter obligationem suam promovere, non vacillet in casu hujus aut illius tentationis, sed ad exemplum nostro in textu se ita muniat, ut harum aut illarum virtutum comitio corroboretur. V. C. Luc. 11. Ψ , 13, 14. In quo textu scopus est ostendere, ut Mariæ Filius, tanquam natus Christus, cœlitus fuerit manifestatus tanquam Sospitator ad gloriam Patris, eum in finem historia narravit, se, *Angelo* præconcionanti inter *pastores*, junxisse *totum Angelorum exercitum*, & celebrasse fructum nati Christi, dum vocat *ἡδοξίαν ἐν ἀδράμοις*, illud specimen missionis Christi, quem indicat, tendere *ad gloriam Dei* in supercœlestibus, & ad pacem in terra. *Basis applicationis* erit animadvertere, ut Jesus Mariæ Filius amplissimum & nobilissimum acceperit testimonium, non tantum adventus sui, sed & fructuum cum adventu adducendorum, quod nempe in ejus persona, testibus cœlestibus, electi acceperint Conciliatorem suum, seu Mediatorem, in quo agnoscitur, quod *Gloria Dei* per eum in *cœlis* promoveatur, & *pax* reconciliationis *humani generis* in *terris*. Hujus usus primus

I. Erit theoreticus, ad *ἰσχυρὰν* veritatis, cui itaque cœlum & cœlites tantum dederunt testimonium, ille verus est inter Deum & homines Sponsor, atque Mediator, in quo Deus salvis de-centiis suis invenit *gloriam suam*, & humanum genus veram cum *Deo pacem*, & reconciliationem: argumenta desumuntur ex circumstantiis.

A. Quod cœlites in cœlo id ipsum agnoscant, dum hoc tempore dicitur *Deo gloria reddi in altissimis*, sane agnoscendum est in terris, quod agnoscitur in cœlis; neque error esse potest, profiteri Jesum Mariæ Filium, humani generis Redemptorem, in quo verus ipse Deus acquiescit, quoniam

id

id ipsum profitentur, qui cum Deo in luce habitant, & coram Deo æternæ beatitudinis Possessores agunt.

- B. Nec majorem de ea re confirmationem quempiam posse postulare, quam quod Legatos videat ex cœlo gaudiorum cœlestium Testes; neque quis cogitare poterit phantasmata *pastorum* esse, quæ hic narrantur, quæ species est instantiæ, nam hic evadunt *pastores* testes auriti & oculati; vident *Angelos* plures, vident copiam instar *exercitus cœlestis*, comparant illi stantes, priori *Angelo* se adjungentes, idque iis feriebatur, quales in exercitu observare solemus. Hunc, inquam, ehorum intuebantur homines plures, *vigilantes*, ut proinde nulla ratio credendi sit, quod, qui tot observarunt circumstantias, decepti fuerint: sed accedit quod auriti testes distincte omnes & singuli perceperint voces *Deum laudantes*, imo quod & carmen ipsum recitaverint postmodum eruditum, Deum decens; imo si vim verborum expendamus, simplicem *pastorum* captum excedens est tam accurata in carmine Mediatoris descriptio, ut nihil decentius, succinctius & magis nervosum exoptari queat: ponit enim *iudiciæ Dei in hominibus* propter personam Christi, in quo habet Deus *iudiciæ*, & qui jam propter nos erat Frater factus; derivatur exinde *pax*, sive conciliatio Dei cum hominibus electis, & hominum inter se, ac celebratur ut respondens *gloriæ Divinæ* in omni decentia Dei, ita ut vel cœlites ipsi id agnoscant.

II. *Usus redargutionis.* Pessime itaque instituunt Judæi, hoc cœleste donum, Jesum Mediatorem respicientes, qui tamen iis cœlitus indicatus fuit: pergant illi, hunc *Infantem* spernere *in terris*, sed teneant, Eundem celebrari *in cœlis*: intermittant illi testimonium dare inter homines, *Angeli* potius accurrent e cœlo ad testimonium Hujus, quo ab electis agnoscatur.

III. *Usus adhortationis.* Quare nostrum erit agnoscere, ut simus debitores *Deum laudandi* propter hanc gratiam. Rationes;

- A. Habemus enim *Angelos* hac in parte Duces, quibus est credendum, rem laudatam dignam esse: quidni & nos sic jungamus Angelis.
- B. Cernimus *Angelos Deum laudantes* propter nostram causam, quanto magis ergo nostrum erit, exinde celebrare Deum, dum in nostra causa versamur.
- C. Gaudium illud cœleste est, ut cœlites collaudent Deum, quanto magis nos obligati *samus gaudia* ea cœlestia non negligere.
- D. Spontaneitas totius *exercitus Angelorum* hic probata fuit,

dum *ignis* adsunt ; qui itaque cupimus voluntatem Dei fieri in terra , sicut in cœlis , oportet ut eodem modo ad *gloriam Dei* simus parati , & singulari spontaneitate id munus suscipiamus.

E. Imo quando *Angelos* cernimus nobis hanc gratiam administrantes , Deumque curasse , ut *myriades Angelorum* gavisi sint , nobiscum hanc gloriam & gratiam Dei communicari , oportet , ut curemus ne tam ampla legatio frustra sit , aut tam lata voluntatis communicatio inanis ; Testes enim illi cœlestes , viarum nostrarum Observatores , nos in cœlis accusarent , si tam indigno modo profundam *Dei gratiam & gloriam* contemneremus.

IV. *Usus consolationis.* At nunc felices nos , quorum causa acta fuit : qui enim Christi sunt ,

A. *Placent Deo* in Christo , adeo ut omnis benevolentia divina se jam porrigat ad illos , imo eo usque eveci sunt Christi fratres , ut tota ecclesia nomen acceperit *בן דא* Jes. LXII. §. 4.

B. Habent enim jam *pacem cum Deo* , ut non sit , quod metuant accusationes Principis tenebrarum , imo unde & tranquillare possint conscientias suas , quippe quæ sanguine Christi aspersæ in singulis contestificantur cum spiritu nostro , nos factos esse cum Deo amicos & filios.

C. Imo hinc facta est felicissima nostra conditio sub *œconomia pacis* , quia Deus sibi ducit *gloriosum* , eos , qui sunt Christi , servare , quod revera argumentum est beatæ nostræ conditionis , penes Deum enim est consilium semet in nobis *glorificandi*.

D. Imo totum Regnum cœlorum cum omnibus Ministris nunc pronum esse ad nostrum solatium , habemus enim in hoc exemplo totum *Angelorum exercitum* in Christo , nobis conciliatum , & pronum ad omnem nostram consolationem consummandam : videmus enim totum hoc choragium *Angelorum Deum laudantium* pro scopo suo habuisse cum salvandis communicare latissimum illud nobis , quod ceciderunt , argumentum.

S. 4. Adducimus hic leges dispositionis observandæ in usibus *theoreticis* , & *practicis* , monemusque ,

I. In omni applicatione non omnes usus requiri , cum *textuum natura* id non admittat : *theoretici* enim *theoreticos* usus , *practici* *practicos* requirunt , unde multa obtorto collo trahunt ad applicationem , qui juxta *Methodum Anglicanam* omnes usus capiunt , & sic semper eadem chorda oberrant ; nihil ergo accommodandum

ante designatum ; conveniunt etiam illi omnes characteres , ut de legitima applicatione dubitari nequeat ; exercuisse enim eum

N. *Munus vocantis populum* aperta voce , notissimum est inter Christianos & Judæos ; non enim Josephus tantum ; sed & Chronicon Judæorum *Joannem Baptistam* agnoscunt , eique testimonium pietatis in officio præconis præbent

J. Quoad modum apparitionis , proponitur ut *clamans in deserto* , non adeo ut doctores , qui suis synagogis erant affixi , sed qui in locis publicis , & præsertim in desertis Judææ munus suum ageret : quod sane *Joanni Baptiste* soli suo tempore fere fuit proprium , ille enim in deserto Judææ evocatus , ibi munus incepisse dicitur , imo & continuasse , cum in viciniis ageret Jordanis , ubi campus magnus , quoad maximam partem , desertum referebat.

J. *Præparationem viæ Domini* suscepit , quando monuit auditores , ut intelligerent , *Regnum cælorum adventare* , & ab iis exegit , ut per *μετάνοιαν* , & fidem se Rego adventanti accommodarent , spem eam obsignans suo baptismo ; imo habuit baptismus speciem collectionis novi populi , sub singulari sacramento obligati , ut ad Regnum Dei transeat.

J. Imo id quam maxime præstitit , quando & Jehovam Deum nostrum , populum suum visitantem , & sub carne latitantem ipse indigitavit , ubi dixit : *Ecce agnum Dei , ferentem peccata mundi*. Quod si aliqua *applicatio practica* huic sit subjungenda , sit *usus adhortationis* , ut nunquam nempe sacra adeamus , nisi justa cum præparatione ; ut quotiescunque adducendi simus ad Deum , ipsi habeamus nobis in animo viam paratam , quam conscientia approbet , ut nos per eam cum fiducia adducat.

C. *Textus adhortatorius* præcipuus est , & primus , ubi *basis* versatur circa officia Christiana. V. C. 1. *1. Timoth. 1. v. 5.* *Finis præcepti est charitas ex puro corde , ex conscientia bona , & fide non simulata.* Ubi pro *basi applicationis* erit , Legislatorem intendere opus *charitatis* , ejusque *purae* omni modo , prout in explicatione spiritualis ejus ratio definita est.

N. *Usus itaque adhortatorius* est , ut hac in parte sequamur scopum Legislatoris , eique ut satisfaciamus , observandum esse , summam legis in *amore* contineri , atque *charitatem* omni modo prosequendam esse , quod urgeri potest suis motivis , & argumentis.

a. Quia

- α. Quia hoc continetur in præcepto divino , qui itaque Deum agnovit Legislatorem , vi præcepti divini tenetur ad talem *amorem*.
- β. Quia iste *amor* finis præcepti est , ac proin est finis Legislatoris : hunc enim fructum quærit Deus a subjectis suis.
- γ. Quia finis Dei est res præprimis grata Deo , nec mirum ; Deus quippe ipse *charitas* est , & imago Dei nuspiam magis resplendet in homine , quam in *amoris* studiis ; cum itaque in hoc puncto sit maxima conformitas inter Deum & hominem sanctificatum , constat , nulla re Deum magis delectari , quam sincero *charitatis* studio.
- δ. *Ufus cautelæ* adjici potest , ne qualicunque *charitatis* specie putemus , hac in parte , nos præstitisse officium.
- α. Est enim & *charitas* hypocritica , quæ non producit externa *charitatis* officia ex puro corde , id est , ex vero scopo ; quare describitur , quæ fini respondet *charitas* , ut ex puro corde profluens , non ex φιλαυ-
ρίᾳ , non ex proprii commodi , aut ex alio concupiscentiarum genere , imo nequidem ex κειδοζηῖα , ut tibi famam honestatis acquiras inter homines ; legitima enim *charitas* est ea sola , quæ ex studio glorificandi Deum agit , eumque finem sibi statuit summum & merum.
- β. Nec officia *charitatis* se absolvisse putet , qui pro cæco amoris impetu in proximum confert , quod ille forte desiderat ; oportet ut media beneficentiæ etiam sint legitima : errant enim pessime , qui existimant , bonam intencionem media , alias illegitima , reddere bona , cum Paulus præscribat in *charitate* bonam *conscientiam* esse servandam , imo ex dictamine *bonæ conscientie* derivanda esse officia humanitatis , quando veram *charitatem* cuiquam præstare velis ; est enim & impura , meretricia , qua quis quærit bonum proximi , sed ut eo abutatur , & ut in ejus consortio suas voluptates satiet ; ita socios amant combibones , scortatores , similesque , quibus cupiunt bene esse secundum fortunam externam , ne voluptatibus suis pabulum desit : *charitas* itaque legitima nil facere aut conferre audet , nisi quod legitimum est , & non satian-
dis voluptatibus , sed promovendæ gloriæ Dei con-
fert,

fert, non sequitur dictamina affectuum, sed rationis, subapprobante testimonio *conscientiæ*.

γ. Neque sic satis castigatam existimes *charitatem*, quam Regia lex libertatis exigit, nisi enim profluat ex lege fidei, seu, ut Paulus in textu loquitur, *ex fide non fucata*; eam imperante, mentemque ad officia *charitatis* impellente, necdum opera *charitatis* viva erunt, & satis viralia; verum omnis ratio sinceræ *charitatis* ad actus generosos & constantes fundatur in considerationibus *fidei*, nisi enim Deum respicias in Christo reconciliatum, aut proximum charissimo Christi sanguine redemptum, destituetur anima vero incentivo ad omnia officia sua: quippe horret Deum intueri justum Judicem, si eum in Christo non agnoscat, & justum vinculum obligationis erga proximum non expendit; verum si eum respiciat, forte sanguine Christi redemptum, qui jam templum Spiritus Sancti evasit, aut fieri saltem potest, tum *charitas* tendet in proximum, tanquam in rem pretiosam, Deo caram &c.

Δ. *Comminatorius textus* etiam requirit in *usibus* primum locum, cum & ibi a communi serie *usuum* recedatur. Exemplum sumamus ex Matth. xxiii. v. 13. Ubi Christus *væ* dicit *Scribis & Phariseis*, tanquam *hypocritis*, eo, quod sub specie interpretum Verbi Divini se aliosque ab ingressu *Regni cælorum* averterent. Ubi *basis applicationis* erit: gravissimum esse crimen, horrendo supplicio luendum, si quando Verbi Divini interpretes se, & auditores a *Regno cælorum* avertant, hoc cum sit lupum agere sub pelle ovina, homines eos agit extremorum judiciorum Dei reos.

Σ. *Usus perterrefactionis* inde proxime deducendus est in hunc fere modum: teneant hoc *Scribæ*, & *Pharisei* nostri seculi, qui cum curam gregis susceperint, ipsi auctores sunt alienationis a Domino suo, sive id fiat per doctrinæ sanæ corruptionem, sive per neglectum veræ institutionis ad pietatem: sciant tales, pessimum consilium hypocrisis obvelantes, quam rigidum eos supplicium maneat, quam gravissimum *væ* iis intentaverit Dominus: fane

α. Ex *Regno cælorum* se ipsi excludunt, ut nihil bonæ spei illis restet, privandi erunt omni ea gloria, quam suis paravit Christus, quippe qui jure merito destituentur rebus, a se spretis.

β. In-

- ¶ incident in barathrum gravissimorum suppliciorum, tanquam occulti hostes *Regni cælorum*, quippe qui manum commodarunt Principi tenebrarum, & jurato Christi adversario: quid igitur aliud expectandum iis, quam in æternum fore cum iis, quibus in vita dederant nomen clanculum, & operam mutuam obtulerant.
- γ. Si gradus sunt suppliciorum gehennæ, uti sunt, quomodo non in ultima incident supplicia; *væ* illud intentatum Christi indicat, multis longe *fore tolerabilius in die judicii*, quam hinc fucatis, & personatis hostibus.
- ζ. *Ufus adhortatorius.* Cautius ergo nos discamus mercari quotquot gregi Dei præpositi sumus, cum enim munus illud sit arduum & revera horridum, nisi bene tractetur, agamus cum Deo & ejus ecclesia candide; præstemus nos duces populo, ipsi ingredienti, & nostro exemplo viam manifestantes; omnis nostra doctrina, sive ad fidem, sive ad mores, sit populo salutaris, nec quicquam temere effundamus, quod non per intimam conscientie lucem noverimus spectare ad auditorum nostrorum salutem: uno verbo, observemus monitum Paulinum: *Attende tibi ipsi & doctrinæ: persiste in istis. Id enim si feceris, & te ipsum servabis & eos qui te audiunt*, 1 Tim. IV. v. 16.
- E. *Consolatorius textus* jubet etiam
- κ. *Usum consolatorium* præmittere, verum ita, ut *usus* ille primus in accommodatione se habeat fere ut gratulatorius, in quo fidelibus electis, vocatis, gratulamur beatam conditionem, & statum felicissimum, exaggerando gratiæ propositæ præstantiam. Animadvertite hoc locum habere, ubi in *basi* ex textu aliquod beneficium gratiæ continetur, sive impetratæ, sive applicatæ salutis; qualia sunt ex impetratione salutis redemptio, liberatio, &c; ex beneficiis applicationis salutis, regeneratio cum suis synonymis, justificatio cum suis partibus & correlatis, sanctificatio, conservatio, obsignatio & glorificatio: quodcumque igitur horum beneficiorum occurrit munus divinum, pertinens ad fœderatos Dei, id omne supeditat argumentum ad gratulationem felicitatis, & ut adimpleatur fidelium gaudium, & animus increseat ad fortitudinem. V. C. Matth. ix. v. 2. *Fili confide, remissa sunt tibi peccata tua.* Ubi *basis* in hunc modum formetur,

tur, credentium eam esse felicitatem, & conditionem sub Christo, ut eorum reatus & peccata iis non impuentur, sed expungantur, & sub *remissione* deleantur: hinc

2. *Usus gratulatorius.* Tantam esse eam felicitatem dignoscite, qui sub umbone Christi confugium cepistis, ut vel majorum desiderare vix queatis; in eo enim statu constituti nil habent, quod metuant: si enim aliquando menti objiciantur horrenda *peccatorum* merita, quippe quæ post se trahunt æternas tenebras, & infanda cruciatuum tormenta, in secula seculorum non auferenda, est, cur se beatum censeat, cui *remissa sunt ea debita*, soluta enim obligatione ad pœnam, pœna metuenda non est; cumque *remissio peccatorum* sit obligationis istius solutio, est, quod congratulemur tibi immunitatem a pœna lege statuta, ut *nullum sit κατάκριμα iis, qui sunt in Christo Jesu*: Rom. VIII. ̳. I. Si animæ obversetur *κατήγορος*, accusator fratrum diabolus, quippe munitus in accusationibus suis cum lege Dei, quam justus Judex negligere non potest, tum & conscientia nostra, quæ cogit nos delicta fateri, necdum est cur turbetur anima tua, cum habeas Christum Defensorem, in foro divino Advocatum, suorumque strenuum Defensorem, qui causam vestram aget, ut res deducatur ad *remissionem peccatorum*; quique justus est Interpellator, suis *remissionem* petens ex jure impetrato, vi meritorum suorum & satisfactionis suæ, unde etiam in rigidissimo foro Dei superior est; si vero alias conscientia turbata exactum divinæ justitiæ tribunal objicit, tu cogita, per *remissionem peccatorum* te accepisse Judicem conciliatum, Qui jam ex sententia tribunalis sui, idque decenti modo, crimina nostra expunxit, nunquam in posterum alleganda in nostrum damnum, aut commemoranda; quæ qui rite expendit, non poterit non exsultare hac sua conditione, & *πληροφορίαν* animi induere circa res omnes speratas.

2. *Usus cantela.* Ast caveant sibi multi socordes hujus seculi, qui sibi temerario ea omnia spondent, & gratiam eam sibi vendicant, quæ sane non est omnium, sed Dei filiorum, & amicorum Christi, unde Christus id tribuit huic homini sub titulo filii, dicens, *mi fili*, & sub stipulatione *fidei* veræ & sinceræ.

3. Absit igitur, ut viperinum hominum genus, diaboli filii, sibi hanc gratiam spondeant, aut vendicent, quos

quos manet ira divina, quorumque retinebuntur *peccata*, donec mutato vitæ genere ad Christi familiam transeant.

6. Nec putet quis sufficere, si Christianus audiat, si Evangelium externo ore confiteatur, imo si vel *fide temporali* quibusdam veritatibus delectetur, *fides* radicata est solum, quæ dicitur justificans, seu, quæ connexionem habet cum *remissione peccatorum*.
7. *Ufus inquisitionis*. Quare agite, ne fallamus nosmet ipsos in tam gravi causa, inquiramus num simus in *fide*, & per consequens Christus sit in nobis.
 - a. *Fides nos justificans*, qua participes evadimus *remissionis peccatorum*, est *fides radicata*, quæ Christum amplectitur cum eo amoris affectu, ut cum diligat supra omnia, ita ut res omnes mundanæ, cum Christo comparatæ, sint illi *stercora*, & *damnum*: Philipp. III. v. 8. Quare in gratiam Christi omnia deserit, uti hic in Evangelio; nec quidquam offerre potest mundus, quod præ Christo non spernit anima fidelis, horum est consolatio, oppositorum est tantum vana opinio.
 - b. *Fides justificans* confidit, & committit se Christo Benefactori & Duci, atque adeo illi gloriam cedit, tanquam gratiæ Auctori unico, summopere benefico, cui obstrictus est maximopere, ita enim stipulatur Christus ab hoc nostro fiduciam.
 - y. *Fidei justificantis* cum sit reditus ad Deum, ejus quoque est omne studium placendi Deo, & hinc est principium novæ vitæ, qua mundum deserens transit ad Christum, cum omni studio novæ obedientiæ, ut respondeat beneficio; non enim ei *remissio peccati* idem, quod licentia *peccandi*, sed liberatio a tyrannide *peccati*, quia in *remissione* est jus acquisitum a *servitute peccati*.
7. *Conclusio*. Hæc qui experiuntur in se, merito fiduciam excolunt in mente sua, conanturque pergere ad *πληροφωρίαν*: qui contra, se ipsos maxime decipiunt, quare prudentibus, statumque suum haud negligentibus, via sola reclusa est ad gratiam eam *remissionis peccatorum* attingendam, quæ eos certo certius deducet in conditionem beatorum.

III. Dicuntur hic *usus* ii procedere a *thesi* ad *hypothesin* & contra, videlicet,

- A. *A thesi ad hypothefin*, quando *lex aliqua divina*, aut *præceptum transfertur ad homines in specie*, quod obtinet in omnibus *præceptis* tam affirmativis, quam negativis in verbo Dei: & ratio connexionis, ut solida sit, fundatur in eo, quod obligatio, quæ omnibus, & singulis hominibus imposita est, etiam quemcunque hominem in *specie* obstringit, ita ut nemo exceptionem proponere potuerit; & sic fit transitus ad auditores nostros nostri temporis, nostris in locis, qui tenentur obligationem communem assumere, ut ipsos in specie jam ad officium vocantem.
- B. *Ab hypothefi ad thesin* fiunt conclusiones, quando *exempla laudata*, aut *culpata revocantur ad usum*; ut scilicet omnes laudatas virtutes sequantur, aut culpata vicia evitent, qualia obtinent in historiis.
- IV. In pertractatione *usuum applicationis*, si textus sint ampliores, aut variis circumstantiis incedentes, docemus, nulla argumenta adducenda esse, nisi *ex textu*, & *circumstantiis*: cujus præcepti ratio est, quod æque vitiosum sit excurrere in locos communes in *applicationibus*, quam in *explicationibus*. De allegationibus testimoniorum Sacræ Scripturæ in *applicationibus* aliquid veri continet regula Viri doctissimi, aliquid falsi, quando jubet a citatione locorum abstinere in *applicationibus*, quia *novæ probationes* non sunt adducendæ, sed duos nos excipimus casus:
- A. Si *textus sint*, qui probant nexum ipsum, qui est inter *præmissum* & *conclusionem*. Id est, si id, quod in *basi applicationis* est collatum cum eo, quod est in *usu* quopiam, quodque ex *basi* concluditur, in eadem connexionione inveniatur alibi in Sacra Scriptura, fane valet *talis textus allegatio*, dum probat, nos *legitimam fecisse conclusionem*.
- B. Alter casus est, si obligatio aliqua urgeatur in sua præcisa obligatione, ita ut hominibus carnalibus possit videri paradoxum, quod diximus; hac enim data *hypothefi*, maximo jure confertur testimonium Sacræ Scripturæ, ne videatur concionator pro suo arbitrio agere & loqui. V. C. Si quis moneat auditores, ut a *scortatione* se abstineant, & inter media commendet *gubernationem oculorum prudentiorem*, in iis enim esse peccati principium prægnans, ratio est, ut allegemus dictum Christi, qui testatur, aspicientem eo animo mulierem, jam *oculis commisisse adulterium*: & ita in omnibus, quæ carni videri possunt paradoxa.

CAP. VIII.

DE ACCOMMODATIONE AD USUS THEORETICOS.

- §. 1. Duplicem usum *theoreticum* revocamus ad communem titulum *applicationis apodyctice*; quamvis ea vox alias sola videtur pertinere ad Mathematicos, attamen in doctrina Veritatis Theologicæ est Ἀποδείξεις πνεύματος καὶ δυνάμεις I Cor. II. ψ. 4. Sive ut Paulus alibi loquitur, II Cor. IV. ψ. 2. φανέρωσις τῆς ἀληθείας πρὸς πάντας συνείδησιν ἀνθρώπων ἐν ὧς τῷ θ. Et cum ea *apodeixis* aut veritatem confirmet, aut errorem convincat, *usus* hic alias *didascalicus*, alias *elencticus* est.
- §. 2. *Usus didascalicus* concludit ex *basi* doctrinam aliquam, quam *dogma fidei* adstruit. Exemplum esto in loco II Thess. III. ψ. 3. οἷός ἐστι ὁ κύριος. Cujus textus argumentum ad *basin* revocatum dicit, gratiam Dei etiam esse corroborantem, & conservantem propter *fidelitatem Domini*, hinc fit conclusio ad *usum didascalicum*: proinde esse firmissimum *dogma* de *perseverantia sanctorum*, ita ut *fidelitas Domini* ipsis certam spem fecerit, fore, ut in certamine temptationum aut vires non desint decertantibus, aut saltem non in totum circumveniantur a malo, seu improbo salutis hoste. Hic *usus* firmandus dicitur *argumentis, ex textu desumptis*, quod, ut eandem locum respiciamus, hoc tenore perficiendum est.
- I. Quia habent κύριον, id est *Dominum*, Qui suo jure acquisivit peculium, quo nunquam destitui potest: stipulatio enim spon- sionis seu pacti pacis est, ut ad *ostensionem laborum animæ* Ipsi sistendum esset *semen*, & per manum ejus voluntas Domini *prosperaretur*: Jes. LIII. ψ. 10.
 - II. Quia ὁ ποιητής non debet a morte Christi relinqui superior, licet enim temptationibus & certaminibus, propter positam inimicitiam Gen. III. conaretur ereptam sibi prædam denuo reducere, nihilominus Christi est de capite contrito victoria, unde ἀπὸ τοῦ ποιητῆς nihil metuendum est, quasi Domino gregis gregem eriperet.
 - III. Est gratia Dei conservans, & corroborans, ita ut Deus possit & velit imbelles corroborare ad victoriam reportandam, aut inclusos iterum liberare a periculo pereundi: Quia tali gratia celebratur Dominus, hoste adversario potentior est, atque adeo cum hæc tendant ad effectum *perseverantiæ*, consequens illud gratiæ divinæ certissimum est.
 - IV. Adde tandem Deum hanc gratiam Filio spondidisse in foedere,

imo

imo & demandasse Filio, ut Regi in Regno gratiæ, & Pastori in grege suo, qui per fidelitatem suam suos negligere haud potest, præprimis cum & iis id promiserit in verbo gratiæ; ut proinde legitime cum Paulo concludamus, per *fidelitatem Domini* fieri non posse, ut quos ad statum gratiæ traduxit, illi non in ea remanerent ad finem usque. Hinc & porro exceptionibus aliquando occurrendum est. V. C. Ad eundem locum. Agnoscimus quidem fieri posse propter nostram infirmitatem, ut decipiamur aliquo usque ab adversario, & quasi retibus ejus intricetur fidelis homo, & qui gratiæ Dei particeps est; sed considerandum est, fundamentum perseverantiæ non esse positum in hominis conditione, qui certamini involvitur, sed in Dei Conservatoris *fidelitate*, & benevolentia: inciderunt sancti aliquando in graviores lapsus, in quibus, si relinquerentur a Deo, sane pergerent ad perniciem, sed, ne id fiat, Deus statuit fideli sua cura eos prosequi, infirmos corroborare, lapsantes erigere, gratiam resipiscentiæ renovare, & ita ad conservationem eorum eos ex retibus infensissimi aucupis expedire.

§. 3. Dicimus *usum* aliquem *didascalicum* aliquando *spectare ad solam cognitionem* adstruendam, aliquando etiam continere *articulum fidei*, quod si *articulum fidei* etiam includit, post *assertionem veritatis*, *usus gratulatorius* etiam subjungi potest, uti in eodem textu observare licet. Nam exhibet perseverantiam fundatam in beneficio gratiæ divinæ, communito etiam *fidelitate* ejus, quare hunc in modum erit proxime instituendus hic *usus*. O felicem vocatorum conditionem, qui ad Dominum accesserunt tantæ *fidei* tantæque in amore suo constantiæ, ut vel nolet deferere suos propter promissiones gratiæ conservationis; unde adeo in tuto collocati sunt, ut, licet quandoque gravissimis tentationibus exponantur, non habeant quod metuant de rei exitu: vulnerari possunt, qui sub Duce Christo militiam hanc spirituales aggrediuntur, occidi spiritualiter non possunt: in hoc stadio currentes aliquantisper sisti possunt, imo in terram dejici: fieri interim non potest, ut non surgant, tanto Inspectore manum porrigente, & impedimenta superent ex iterata luctatione, atque ita ad præmium certaminis perveniant.

§. 4. Conditiones quatuor hic narrantur.

- I. Prima est, ut *veritatis enuntiatio clara sit*. Ut nempe auditor facile percipiat thesin eam, quam probamus, & defendimus; tota enim discussio ejus *usus* exigit, ut auditor hoc perpetuo ob oculos habeat, quod in questione est.
- II. *Prudentem* adjicimus *limitationem* esse curandam. Hujus exemplum esto in locis, qui applicationem salutis respiciunt. V. G.

11 Cor.

II Cor. I. 5. 22. Cujus textus argumentum, si ad *basin* deducatur, est, dari sub œconomia spiritus gratiam obfignationis per *intrinsecum arrhabonem Spiritus*, hinc *usus didascalicus* concludit, dari, sub œconomia gratiæ Dei, salutis certitudinem; verum, ne quis putet, eum effectum semper & in omnibus credentibus esse manifestum, & ne ita infirmiores raptantur in desperationem, monendi sunt auditores, hanc gratiam eo tendere, ut pii fideles sub intervallis dilucidis aliquando auctam habeant consolationem; esse quidem tempora, & intervalla obscuriora, sub quibus effectus gratiæ obfignantis non ita persplendent, attamen sufficere, quod homo fidelis ad eam certitudinem in hac vita pervenire possit.

III. *Confirmatio* hic urgenda est, cujus exemplum esto ad eundem textum. Scilicet certitudinis istius salutis beneficium fidelibus in hac vita sic præparari, omnes textus circumstantiæ probant: nam

A. Est hic obfignatio, quæ sua natura dicit rei alterius confirmationem, ad *ἀσφάλειαν* ejus, qui signaculum accipit, non aliter ac fœdera obfignata in manu eorum, qui tenent, jus eis concedunt restipulandi, quæ ipsis obfignantur, ita ut nequidem tribunal rigidissimum habeant hic fugiendum.

B. Quia *Spiritus* Auctor lucis, & regenerationis sanctificationem nostram elaborando ipse est *arrhabo*, id est pars muneris promissi, Qui ad certitudinem rei futuræ ea operatur in fidelibus, quæ connexionem habent cum toto; ita ut sanctificatio sit initialis glorificatio, tantummodo consummanda, & perficienda in vita futura: quare qui *Spiritum* habet *in se*, quadantenus operantem, ille certissimus esse poterit, & per intimam conscientiam, se accepisse initium vitæ, & id possidere, quod cum vita futura inviolabilem nexum habet.

C. Dicitur operatio ea in *cordibus nostris*, id est, in intimis conscientiæ visceribus: jam vero omnis certitudo, quæ est in ipsa conscientia, solida est, quia forum conscientiæ est aliquod Dei tribunal, ad quod defertur sententia fori superioris, seu tribunalis cœlestis.

IV. Omnes tales *usus didascalicos* agnoscimus aliquando præter *usum commendationis istius veritatis*, ut *eam probe teneamus*, *cognitionis istius incrementum quæramus*, & *constanter retineamus*: quales *applicationes* videre licet in opere nostro *Homiletico ad Articulos Fidei*. Verum si *fiduciæ* contineant *argumentum*, sequitur *usus consolationis*, eo spectans, ut *veritas* ea asserta pariat in animo tranquillitatem ad omnis timoris & metus exclusionem, si-

cuti vidimus in paragrapho præcedenti; imo nonnunquam excitationem ad studium acquirendi istud beneficium. Maneamus nunc in eodem exemplo. Cum itaque detur talis certitudo salutis, ita tamen, ut non statim aut semper ea certitudo occupet animum; tu igitur

A. Qui adhuc hæres in initiis regenerationis, in quo opus gratiæ ad illud fastigium nondum assurrexit, hoc cura, ut gratia oblationis utaris modo debito, scilicet ut experieris tum capias operis *Spiritus Sancti in te*; si quid invenias in mente tua, quod non est ex sanguine & carne, cogita hoc *Spiritus* opus esse; si resipiscentia & fide non es destitutus, cogita, ea dona Dei esse; & Spiritum horum donorum Auctorem jam esse eum *arrhabonem* oblationem; nec quære argumenta & objectiones adversus illud opus Dei, sed inquire solummodo in sinceritatem mentis & animi, ut apud conscientiam constet, te animitus detestari peccata tua, & gratiam Christi existimare supra omnia; quæ cum sint effecta lucis divinæ, perge ad conclusionem faciendam; quod qui adstipulati sunt foederi Divino, in iis stipulationibus jam habeant *fiduciam*, & jus acquisitum restipulandi, quidquid bonorum in foedere continetur.

B. Qui vero post dilucida intervalla tempus experitur magis tenebrosus, ille teneat, curandum sibi esse, num forte alcubi ansam dederit suis lapsibus obvelandi hunc *arrhabonem*, aut num forte Deus velit explorare certo certamine constantiam fidei ejus; in priori casu fiat resipiscentiæ renovatio, eumque in finem discas colere Spiritum, & orare, ut te ad renovationem resipiscentiæ excitet: sin posterior casus interveniat, omnibus modis cogita, hanc esse viam Dei, quæ ad certamen vocat, ut experientia gratiæ fiat major, & inde certitudo salutis lucidior: semper etiam fide firmiter tenendo, Deum Dispensatorem gratiæ eundem esse, Qui nuper ita lucebat in mente, tunc dedisse specimen suæ benevolentiae, atque adeo nunc velle, ut contra spem, supra spem ei tamen constanter adhæreas, deque ejus amore erga te idem sentias.

§. 5. Sequitur nunc *usus elencticus*, & ponitur hic casus & conditio *elencti* adhibendi in *applicatione*, ut hic non sint revocandi errores, qui se privatis hypothesibus aut particulis opponunt, illi enim, ut *παραρρητίαι*, seu falsæ explicationes in textus ipsius expositione removeri solent, sed *errores in applicatione* redarguendi.

I. Sunt toti *textus complexioni oppositi*. Exemplum in *textu doctrinali* est, in loco 11 Thess. 111. ψ. 3. Ubi *usus didascalicus* ex
basi

basi concluderat doctrinam de perseverantia sanctorum, ut fundamentum in gratia *conservationis divinae*; hinc pergimus ad *usum elencticum*, seu refutationem doctrinae de *apostasia sanctorum*, quam tuentur omnes Pelagiani & semi-Pelagiani: hic error enim se scopo *bases*, & textus totius opponit.

- II. Aliud exemplum esto in textu prolixiori: Luc. II. *ψ. 1—7*. Ubi in *basi* fuerat, *Jesum, Mariae Filium* revera in iis circumstantiis fuisse natum: *usus apodicticus* fuit, proinde eum venisse in mundum, ut *Christum* decet: *usus refutationis* Judaeorum ostendit iniquum proinde esse factum gentis istius, cui spes *Christi* facta fuerat, quod in iis omnibus circumstantiis characteres *Messias* Christi, venientis in mundum, non observent, & adhuc pertinaciter *Jesum* blasphement, & rejiciant cum expostulatione, ut ostendant, quid desiderent in circumstantiis *adventus Christi*, si quando *nascatur*; nec causam hactenus adferre potuisse, quam quod tanta cum humilitate prodierit, in qua causa scandalizantur, sed praeter causam, cum non possint esse ignari, etiam hunc characterem a Prophetis non fuisse neglectum, quod per prophetias erat probandum.

§. 6. Ubi *enarratio quasi historica* nihil aliud dicit, quam recensionem sententiarum, quas adoptarunt adversarii contra veritatem, ex pertractatione textus elicitam; addendo aliquando, quomodo illi errores in conciliis, eorumque decretis, aut confessionibus publicis inter se statum mutaverint. Hic requirimus

I. *Prudentiam*, quae versatur in discernendis controversiis, ad refutationem publicam admittendis, aut excludendis. Ubi

A. Excludimus *haereses dudum sepultas*, quia ab iis non imminet fidei periculum, ac praepriis etiam renovarentur facile propter hominum inanem curiositatem, lubenter in occulta inquirentem. Ita V. C. oppugnare Manichaeorum errorem, & *haeresin*, de *duplici principio*, altero *boni*, altero vero *mali*, esset sepultam *haeresin* renovare, & quasi ad novum tribunal revocare.

B. Excludimus etiam *controversias in ecclesia problematicas*, quia *usus elencticus* indicat apertum quasi bellum cum errantibus, unde fratrum animi exacerbantur, tranquillitas ecclesiae turbatur, & auditorum animi incitantur ac si de re capitali & fundamentali dissensus esset, cum multa sint in ecclesia toleranda, propter quae mutua charitas laedi non debet.

C. Hinc sequitur, admittendas solum *controversias* cum refutatione pertractandas, quae pugnant cum articulis confessionis publicae, aut in formulis unionis comprehensis; non quod formulae istae consensus vim habeant normae fidei, sed

quod sint testimonium perfectum ecclesiæ, quousque pervenerit in veritatibus, ex Sacra Scriptura eruenda, horum enim interventu fratres, quoad consensum, in doctrina se mutuo reddunt securos, & sibi invicem mutuam operam spondent.

- II. *Modestiam* requirimus, quæ excludit omnia *convitia & dicteria*, debemus enim & adversariis mansuetudinem, ut sentiant, se non oppugnari ex odio, aut iracundia, sed ex singulari desiderio salutis aberrantium: ubi enim refutatio eam *modestiam* spirat, occupat animum aberrantium, & clanculum attrahit ad debitam attentionem, cum ex *exacerbationis* potius aures occludant: saltem hæc regula Paulina est: 11 Timoth. 11. 25, 26.
- III. *Candorem* exigimus, qui potissimum exercetur in eo, ut *nil contra mentem adversariorum iis adscribamus*, quod fieri solet, quando consequentias, quas negant, ipsis tamen obtrudimus, quare potissimum est, ut historia erroris non adducat, quod privati doctores aliquanda imprudenter dixerint, sed quod Pontificii, Remonstrantes, alique in publicis confessionibus, aut conciliorum, aut synodorum decretis tanquam communem sententiam protulerint; unde contra Pontificios fere non agendum est, nisi ex Concilio Tridentino, alias enim V. C. Jesuitarum dogmata non toti ecclesiæ Romanensium sunt imputanda, sed Jesuitarum *ipsiata* collocanda.
- IV. *Delectus*, quem exigimus, etiam postulat, ut *incrustationes errorum ex ultimo doctorum conamine oppugnemus*, quod præcipue locum habet circa Pontificiorum errores: versamur enim iis in oris, ubi multi sunt Jansenistæ, qui varia ecclesiæ Pontificiæ dogmata in mitiorem sensum interpretantur: huc pertinent conatus *Episcopi Condomensis*, aliorumque, qui cupiunt efficere, ut opus Reformationis censeatur laborare crimine schismatis, in rebus fundamentalibus enim consensum esse, quod *expositionibus suis fidei Catholicæ* demonstrare conantur: Hisce in casibus ostendendum est, nos quidem gratulari eorum consensum, qui didicerunt *hæretica* Jesuitarum dogmata rejicere, nihilominus desiderare nos adhuc evidentiores sensuum expositiones, veritati enim non satisfieri vocibus ambiguis, ubi tunc ad *statum controversiæ* ponendum facilis datur transitus.
- S. 7. Πᾶσι ψιῶδ erroris eleganter notatur, quotiescunque *textus suppeditat argumentum ipsam erroris causam convellendi*. Exemplum rem illustrabit: 1 Joan. 1. 7. *Sanguis Jesu Christi, Filii ejus purgat nos ab omni peccato*. Ubi *basis* ad applicationem dicet, nos omnem purificationem, eamque plenariam invenire in *solo sanguine Jesu Christi*, ita ut nullum sit peccatum sive gravius, sive levius, sive ante, sive post:

post regenerationem commissum, cuius reatum non debeat *sanguis Jesu Christi, Filii Dei*. Usus elencticus.

- I. Frustra itaque esse, qui *purificationem* eam quærunt in sacrificiis pecuinis, aut victimis expiatoriis humanis, prout omnes peccant, qui religionem Christianam non agnoscunt; sive gentes sint, sive Judæi, sive etiam ipsi Muhammedani: præstare hoc tantummodo *Christum*, ut Mediatorem supremæ dignitatis.
 - II. Nec liberos esse ab hoc crimine Pontificios agnoscendum est, qui satisfactiones humanas introducunt, cum in hac, tum in futura vita, statuantes quædam crimina luenda esse afflictionibus spontanee susceptis & in corpore ferendis, imo & remanere peccata, luenda in purgatorio; quæ dogmata gloriæ *Christi* admodum sunt inimica, *sanguini* ejus detrahentia, quod *sanguini* ejus soli debemus; verum niti ea omnia falsissimis hypothesebus, errorum istorum principiis, scilicet, *Christum* satisfecisse pro peccatis mortalibus, non venialibus; pro peccatis ante baptismum commissis, non vero pro iis, quæ post baptismum committuntur; *Christum* impetrasse remissionem reatus, non pœnæ: quæ hypotheses aperte contradicunt testimonio huic Joannis.
- §. 8. Positio *status controversiæ* occupat multas objectiones *adversariorum*, ut proinde etiam non sit aliquando negligenda. Ita V. G. ad locum II Thess. III. §. 3. Quando doctrina de gratia conservante nos duxit ad *elenchum* eorum, qui apostasiam sanctorum statuunt, curandum est, ut multas objectiones abscindamus; verum quidem esse, quod vocati & electi, cum adhuc exponuntur insidiis diaboli, ita possunt circumveniri, Deo id ob graves causas permittente, ut & in gravissima incidant peccata, id enim constare ex sanctorum maximorum lapsibus, ast in cura *Dei* fundari, quod eo in statu non relinquuntur, quippe Qui *fidelis est*, non permissurus, ut liberati per sanguinem Filii, per potestatem Diaboli iterum ab eo ut prædā abripiantur: quare, si quædam sint exempla, quæ tanquam instantias ex Sacra Scriptura adducunt adversarii, probandum esse opponentibus, aut eos fuisse vere vocatos, gratiæque salutaris participes per fidem radicatos, aut eos ad mortem usque in eo peccato perseverasse.
- §. 9. Ad *refutationem* requirimus *argumenta ex textu*.
- I. *Argumenta ex textu*, inquam, quia alias fit excursus in locos communes, quod æque vitandum est in *applicationibus*, quam in *explicationibus*. V. C. In loco I Joan. I. §. 7. Ex quo in *usu elenctico* rejicimus purgatorium, & satisfactiones humanas, ostendendo, utriusque hypothesein esse contra enunciatum *textus*, quod hisce argumentis urgemus.

- A. Si enim peccata quædam post baptismum commissa, & venialia, a peccatoribus ipsis essent luenda, *Christi sanguis non purificaret ab omni peccato*, universalis enim ea enunciatio nullam patitur exceptionem, imo contra, potestas vocabulorum est secundum hebraismum, ac si dixerit, *a qualicunque peccato*.
- B. Si ad verbum *purificandi* attendamus, oportet, ut omnis *impuritas* tollatur, non enim *purus* fit quisquam, nisi per *omnis impuritatis* ablationem, qui ergo aliunde *purificationem* aliquam requirit, *sanguini Christi omnimodam purificationem* detrahit.
- C. Quod si ad scopum & contextum *Joannis* respiciamus, patebit, eum præprimis respicere peccata, post regenerationem commissa, quod constat, ex CAP. II. §. I, 2. Ubi concipit *filiolos peccantes*, sed *Christum Advocatum habentes apud Patrem, justum, jure propitiationis pro peccatis causam nostram agentem*.

Nec juvat exceptio, remisso reatu non remitti poenam; cum revera injusta foret poena, quæ non ob reatum infligitur, id enim esset infontem punire: *purificatio* enim, quam efficit *Christi sanguis*, præstet etiam *purificationem* conscientiae *sanguine Christi* conspersæ, quæ cum absolvit a reatu, statim etiam liberat a metu poenarum, hominique solatium adstituit: fatemur quidem, quorum peccata remissa sunt, eos aliquando subire castigationes divinas, sed falsissimum est, eos habere rationem poenæ, cum potius sint effectum amoris Dei, castigantis suos ad correctionem morum, & sanctificationis ulteriorem promotionem, cum qua castigatione purgatorium adversariorum nihil habet commune.

- II. Monemus tamen, *methodum prudentiæ* aliquando excursum admittere, scilicet eo in casu, quando controversia aliqua viget, gregemque nobis commissum exercet; eo enim in casu piis, pro bona causa certantibus, succurrendum est nobis, ut variis argumentis instruantur, & adversus quascunque objectiones muniantur; sciendum enim, quod tunc & textus ipsi sumantur & eligantur eum in finem, ut scopus totius concionis tunc sit potius disputare cum adversariis, quam hærare in exegeticis, sed extra eum casum ii excursus omni modo fugiendi sunt.

CAP. IX.

DE ACCOMMODATIONE AD USUS
PRACTICOS IN GENERE.

- §. 1. *Usus practici* etiam eleganter a Viro optimo * vocantur *accommodationes doctrinae textus ad voluntatem*. Sicuti theoretici ad intellectum, sic & voluntas hic consideratur ut excitanda ad officium, five in officio desit, five ad officium tendat; unde duplex usus oritur, respectu prioris *παιδείας*, respectu posterioris *παιδείας*; dein voluntas esse concipitur ut quoad spem boni erigenda, ne animus deponat in adversis aut tentationibus, & tunc locum habet *παρακλήσις*, in quantum consolationem adfert; alias *παρακλήσις* latiore habet significationem quæ exstimulationem ad officium etiam in suo ambitu comprehendit, unde totam *Theologiam practicam*, alias *paracleticam* appellamus, sed hic respicimus significationem eam restrictam priorem.
- §. 2. Quæ huc faciunt occupavimus ad CAP. VII. §. 4.
- §. 3. Etiam quæ hic monentur, occupata sunt CAP. VII. §. 4. II. Sed cum in *usibus practicis* & textus distinguantur, in quantum sunt *adhortatorii*, aut *dehortatorii*, quando officium aliquod Christianum est in basi, vel etiam ut *consolatorii*, quando in basi est beneficium singulare divinæ gratiæ: inspicere loco citato textum *adhortatorium*, & *consolatorium*, atque observata videbis, quæ hic observanda monemus.
- §. 4. Monetur *ecclesiastes*, *præfectus gregi* alicui, ut *laboret cognoscere statum ecclesiæ sibi commendatæ*; Hinc veteres dixerunt duplicem librum, imo triplicem inspiciendum esse pio episcopo, *librum Scripturæ*, *librum conscientiæ*, & *librum ecclesiæ*: pendet enim omnis prudentia in ministerio a *cognitione status ecclesiæ*, ut scilicet tales eligamus *textus*, & talia *argumenta* pertractemus, quæ *necessitati* & *conditioni ecclesiæ* respondent, hoc enim demum est *ecclesiam* ædificare; hinc prudentia exigit non tantum attendere ad *statum communem ecclesiæ* in genere, sed etiam ad particularem ejus, in qua degimus. Hinc
- I. *Vitia seculi* consideramus, quæ sunt pro felicitate, aut infelicitate temporum varia; ut in pace sæpe socordia, in afflictionibus terrores panici, & similia mala inveniantur pietati contraria.
- II. *Vitia gentis* pro diversa nationum temperie etiam occurrunt majori cum cura defricanda, dum consuetudo nationum singu-

* Bowles *Past. Euangel.* Lib. II. cap. 3.

gulari vitæ genere fere effecerit, ut & gravissima crimina fere pro minimis peccatis habeantur. Ita superbia *Hispanos*, ut turpiores libidines *Italos*, ebrietas *Germanos* occuparunt; sic luxuriam olim notabatur *Jonum*; scortatio ut res indifferens a *Corinthis* existimata fuit.

III. *Vitia vocationis* differunt, alia enim dominantur in aulis, alia in emporiis, alia in simplici rusticorum vitæ genere; quare oportet *ecclesiasten* esse memorem, inter quos versetur in suo ministerio; inter rusticos enim artes aulicas depingere & defricare, esset extra oleas vagari, quare secundum hæc principia prudens rerum selectus est instituendus, & sermo moderandus.

A. *Compellatio in tertia persona locum habet*, quando versamur circa *statum communem*. Si enim occasio textus exigat, ut vitium redarguatur commune, convenit dicere, inter ea, quæ imaginem Dei deturpant, quæ decus Christiani nominis obscurant, esse etiam hoc vitium, omni Christiano homini fugiendum, & minus attendere ad obligationes suas, sive naturales, sive fœderales, qui sibi in eo indulgent; sed Deo gratias agendas esse, quod in nostra *ecclesia* tale quid minus inveniatur; igitur nil aliud nos habere dicendum, quam ut grex noster eo pede pergat, additis tunc pro exstimatione motivis, ad rem spectantibus.

B. *Compellatio in secunda persona*, magis ad *vivum* refecat *vitia*, & fortius ferit auditores. V. C. Si *vitium* sit in basi, licet cum voto incipere, utinam ab hoc *vitio* liberi essetis charissimi auditores, sed si vestram ambulationem, vestrasque consuetudines diligentius excutiamus, est cur a querelis abstinere non queamus, ita enim omnia *vitii* istius effecta persplendent, ut ex malis fructibus dignoscamus arbores malas; ubi per signa & effecta vitiorum rem deducere licet, ut, ad convictionem commissi criminis revocentur.

Cautela autem a nobis adhibita, de *non compellendis in secunda persona magistratibus*, quando vitia curiæ reprehendimus, probe notanda est, propter *periculum a plebe*, facile in *superiores* insurgente; cum pro conscientia fidelis episcopi sufficiat hic, vitia redarguere, & in *tertia persona* debellare.

C. *Compellatio in prima persona in adhortationibus & consolationibus* præprimis locum habet, & fere hunc in modum procedit. Nos itaque, auditores, quibus gratia Dei illuxit, nos, inquam, communibus studiis officium veri Christiani præstemus, ita decet nos, id erit utile nobis in ipsa via sanctificationis.

ficationis, id pariet nobis bonam conscientiam in omni casu, ex hujus officii præstiti conscientia nobis erit spes viva.

- §. 5. De *stylo* monemus hic, quod moderamen exigit inter *blandum & gravem*. Gravis auctoritatem dicentis tuetur; ita ut respici debeat tanquam Dei nomine officia exigens: *blandus* vero occupat animum, quando *spirat fraternum amorem*, ut velit ipse videri tanquam frater & socius intercedere apud auditores, quos cupit ad Deum reductos.
- §. 6. In adductione tamen *nominis Dei* oportet prudenter agere, nempe, si quid definimus circa exactitudinem pietatis, quod homini carnali possit aliter videri, oportet ut dicentem Christum, aut Spiritum Dei, vel Viros *ἁγίους* introducamus, suis verbis rem defunientes, ne videamur laqueos struere hominum conscientis.

CAP. X.

De ΕΠΑΝΟΡΘΩΞΙ

Sive

REPREHENSIONE.

- §. 1. *Ἐπαύριον* dixit & Paulus: II Tim. III. §. 16. dicens, *Scripturam etiam utilem esse πρὸς ἰκαιοσύνην*, notatque *objurgationem hominum* de non præstito officio, ut in viam rectam reducantur: concipiuntur iraque peccantes, ut qui sibi malos introducunt habitus, qui cum dissociatione membrorum corporis conferuntur, quæ restitui debent, ut respondeant suis muneribus. Hoc officium præconii non esse negligendum, patet ex *lege corripiendi*, quam cum Timotheo communicavit: II Timoth. IV. §. 2. Ubi præcipit Timotheo *ἐπιτιμᾶς*, id est, *argue*. In hoc opere videas strenue occupatos *Baptistam*: Matth. III. §. 7-10. & *Dominum* ipsum: Matth. XXIII. §. 13-39. Ita & *Paulus* corripuit *Galatas*: Gal. III. §. 1. & *Hebræos*: cap. V. §. 12. Huc pertinet lex in Jure Canonico. I. *distinct.* cap. XLV. Sed ob illud *In populum ira Dei desavit, cum prædicator delinquentes palpat & non corripit*.
- §. 2. *Peccatorum propositio* in opere *reprehensionis* primam facit partem. Estque vitiorum notatio, in quantum crimina affirmamus commissa, aliave officia omissa, idque cum quorundam accusatione, nempe generali.
1. *Prudentiæ* lex hic est, ut *auditorum descriptiones personales evitentur*, quia ad ædificationem non facit; sed potius animos irritat ad indignationem & pertinaciam: Vide hic & lege, quæ Bowles adducit, in *Pastore Evangelico* pag. 224. & *Hoornbeek ex Calvino*, pag. 315. Sufficit itaque, ut in genere per criteria

quædam ostendamus, *justum esse metam*, quod non omnes, qui verbum illud audiunt, a crimine isto sint immunes, dum tot extent effecta inter homines, quæ ab istis criminibus solent prodire.

II. Prohibemus etiam, dum rem per varios peccandi modos deducimus, descendere ad illos modos, quos *vulgus ignorat*, aut qui *salva castimonia non audiuntur*. Huc referimus

A. *Formulas perjurii*, & pejerationum, quæ sunt aliarum gentium, & penes nostrates non in usu; imo & eas, quæ animus pius horret audire, quia scelesti homines ipsi sibi consciï sunt, in illis se peccare.

B. Nec *furti modi varii* sunt exponendi; sufficit, ubi suspicio est homines sibi blandiri, quod *furtum* non committant, monere omnes *defraudationes* proximi, intercedentibus variis deceptionibus, rem prohibitam esse, quomocunque jus ejus violetur: nec putandum esse volenti non fieri injuriam, quando traditionis assensus extorquetur deceptionibus ac mendaciis.

C. *Muchationes* requirunt castas descriptiones, habentque species haud nominandas, ut sunt Sodomæ, & similes a cognitione communi remoti peccandi modi.

§. 3. Ea est hominum peccantium cœcitas, ut vitia sua tegere conentur, dissimulando se hoc aut illud commisisse, quando quæstio facti est; aut reatum alicujus momenti in actionibus suis perpetrasse & contraxisse, qui redargutione dignus esset, quo in casu quæstio est juris. Huc refert etiam quando sibi persuadere conantur homines, actiones suas, quibus incumbunt, esse indifferentes, imo etiam laudandæ virtutis esse effecta, quæ in iis culpantur tanquam pravi cordis vitiosæ eruptiones.

I. Circa peccata occulta, quæ non agnoscuntur commissa, regula prudentiæ observanda est, scilicet, ut arguens neminem infimulet, contentus peccati turpitudinem coram omnium conscientiiis manifestare, ut forte secum habitantes se coram Deo humiliant; nec non artes seducentis diaboli ad vivum depingere, quas mancipiis suis in consilio occultandi commissa crimina persuadet: proin hoc agit *justa convictio*, ut demonstret, artificium occultandi solidas non invenire latebras; testes adesse Deum, Angelos, conscientiam, imo ipsum diabolum, qui proditorem agit, & aliquando insurget; imo fore, ut omnes illi aliquando ipsa invadant, sive in hac vita, quod sapius fieri docet experientia in hominibus, cum conscientia rodente luctantibus; sive ad minimum in ultimo judicio, ubi Deus in lucem protrahet, quæ in tenebris commissa sunt; ad tempus qui.

quidem illos pudorem evadere, sed aliquando a Deo, iusto Iudice, illos in publicum esse protrahendos, Qui hominum astutiis decipi non potest.

II. Difficillimum est *hypocritas* ad *convictionem* perducere, unde Christus ipse dixit, meretrices & publicanos *ingressuros* præ illis *Regnum cælorum*, horum est occultare animum improbum sub externa *specie pietatis*: larvam autem istam detrahendam existimamus per examen principii, unde actiones istæ speciosæ profluere possint. Scilicet homines non placere Deo propter externas actiones imperatas cultus, displicuisse Illi in ipso opera oblationis *Cainum*, dum placuit *Habel*; nisi itaque ex consilio glorificandi Deum proveniant opera illa, omnia mortua esse: posse & ipsum diabolum *induere speciem Angeli lucis*, atque *lupos latitare sub pelle ovina*: multum valere inter homines carnales *reconditas*, & quæstionem propriæ existimationis inter homines; ita conciones frequentare, quia ex professione religionis suspensi sunt throni & sceptræ, aliæque dignitates & munera politica, nihil aliud est, quam rebus istis abuti, & studium fallendi homines, ut eos tutius lædere queas; *relinquere* nos itaque istos *homines personatos* suis conscientiis, quippe qui, si consilia & principia sua excutiant, facile observabunt, se non esse, quales videri volunt, sed revera decipere velle homines, ut proprium commodum inveniant.

III. Hic occurrunt, qui negant, *facta sua crimen habere*, idque non sub uno titulo.

A. Alii enim *facta* sua potius laudanda quam vituperanda existimant, dum vitiiis *virtutum* nomina imponunt, qui erroris convincendi sunt.

N. *Avarus*, qui *avaritiam suam parcimonie* titulo ornat, censendus est inter homines, qui etiam difficulter se convinci patiuntur, unde revocandus est ad examen conscientie per signa discretiva inter *avaritiam* & *parcimoniam*: *avari* enim esse, opes quærere in solatium metus & sollicitudinis immoderate, ne aliquando paupertatis experiatur incommoda, ita ut omnis cura terminetur in homine ipso: *parcimonie* vero esse, concredita a Deo non dilapidare; sed, ut legitimum oeconomum decet, juxta legem Dei dispensare, ut obligationibus suis faciat satis, & ad legitimæ villicationis rationes sit paratus. *Avare* est, haud læto animo sua communicare cum egenis, aut Deo solvere primitias: *parcimonie* vero, cum lætitia arripere ansam dispensationis ad utilitatem. *Avare* est ita quærendis opibus incubare, ut sibi tempus non relinquat vacandi rebus divinis, & prospiciendi necessitatibus

N.

animæ:

animæ : *parcimonia* autem non negligit quærere primum Regnum Dei. *Avaritia* est, fortunam suspendere a sua diligentia, neque in his satis respicere providentiam Dei, Cujus est studiis humanis benedicere, & rem conquistam conservare, unde reus arguitur idololatriæ : *parcimonia* vero manum Dei semper respicit largientis, & conservantis, cum obligatione legitimæ dispensationis. Hæc autem signa discretiva pathetice urgenda sunt cum obtestationibus ad conscientiam, ut ita a conscientia referant aut laudem aut vituperium, sive absolutionem aut accusationem.

- A. Simile quid experimur in hominibus *superbis*, & ad vindictam pronis, qui vitium suum sub *generositatis* nomine occultant, existimantes *generosi hominis* esse, non ferre injurias. Ubi ostendendum, illam *vindictæ* cupidinem oriri ex nimia *existimatione* sui, quasi ceteri homines nullius essent, nec nos obligati eos conservare, dum contra, veræ *generositatis* sit quemcunque proximum considerare, ut tibi non destruendus, sed conservandus est; qui te non adeo lædit, quam exercet; qui vindictæ divinæ relinquendus est, cujus est peculium, non tuo arbitrio subjiçendus : imbellis animi potius esse injurias non ferre & contemnere; veros *generosos* se hac in parte fortes præstare, atque ostendere, quod ex ratione vivant, non ex passione iracundiæ.
- B. Est & aliud hominum genus, quod actionem criminis amoliri a se conatur ex titulo rerum *indifferentium*. Ita *voluptuosi* facta sua tuentur quandoquidem ut *indifferentia* : Deum nempe & naturam hominibus concedere, ut se exhilarant, nec gratum esse Deo vitam agere melancholicam atque tristem. In ordine ad illos homines prudenter agendum est, ostendendumque, quid veri, quidve falsi istis ratiociniis subsit, illisque notandum esse, inculcare oportet, usum plurium rerum quidem esse *indifferentem* a parte rei, ast a parte utentium non posse relinqui in *indifferentia* : edere, bibere, lætari non posse esse actiones mentis imperatas legitimas, nisi fiant ex fine legitimo, scilicet ut Deum glorificemus in iis, ut ex istarum rerum usu aptiores Deo servi redamur, & alacrius ad officium nostrum revertamur : quare qui obtendunt, se rebus non abuti, sed uti, obtestandi sunt, ut intima mentis ingrediantur, seseque examinent, num ex suis lætitiis redierint alacriores ad Dei ministerium & aptiores

res ? an in ipso actu Dei non fuerint obliti ? an mentem retinuerint instructam & constantem adversus omnes tentationes , ut non fuerit soluta & impos reddita servandis obligationibus , ut linguam servaverit a pejorationibus , passionem iracundiæ a furoribus , litigiis , castum hoc corpus a tentationibus venereis ; num ex voluptate an ex ratione omnia ista quaesiverint ? sane , nisi in hora lætitiæ istæ conditiones fuerint observatæ , neminem se exulare posse , quod voluptatis , non rationis dictamina secutus fuerit , id est , brutum egerit non Christianum. Nota præprimis , idem quoque observandum esse circa luxum vestium ; materia hæc admodum delicata est , ut non nisi prudenter sub *superbiæ* titulo venire debeat , quare , quando illi arguuntur , curandum est reprehensori , ut sub formali vitiositatis potius adverterius hoc malum insurgat , distinguendo usum vestimentorum ab abusu : data enim esse ad obvelandum pudorem & ad defensionem adversus injurias aeris ; verum & illis accedere , quod habeant notam distinctionis inter homines variæ vocationis & dignitatis , qui usus ultimus efficit , ut ordo in mundo conservetur ; ita enim vir honestus & auctoritate pollens , a scelestis agnitus , illis frenum est ad insolentiam cohibendam , quæ magna in mundo utilitas est : proinde luxus titulo non venit simplex in vestibus ornatus pro dignitate conditionis cujuscunque ; sed qui in alienum finem adhibet , qui nimirum ista in vestitu se existimat ceteris suis conservis , sub Deo constitutis , longe digniorem ; ita ut ab externa ista conditione judicium suum omne de supereminencia suspendat , proximum contemnat , se ab obligatione omni divina inde ab eo absolvat , quasi nihil illi cum homine paupere esset commune. Itaque animus hominis examinandus est , num se ab externa ista conditione non ultra modum extollat , in quo solum vitium *superbiæ* est.

IV. Attingimus hic *peccata extenuata* , quæ non sunt unius ejusdemque ordinis.

A. *Crimen elevat* , qui culpam in socium conjiciunt , atque ita reatum a se ex parte amoliri conantur , quod primi parentis studium fuit , culpam a se admissam imputantis uxori : Genes. 111. ̳. 12. Sic & Judæi , cum *Judas Iscariotes* mercedem proditoris reddere vellet , eam recipere renuentes , respondent proditori , *Quid ad nos , tu videris* : Matth. xxvii. ̳. 4. Hic exaggeratio ostendere conatur , quod qui veniens in partem criminis , consensum suum dederit , se quoque reum totius facti fecerit , imo hominem fieri participem criminis , qui ad ea simpliciter tacet , ita ut tacendo approbare videatur ,

tur, ut proinde reatu se implicatum sua culpa, suo neglectu negare non possit, neque ex isto titulo sibi minns meritum fuisse, persuadere queat.

B. Qui in re parvi momenti leviter tantum erratum fuisse obtinent, illi errant

N. Aliquando in iudicio, *gravia pro levibus* censentes, atque tunc error commissus pro meritis *exaggerandus* est eo modo, quo in textu dicitur. Ubi siquidem ex *Etbica gentilium* aliquid adducitur, quod gravitatem facti exaggerat, miræ cœcitatæ arguendi sunt, qui, in media luce *Christianismi* versantes, ne quidem didicerunt ex vero censere, quod vel *gentiles* ex solo lumine conscientię censuisse ex eorum sententiis constat.

J. Quod si vero *peccatum* revera censeretur inter *minora legis*, ostendendum, etiam transgressionem *minorum peccatorum* continere violationem *legis*, contemptum Legislatoris, & læsionem bonæ conscientię, adeo ut nisi pœnitentia intercedat, reus sit habendus abolitæ *legis*, & excludendus ex Regno Christi: Matth. v. *ŷ*. 19. Imo indulgentia sui in *minimis peccatis* arguit omnem obedientiam in gravioribus præceptis *legis* non esse genuinam, id est, non profluxisse ex animi subiectione, sub voluntate divina, sed potius *ex conspiciunt*, qui enim ne minima quidem facit propter voluntatem divinam, is ne quidem maxima curat propter eandem, tantum enim valeret consideratio voluntatis divinæ in minimis, quantum in maximis. Habent ergo cetera omnia officia, quæ fecisse videntur, rationem alienam, quia ob fructum aliquem carnalem peccant, non quia voluntas Dei placet.

V. Ad titulum *peccatorum extenuatorum* etiam spectant, quæ *imbecillitatis* titulo excusantur. Causari enim solent homines, suis concupiscentiis incubantes, labi non solum humanum esse, sed ne quidem a conditione veri fidelis censendum esse alienum; inveniri in Sacris exempla factorum, qui similem in modum aberrarunt; verum cum istæ accusationes tendant ad socordiam, revocandæ sunt illæ ad examen characterum, distinguendum peccata *imbecillitatis* a *peccatis dominantibus*: scilicet *duo cum faciunt idem, non sunt idem*, longe aliter impingere fideles sanctificatos, ac peccant mancipia peccati: provocandi itaque sunt, ut animum ingrediantur, *consilium* introspeciant: fideles nunquam ista sequi deliberato consilio, superatos vero a peccato multis cogitationibus & consultationibus sibi struere viam ad

ma-

malum: sanctificatorum esse, post factum, factum condemnare, exinde contristari, in posterum a recidiva sibi cavere, omnemque ansam seductionis, quantum fieri potest, evitare; tunc ergo audes te componere cum hisce laplantibus, qui ista crimina perpetrare soles *deliberato consilio*, inque iis omnem invenis *animi delectationem*, qui & postea *memoriam sceleris* cum *gaudio* reficere soles? sane qui cum Davide ex imbecillitate castimoniam non servavit, cum Davide lugeat, coram Deo se humiliet, factum detestetur, & gratiam sanantem ac concupiscentiam insitam mortificantem, non sine lacrymis imploret.

VI. *Peccata communia* vocantur a nobis, quæ ex consuetudine quasi callum animo obducunt, & hic a nobis enumerantur tanquam triplicis ordinis.

A. Vitium *seculi* nobis dicitur, quo aliquando totum *seculum* laborat, ita olim obtinuit polygamia inter Judæos æque ac inter gentes; ita ut & ejus rei fuerint patriarchæ Abrahamus & Jacobus. Singularis aliqua supinitas rerum divinarum occupaverat primum orbem, diluvio postmodum extinctum, sic comminatur nobis seculum supinitatis ferax, cum alta pace frueretur orbis.

B. Vitium *nationis* sive *gentis* est, quod maximam *gentis* singularis partem occupat. Ita *Arabes* jam olim notati sunt ut vitam agentes ex prædis & latrociniiis: *Cretenses* describuntur ex Epimenide ut semper *mendaces* & *inertes*: Tit. i. §. 13. Culparunt veteres in *Jonibus* quod luxui essent addicti, habentque se ista *peccata* instar morbi epidemici, quibus solidum opponendum est remedium: *probro est nationibus peccatum*, dixit Parœmiastes: Proverb. xiv. §. 34. Ita *durities cordis* & *hypocrisis* obijciuntur *Judeis*: Deut. ix. §. 6. & passim a Prophetis: contemptus Evangelii, & neglectus attentionis ad miracula Christi civibus *Chorazin* & *Bethsaida* obijcitur a Domino: Matth. xi. §. 21.

C. Vitium *Vocationis* est, quod cuilibet conditioni fere domesticum est ac familiare; atque adeo ægerrime ab ea avellitur. Sic *Rachab canpna* & *prostituta* synonymice dicitur: Jos. ii. §. 1. & Jacob. ii. §. 25. Prout &  utramque gerit significationem, quia corporis quæstus id genus mulierculis solemnis ac prope familiaris erat: ubi notandum, hoc vitæ genus, quando citra crimen exerceri nequeat, simul ac semel penitus abijciendum & ejurandum esse; sin minus, defecandum honesteque colendum, etiamsi in se sit vilius & minus honorabile.

In genere notandum, *peccata* ista taxari diebus supplicatoriis ad justificationem iudiciorum Dei, quæ deprecanda veniunt, ac proinde potissimum exaggerari ex *contumacia*, tanquam nota animi incorrigibilis; unde aggerantur,

- N. Ut continuata adversus tot *fraternas* & *ex Verbo Dei depromptas admonitiones*, quas illudunt, Verbo isti non obsecundantes; adeo ut conjuncta sint cum *contemptu Verbi divini*, quod reatum contractum auget.
3. *Contumaciam* adhærere adversus *paternas Dei castigationes*, nonnunquam *sepius iteratas*. Qua occasione infortunia, & tristiora fata temporum quorundam anteriorum recensentur, ut nempe Deus castigaverit populum peste, annona caritate, diluviis, incendiis, bellorumque vastationibus, quas negligere insignioris perviciæ nota est justumque facit metum, fore, ut Deus irriteretur ad finem faciendum populo incorrigibili.
2. Interposuisse quidem Deum alcedonia, sed ex *singulari longanimitate & bonitate* profecta; quæ etiam ad conversionem invitant, quibus tamen abusi sunt *peccatores* ad socordiam altumque soporem, ita ut etiam beneficia ista frustra fuerint impensa, quo pede si pergant, non poterit non Deus aliquando abrumpere *tolerantiam* suam.
7. Præprimis dum *media fortunæ*, quæ *clementia divina* adhuc suppeditat, rapiuntur in arma injustitiæ, atque convertuntur adversus Deum ipsum, benignissimum horum *Largitorem*, ita ut cœlo ipsi bellum inferre armis perfidiæ videantur contumaces; quid autem boni sibi inde spondere queant homines resipiscere nescii, ipsi secum statuunt.
5. 4. *Dehortatio* tertia pars erit *reprehensionis*, cujus est, dissuadere turpissimum vitæ genus, & convictos ducere consilio, quo facilius a criminibus notatis abstineant. Ejusmodi *dehortationes* in Sacris occurrunt plurimæ, quibus monentur aberrantes, ut ab hoc, illove peccato desistant. V. C. Ab *ebrietate*: Ephes. v. 18. A *profanitate*: Heb. xii. 16. Ab *infideli corde*: Heb. iii. 12. &c. Modus autem variat pro quadruplici peccantium genere: *peccator* enim notatur,
 - I. Ut *simplex* & ex *inconsiderantia lapsus*, qui facile in malum pellicitur, & artibus seducitur; unde comparatur cum *columba fœva*: Hos. vii. 11. Auditque פתה: Proverb. xx. 19. Qui *bovis instar ad lanienam ducitur*: Proverb. vii. 22. Qualis si occurrat, commiseratione dignus est, & juxta præceptum Pauli,

Pauli: Gal. vi. v. i. Ut preoccupatus in aliqua offensa, lenitatis spiritu restaurandus sit.

- II. Ut *relapsus*, qui recidivam patitur, hujus conditio priori deterior & periculosior est; id genus peccati in Sacris dicitur *יב דבאפח*, id est, quasi bis tinctum: Jes. i. *פ*. 18. Eo quod difficulter diluitur, unde talis etiam rigidius tractandus est, illique sæpius iteranda & inculcanda est serior & acrior *יציב פניו*.
- III. Ut *versutus*, qui crimina negat, dissimulat, aut extenuat. Talis autem multo difficiliter expugnatur, quippe qui variis, quæ potest, obniti solet technis, quare in eo lucrificando major requiritur solertia, partim in *convictione*, ut vidimus, partim etiam in *dissuasi*one; ostendendo desperatum esse studium occultandi aut dissimulandi, cum Deus *קאדיאנר* rem & rei pondus teneat, judicaturus secundum legem suam.
- IV. Ut *prævaricator maliciosus* ac *profligatus*, qui omnem admonitionem ridet, unde *refractarius* dicitur *elata manu* peccare: Num. xv. *פ*. 30. Auditque in Sacra Scriptura homo *improbus*, *canis*, *porcus*: Matth. v. *פ*. 6.
- §. 5. Secundum istas differentias *peccatorum motiva* sunt moderanda & accommodanda. *Motiva* autem nobis dicuntur rationes, ad *dissuadendum valida*, & ad *conversionem* promovendam admotæ.
- I. *Simplex dissuasio*, quæ hic attingitur, conducit, ubi *peccator simplex* consideratur ex inconsiderantia seductus, aut homo *fidelis* ex imbecillitate carnis lapsus.
- Vis argumentorum, quibus eo in casu utimur, præprimis procedit a *consequentibus peccati pœnitendis*, si in iis pergant & ab incepto non desistant; fieri enim non posse, quin aliquando, *evigilante conscientia*, ipsos *pœniteat facti*, & experiantur in se dolores *pœnitentiæ*; non enim patere reditum ad Deum nisi per portam *pœnitentiæ* sub doloribus & anxietatibus, a conscientia evigilante infligendis.
- A. Multum valet argumentum a *vanitate operis*; scilicet sub peccato ejusque servitute multos & molestos esse labores, qui vel hoc ipsum corpus enervant mortemque festinant; nil enim aliud agere *intemperantes*, quam ut crapula, commestrationibus & illicita venere vires corporis exhauriant & enervent agitenturque perpetuis motibus & laboribus: *avaros* noctes atque dies emaciare hoc corpus insuperandis laboribus ad divitias conquirendas, & infinitis curis ac sollicitudinibus ad eas conservandas: *ambitiosos* agitari, ut omnes aulas perrumpant, & studio hominibus placendi sint occupatissimi. *Fructum* vero si inspicias horum omnium, nihil præ-

præstare tantos labores, quod ad satietatem animi facere possit, reperies: his omnibus convenit sententia, quæ exstat Lib. I. *Faster*, Ovid. *ψ*. 216.

Quo plus sunt potæ, plus sitiuntur aquæ.

Concupiscentiarum omnium lex est, plus ultra; præterquam quod se incerta spe lactare non possint, pluribus denegatur finis, ut frustra laboraverint; plurimi destituuntur fructu, cum ad metam pervenisse putarunt, propter inopinam mortem: Luc. XII. *ψ*. 20. Plurimos deserunt, quando sibi fructus spondebant: *avarus* experitur maximo cum tædio divitiarum inconstantiam: *ambiciosus* mutabilem Principum animum & inconstantes amores: *voluptuosus* morbos torquentes, ipsumque ad ulteriores voluptates ineptum reddentes: quare stolidum est, si quis *tanti* pœnitere velit emere, cum omnium istorum studiorum eventus sit, magnis moliminibus magnas nugas agere.

B. Stringit etiam maxime apud homines simpliciter, aut ex imbecillitate peccantes, quorum animus nondum occalluit, neglectus melioris & solidioris fructus; ea enim est peccati natura, ut, nisi quis resipiscat & mature redeat,

N. Hominem occupet tantis negotiis, ut illi ad meliora curanda non supersit tempus, *Nemo enim potest duobus Dominis servire*: juxta Matth. VI. *ψ*. 24. Præsertim cum oppositorum non possit esse simultaneum studium; dum enim *avarus*, aut *intemperans*, vel etiam *ambiciosus* versatur in re mala, revera opponit se Deo, solidioris boni Largitori, adeoque fontem illum occludit: quomodo autem fieri potest, ut hunc hominem non aliquando pœniteat facti, quando sero animadvertet, dum rebus externis quærendis erat occupatus & intentus, quod neglexerit solidiora bona, miseramque animam necessariis & in æternum duraturis bonis destitutam reliquerit: merito illi in memoriam revocamus dictum Christi: Matth. XVI. *ψ*. 26. *Quid enim prodest cuipiam, si totum mundum lucratus fuerit, anima vero sua mulctetur?*

2. Adde, quod & hominem destituat fiducia accedendi ad Deum: mens enim sibi conscia male facti observat læsam esse conscientiam, adeo ut animus sistendi se coram Deo multis modis infringatur.

Tunc enim, qui te concupiscentiarum servum facis, atque nondum resipiscis, audes Deum compellere ut Amicum, Quem tamen tractas ut Inimicum, Cui te ut rebellem



cis, ut decus adstituens; verum nostine nomen nihil esse sine rei veritate? quid *dignitatis* est, isto titulo gaudere, si re ipsa sis destitutus? *Christianus* est discipulus *Christi*, edoctus, quod, qui *Christi nomen nominet*, *desistere debeat ab omni peccato*: quid ergo hoc vitæ genus in te confert? quam ut sis macula *Christianismi*, membrum mortuum, nisi ad præceptum *Christi* illas *concupiscentias* abneges & abjures.

- C. *Contra peculiarem obligationem peccare monendus est.* Scilicet cum quilibet *Christianus* sacramento obligatus sit, & rejurando susceperit fœdus cum obligatione *deponendi peccata & mortificandi concupiscentias*: nonne te *perfidum* exhibes erga Deum & Christum, qui ad stipulationem tuam non præstas, & non conaris subigere hanc tuam *concupiscentiam*? nonne te *pudet*, homo, Deum fallere, aut perjuriis Ejus majestatem violare, atque ita contractum reatum eum in modum augere? nescilne Deum esse *Vindicem perjurii* inter homines, nonne etiam multo magis erit, si *perjurus* inveniaris adversus Ipsum?
- D. *Meritum divina gratiæ* continet in se obligationem novam ad *mortificationem concupiscentiarum*, & studium *resipiscentiæ*, respicitque *divina gratia* partim opus redemptionis *Christi*, partim opus *Spiritus Sancti* sanctificantis, atque similem in modum invehere hic possumus. Tunc in isto vitæ genere tibi spondere adhuc potes, vel audes participationem *meritorum & sanguinis Christi*? putasne Sanctum illum Pontificem, Qui *sanguinem suum* sudit ad remissionem *peccatorum*, tibi acquisivisse peccandi licentiam? Qui suo sacrificio Deum placavit, tibi reliquisse Deum offendendi potestatem? Tunc existimas hoc corpus tuum simul esse posse templum *Spiritus Sancti* & lupanar voluptatis, aut cohabitare in uno posse *Spiritum Dei* & genium illum pravam, cujus dictamina sequeris? taliane rependes *Christo Redemptori & Spiritui Sancto Sanctificatori*? ne te fallat animus, *Christi sanguinem* conculcat, qui Christum facit Ministrum peccati; *beneficia gratiæ* sunt tantum iis parata, qui non secundum carnem, sed secundum *Spiritum* ambulant: ceteri omnes, nisi *resipiscant* non *hereditabunt Regnum celorum*.
- E. *Gloria summi Numinis*, ubi consideratur ut *neglecta & violata* a peccatore, etiam vim habet *dissuadendi*. Qui sibi itaque persuadent, in isto vitæ genere non tantum crimen esse, sciant, ipsos in causa esse, cur *nomen Dei* blasphemetur *inter gentes*, quasi *Christianorum Deus* non esset tanta *sanctitatis*, ut vitia illa condemnet cum aversione animi ultima,

immo quasi *Patronus* esset minorum criminum, qui tamen nihil *impuri* coram oculis suis ferre potest: aut num ipse tibi persuades, talia qui faciunt, Deo reddere fructum suum, & conservare decus ipsius? o cæcas hominum mentes.

- F. *Adificatio proximi nobis commendata*, in quantum violatur a quocunque peccato, etiam ad *pudefactionem* facit, hunc fere in modum.

Tenesne multis te offendiculo esse, multos offendere, & ita retrahere ab incepto cursu? qui aliis exemplum debes *castitatis*, ipse alios ad eandem consuetudinem impuritatis provocas; *proxeneta* diaboli factus, qui abstrahis peculium Christi, ut tecum sub Regno tenebrarum militet; quos non criminum *socios* tibi adstringis? qui se Deo, ejusque ministerio subtrahentes, voluptatibus aliisque carnis affectibus subjiciunt: hocce est animas lucrificare Christo, & aberrantes reducere ad Regnum Dei, aut peculium Dei instruere ad debitum Deo ministerium?

- III. Tertius modus *dissuadendi* locum habet circa peccatores *profligatos* & *refractarios*; ubi

A. *Comminationes* adhibentur ex Sacris depromptæ, sicuti Christus, Matth. XXI. Multis *phariseorum* vitiis *væ* suum intentavit, & Moses *catalogum maledictionum* fecit, quæ certis peccatoribus a Deo, justo Vindice, essent infligendæ. Hunc in finem colligenda sunt dicta Scripturæ plura, quæ nexum inter peccata specialia & pœnas promeritas exponunt; *exempla* etiam *punitorum scelerum* in personis & nationibus, certo modo delinquentibus, collecta invenies in *Promptuario Hondorsii*, aliisque harum rerum *Collectoriis*.

B. Verum eleganti modo nonnunquam pro deploratis ablegantur *peccatores*, quos concipimus elata manu spernere Verbum Dei. Ita eleganter agit *Ecclesiastes* sub finem cap. XI. cum *juventute profana* nihilque attendente, quando ait: *Lætare juvenis in juvenia tua, & exbilet te animus tuus diebus juventutis tuæ, denique perge in viis animi tui & aspectibus oculorum tuorum: sed cognosce fore, ut propter omnia hæc adducat te Deus Ipse in judicium.* In quo rejiciendi modo singularis aculeus est ad excitandam conscientiam hominis obliopitam,

- S. 6. Transit hic paragraphus jam ad secundum *dissuasionis* modum, qui fieri solet, suppeditando *consilia salutaria* in vitiorum *remedia*; quæ enim erunt in *usu admonitionis media*, ea nunc dicuntur *remedia*, quia tanquam *pharmaca* in medicina morbis expellendis valent. Agitur

tur enim hic jam de vitiis eliminandis, & concupiscentiis mortificandis. Ista remedia autem

- I. Respiciunt causas vitiorum, quibus sublatis, spondemus nobis, cessaturos effectus. V. G. Quia insatiabile avaritiæ desiderium ut plurimum oritur ex præpostero paupertatis metu, consilium jubet, ut, qui concupiscentiam istam feliciter mortificare velit, illi hoc pabulum subtrahat, quod est in futura egestatis metu; hunc animi affectum rogandus est, ut exuat, quippe qui omnem fiduciam in Deum subvertit: officii nostri esse, sollicitudinem illam carnalem exuere, atque omnem statum nostrum in futuro Deo commendare, præprimis quia metus ille nos pellit ad frustraneum medium; nihil enim esse in nostra potestate, ut avertamus, si Deus vel aliquando velit nos ad illam luctam vocare, & paupertate animum nostrum explorare &c.
 - II. Occasiones, quæ tentationibus ansam præbent, jubent nos memores esse quotidianæ orationis, *Ne nos inducas in tentationem*. Cui ergo animus est, vitium sibi inhærens fugiendi, oportet ut in animum inducat vitare, quantum potest, *tentationum scholas & theatra, eaque omnia*, quæ concupiscentias in nobis excitare solent. Ut itaque ebrietati addictus frequentationes societatum fugiat, ubi quisquis solet magnis urgere poculis & torquere mero: qui impuros motus veneris extinguere cupit, scortorum cubilia non ingrediatur, non foveat oculos impuro conspectu, eosque non pascat rebus motus irregulares excitantibus &c.
- §. 7. Deliberatur hic, quomodo campus tam late apertus iterum sit coarctandus, ne putet ecclesiastes sibi per omnia ista capita esse percurrendum: atque adeo duplex ratio proponitur restrictionis.
- I. Si reprehensio sequatur basin textus prolixioris, ubi multitudo rerum pertractatarum jubet vela contrahere, non admittimus motiva aut consilia, præter ea, quæ ex textus ipsius visceribus profluunt, atque ita per regulam subordinationis in hunc usum fuerant reservata.
 - II. Si vero scopus primarius sit peccatum aliquod impugnare, jubemus etiam, ut ratio habeatur variæ conditionis auditorum, atque secundum istum eorum statum argumenta proferamus, non omnia, quæ possumus; sed quæ conditio peccantium flagitat, secundum tres classes, paragrafo quinto notatas.
- §. 8. I. Reprehensio debet libera esse, tum a metu, tum a *προσωποληψία*.
- A. A metu, ut non vereatur minister Dei hominum iras, aut oppositiones: exigit enim Verbum Dei, ut reprehensor omnem pusillanimitatem exuens, dicat, quod res est: Jerem. I. 8. Levit. XIX. 17. Esai. LVIII. 1. Dictumque Dei notandum est: Ezech. III. 5. *Si non admonueris peccatorem,*

*in peccato suo morietur at sanguinem ejus a manu tua re-
poscam. Spiritus Dei, qui in veris pastoribus operatur, non est
Spiritus formidinis, sed roboris & charitatis & sanitatis ani-
mi: 11 Tim. I. 7.*

B. Neque id faciendum cum *προσποληψία*, sed in omnia vitia,
etiamsi in Rege, aut Superioribus conspicua, præconi Verbi
Dei insurgendum est, non quod subjecta vitiorum sint no-
tand, a id enim & alibi monuimus non ædificare, sed irritare;
sed quod peccata non sint elevanda, quia in Viris conspi-
cuis dominium obtinent, susque deque habendus est pecca-
tor, sive tibi benefecerit, seu secus; non enim debet Vir
Dei palpare aliquem propter panem: confer Ezech. xiii. 7.
9-23. & xxii. 28. Adulatoris & parasiti est demulcere
& delinire Magnates, a quibus commoda sperat; hinc ne
quidem Regibus pepercere Prophetæ: 11 Sam. xii. 1. Et
elegantè Gregorius in pastorali part. ii. Cap. iv. *Sæpe nam-
que Rectores improvidi, humanam amittere gratiam formidan-
tes, loqui libere recta pertimescunt, & juxta veritatis vocem
nequaquam jam gregis custodiæ pastorum studio, sed mercena-
riorum vice deserviunt: quia veniente lupo fugiunt, dum se sub
silentio abscondunt.*

II. Quod debeat ex animo profluere. Scilicet ut sentiat, qui arguitur,
ex amore proficisci redargutionem, ita fiet, ut aures ejus facilius
recludantur, & ut peccator, in verbo medicinam animadver-
tens illud promptius admittat. Deus enim ipse postulavit cor-
reptionem ut amoris fructum: Lev. xix. 17, 18. Atque negle-
ctum correptionis denotavit, ut effectum odii: quod non solum
obtinet inter pares, verum præprimis in pastore, qui gregi suo
amorem debet ante omnia. Addamus hisce elegantissimum con-
siliū Calvinī ad Loc. 11 Tim. iv. 2. Ubi *objurgationes*, in-
quit, *faciendæ sunt, summa lenitas adhibenda est, ut intelligat
auditor, agi de mera ejus salute. Nam qui acerbius increpat, vi-
detur & odisse, & stomachum petulantius velle effundere; præ-
terea nihil difficilius est, quam ubi incalvimus, modum ponere no-
stro fervori: jam vero ubi nos capis impatientia, sine profectu con-
tendimus; præterquam enim quod ludibrio est nostra asperitas, etiam
irritat populi animos.*

III. Tertia conditio exigit, ut tamen per illam lenitatem reprehensio
non destituatur debito affectu: non enim debet frigida esse repre-
hensio, sed spirare

A. *Animum serium*, qui non sit omni zelo destitutus. Silice:
rem divinam se agere concionator ostendere debet ad præ-
standum officium, ut se servet immunem a sanguine pec-
cato-

catoris, ut & proinde interferatur hic inde aculeus, quo excitetur conscientia obsoleta. *Urit & secat Medicus aliquoties, & membrum integrum deperdit, sed in hunc finem, ut omnia sanet & servet*, ut eleganter loquitur Bucerus ad locum II Cor. x. *ψ*. 8.

- B. *Gravitas* servatur, quando, quæ aculeum sapiunt, non sapiunt nostrum genium, sed continent *verba Spiritus Sancti*, ne homines existiment, nos ostentationis causa ex musca facere elephantem, aut nimis exaggerare communes naturæ humanæ nævos; solent enim alias homines ista tribuere nimio rerum exaggerandarum studio, ut omnem intonationem facundiæ existiment effectum esse, non autem *divini fori* pronunciatum.

IV. Hic quædam fugienda notantur, & quidem

- A. Omnis *excandescencia*, quæ non servat modum *lenitatis*, non enim hic locum habet ira, sed *συμπάθεια*.

- B. *Vociferatio* agrestis & rustica. Quæ mihi nihil aliud est, quam incondita comminationum divinarum inculcatio, ut nihil nisi fulmina loqui videantur, & terriculamenta infernalium, quasi vellent omnem emergendi spem eripere iis, quos corripiunt; cum nostri instituti non sit execrandam peccatoris conditionem oculis subicere, ut eum a Deo absterreamus, sed ut, cum se maledictioni obnoxium sentiat, ad Christum ocius festinet; languesceret enim tam desiderium, quam conatus ad meliorem conditionem perveniendi, nisi relinquatur spes aliqua. Ita enim corripuit Ezras. cap. x. *ψ*. 2. *Nos prævaricati sumus in Deum nostrum..... Sed nunc est, quod Israel speret hac in re. Vitium*, quod notamus, olim obtinuit in monachis, & qui ex eorum ordine transfierant ad ecclesiam Reformatam in initio, qui, cum plebem sentirent aliquando delectari *rusticis illis vociferationibus*, cum ceterum rudes essent disciplinarum, templa solebant adimplere istis clamoribus, & utinam illud vitium non adhæreret imperitis quibusdam concionatoribus, qui se rem strenue gessisse existimant, quando hac in parte assensum vulgi impetrarunt! scilicet isti audiunt *legis prædicatores, tonitruum filii*, cum allusione ad vocem *Βοῶντος*. Verum hos notavit etiam antehac Zepperus Lib. II. de *Polit. Eccles.* cap. XII. dicens: *Legem Evangelice prædicandam esse. Nullus*, porro inquit, *existimet debitum in redargutionibus, vel correptionibus zelum non adhiberi, nisi vociferationibus, boationibus, tumultuationibus omnia in sacro oratorio repleantur; aut calumniæ, convitia, diræ, & execrationes,*
e sug.

e suggesta, plenis buccis evomantur, legis vigor talis exseratur, qui confestim in anathemata desinat, & qui, vel in doctrina, vel in vita exorbitarunt, Satanae illico tradantur & infernali igni adjudicentur. In Ecclesia enim Christiana lex non tam legaliter prædicari debet, quam Evangelice. Hactenus ille; vult itaque non tam ex æternæ damnationis comminationibus, quam ex inculcatione & pleno quasi gustu gratiæ Dei in Christo protrahendos esse homines; id enim duntaxat peragi debet, ut sentiant auditores, quos gehennalis ignis reos peragimus, eosdem nos cupere ab eo periculo liberatos, & quos sub ira Dei adhuc manere conclusos veremur, cupere ut ad Deum, in Christo placatum, adducantur; unde eleganter dictum fuit ab aliquo. Egregium concionatorem laborare, ut amarescat peccatum, quo ipse dulcescat Christus.

- G. Tandem sequitur *scurrilis levitas*, in qua homines parum pii aliquando elegantiam constituunt, dum a trivio desumta, licet parum honesta, objiciunt. Verum ista valde opposita sunt conditioni secundæ & tertiæ, atque adeo proscribenda. Concludo hoc caput verbis Calvini ad locum I Cor. II. ̳. 4. *Sunt multi clamosi reprehensores, qui in vitia declamitando, vel potius fulminando, mirum zeli ardorem præ se ferunt, interea ipsi securi, ut videantur per lusum latera & guttur exercere velle. Ast pii pastoris est, flere secum priusquam alios ad fletum provocet, & plus apud se retinere doloris, quam aliis faciat.*

C A P. XI.

D E A D H O R T A T I O N E.

- S. I. I. *Adbortatio* est Christianorum, ad quaecunque virtutis exercitium manuductio, qua etiam usi fuerunt Apostoli: Ephes. v. ̳. 17. Hebr. III. ̳. 13. & x. ̳. 22.
- II. *Objectum*, circa quod hæc pars concionis versatur, est unumquodque lege præscriptum officium, seu qualiscunque virtus ad praxin revocanda.
- III. *Finis* est, ut homo ad Deum revocetur, & in studio sanctificationis legitimique certaminis, magis magisque promoveatur, quare probe attendendum est, *adhortationem* curare officia, quæ respondent beneficiis *regenerationis, sanctificationis & conservationis.*

- A. Respectu *regenerationis* exigit *usus adhortationis* praxin *resipiscentiæ*, aut *fidei*, quibus fit transitus ex statu peccati in statum gratiæ, utraque enim in fœderis gratiæ stipulatione continetur, utriusque obligatio per adstipulationem suscipitur, adeoque per utriusque praxin homo in fœdus gratiæ transit, & peccator cum Deo conciliatur.
- B. Respectu *sanctificationis* exigit *usus adhortationis* omnes *fidei* & *resipiscentiæ fructus*, sive officia pietatis erga Deum; curæ mentis & corporis; nec non temperantiæ erga nosmet ipsos; nec non iustitiæ & amoris erga proximum; in qua triplici relatione omnes virtutes, *fidem* & *resipiscentiam* consequentes, continentur.
- C. Respectu vero gratiæ *conservationis*, *adhortatio* dirigit Christianum in certamine spirituali, ut instructus ad militiam spirituales, adversus diabolum, mundum & carnem prodeat; &, ubi deceptus in graviores lapsus incidit, ad praxin secundæ *resipiscentiæ* inducatur.
- IV. Ne vero materia tyronibus desit, hic legere oportet *Juris naturalis*
- A. *Scriptores*, qui officia humana ex primis obligationis principis derivant, inter quos videndus est *Grotius de Jure Belli & Pacis* cum suis castigationsibus & animadversionibus.
- B. Deinde videndi sunt *Ethici* probatissimi: horum est virtutum naturas exponere, ubi commendamus *Geulinxium*, & *Mori Enchiridium Ethicum*: præprimis, quæ doctissimus Angelus *Gaile de Philosophia antiquorum* notavit, lectu dignissima sunt.
- C. Tertio loco occurrunt *Thesauri alphabetici* in consilium adhibendi, qui materiam theologicam ad titulos congegesserunt, quales sunt *Ravanelli Bibliotheca*, & *Suiceri Thesaurus*, qui sub suis titulis elegantissima Patrum Græcorum ratiocinia magno collegit labore.
- D. Addere licet *casuum conscientie* scriptores, & *Theologos practicos*, inter quos Latine *Hoornbeekii* labores, & lingua vernacula *Wittewrongelii æconomiam sacram* commendamus.
- §. 2. I. Primum opus *adhortationis* consistit in *officiorum propositione*, quæ, aut ad quid nos ducat obligatio nostra, exponit, aut ex textus applicatione repetit.
- II. Ante omnia curandum, ut præter *materiale virtutis* etiam *ejus formale propositionem officii* ingrediatur. Per *materiale virtutis* intelligo eas actiones, quæ effectum præstant. ¶ C. Opera externa *misericordie*, qualia sunt, ægros visitare, pauperibus eleemosynas dare &c. Uti etiam opera externa *pietatis*, quæ ab
- Asce-

Asceticis observantur: uti sunt certis horis preces recitare, Verbum Dei constituto tempore legere, publicis concionibus interesse &c. quæ cum fieri possint etiam ab hypocritis sine ullo vero agendi principio, oportet, ut & suum *formale* adjiciatur, cujus erit formare justum agendi principium, nec non finem & scopum; attendendum enim est ad receptam bonorum operum definitionem, quæ veras virtutis operationes tribus includit conditionibus.

Prior est, ut fiant τὰ τὰ ὅπου nec plus, nec minus. Verum accedere debet, ut ea fiant, quæ

Secunda conditio est, non ad propriam famam aut gloriam nobis comparandam, sed ad *gloriam Dei*; nec non, quæ

Tertia conditio est, *ex fide* in sanguinem Christi, sine qua impossibile est Deo grata præstare. Habent ergo duæ istæ ultimæ considerationes eam in virtutem influentiam, ut quasi animam & vitam ejus constituent; sine illis enim opera illa externa conferenda sunt cum actionibus automati, quod non ex principio vitæ agit, sed ex artificio humano, rotis quibusdam aliisve instrumentis motus mimicos producendo.

A. *Prudentia* hic potissimum tria respicit præcepta.

1. Ἀδιάφορα discernere a necessariis. *Necessaria* appellamus; quæ sunt æternæ obligationis, ita ut iis subsit virtus, cujus carentia facit vitium: ἀδιάφορα autem sunt, quæ fieri possunt sine crimine, vel etiam omitti, ut in iis sit libera mentis electio secundum libertatem Christianam. Inter ἀδιάφορα numeramus,

- a. Quæ ad usum rerum creaturarum spectant, victus & amictus; ubi lex tantummodo prohibet intemperantiam. Ita licet edere & bibere, quæ manus Dei offert, nullo habito rerum discrimine: idem de vestibus, & quoad materiam & figuram statuendum est: caute ergo progredi debet concionator, ne, quæ cum libertate Christiana fieri possunt, temere perstringat ultra leges Dei. Sic non omnia convivia hilaria, non omnis ornatus in vestibus corripitur debet, sed potissimum in propositione officii observandum est, quod rebus indifferentibus indifferenter uti non possit Christianus; edendum & bibendum ipsi esse ad gloriam Dei, rebus utendum esse, ut aptior evadat Dei servus, ut mentem effceminatam non reddamus, sed eam adversus omnes tentationes firmatam retineamus; inter edendum & bibendum cor non esse aggravandum: atque idem de amictu statuendum est, ejus usus est non tantum pu-

denda obtegere, corpus ut organum mentis adversus injurias aeris tueri, sed & singularis status dignitatis in mundo ex eo cognoscitur, quibus tamen ea cum mentis ac animi humilitate uti debemus, ut propterea non despiciamus pauperes, ut infra nos constitutos: quare si animus humilis & officium suum erga proximum observans habeat amictum magis ornatum, ita ut abinde animus superbiam non concipiat, utitur is libertate Christiana, & tuetur illam dignitatem, quæ frenum injicit scelestis.

- A. Alia vero spectant ad subsidia *devotionis*, quæ etiam eliguntur cum libertate Christiana pro cujusvis hominis ingenio & conditione. Ita V. C. qui ad certas diei horas, certisque cum gestibus adstringunt se precibus, aliisque exercitiis pietatis, illi possunt salva libertate sibi hac in parte consulere: ast alienum foret, omnes homines, omni tempore, iisdem subsidiis devotionis adstringere velle, hoc enim foret placita nostra potius, quam Dei, tradere, & laqueum injicere hominum conscientis, cum cuique relictum sit, de iis statuere, prout devotionem suam magis excitare potest. Bene monet Vir probus, atque pius D. Martinus: CAP. VI. *Prax. concionand. rudim.* §. 25. „Jugum Domini non esse confringendum, aut ab „hominibus tollendum, sed ad illud homines diser- „te & cum fervore invitandos esse: attamen suave „illud ac leve jugum non est immutandum in durum „ac legale, imo legali gravius, nec hominum pla- „citis aggravandum: virtutes, *ita pergit*, de quibus „nos gratia salutifera erudit, *ita exigendæ*, ut nec „gratiæ ipsius obliviscamur, sub qua sumus, nec li- „bertatis, in qua per gratiam stamus. Æque illis væ „minatur Dominus, qui animam justi falso atterunt, „quam qui improbi manum confirmant: Ezech. XIII. „V. 18, 19, 22. *Ἀδιάφορα* itaque, & libera importunius „exigere, dicit aut imprudentiam esse, aut in quibus- „dam hypocrisin Pharisaicam.

- B. Alterum prudentiæ opus est, generalia distinguere a particularibus. Generalia appello officia, omnibus hominibus communia, quæ proin sunt necessaria & absoluta sine restrictione: particularia autem, quæ sunt hominum particularium, in certa quadam vocatione aut statu constitutorum.

„ Offi-

- a. Officia itaque *vocationis* exigunt in *propositione obligationis*, ut homines istius *vocationis* describantur accurate; sic officia parentum aut liberorum, vel etiam qui parentum vice funguntur, ita debent proponi, ut subiecta obligationum denotentur: idem obtinet in omnibus officiis relativis superiorum erga inferiores, & inferiorum erga superiores.
- β. Officia vero, quæ in *certo quodam statu & casu* præstanda sunt, exigunt etiam status expositionem, & tunc obligatio proponenda est blande, tanquam ad heroicum actum. V. C. Si in casu persecutionis Christiani afflicti hortandi sunt ad *patientiam*, ut strenue contemnant, quas patiuntur, privationes bonorum, illi revera excitandi erunt, ut ad alacritatem componant animos, non aliter ac Dux militiæ milites excitare solet, quando illos in procelium deducturus est.
- γ. Ad eandem *prudentiam* revocamus officium distinguendi *principia pietatis ab incremento*. Versamur aliquando circa simpliciter necessaria, quæ in hominibus omnibus regentis exiguntur, saltem ab omnibus in isto statu versantibus, quæ absolute & cum aliqua strenuitate proponenda sunt: verum versamur aliquando etiam circa officia sublimiora, magis interna, aut circa perfectiores virtutum gradus, qui rarius etiam in vocatis vel tantum etiam in firmissimis, vel etiam in nullo sanctificatorum ea mensura reperiuntur, ac quidem res ipsa postulare: istius autem generis officia non ita absolute postulamus, quasi nempe sine illis fides esset vana, pietas facata, spesve salutis nulla, quoniam Deus in gratiam recipit & pueros, spemque salutis suspendit ex sinceritate mentis, non ex perfectione graduum: cavere itaque oportet nos, ne infirmiores perturbemus aut ad desperationem adigamus, cum ne ipse quidem Deus *arundinem conquassatam* fregerit; nostrum potius erit, omnes hortari ad illud optandum, desiderandum, & huc annitendum, quam ad consummandum, quod propter imperfectam sanctificationem in hac vita nunquam fiet; imo potius erigendi sunt, qui ad illum gradum nondum pervenerunt, perpetuis titulis filiorum Dei vere credentium, amicorum Christi, qui suis imbecillitatibus ingemiscunt, ut sentiant, se per imperfectiones suas non excludi ab œconomia gratiæ divinæ. V. C. Si in *fide confugii* adhuc adsit aliqua sollicitudo mentis, si hæsitet *infirmia*, non debent propterea adduci in eam sententiam,

ac si vera *fide* essent destituti, sed potius moneri, ut annuntantur debilem istam *fidem* erigere, ut mediis utantur huc conducentibus, ut non cessent conari, usque dum ad consolationem filiorum perveniant. Si in *precibus* mens sapius luctetur cum cogitationibus intervenientibus ac devotionem abrumpentibus, non gravari debent suspitione, ac si haud legitimum fuerit eorum desiderium, sed potius non sine solatio erigi debent & moneri hoc esse piorum certamen, hasque Diaboli insidias consuetas, ut nostram colloquutionem cum Deo perturbet: adeoque mentem exercendam esse, ut aliquando brevibus suspiriis absolvamur *orationem*, aut prævia meditatione animum obfirmemus, quo minus mens inflectatur ad illas interjectiones &c.

B. Vide quæ cap. VII. §. 4. IV. notavimus.

C. *Amplificatio* pro textus indole variat.

α. Si *enunciatio simplex*, quæ *officium* continet, pertractetur, versamur toti & tantummodo in isto titulo, ut proinde liceat hic locum communem pertractare, quod alias prohibitum est.

α. *Ex ipsa officii natura amplificationem* quærimus, quando virtutis varios actus, in explicatione pertractatos, hic practice repetimus, simul cum generali obligatione inculcandos. V. C. Argumentum fuerit *amor proximi*, de hoc *adhortatio* hunc in modum proponi poterit. Suscipite igitur, auditores, in vos dulce illud jugum Christi, de *amando proximo*, ut conservo, ut peculio Dei; *charitas* eum amplectatur, ut quem cupias aptum gloriæ gratiæ Dei organum; nunc *amplificationis* erit addere, ac quæ *amoris* sunt ei præsta, si socio tuo bonum accedat, gaude cum eo, sin malum, luge cum lugentibus: sicubi illi patrocinio tuo prodesse aut adesse queas, ne, quæso, te subtrahas, roga Deum, roga potentiores, apud quos favore vales, ut illi succurrant in necessitatibus; si quod auxilium tibi præsto est, aut in tua potestate videas constitutum, commoda ipsi manum tuam atque operam &c.

β. *Ex attributis virtutis* aliquando sumitur *amplificatio*. V. C. Idem *amor proximi* amplius proponitur cum commendatione; ut sit *constans*, nec patiatur quisquam, ut facile sufflaminetur aut exstinguatur, ut sit *sincerus*, bonum proximi quærens, non ita ex usu tuo, sed ex usu communis Domini, cupiens illi verum

rum bonum, ut sit tandem ad observantiam gloriæ Domini sui aptus: ac proinde etiam curandum, ne sit *amor cæcus*, ne indulgeas illi, quem amas, sed illum retineas in officio veræ virtutis: abesse enim debere a vero Christiano *meretricium* illum *amorem*, quo suscipias illi placere in peccatis, aut illius satiare concupiscentias &c.

γ. *Relatio ad varios casus* etiam suppeditat aliquando egregias *amplificationes*. Sume virtutem *misericordiæ*, & postquam monuisti, quemcunque hominem ad *misericordiam* obligatum esse, rem in hunc modum *amplifica*. Si tu, ô homo! fratrem aut socium videas *exulem*, reclude ædes illi in hospitium; si *esurientem*, frange panem & præbe illi cibum; Si quando *sitientem*, cura ut potum habeat: *calumniis obruto*, ubi tu rerum conscius es, testimonio veritatis succurre, ne innocens pereat; *tristes* ex orbitate aliove fato, ac *luggentes* visita, omnibusque solatiis pro viribus erige, ne succumbant &c.

δ. *Relatio ad varias personas* præbet etiam quandoque materiam *amplificandi*. Sume virtutem *prudentiæ spiritualis in temptationibus*. Postquam monuimus, omnes homines, ac præprimis filios Dei, *temptationibus* obnoxios esse, monendi sunt, ut *prudencia* utantur, ejusque legibus perpetuo attendentes ad lenocinia carnis & illecebras mundi, ne patiantur se ab iis circumveniri: ab hinc tamen, si in aulis fiat concio, progredi licet ad *amplificationem hanc*, a *personis* desumptam. Ast scitote vos, qui in illustriori actione vitæ collocati estis, vos, inquam, præprimis objectum esse gravissimarum *temptationum*, qui enim Principi estis a clavo imperii, tenete, expositos vos esse adulatorum retibus, & pessimorum hominum pessimis consiliis, ne, quod justum aut æquum est, in Republica obtineat: vestrum itaque ante omnia est *prudenciam* adhibere, propriis oculis causas inspicere, atque id curare, ut justitia plus valeat, quam favor: imo & hanc *virtutem* sibi colendam esse quam maxime teneant Principibus, qui sunt a ministerio, quotidiana hic fere est *tentatio*, ut *ἀντιπροσώπων* capiamini ad inferendum scelestis Principum desideriis, ut proinde *prudencia* hic opus sit ad conferendam voluntatem humanam cum voluntate divina, & observandus hic est canon, *Deo magis obediendum esse, quam hominibus*.

2. Ve-

2. Verum si textus sit amplior, multisque enunciationibus constans, nihil harum rerum admittit *amplificatio*, nisi forte quædam ex ipsis *textus circumstantiis* eruantur, atque tunc *amplificationis* materia desumitur ex observationibus in textus evolutione occurrentibus, & secundum regulam subordinationis huc referendis, si ad *amplificationem* valeant.
- §. 3. Secunda pars *adhortationis* cum sit excitatio auditorum per *motiva*, tenenda hic est
- I. *Motivorum* necessitas, cum vim habeant argumentorum, prout enim fides requirit argumenta ad credendum, sic etiam obedientia ad faciendum, quoniam in vitiosa nostra natura non tantum tarditas quædam est ad fidem, sed etiam ad obedientiam fidei: accedit, quod ardua sit virtutis via, a qua facile desciscimus, ad ingenium nostrum delabentes, unde perpetua excitandi & exstimulandi est necessitas.
 - II. *Motiva* autem ista cum sint duorum generum, *rationes* nempe & *exempla*, *exempla* derivanda sunt præprimis ex *Sacris*, nec non ex *Historia ecclesiastica*; aliquando, licet rarius, ex *Profanis*, nisi forte *exempla* referre velimus ad argumenta, ab honestate desumpta, quia semper respicienda sunt ut laudata & commendata.
 - III. *Rationes* judiciose distinguere debent a *rationibus*, aliæ enim potius præbent *documentum*, aliæ vero conficiunt *motivum*: *documenta* enim *rationibus* adstruuntur, ex natura rei tractandæ desumptis, aut *motiva* exigunt argumenta ex *ratione* nostra, & relatione, quam res præstanda ad nos proxime habet; ita illud est verum vel bonum ob *rationes*, quas ipsa rei natura fundit & dictat; hoc vero nobis agendum est, quia id perquam necessarium est & conducit; quare hic maximum usum habent argumenta deducta ex *honesto*, *legitimo*, *utili*, *necessario*, *jucundo*, &c.
 - A. *Motiva*, vitiosos affectus ingenerantia, sunt omnia ea, quæ formale virtutis non includunt; sed tantummodo concupiscentiam concupiscentiæ opponunt. Ita enim valet apud *homines*, *Knechtia* laborantes, argumentum a conservatione bonæ famæ desumptum; apud *avaros* argumentum a conservatione bonorum & divitiarum derivatum: notissimum enim est, concupiscentias concupiscentiis oppositas refrenare tantum hominem, non sanctificare.
 - B. *Motiva*
 - N. Ab *honesto* desumpta includunt etiam argumenta a *legitimo* & *æquo*.
 - n. *Honestum* stricte dictum urgetur partim ab *exemplis laudatis*, partim a *rationibus*, quia nempe *virtutis* *cujuscun-*

juscunque singularis cultores non tantum bene audiunt, nam huic rationi potest subesse falsum, non enim, quicquid laudat mundus, sequendum est, sed potissimum, quia laus istius studii erit ex Deo, & laudabitur in iis Deus, hoc enim homini adstituit decus; dein etiam quia qualiscunque *virtus*, si vere *virtus* est, ne a diabolo quidem vituperari potest, ut proinde ejus studiosus ecclesiæ sit ornamentum & decus. Accedit decentia, quæ derivatur partim ex professione, quam facimus Christiani, partim ex fuga ingrati- tudinis: in priori casu urgemus, nos esse Christianos, baptismo Christo consecratos, in sacra cœna Christo confœderatos, ob renovationem fœderis in ecclesia nos factos esse Christi discipulos, & per discretionem vocationis ejus milites, qui bellum susceperunt contra diabolum, mundum & carnem. Hanc professionem itaque exigere, ne susceptas obligationes violemus, ut stemus promissis nihilque faciamus, quod professioni nostræ contrarium sit: præprimis si attendamus ad decentiam, quæ sequitur beneficia accepta; gratitudinem enim exigere, ut beneficiis Dei respondeamus, quæ magna, quæque multa sunt, ex mera gratia posfluentia, præstita indignis, non omnibus, sed nobis: qualia sunt liberatio illustris ex potestate hostium; donatio Verbi salutis, ut viæ indicis; cognitio Christi; redemptio ex peccato cum liberatione ab ira Dei & potestate diaboli, nec non mortis & inferni; imo ipsa promissio hæreditatis cœlestis.

- A.* *Æquum* vero & *legitimum* præbent *rationem* instigationis, in quantum concipimus cum in *lege naturali* tum *divina* contineri singularem *æquitatem*. Scilicet *legitimum* esse, ut Deo respondeamus in omnibus, ad gloriam ejus tendentibus, nec non beneficiis, ut scilicet iis utamur. V. C. Cum beneficium Christi sit, liberare nos a servitute peccati, ut evadamus justitiæ liberti, *æquum* est, ut nos liberos a dominio peccati exhibeamus & omnibus modis nos tales præstemus; dein *æquum* est, ut alteri facias, quæ tibi fieri velis: cumque singulæ *virtutes* nihil aliud in se contineant, quam facere proximo, imo & Deo, quæ velles, ut tibi fierent, *virtutes* istæ haberi debent, ut commendatissimæ: tandem accedat, omnem

effectum *virtutis* esse bonum desiderabile; natura enim *virtutum* omnium est ædificans, aut ad minimum conservans, *peccatorum* autem destruens, quorum effectus sunt detestandi, quare *æquum* & *justum* est, ut *virtutis* studia proponamus nobis imitanda.

Mansuetudo sit nobis exemplo, *virtus* nempe particularis, quæ *iram* cohibere debet, ne ob illatas injurias terminos charitatis excedat, hæc, inquam, commendatur ab *honesto*, quia

- a. *Laudatis exemplis* conspicua est; habet enim & ipsum Dominum *exemplum*, Qui injurias ferens hostibus nihil minatus est, unde inter commendatissimas *virtutes* Christianorum est, & etiam revera, *virtus* generositatis & nobilissimi animi. Generosum enim est imperare; imbecillitatis vero nota, passionibus abripi,

Fortior est, qui se, quam qui fortissima vincit
M. enia.

Molles autem sunt animi, qui ad minimam injuriam inflammantur; contemnere injurias prætereundo, est existimare infra suam dignitatem esse, qui inferunt: præprimis *honestum* est, ita militare sub Duce Deo, ut illi cedas jura vindictæ; & strenui militis est, in gratiam Dei & proximi, ad Deum adducendi, facile cedere de jure suo, aliquando tantum imaginario.

- b. *Ab æquo & justo* argumentamur etiam, quod ferendi sint illi, injuriam inferentes, propter Deum, qui ipse tolerat injustos usque ad diem constitutum; quos ergo Deus tibi objicit ut explorationis suæ instrumenta, hos decet ut etiam feramus, iisque ad manifestationem *mansuetudinis* nostræ consuescamus. Adde, quod doleas de injuriis illatis, quod ergo tibi fieri noluisse, *æquum* est, ne facere velis alteri: *ira*, cum furor brevis sit, proin ratione frenanda & liganda, ne ultra modum erumpat; morbus est in adversario, non est igitur, ut irascaris, sed illi indoleas & ingemiscas; sicuti nemo est, qui ab homine furente laceffit eidem propterea irascatur, ita præter rationem est, illos mania laborantes & furentes adversarios ob insanum aliquod institutum velle opprimere.

3. *Ab utili.*

a. *No.*

- α. Notandum hic quomodo *utilitas externa corporalis*, cui *vitium adherere potest*, restitui possit, quando formale suum adjicimus. V. C. *Castimonia* si commendetur a communi laude & existimatione, haud sufficit ad *virtutem ingenerandam*; verum si commendemus ab ornatu imaginis Dei & ad laudem vitæ Christianæ facere, ut Spiritus Sancti opus in nobis celebretur, jam aliam induit faciem. Si quis *sobrietatem* & *temperantiam* commendare velit ab eo, quod ita conservemus necessitates nostras nobis & familiis nostris in diem mali, malum subesse potest; propter eam enim causam *avaritia* præstat effectus *parcimoniae* & *frugalitatis*; verum si hæc paululum immutemus, considerando dotes & opes nostras esse dona Dei, imperio nostro ea lege sublecta, ut teneamur rationes Deo reddere; dispensatorum autem esse, non dilapidare, non præter causas dispendium facere donorum Dei, rationes istæ aliam iterum faciem induunt & ad formale *virtutis* incitant.
- β. *Utilitas* ista varia admodum esse potest; *virtutum* enim studio
- a. *Bona*, quæ adsunt, radicanter & confirmantur: pro cujusque enim genio confirmat nos hæc & illa *virtus*, aut in veritatis agnitione, aut in fidei confugio, aut in pace mentis per possessionem bonæ conscientiae, aut in certitudine salutis ad *πληροφορίαν*, vel etiam in continuatione benedictionum divinarum tam corporalium, quam spiritualium.
 - b. *Utilitas* respicit *mala avertenda*, quæ adsunt, quando aut præsentis calamitates mitigantur, nec non dolores cordis mulcentur, aut stupor animi ad ingenerandam alacritatem aufertur, & aliquando animus a morsibus conscientiae liberatur.
 - c. *Bona*, quæ adhuc *absunt*, adducuntur vi promissionum divinarum, quæ ita benedictiones divinas super nos, familiam, rempublicam & ecclesiam adducunt, efficiuntque ut preces exaudiantur, dona spiritualia incrementum capiant, ecclesia ædificetur, aut lucreris tibi amicum, Deo servum utilem, gloria Dei promovebitur, imo hæreditatis æternæ præludium post se trahunt.
 - d. *Mala* impiis metuenda avertunt. E. G. *Mansuetudo* si commendanda sit ab *utili*, notandum est, ejus præ-

xi effici, ut non alienetur proximus, injuriam inferens, a Deo ac Christo; commendari illum, ut cui facta sit promissio hæreditatis terræ; hac sola vinci adversarium atque effici, ut, qui tibi ex adverso erat, evadat jucundus comes in via, & cooperarius in officio: saltem id præstare *mansuetudinem*, ut conservet pacem & bonam conscientiam, concedatque nobis argumentum gratiæ in nobis operantis, dum libenter crucem tollit suam Christumque sequitur; quod cum non sit carnis, procul dubio erit Spiritus, nosmet in gratia obsignantis. Accedit, quod *mansuetudo* Deo relinquat, imo attribuat gloriam vindictæ justique judicii.

3. *A jucundo: virtutum* quarundam etiam jucunda est sensatio.

α. Quando *jucundi* sunt *virtutum* effectus: lubenter enim homines solent qualemcumque laborem in se suscipere, ubicunque effectus laboris animum exhilarant.

β. Quando conjunctum habent amoris divini sensum, etiam *demulcent animos*.

γ. Præprimis quando in ipso opere fruuntur *gratissimo* conscientiæ assensu & testimonio. Exemplum sumamus in commendatione *fraterni amoris*, notando *amorem* ipsum sua natura esse *opus gratum*, ut non vivat, qui *non amet*, præprimis ob sympathiam quandam, quæ idem præstat, quod harmonia in musicis; fratrem enim invenire amplexibus nostris expositum, qui eundem Deum agnoscit Patrem, & per eundem Spiritum in eam sententiam adductus est, ut in omnibus nobiscum consentiat, ibi idem velle & idem nolle gratissimam parit *amicitiam*; imo cum iste *amor mutuus* sit, concentrationem suam agnoscens in ipso *amore Dei*, in quantum Deum invenit in fratre suo gratiosum, omnia gratiæ effecta constituentem; deliciarum habet objectum, dum videt experimentum gratiosæ œconomiae divinae in fratre, secum conjungendo: sermones ejus ad ædificationem melle sunt dulciores, consolationes gratissimæ, virtutum specimina, objectum gloriosum: quando itaque sic afficitur a fratris consortio, ut donis ejus utatur, ejus exemplo trahatur, non possunt non *amoris actus* efficere, quin proximis sit tibi in deliciis.

δ. *A necessario: necessitas* tantummodo obtinet in officiis univers-

verfalibus, iisque *virtutibus*, quibus verus Christianus de-
stitui non potest, habentque

α. Aut *rationem medi*; ita commendamus scrutinium Sa-
crarum Scripturarum, tanquam unicam solum *medium*
hominem perducendi ad *fidem*, aut corroborandi in
fide; itaque usum Sacramentorum commendamus ab
instituto Dei, Qui hunc præscripsit, ut *medium obfi-*
gnationis, quo menti ingeneretur *πληροφορία τῆς πί-*
στεως.

β. Aut *virtus* aliqua consideratur, ut *conditio sine qua non*.
Sic *resipiscentia* urgetur ex *necessario*, quippe sine qua
omnes homines essent perituri; neque aliter commen-
datur *fides*, quippe sine qua impossibile est Deo place-
re, quicquid enim ex *fide* non est, peccatum est;
hinc qui non *credunt*, damnabuntur eo, quod *ira*
Dei maneat super illos. Paulus *Sanctimoniam* com-
mendaturus, etiam ex *necessitate* argumentatur, di-
cens, *Quod sine ea nemo videbit Dominum*: Heb. xii.
v. 14.

γ. A *commodo* etiam sumuntur argumenta, aut si quis ita
velit, a *facili*. Ita enim præcepta Christi dicuntur *facilia*,
sive *jugum leve*, quod aliquando adumbrari potest ex col-
latione *legis libertatis* cum *graviori lege servitutis*. V. C.
Si *confugium fidei* sit commendandum, non oportere nos
tardos esse, quibus reclusus est immediatus ad Deum adi-
tus per *sanguinem Christi*; non enim actum illum onerari
sacrificiis & victimis, *ἀνάμνησις* peccatorum oculis obji-
cientibus; non arceri nos a Levitis aut Sacerdotibus ab
ingressu in ipsum adytum; non vocari nos ad templum
manu factum & certo loco collocatum; ubique locorum
menti licere sistere semet coram throno Majestatis Dei:
ut ad Deum accedere & confugere nil aliud sit, quam
mentem, desiderio gratiæ impulsam, attollere ad Deum,
Qui quærentibus Ipsum & confugientibus ad gratiam
suam ubique præsto est.

Urgendum etiam aliquando, ubi res videri possit *diffici-*
lior, habere nos Dei gratia media sufficientia, nec non
auxilium Dei potentissimum, Cui nihil impossibile est;
Quique Spiritu suo voluntatem inflectere, roburque men-
tibus indere potest, nec potest tantummodo, sed & ro-
gantibus addixit; ubi exempla sanctorum corroboratorum
multum valent. V. C. Si ad *tolerantiam & patientiam* in
afflictionibus excitandi sunt *fideles*, metuentes carnis pro-

priæ imbecillitates, excitandi sunt hoc argumento „ Hostes „ nos depellere posse ab externis vitæ commodis, ex gratia „ Dei excludere non posse, rogemus modo Spiritus opem, „ Cujus ductu multi deprædationes bonorum cum gaudio „ respexerunt, exilia læto animo exceperunt, hoc uni- „ co freti fundamento, quod Deum haberent Amicum, explorantem milites suos, ast cum ista promissione nunquam fore, ut ex necessitate pereant: nihil ergo hic pro difficili habendum esse, modo adhæreamus Deo, Qui omne jugum levare potest; ita *Hebræos* testimonium accepisse a *Paulo*, quod bonorum ereptionem cum gaudio passi fuerint.

C. Spectat tota hæc admonitio ad regulam subordinationis, de qua ad Cap. VII. egimus, quam hic repeto, ut ubique suis locis observandam.

D. Modus dicendi patheticus hic potissimum exigitur, hoc enim curet pastor in *adhortationibus*, ut agat ἐν δυνάμει πνεύματος καὶ δυνάμει: I Cor. II. 5. 4. Id est, ut auditor sentiat, se moveri auctoritate Spiritus & vi rationum, quæ inculcandæ sunt, quorsum faciunt instrumenta Rhetorica, præprimis duo hic curanda sunt.

1. Ut attentio excitetur, quorsum faciunt *obtestationes* & *invitationes* blandæ; monentur enim auditores, loqui nos ut legatos Dei, agere nos causam Christi; cogitandum ipsis esse, Deum illos admonere per nos, & ad Apostolorum exemplum illos sæpe interpellare, alloqui, rogare, & precari: ita Joannes, *Mei filioli*: ita Paulus precatur, *Per viscera misericordiæ Dei*: & idem, *Ne negligent tantam salutem*. Quæ obtestationes tanquam aculei adhibendæ sunt ad vellicationem animorum.

2. Ast cavendum, ne obtestationes sint vanæ aut non munitæ, incedant rationibus pungentibus & convincentibus, quare pro gravitate obtestationis gravis debet esse ratio movens,

3. Præprimis commendamus in hoc paragrapho *interrogationes directæ ad conscientiam auditorum*. Istæ enim eleganter recludunt forum conscientiæ, cogunturque homines ex intima sententia conscientiæ, secundum leges conscientiæ ad interrogata respondere. Verum & ista figura non debet esse perpetua, sed convenit argumentis ex æquo & justo desumptis: ceterum hinc inde interspergenda est interrogatio.

§. 4. *Institutio* est ultima pars *adhortationis*, quæ hoc agit, ut consilio nostro

stro incitatos ad cursum auditores dirigamus, ut viam inveniant *plavam & facilem*: instrumentum hic est consideratio *mediorum*, quæ nihil aliud sunt, quam modi agendi, cursum illum dirigentes, monendo quo modo & qualiter illæ virtutes observandæ sint, atque petuntur, aut ex *virtutum propriis affectibus*, aut ab *impedimentorum remotione*.

I. Respektu prioris exemplum est, quod si quando *Officium lectio- nis Sacrarum Scripturarum commendaverimus*, præscribamus *legenti methodum legendi*, ut illud exercitium pietatis fiat cum fru- ctu, atque ita commendamus alia, quæ ad *preparationem* faciunt, alia quæ *inter legendum* sunt observanda, alia quæ *post lectionem* sunt curanda. *Ante lectionem* monemus animum evacuandum esse curis domesticis, ne attentio ab iis *inter legendum* perturbe- betur; mentem imbuendam esse timore Dei, cogitantes nobis rem fore cum Deo ipso, nosque recepturos oraculum summi Numinis; imo & gratiam Spiritus illuminantis in antecessum ro- gandam esse ab Auctore luminis. *Inter legendum* attentionem di- rigendam esse ad scopum, & quibus mediis utatur Spiritus ad scopum istum assequendum. *Post lectionem* ruminanda esse, quæ *legimus*, meditando, quid fecerint *lecta* & adduxerint ad fidem nostram confirmandam, aut ad officia nostra illustranda, verum etiam ad animum nostrum solatiis divinis erigendum. Atque ita mens revocanda est ad rationes reddendas *lectionis*, ne *lecta* fa- cile ad libri clausuram dispereant.

II. Exemplum *secundi casus* sit, post commendationem *patientie & tolerantie in afflictionibus*, monendo, *durum* quidem illud *of- ficium* videri carni in homine, qui suis commodis adheret, at illud *impedimentum* auferri per abnegationem mundi & carnis: quo enim homo Christianus plus profecerit in mortificatione ve- teris hominis, res mundanas suæque vitæ commoda spernens, eo facilius illum excepturum omnia præsentis sæculi mala; ac quoque hoc curandum esse unicuique, ut discat magis magisque omnia hujus mundi spernere, rerum vanitatem intime prospe- ctam habere: deinde commendamus, ut perpetui sint in colla- tione damni & lucri; quæ enim hic a fidelibus auferuntur Ty- rannorum imperio, centupliciter reddi in spiritualibus: levia esse, quæ descriimus, & nullius fere pretii; gravia & pretiosissima, quæ acquirimus: ut proinde sit utilissima praxis, quam *Paulus* inculcat, ut currentes in stadio semper respiciant *spatiæ* pro- positum.

A. *Media* ne sint *generalia* monemus, sed *specialia*, si officium sit *virtutis specialis*, quia *generalia* semper recurrent. V. C. Eligere socios vitæ pios & probos, quibus nos conjunga- mus:

mus: effugere pravorum hominum consortium: rogare Deum gratiæ suæ auxilium, & quæ sunt plura ejus classis: ista enim cum sint *generalia*, non debent ubique instaurari, nisi ubi in *genere* officia curandæ *sanctimonia* commendamus.

- B. Condicio etiam est, *media non esse quærenda*, ubi *res non est ardua*, hoc est, ubi prima sunt officia. V. C. *Attentio*, si sit commendanda, est primum mentis opus, quod apparatus non exigit; sed ab ipso debet incipere animus pias meditationes omneque mentis propositum.
- C. Etiam hæc observatio pertinet ad *regulam de subordinationibus* jam sæpius inculcatam, ubi recurri potest ad ea, quæ Cap. VII. ejusque §. 4. monuimus.

C A P. XII.

D E C O N S O L A T I O N E

- §. I. Primum *consolationis* opus est, pacem conscientiæ vigentem servare, aut turbatam restituere, ut sic potissima pars mentis atque animi nobis sit ad gaudium, & Deo ad gloriam.
- I. Affectus, qui *turbatam conscientiam* manifestant aut sequuntur, sunt *nimia tristitia, metus & desperatio*.
- II. *Pacatæ autem conscientiæ* indicia sunt *gaudium, spes & fiducia*.
- A. *Nimia tristitia* hic notatur, ut *moderanda*, est enim *tristitia* quædam legitima, nempe *tristitia ad Deum*, quæ nota est sincerae resipiscentiæ, sive primæ, sive secundæ, quæ est *tristitia ad Deum*: 11 Cor. VII. §. 9, 10. Idem obtinet circa *luctum ex orbitate*; jubet enim Paulus, ut *luctum* moderemur, ne sit instar gentilium, qui *solatio destituuntur*: 1 Thess. IX. §. 13. *Tristitiæ* opponitur *letitia*, seu *gaudium*, quæ est jucunda perceptio boni præsentis, sicuti *tristitia* erat ingrata perceptio mali affligentis, adeoque commutatio affectuum istorum fit per assignationem causæ semet erigendi, & *tristitiam* cum *letitia* commutandi, ostendendo malum non esse aut vere malum, aut tanti faciendum, ut non sit potior ratio boni, quod aut nexum habet cum explorationibus, aut in præsentia adhæret militi spirituali.
- B. *Metus illegitimus* etiam auferendus est per *spem oppositam*, diciturque *metus* perceptio mali imminentis, quod vix evadere nos posse concipimus, sicuti *spes* est perceptio boni futuri, ut acquisitu possibilis, cumque prior affectus, si sit illegitimus, id est, in timore Dei non fundatus, admodum iniquus sit
- con-

constantiae fidei , damnatur in Christianis , adeoque concipitur , ut plane commutandus in *spem vivam* , quæ alacritatis & fortitudinis fundamentum est.

C. *Desperatio* est , quæ omnem *spem salutis* pro deplorato habet , cuius oppositum est *fiducia* , spondens nobis bonum certo futurum.

Ex quibus colligimus , dispensatorem verbi omnibus modis hoc agere , ut affectus illi vitiosi tollantur , boni vero & legitimi foveantur.

§. 2. *Historia casus* , unde *usus consolationis* incipit , exponit conditionem hominis vere Christiani , in quantum tentationibus subjici potest , aut ipso actu sub explorationibus divinis ingemiscit :

I. Quoniam monemus , *mala* , quæ aut tristitiam aut *metum* incutunt , pro diversi ratione temporis determinate proponenda esse , oportet , ut singula *mala* , quibus vita humana obnoxia est , diligenter ad classes revocentur : ostendimus autem in *Syngraphæ Theologiæ Paracleticæ* , opus *consolationis* conficere tertium seu ultimum librum , ubi *malorum* genera , quæ sua varietate varia requirunt solamina , discriminanda & discernenda esse in *mala interna & externa* diximus.

A. *Interna* respicere statum hominis spiritualem , in quantum ea *conscientiam* turbant , in ordine ad pacem & *πληροφάνειαν* ; homini ibi concipitur , ut ad stadium & certamen spirituale pertractus , atque in eo statu aut ut prostratus , quando in grave aliquod crimen incidit , atque ita sub tentatione aliqua succubuit , aut ut adhuc luctans cum *Diabolo* , *mundo* & *carne*. *Diabolo* , inquam , ex opinione derelictionis spiritualis ad desperationem sollicitante , aut injectione pravarum cogitationum ad dubitationes & terrores propellente. Cum *mundo* autem luctatur pius , dum illum sentit aut blanditiis invitante , cum ad apostasiam , tum ad consortium vitiorum ; ast aliquando & *mundum* experitur minacem , persecutiones intentantem aut infligentem , ut causæ Dei defensores ab opere incepto depellat. Tandem cum *carne* , quando illam sentiunt filii Dei in certamine spirituali acius insurgentem per concupiscentiam intestinam , cuique homini domesticam , aut quando torporem animo infert , unde fidei imbecillitas , in precibus languor , in omni pietatis officio segnities oriuntur , & exercitium officii nostri redditur molestum. Hi sunt casus , quos *historia status* homini Christiano diligenter & determinate proponere debet.

B. Cetera mala vocamus *externa* , quæ vexant hominem simpliciter , in quantum experiuntur Christiani pugnam velleitatis cum

cum voluntate sancta, dum instinctus naturalis semper tendat ad optionem istius conditionis, quæ a molestiis libera est: revocavimusque etiam ad certa capita, ut alia sint

N. *Fortuna*, dum privatur homo Christianus opum ac divitiarum subsidio, vocaturque ad *externam pauperiem*, sive intercedat hominum

a. *Cruelitas & inclementia*, ut fit in bellis, nec non a scelestis raptoribus, sed imprimis in *persecutionibus* ob nomen Christi, ubi non ita homines respiciendi sunt injuriam inferentes, quam ipse Deus hisce instrumentis utens, ipse Explorator & Agonotheta.

β. Verum & multæ *privationes bonorum externorum* fieri solent ab immediata Dei manu, Qui ignem & aquas aliquando immittit ut flammis consumat, aut inundationibus evertat, quæ nostra fuerant ad tempus: cujusmodi casus plures etiam sunt, aut quando insecta legetem absument, vel infortunia maris mercaturam scopo destituunt.

2. Secundo loco *privationem honoris* collocamus, sive quis jure ob crimen in pœnam incurrat & infamia notetur, sive quis injusse calumniis obruatur aut in foro iniquo præter causam damnetur, præprimis si omnis injuria oriatur ex odio nominis Christi.

3. Tertio loco *privationem sanitatis* proposuimus, ubi tot sunt casus, quot sunt morbi affligentes, & animum aliquo modo excruciantes; revocari tamen possunt iterum ad has classes.

a. Ut alii referant *speciem severitatis Dei*, sicuti in lege quidam morbi speciatim tanquam notæ severitatis Dei annotantur, ut *pestis, lepra, &c.*

β. Alii vero sunt, qui *chronicis doloribus* ob diutinam durationem vitæ tædium quasi creant, uti *nephritici, podagrici*, aliique morbi homines diutissime cruciantes.

γ. Alii sunt, qui *sensuum usum* tollunt, uti *surditas & cæcitas*, quibus instrumentis alias mens maximo cum fructu utitur.

4. Quarto loco *societatis privationes* respiciuntur, quales oriuntur ex *decessu vel translatione amicorum*; huc pertinent *orbitates*, cum liberi privantur parentibus, & contra; maritus amittit gratam conjugem, & contra.

5. Quinto posuimus *privationes libertatis*, sive *pauperies* cogat hominem subire conditionem servilem, sive *alea belli*

iniquior illi in causa sit, ut rapiatur & in mancipium vendatur infidelibus, sive etiam veritatis hostes ex odio religionis constantes fidei professores carceribus includant, remigiis alligent, in metalli fodinas detrudant, aliave dura in eos statuunt.

7. Sexto loco *privaciones tranquillitatis* a nobis recensentur, quæ comprehendunt cujuscunque generis *lites*, quæ ad turbandam *pacem & tranquillitatem animi* moventur, sive intra parietes, sive extra, sive protrahatur quis ad forum vexeturque litis contestationibus iniquis, &c.

Ut autem historia variorum istorum casuum intelligatur, determinate commendamus Petrarcham *de remediis utriusque Fortune*, & Hieronymum Cardanum *de Utilitate ex adversis capienda*, qui non tantum historiam *malorum externorum* poterunt adaugere, verum etiam ex sana ratione & Philosophia multa suppeditabunt argumenta *solatii*: quibus & ob stylum elegantiorum adjiciendi sunt Boëtius *de Consolatione philosophia*, & Lipsius *de Constantia*. Quos auctores ut legant auditores per otium velim; postmodum vero ad materiam Theologicam coacervandam legendi sunt *Theologi Paracletici*, qui magis depromunt remedia adversus *mala interna & spiritualia*, addentes exempla & loca ex Sacris Literis collecta, inter quos commendamus opusculum Episcopi Anglicani Hall, cui titulus. *Balsamus Gileadis*: Goodwinum opusculo, quod inscribitur, *Filius lucis, ambulans in tenebris*, &c.

- II. *Prudentia*, quam hic postulamus, exigit, ut subjecta *solatio* erigenda caute restringamus, cujus rei necessitas est, ut vere fideles intelligant *solatium* ad se pertinere; socordes autem & hypocritæ sentiant se excludi. Ex illa *prudencia*, ut videbimus postea, profluit aliquando usus *explorationis*; ast quando brevitati studendum est, huic rei satisfacit aliquando sola restrictione subjecti, cui *solatia* applicare nos indicandum est; quod eleganter fieri potest, dum erigendos suis proponimus titulis, quando illos compellamus *vere fideles, filios Dei, vocationis divinæ nobiscum conjunctos, fractos corde, cum tristitia ad Deum luctantes, ad certamen Christianum vocatos*, &c. Qui tituli desumendi sunt aut ex textu ipso, aut ex collatis cum argumento textus, ut ita sentiant auditores restrictionem, quam facimus, aut aperte in ipso textu contineri, aut clanculum naturæ rerum includi.

- III. *Ex vero mala ista esse repetenda in historia casus*, scilicet

A. *Mala imaginaria* proponendo ut *imaginaria*, negando rem *revera se ita habere*; ea autem potissimum oriuntur

- N.** Ex morbo atrebilari, quando imaginandi facultas corrupta est, & mens in hominibus lactatur cum multis phantasmatibus, qui morbus potissimum Medicis relinquendus est, atque facile exinde patescit, quando nullarum rationum sunt capaces, uti etiam quando non sunt respondendo apti, pertinaciter tamen pergunt in querelis suis & anxietatibus exponendis, cum illis enim velle ratiocinari potius est falsas istas imagines cerebro laboranti fortius infigere.
- 2.** Ex ignorantia vero profluunt aliquando injustæ querelæ, quando homines non satis edocti sunt de viis Dei. V. C. *Mala externa* rapientes in argumentum privationis amoris Dei, aut etiam carentiam lætitiæ spiritualis interpretantes desertionem divinam, quasi Deus esset in omnes horas mutabilis & opus gratiæ inconstans, qui error est eorum, qui apostasiam sanctorum urgent: isti enim corripendi sunt, ut recedentes ab orthodoxa fide, atque adeo sibi somnia fingentes, a quibus tanti terrores tantæque luctationes mentis.
- 3.** Ex incredulitate, qua cogitationes carnis eousque foveant, ut diffidant promissionibus divinis, quasi Deus ita esset eorum oblitus, ut rem eorum fecerit conclamatam, qui etiam perstringendi sunt, ut Deo attribuentes absurdum, Quem faciunt Mendacem, imo Cujus totum verbum subijciunt dubitationibus nunquam fovendis, sed oppugnandis & exterminandis.
- 7.** Huic classi accedat *malum falso & ex hypocrisi confictum*, qui se milites Christianos fingunt, quia gemebundam vitam ostentant, atque multas tentationes mentiuntur; quibus impium fingendi consilium exprobrandum est, quippe qui quærunt se filiis Dei commendare ob utilitates externas & vitæ commoda.
- B.** Vera autem mala concedere oportet sub formulis complorationis. Scilicet si mala sint tristitia, rationem illos habere, cur non sint insensibiles, revera etiam tela Dei inferre dolorem, illudque ipsum testatos etiam fuisse Viros Dei: cohorruisse vel ipsum Servatorem, quando cogitavit, qualia mala tristitia ipsi forent superanda, imo & ingemuisse Jobum suis malis, CAP. VI. Si vero malum turpe sit, quod dolent, plane concedendum est deplorandum illos in malum incidisse, quod justam ipsis præbuit lugendi materiam, quod Satanas prævaluerit, quod imbecillitatis scandalum dederint quodque nomen Dei propter ipsos fuerit blasphematum; ast nihilominus non omnem

omnem spem esse abjiciendam, sed curandum, ut *tristitia* illa magis magisque manifestetur & appareat esse *tristitiam ad Deum*, quæ nos ducat ad thronum gratiæ Dei, donec pacem inveniamus in conscientia, & testimonium quæsitæ & inventæ gratiæ; atque inde progrediendum tum postmodum ad *corroborationem*.

- S. 3. *Corroboratio* jam adducit ea argumenta, quæ *afflictum* erigere possunt, quæque variant pro diversitate *malorum*, aut *internorum* aut *externorum*.

I. Primo loco sub *malis internis* consideramus

A. *Tristitiam quæsitam*, quæ, si oriatur ex *ignorantia*, ostendit, in quam veritatem incurrant, ut ibi homines erudiendi sint: sin ex *incredulitate* oriatur *tristitia falsa*, aliquo modo ostendendum est, illud vitium esse œconomix divinæ iniquum, verum speciatim hic notentur,

N. *Defectus contentationis*, quando hic *querulus* ingemiscit, quia non omnes gratiæ gradus in se invenit, quos animadvertit in viris: ubi notandum gratiam regenerationis efficere infantem novæ vitæ, quem tamen oportet in primis istis initiis gratiæ divinæ gaudium concipere aliquale, quoniam minimus gradus vitæ vere spiritualis nexum habet cum salute futura, Deusque agnoscendus est liber donorum Moderator, Cui aliquid præscribere dedecus est. Circa hunc casum exigimus aliquam *reprehensionem*, pemonstrando,

α. Notam *ingratitude* esse, se ita morosum sistere contra œconomiam Dei, Qui jam dedit, quod sufficit ad spem vitæ futuræ: extinguere enim istas *querelas* debitam animi gratitudinem, Deo per omnem vitam præstandam. Dedisse nimirum Eum id, quod minime tenebatur; dedisse indigno vitæ principium, haud extinguendum, sed promovendum usque ad communicationem gloriæ; hinc ingenuos animos in humilitate sua rogasse vel *micam panis spiritualis*, spondentes se fore contentos.

β. Imo continere *querelas* istas *obmurmurationem*, quæ non caret crimine & revera suspectam reddit fidem, saltem nota est *ἀλλογισίας*, quam Deus castigavit in Mose, & Christus reprehendit in suis Discipulis.

Quare officium illorum esse monemus, ut non respiciant modulum incrementi infirmioribus, sed attendant ad veritatem fidei & resipiscentiæ suæ tanquam in infantibus, ut tandem vocationem suam firmam reddant ex discussione conscientiæ, num fides in iis sit sincera, id est, ex animi sententia, etiamsi sit debilis, atque ita

2. Deum etiam mandasse, ut ad hoc coöperentur fideles.
3. Respectu *hominis tentati ex defectu gratiæ*, Deum abripuisse cursum *gratiæ* suæ, quod etiam locum habet in desolationibus spiritualibus. Hic notamus in genere, Deum esse immutabilem.
- a. Quia omnia Ejus *dona* sunt ἀμεταλλήτου: Rom. xi. ψ. 29. Amor constans: Jesai. liv. ψ. 1c. Ut non mutetur: Jacob. i. ψ. 17.
- β. Patris promissiones exigere ut *lapsos* erigat, quos antea per adoptionem filiorum assumserat: Psal. xxxvii. ψ. 24. Atque eum in finem electos dedisse Christo conservandos, ne quis vel ovem unam eripiat ex manibus Ejus: Joann. x. ψ. 28, 29.
- γ. Nec pati jus impetratum Christi, ut quos sibi tam caro acquisivit pretio, pro iis non *intercedat*, etiam lapsis: i Joann. ii. ψ. 1, 2. Luc. xxi. ψ. 32.
- δ. Nec pati Spiritum Sanctum, Cujus in prima gratia facti erant participes, ut non vires adstituatur ad *erectionem* ex lapsu, & post luctum læticiam restituat: Eph. i. ψ. 14.
- C. *Metus ex tentationibus conceptus tollitur*,
- α. *Promissionibus auxilii Divini*, Qui ipopondit & tentationum moderamen & feliciorum eventum: i Cor. x. ψ. 13. Nec non *fidele auxilium*: Heb. xiii. ψ. 5, 6. I hinc Christi singularis cura erga *tentatos* celebratur, ut illis auxilium gratiæ non desit: Hebr. ii. ψ. 18. & iv. ψ. 15, 16.
- β. Exponendo *jus divinum ad filiorum suorum explorationem*; Qui haudquaquam spernendus est Ἀγιοθέτης, quippe Qui vires gratiæ suæ, & dona intime cognita habet: nec recalcitrandum est, si quando Deus in publicum protrahere velit dona gratiæ suæ ad experimentum, egregie enim Paulus docet, omnes afflictiones tendere ad *experientiam spei*, nunquam *fufefaciendæ*: Rom. v. ψ. 3-5. Qui idem cum ostendit in sustinendis istis tentationibus & afflictionibus magnum esse argumentum *gloriandi in aduersis*, ψ. 2. æquum est, ut non metuamus illud certamen, cum tentationibus obeundum.
3. Non metuendum esse ab *hostibus* vel inde etiam colligendum est, quod omnes, & singuli *providentiæ divinæ sub sint*, unde non possunt ultra permissionem divinam quidquam intentare fidelibus: Ἀγιοθέτης enim noster ipsum certaminis modum & limites definit, atque stat a parte suorum, unde ante luctum certa est victoriæ pollicitatio: confer. Rom. viii. ψ. 31. & ψ. 35-39.
7. Quibus accedit ipsa *victoria Christi*, Qui hostem & ad-

ver.

versarium salutis nostræ armis atque viribus exuit, tenens nunc post devictum serpentem *claves inferni* atque *mortis*; quo argumento Ipse postulat, *ne quidquam metuemus*: Apoc. I. v. 17, 18.

II. Respectu *status exterioris*. *Mala externa* respiciuntur tantummodo, in quantum statum corporis attingunt, atque propter oppositum instinctum naturalem carni sunt ingrata, & luctam concitant inter voluntatem & velleitatem; ita ut homo spiritualis velit quidem subesse voluntati Dei, ast non possit non tamen sensum suum testari, quo experitur dura & amara esse, quibuscum sibi luctandum est, manente scilicet velleitate, qua præoptat, ut ab ipso tollantur. Notandum enim probe, quando ea *mala* rapiuntur in argumentum dubitationis circa amorem Dei manentem, non vero mutatum & aversum, tunc casum pertinere ad tentationem spirituales cuius medicinam vidimus.

A. Rationes *consolatoriæ* ex *providentia Dei* desumptæ innectunt *malum*, aut ut immediate a manu Dei proveniens, aut ut mediate per adversarios immissum: in quo ultimo casu concitantur fideles, ut causas secundas non tam respiciant, quam Deum illis utentem, quod exemplo *Davidis* illustratur. Quando *Simeis* eundem calumniis prosequabatur, ille, haudquaquam respiciens linguam maledicam, reponebat, Deum illi id mandasse. Sicut ut *Iobus* non respexit *Arabes* prædantes, sed professus est, Deum abstulisse, Qui & dederat. Inprimis hic notandum, quod, ad subjectionem voluntatis naturæ sub voluntate Dei commendandam, faciat quam maxime consideratio

1. *Sapientiæ Dei*, Qui melius novit quid filiis suis conducatur, quam ipsi; Qui ut plurimum instrumenta peccati in tempore aufert, quibus alias abuteretur caro nostra.

2. Accedit *prudencia* in re moderanda & temperanda, ut non castiget pro merito, sed pro scopo suo ad salutem.

3. Præprimis illa voluntas Dei exosculanda est tanquam actus *amoris divini*, quam rem Paulus egregie exponit: Hebr. XII. v. 5 — 11. Adeo ut nunquam excedat *caritas* benevoli parentis.

B. *Officium nostrum* notatur, cui nobis respondendum sit. Scilicet milites & athletæ sumus, sub hac conditione ad Christianismum vocati & ad sustentationem laboris: non itaque molles ferendum est, nec a nostrâ vocatione alienum putandum, si Deus nobis *crucem nostram* obijciat, Qui eam *tollendam* omnibus Discipulis præscripsit, eosque jam in primo limine ea de re monuit. Si dolor nimis est, censendum est ad disciplinam facere; nimius enim ex damno rei externæ dolor nota est,

est, mentem rei ablatae nimium affixam & agglutinatam adhæsisse, quam vocatio Christiana liberam & solutam ab istis vanitatibus exigit; cum itaque *crux tua* sit, quæ ad mortificationem concupiscentiæ inhospitantis facit, tibi sane conveniens, oportet, ut statuas militiæ Ducem te recte ad officium tuum vocitasse.

C. *Calamitatum levitas & momentanea duratio* etiam valent ad extinguendum *nimium dolorem*, dum exaggerant minoris faciendum esse damnum, quod tulimus.

N. Si enim res ablata sit *vanitas*, nullius momenti, qua facile possimus carere, revera arguendos nos esse iudicii temerarii, qui tanti facimus damnum nostrum.

2. Si etiam carentia rei ablatae tantum sit ad *tempus & momentanea*, non esse abjiciendum animum iis, qui intra breve *tempus* prævident præterituras istas nubeculas: in primis conferatur locus 11 Cor. iv. v. 16 — 18.

D. Ad *Præcticos* ablegamus lectores, qui de multiplicibus afflictionum *fructibus & utilitatibus* egerunt, inter quos fere reliquis palmam præripit doctissimus Anglus *Jonah*, de *laude patientiæ*; cujus tractatus ex Anglico sermone in vernaculum translatus est.

E. *Exempla tolerantiae in afflictionibus* exigunt, ut commendentur admodum ab amore Dei, & præstantia in viis Dei. Ita V. C. quando *Christus* in *exemplum* producit, notatur fuisse Deo intime dilectus, Cui excellentissimum nomen concessum fuit præ Angelis &c. præprimis notatur in Eo, quod datus sit nobis in *exemplar*, oporteatque nos reddi imagini Ejus conformes; discipulumque non esse Magistro superiorem &c. Si *Propheta*, aut *Apostolus* in *exemplum* trahatur, etiam describendi sunt, ut Viri in domo Dei primi ordinis, qui etiam in militia spirituali se præstiterunt, ut in simili certamine, Duces. Si Viri nobiliores ut *Jobus* & *David* in *exemplum* proponantur, ornantur testimoniis, quibus in Sacris extolluntur; ut *David*, qui dicitur *Vir secundum cor Dei*, & *Jobus*, qui testimonium retulit, non fuisse illi *parem in terra*. Efficitur enim hisce animadversionibus, homines, nobis longe præstantiores, sine detrimento amoris Dei & salutis animæ, easdem afflictiones tulisse & quidem æquo animo, ac proinde simile quid non alienum a nobis censendum esse.

F. A *causa adjuvante* progredientes, notamus nos non nostris viribus suscipere & subire certamen, verum fiducia auxilii Divini idem aggredi debere, cum itaque Deus Agonotheta huic exercitio præsit, ut Moderator & virium Largitor, læ-

tiori animo crucem illam tollendam esse, dum perpetuum pateat ad Deum refugium, & jure gaudeamus postulandi auxilium.

G. Præprimis fiducia illa & alacritas excitanda est ex eo, quod de certa in *eventu* victoria persuasi filii Dei intrepide certamen auspicare queant: si enim miles in dubio cum hoste congressu debitam præstet fortitudinem, quanto magis cum fortitudine animi afflictiones excipiet ille, qui sibi eventum felicissimum spondere potest; suspensum enim in stadio videt *spazbör*, quod in fine cursus certissimo accipiet, qui se in stadio fidelem præstat.

§. 4. *Conditiones rationum sunt,*

- I. Ut *eliciantur rationes* ubi textus brevis est & mere *consolatorius*, ex *natura rei*. Verum si prolixior est, secundum regulam subordinationis, istæ tantummodo allegantur *rationes*, quæ ex *textus circumstantiis* colliguntur. Quod si vero textum pertractemus, generale *consolationis* fundamentum continentem, ut *ratio solatii* sit in textu, amplificatio solummodo curat, ut diversa *mala*, quæ ex textu remedium inveniunt, deducantur, &, ut *ratio* in textu adversus mala ista enumerata stringat, nervose ostendamus.
- II. *Mala specialia* exigere *speciales conditiones* probe observandum est, in generalibus enim hærentes semper eadem chorda obertaremus, quod studiose fugiendum est. Ut itaque videamus quomodo ex generalibus istis classibus *specialia* desumamus argumenta, expendamus casum *paupertatis*, sive *præsentis*, sive *metuendæ*, qua in re hoc modo procedere licet:
 - A. Ad *paupertatem* si revocemur, cogitandum est, Deum abstulisse, quæ Ipse dederat, repetendo ea, quæ sua erant, clementioris fuisse concessionis, quod tam diu, reliquerit nobis bonorum suorum usum & fructum: hoc si te, homo, nimium urit, in tempore abstulit opes, quibus nimium adhærebas; abstulit, inquam, quæ tibi possent esse offendiculo, sapienter, nec propterea te minus amat, quippe *Qui pauperes elegit, ut divites evadant fide*: Jacob. II. 5.
 - B. Hanc *crucem* esse tibi suscipiendam, quia speciatim Deo visum fuit hac in parte Christianos exercere.
 - C. Præprimis cogitandum est, *levem* esse illam *afflictionem*: sustulit enim Deus, quibus salva vera felicitate carere potes, natura paucis contenta est, nemoque vivit ex superabundantibus & superfluis: oportere nos victu & amictu esse contentos, vivitur enim & paucis bene; quare cum *levis* sit ista *afflictio* alacriori animo sustinenda est.
 - D. Imo *utilissima* est tibi ista *privatio*, quia affluentia bonorum abla-

ablata viam vitæ fecit tibi planiorem & faciliorem ; levavit enim te Deus rerum minorum curis , ut gravioribus incumbas studiis ; sustulit magnum concupiscentiarum fomentum , ne divitiis abutaris , qui iisdem recte uti nesciebas.

E. Ipse *Dominus* , dives Qui erat , pauper nascitur , atque Cujus cœlum & terra erant , in terra non habuit ubi *caput inclinaret* ; tune igitur te *Christo* præstantiorem existimabis ? *Jobus* servorum Dei præstantissimus privationem bonorum ferens , dixit non tantum , *Deus dedit , Deus abstulit , ut in omnibus nomen Dei laudetur* , sed etiam tulit ista forti animo. Credas ergo , experimentum amoris Dei non esse capiendum ex fortuna externa.

F. Nec te amisisse , quæ tibi ad *externam conditionem* cunducunt , putes ; quid enim attinet nil possidere , qui Patrem habet divitem & prospicientem ? suscepit enim sibi Deus curam de necessitatibus , ita enim addixit nobis ipse Christus : Matth. vi. ̳. 25 — 34.

G. Et quando id futurum sit vobis *necessarium & utile* , restituet omnium bonorum Largitor. Qui exitus fuit tolerantiae Jobi. Confer etiam : Matth. xix. ̳. 29. Quidquid sit futurum in hac terra , id saltem tenemus quam certissime , Qui divitem epulonem detruxit ad inferos , Eundem fuisse , Qui pauperem Lazarum traduci jussit in *gremium Abrahæ* : qui enim hanc sortem æquo ferunt animo , invenient a morte thesauros longe meliores , incorruptibiles atque constantes in omnem æternitatem.

III. Hæc regula restringit argumenta , quæ desumuntur ex optatissimo ærumnarum *eventu* in hac vita : ad illum enim eventum pertinent aut *restitutiones corporales* , aut *benedictiones gratiæ spiritualis* , cumque istæ ultimæ tantummodo absolute sint promissæ , priores vero *sub conditione* , istæ *absolute* traduntur & ex fœdere Dei derivantur : istæ vero *corporales* notantur concedi pro prudentia Dei œconomica. V. C. In *persecutionibus* , propter veritatem Euangelicam tolerandis , commode erigimus *afflictos* ab *eventu* salutari ; fore , ut Deus illos expediat ex hostium vinculis , aut ut glorificetur in morte eorum , vocando scilicet eos ad *martyrium* , cuius certamen quidem arduum est , sed cui peculiaris gloriæ corona immarcescibilis asservatur , ut eventus sit futurus ipsis *salutaris* , *Regno Christi* utilis , *Deique nomini gloriosus*.

IV. *Genus orationis* , nisi ubi *increpatio* locum habet , omnimodam spirare debet *Supplicium*. *Increpationem* locum obtinere diximus , ubi *tristitia & metus* oriebantur ex *falsa imaginatione* , quæ quo pertinacior eo magis *reprehendenda* est. Ast ubi locus est

veræ consolationis, oportet oratorem ostendere suam *Συμπάθειαν*, induendo viscera misericordiæ, ut sit sermo quasi complorantis & aliquo usque in *tristitia* cum fratre afflicto progredientis, ita tamen, ut ad terminum subsistat, & ad *letitiam* rediens, *ingentem* quasi secum ad *letitiam* retrahat; quando nempe versatur in argumentis *afflictionum* utilitatem commendantibus, & amoris, & gratiæ Dei vestigia in ipso opere explorationis indicantibus, ostendendo beatiorum potius in isto certamine hominis credentis conditionem esse. Quæ argumenta cum ad *letitiam* ingenerandam spectent, non sine aliqua gloriatione spei proponi debent.

- §. 5. Sequitur nunc tertia pars *consolationis*, quæ *exploratio* dicitur. Ubi pastor gregis se *explorationis* ducem præbet, indicando lapidem lydiū, ad quem se examinare verum Christianum oportet; facit itaque ad accuratiorem cognitionem nostri, ut teneamus, num in statu gratiæ constituti simus per divinam gratiam, seu, an inter eos simus numerandi, ad quos promissiones fœderales pertinent: hanc *explorationem* commendat Scriptura omnibus Christianis, fidei Christianæ professoribus: 1 Cor. xi. v. 28. & 11 Cor. xiii. v. 5. Quibus adde locum Zephan. ii. v. 1. Illudque exercitium requiritur potissimum, ut fides confugii provehatur ad omnem *πληροφορίαν*, atque ita excrescat in fidem fiduciæ; cuius est restipulatio fœderalis, exercenda potissimum in precibus, promissiones divinas repetentibus a Deo, & pro jure filiali rogantibus; cumque illa *Ἐπιρρώτησις* requirat bonam conscientiam, necessarium est, ut homo per conscientiam sibi intime sit conscius de adstipulationis suæ sinceritate & veritate.

I. Cum ista *exploratio* aliquando omittenda sit, caute deliberandum est, quando tantum locum habeat, quod dijudicandum est ex causis instituendæ *explorationis*, quæ sunt;

A. *Metus fovendæ temeritatis & socordiae in carnalibus*, seu *hypocritis*. Cum enim pastoris munus sit *socordiam* hominum naturalium dispellere, illosque ex profundo isto sopore, quo obruti jacent, excitare, ne nostra imprudentia percant, monente Paulo Ephes. v. v. 15. oportet ut nullam demus ansam istis *socordibus* semet fallendi atque *ea arrogandi*, quæ ad ipsos non pertinent: verum huic metui aliquando satisfieri potest in *historia casus* sola denominatione diacritica subjecti, ut diximus ad §. 2. II. hujus capitis.

B. *Tentatio ad desperationem in vere fidelibus*, aut *qualiscunque dubitatio animi circa statum gratiæ*. Horum enim in gratiam *consolatio* adhibetur, quam cum nimia *tristitia* aliquando a se removeat disceptando de ipsorum genuina adstipulatione, jam tempus est, ut ad *explorationem* sui incitentur, & notis veræ fidei

fidei ac resipiscentiæ instruantur, ut examen sui legitime absolvere possint.

II. In *signis illis* requiritur

- A. Ut *signum* indicatum sit *evidentius* re manifestanda, id est, ut sit *res notior* apud conscientiam, adeoque debent esse actus mentis, quorum conscientia ignara esse non potest.
- B. Debent esse *certa* & *infallibilia*, id est, spectare ad rerum essentias & proprietates *quarti modi*, atque, quod probe notandum est, *reciproca*, ita ut posito *signo* ponatur *status gratiæ*, & sublato eo, quod in *signum* erigitur, excludatur homo a *statu gratiæ*; nisi enim talia sint, fideles *lugentes* & *tristiores* raperent ea in argumentum *desperationis*, quod potissimum ecclesiasti cavendum est.
- C. Tertia conditio est, quod debeant esse *parva*, ne *opus explorationis* faciamus molestum. Imo hic mihi notandum est, proprie in *exploratione* tangendam esse tantum *resipiscentiam* & *fidem*: cum enim in stipulatione fœderis gratiæ nihil postuletur præter utriusque sinceritatem, jam adstipulatio procul dubio efficax fuit, ubi utrumque opus stipulationis sincero animo peractum fuit. Quare probe notandum erit, utrum potissimum pro subjecta materia ad examen sit revocandum, aut *resipiscentiæ* ingenuitas, aut *fidei* sinceritas: cumque partes essentielles *resipiscentiæ* sint odium peccati ante acti, & amor virtutis novæ conceptus, ea in *exploratione* paucis adducuntur, quæ aut odium peccati, aut amorem virtutis detegere possunt: sin vero *fides* veniat exploranda, quæ hic tantum consideratur secundum actum confugii ad gratiam Dei in Christo amplectendam, omnis labor *explorationis* versabitur in excutiendo animi affectu, qui requiritur in confugiente; hæc enim *signorum* locum habent, quæ famem & sitim iustitiæ manifestant, sive desiderium animi integerrimum, quo Deo potiatur conciliato & Amico ex intima mentis persuasionem de summa istius Boni soliditate unica & jucunditate maxima.

III. Deliberantes *de fontibus signorum*,

A. Admittimus *signa derivata*

- N. Ex *intima rerum natura* V. C. Ubi exploranda est *resipiscentiæ* sinceritas, *signum* ex *resipiscentia naturæ* derivatum erit detestatio vitæ ante actæ cum pudore: qui enim peccata, a se commissa, respicit ut pudenda, atque ita detestatur, ille revera *resipuit*; ea enim hominum naturalium stultitia est, ut ad scelerum suorum ἀλογία cum

pudore non respiciant. Eodem modo *fides* exploratur, num sit *genuina*, ex *assensu*, quo non tantum approbamus stipulationem oblatæ gratiæ accipiendæ, verum etiam quo in nos suscipimus stipulationem glorificandæ gratiæ per studium gratitudinis.

2. A *causis* desumuntur *signa*, quando attendimus ad primas mentis rationes. V. C. In *resipiscentiæ* exploratione *signum* nobile est, quod desumitur a *causa tristitiæ & doloris*, num oriatur ex damno aliquo mundano. V. C. *Privatione honoris* commissum scelus consequente; num vero ex ratione Dei, quod minus æque se gesserit mens erga Deum in ante actō vitæ genere. Ita & *fides* exploratur, quando expenditur desiderium ejus communionis & amicitiae cum Deo, num oriatur ex propensione medicinæ mentis necessariæ, seu consideres vitam, quam cupit, num tantum ut immunem a malis, an vero ut instauratam, æque cupiens gratiam sanctificationis ac glorificationis. Hypocritæ enim quoque gaudium filiorum Dei desiderant, non autem sanctitatem; cum contrarium verum sit in vero ad Deum confugio, ibi enim nullum gaudium agnoscitur extra vitam sanctitatis.

3. Ab *effectibus necessariis* *signa* sumuntur. V. C. Iterum *resipiscentiæ* exploratur, ut vera ex *effectu* necessario, odium *peccati* consequente, quod est fuga *peccati*: quod enim quis odio prosequitur vero & legitimo, ab eo se avertit toto corde, cumque *resipiscentiæ* consideret jam *peccatum* ut aliquid hostile, hominique insidians, ut ipsum pertrahat ad servitutem *peccati*, eumque vinculis ligare & constringere quærens, non potest non ista, sub isto formali perpendens hostiles istas machinationes, fugere, ut periculum evadat. Ita quoque necessarius effectus *fidei* est, Deum in Christo amare supra omnia, ut benevolum & gratiosum, in Quo solum quærenda sit mentis acquiescentia.

B. Non autem *admittenda sunt signa*, quæ solent consequi incrementum gratiæ, qualia sunt effectus fiduciæ respectu *fidei*, *alacritas* in passionibus & afflictionibus, *servor* in precibus; quoniam ea *signa* destituuntur conditione secunda, non enim sunt *reciproca*. Homo enim vere *resipiscens* & *fidelis* in primo statu gratiæ confertur cum infantibus, in quibus vita adhuc est debilis, ita tulit Christus in discipulis suis *ἐλπίσιν*, timorem & teporem, erigens illos perpetuo ad incrementum.

IV. *Prudentia hic exigit*

A. Ut doceamus distinctionem operis gratiæ ab effectis *temperamenti*, id est, rationis opus a passionibus, ut *exploratio* nostri non debeat expendi ex *passione* respondente, sed ex *ratione* rem percipiente. Alia itaque est *tristitia passionis*, alia *rationis*; cum itaque in *resipiscentia* *tristitia* exigatur ad Deum, monendi sunt Christiani, ipsis non dubitandum esse de sinceritate *resipiscentiæ*, quod *passio tristitiæ* non ita accedat ad *tristitiam rationis*, cum id *temperamento* aliquando debeamus adscribere; imò cum res spirituales sint, circa quas versatur mens, mirum non esse, quod imaginationi vividiori non subsint, quam tamen *passio tristitiæ* demum sequitur. Eodem modo se res habet in *gaudio spirituali*, sufficit, nos mente percipere beneficia gratiæ Dei oblata, revera esse omnibus aliis bonis preferenda, etiam si *passio gaudii* non statim subsequatur; eam enim sapissime impediunt sanguinis temperies melancholica, ac spirituum animalium crassities aut defectus; cumque gratia Divina sit *medicina mentis* non corporis, erudiendi sunt auditores, ut *mentem* ad lumen conscientiæ intime perspiciant, *passiones vero num adsint aut absint, non curent*.

B. Notamus etiam *signa sinceritatis* non semper *expendenda esse ex tempore præsentis*. Cautela hæc præprimis locum habet in iis, qui sub desertione spirituali exercentur; cum enim dispensatio gratiæ admittat aliquando obscuriora intervalla, obruitur nonnunquam animus certa quadam mentis confusione, quæ minus apta est ad intimam animæ perlustrationem. Ita dubitabit quis, quoad *sinceritatem resipiscentiæ*, an in se legitimam inveniat detestationem peccatorum suorum, experiri se potius blandimenta concupiscentiarum irritantium, nec satis horrere se cogitationes istas perversas, quæ representationes concupiscentiarum attingunt: in similibus querelarum casu monent *Prædici*, revocandos aliquando esse hos luctatores ad memoriam dierum præterlapsoꝝ, ut in animum inducant, an, quæ desirant in mentis dispositione, non aliquando invenerint, atque, hoc si obtineamus, monendi sunt, obscuriora gratiæ diviniæ intervalla agnoscenda esse, ita tamen, ut non negemus dona Dei esse *ἀμεταμέλητα*; si enim unquam donorum Spiritus fuerint participes, fieri posse, ut sensu istorum destituantur postmodum, non vero re ipsa.

Adde etiam, si aliqua *tarditas* in admittendis illis oboriatur, ita ut negent in *fide sua se invenire rei exoptandæ desiderium*, ali-

aliquando descendendum est ad ultimam sacram anchoram, interrogando, an non ista desiderii carentia mentem urat, ita ut desiderent desiderium illud *fidei* in ipsis experiri vividius? non poterunt negare, qui querelas effundunt & gemitus, quique haud æquo animo statum suum ferunt ob *desiderii fidei* desiderium, atque ex eo principio erigendi sunt, qui mentem alias insensibilem testantur atque lugent.



COMMENTARIUS

AD


METHODUM CONCIONANDI.

PARS SECUNDA.

CAP. I.

DE TEXTU HISTORICO.

§. I.



Textus historici hypothetici dicuntur, quia

I. Supponunt Theologiam theticam, cum theoreticam tum practicam, hi enim utriusque professionem aut studium proponunt in exemplis, ad normam fidei & morum examinandis, atque ob convenientiam cum norma ista laudandis, vel contra ob recessionem a norma & discrepantia vituperandis.

II. *Historiæ* autem sunt rerum gestarum narrationes, quæ in se facta continent,

& actiones cum effectis exprimunt, remque omnem gestam exponunt per omnes circumstantias, a quibus in ordine ad laudem aut vituperium insignem varietatem acquirunt.

III. De *questionibus juris & facti* parte I. Cap. v. §. 18. jam prolixè egimus, quæ conferenda sunt.

IV. *Textus illi historici* tum Veteris, tum Novi Testamenti desumuntur ex libris historicis utriusque Testamenti, licet & *historiæ* occurrant in partibus quibusdam librorum, qui dicuntur quatuor Prophetarum majorum; præprimis vi. capita priora Danielis tanquam historica sunt consideranda.

§. 2. Circa *exordia* hic præprimis requirimus, ut

I. Sint *succincta*, quia ob copiam rerum multa sunt enucleanda in ipso concionis corpore. Lex *proportionis* exigit, ut, tempori consulentes, minus necessariis illud non impendamus; quod si tamen plures res in *exordio* sunt notandæ, ut toti textui respondeant omnia,

PARS II.

T

sty-

stylus Laconicus assumendus est, qui exigit multa paucis dicere, periodis brevioribus.

- II. *Historiam exhaustire debet*, & actionem integram attingere in totum, idque eo scopo, ad quem *historia* adducitur; atque adeo *exordium* quærens diligenter sibi proponere debet actionem cum eventu, alias hæc regula non necessario ad *circumstantias historiae* trahenda est, sufficit ut attingat casum tentationis aut liberationis cum eventu.
 - III. *Exordia a typis personalibus* desumpta considerant actores ut tentatos exploratosque, ut qui in *simili* casu fuerint constituti, & *simili* modo expediti, vel in *simili* ratione a Deo liberati aut exaltati; in qua comparatione hic nexus *exordii* est.
 - IV. *Exordium a xpo* desumptum, sive ut parte I. appellatur a *generaliori*, postulat pro basi sententiam nervose & thetice enunciatam, aut adagium, ita ut tamen vitetur ejus deductio amplificans.
- §. 3. Quoniam *propositio involvere debet scopum Spiritus Sancti*, atque in libris *historicis* aliquid peculiare a nobis notetur, unde concio ista ad genus demonstrationum revocari possit, notandum hic apprime;
- I. *Scopum in Historiis Sacris* mihi notare rationem finalem in consiliis Dei, qua respondetur ad quæstionem, cur Deo visum fuerit ita agere cum amicis aut inimicis; cum populo suo aut ejus hostibus; illumque rebus procurare eventum, quem providentia Dei gubernans dirigit: cumque, quod primum est in intentione, ultimum sit in executione. Ut scopum istum intentum invenias, attendendum ad fructum gloriæ Dei, qui ex proximo scenæ actu ultimo resultat; atque ita habebis *inventum & intentionem*, quam assequi Deo erat in consilium. Ceterum notetur, quod narratio *historica* notat viam Dei in mediis, ad finem adhibitis, manifestatam, cumque media ista contentanea sint decentiæ divini, eamque in nullo casu infringant.
 - II. Huc facit præprimis *studium analyticum*, quo partes viarum & vestigiorum Dei in *Historicis* decernuntur, & sapientissimus ordo in consecutione mediorum manifestatus, ut mediorum influentiam in finem, seu eventum singulatim comprehendamus.
 - III. In consilium hic itaque adhibendi sunt *Scriptores Analytici*; sed, quæ nostra hic peculiaris ratio est, jam indicavimus in notis nostris ad *Enchiridion Biblicum* clarissimi Heideggeri: paucis tamen hic quædam notamus, quæ ad scopum librorum *historico-rum* Veteris Testamenti pertinent, & pauca quæ *historias* Novi Testamenti illustrent.
- A. Scopum quod attinet librorum *historicorum Veteris Testamenti*, de eo monemus, quod spectant ad *viam vitæ* peccatorum, per

per gratiam Dei reclusæ, manifestationem & consummationem, Ubi

N. Manifestatio *vix vite* est divina revelatio, qua Deus externo quodam oraculo medium salutis cum omni ambitu officiorum erga illud primitus notificavit, vel in progressu distinctius explicavit, ad fidem gloriæ gratiæ suæ corroborandam & ingenerandam.

a. Primum verbum gratiæ fuit consilii Dei expositio, de salute peccatoris per *Semen mulieris* procuranda, atque occurrit Gen. III. v. 15.

β. Ab hinc videndum, quomodo hæc causa in oraculis sequentibus fuerit illustrata, atque hoc argumentum quantenus auctum; ut scilicet *subjectum* istius oraculi, *Semen* nimirum *mulieris*, postea vocetur *Semen Abrahami*, *Germen Davidis*, dum ultra notam communis humanitatis illud denotatum est quoad *familiam*, ex qua oriatur; ut aliquando proponatur Ille Ipse tanquam *Legatus Dei & Legatus Assertor*. Dein *prædicatum*, in quo descriptio beneficii continetur, cum sit *contritio capitis Serpentis*, considerandum est ut magis magisque expositum & illustratum; cum enim illa phrasis contineat liberationem a malo per peccatum contracto, gradatim explicatur terminis collationem boni oppositi involventibus; tales sunt notiones explicatoriæ, *fore electis in Deum*, *fontem omnis benedictionis*; ut notio *benedictionis* in promissionibus *Abrahamo* factis, jam omnem liberationem a malo peccatorum, & collationem beneficiorum, applicationis gratiæ ad salutem in se contineat. Aliquando phrasæ occurrunt utrumque terminum indicantes, quando relate ad mala avertenda Deus in Filio dicitur *Clypeus* ad bona conferenda, *Mercēs magna valde*. Quæ autem in cumulum postea adjectæ sunt promissiones, aliæ ad *hereditatem terræ Canaanis* spectantes, concipi debent, ut in cumulum adjectæ, & in pignus majorum promissionum, quare, quæ post primum verbum gratiæ divinæ additæ sunt, concipiendæ sunt se habere per modum illustrationum cum ampliori *subjecti* aut *prædicati* descriptione.

γ. Repræsentantur etiam aliquando *mera officia*, quæ ad legislationem pertinent, quorumque definitio & descriptio ut *commonstratio viæ* ad assequendam amicitiam Dei spectari debent, huc faciunt plurima in II. III. & V. libro Moïsi occurrentia: nihilominus ita coherent cum

istis *legibus* nobiliores circumstantiæ, ut ex iis manifestum fiat, *leges* istas spectare ad *θεσπιστας*, atque profluxisse ab ipso Deo vero & vivo, electi hujus populi Rege & Principe. Adhærent enim *historiæ legislationis* tales præsentia divina notæ, ex quibus facile conficitur, legislationem istam, cujus minister fuit Moses, divinam fuisse, & populo sub *θεσπιστα* normam vivendi & agendi dedisse.

2. Cetera *historica* omnia, quibus *prædicata* inferuntur, ad confirmationem religionis, ita descriptæ, spectant: describit enim *Historia Sacra* gubernationem populi Dei sub Deo, una cum repræsentamine fatorum populi, in quibus occurrit *Viarum Dei* comprobatio, secundum *leges & statuta* Reipublicæ Theocraticæ, idque per exempla, quæ in exemplaria eriguntur. Proin occurrunt
 - a. *Exempla piorum*, qui certo modo tentati aut oppugnati *in via vitæ*, a Deo traditæ, perstitierunt, atque in eadem non alium habuerint scenæ exitum, quam prout oracula Dei aut promiserant, aut prædefiniverant; unde semper occurrunt ut conferenda cum promissionibus aut prophetiis.
 - β. Et contra, *exempla impiorum*, qui ab illa *via* recedentes etiam exitum habuerunt comminationibus divinis & vaticiniis respondentem, quique proin in ista collatione conspiciuntur ut prædamnati & pœnarum exemplaria facti, Hæc ut magis persplendeant, inspiciamus *historiam antediluvianam*, ubi post descriptionem *verbi gratia*, & confessionum *Adami & Hevæ*, in quibus specimina dederunt bene perceptæ mentis Dei, tres recensentur casus *historici*, quibus *via vitæ* veritas & divinitas probatur.
 - a. Primus est in *Historia Cainis & Habelis*. Uterque se confert ad aliquod exercitium cultus Dei, sed non eadem mente ac sententia, unus in *fide*, alter in *opere operato* Deo placere studet: *Habel* Deum in *fide* querens, habet Deum approbantem, dum Deus ejus oblationem respiciat, contra vero *Cain*: placuit proinde *Deo vita* prioris, non posterioris, hoc trahit homo nequam in invidiam & odium adversus fratrem, intercedit oraculum eundem corripiens, & ad correctionem instituens atque ita *via Habelis* secundum a Deo accepit testimonium approbationis, damnata vero *via Cainis* est: tandem *Cain* præfracto animo pergens in

instituto, fratrem e medio tollens, Deum habuit Judicem, *Habelem* occisum justificantem & ipsum condemnantem, imo notam damnato inurentem. Videte igitur causam decisam, *via Habelis* bona & approbata progeniem lapsorum parentum ad optatum finem perducit, *Caini mala* ad perniciem. Nota quod & Paulus hanc demonstrationem fecerit: Hebr. xi. *ψ. 4.*

- b. Alter casus terminatur in *Henochi ablatione*. Scilicet *Seth* loco *Habelis* substituitur, dumque humanum genus propagatur, manet divisio inter *Sethicas* & *Cainitas*, ac utriusque progenies *diversam* sequitur *viam*: tempore *Henochi*, *Sethicæ* se a *Jehovah* denominant, negantes nimirum *Cainitis* commercium aut communionem: inter *Sethitas* zelo eminet *Henochus*, qui *ambulat cum Deo*, id est, facit cum Deo contra deflectentes *Cainitas*; decisio litis est in raptu *Henochi*, qui vivus in cœlum sublatus est, atque ita publico testimonio confirmavit Deus *viam Henochi*, quæ fuit in iustitia fidei, unicam & veram fuisse, cujus exitus esset in beata cum Deo conjunctione in futuro seculo, seu fruitione *vite* in cœlis offerendæ: Hebr. xi. *ψ. 5.*

- c. Tertius casus est in *historia Noachi*. Perrixit humanum genus in studio partium, dum *Cainitæ* in pertinacia incorrigibili perseverant, imo interventu conubiorum *Sethi* posteros in partes suas pertrahunt, donec omnis caro suam corruperat *viam*. Interim *Noachus* excitatur ut præco iustitiæ, sed frustra est, unde causa deceditur, cum *Noachus* ejusque familia servatur in *arca*, reliqui autem omnes, diluvio in terram immisso, propter *vix corruptionem* delentur. In hisce *Noachi via* divinam accipit approbationem, quippe qui in exitu Deo placuit: aliorum vero hominum perditorum *via* sistebatur, ut tendens in perniciem. Atque ita per omnes *historias* Veteris Testamenti pergere licet.

- a. *Abramæ historia* probat, Deum iniisse consilium separandi sibi gentem, quæ abdicata omni idolatria, *Jehovah* ut unum solum Deum coleret, & in fide ac spe redemptionis Christi, sub nomine *Seminis Abrahami* designati, salutem exspectaret: in quo consilio etiam tanquam medium separatio-

nis promittitur occupatio terræ *Canaan*, ut populus separatus seorsim habitet, & in ea cultum prædictum cum allegata fide & spe intemerate exerceat; hinc trium Testamentorum in oraculis compellatio, & in unum fœdus conjunctio sub forma promissionis proposita: Genes. xii. repetita: Genes. xiii. ritu fœderali confirmata: Genes. xv. sigillo circumcisionis obfignata: Genes. xvii. ac tandem juramento asserta: Genes. xxii. Quæ repetuntur in vitiis *Isaac* & *Jacobi*. *Historicæ* autem narrationes interpositæ indicant ostenduntque, quod Patriarchæ sæpe periclitati sunt, quodque per eventus contra omnem humanam verisimilitudinem sunt confirmati, probantes ipsis rem fuisse cum vero Deo, ex Cujus vocatione idola reliquerant; sicuti & simul confirmati fuerunt in fide divinitatis fœderis, Deum esse, Quo cum fœdus habebant, spem facientem ratam de introductione posteritatis *Abrahami* in terram *Canaan*, idque ob causas supra numeratas, ut trium Testamentorum suo tempore fieret executio.

- b. *Historia Moysis*. In ceteris libris *Moysis*, ab *Exodo* incipientibus, continetur *historia liberationis populi ex Ægypto*, una cum communicatione *legum divinarum* ad fœderis formam revocatarum; omnia huc tendunt, ut *Moses* fuerit insignitus characteribus & probationibus ministri Dei ad exequendum illud Dei consilium, quod jam ante quatuor secula communicaverat cum *Abrahamo*. Huc facit *historia* recensens, quæ legationem *Moysis* proxime antevertebant, ex iis enim constat, ut periclitatus fuerit populus, & ad incitas fere redactus sub Principe potentissimo: hinc accedit ad *legationem Moysis*, ejusque legationis executionem coram *Pharaone*, ubi omnia referta sunt miraculis, rem divinam comprobantibus & portentis causam decidentibus: status enim controversiæ inter *Mosen* & *Pharaonem* fuit, an *Jehovah*, Cujus nomine *Moses* agebat, esset verus Deus, ridente id *Pharaone*; num vero *Dii Ægyptiorum* ut veri colendi. Decisio autem est in progressu, & maxime in exitu; ex miraculis enim in *Ægypto*, etiam Magi aliquando coacti fuerunt digitum Dei agnoscere, & *Pharao Mosen* rogare ut apud Deum suum malorum deprecationem prom-

moveat: circa finem, Angelo Occifore terram *Ægyptiacam* percurrente, senferunt cœleſtum Vindicem injuriarum, ſervis Jehovah illatarum; donec tandem in *mari Rubro* Deus *Mofis* populo fecit tranſitum, adverſario autem Dei, & populi ejus perniciem & luſtuoſum exitum.

- c. In *hiſtoria deductionis populi* a mari *Rubro* ad montem *Sinai*, nec non legiſlationis & ulterioris profeſſionis per *deſertum* horridum, innumera ſunt miracula præſentiam Dei in populo comprobantia, atque *disparitas* in populo manifeſtantia; etiam ubi leges ſuas præſcripſit Deus, ſive ex monte *Sinai*, ſive ex tabernaculo conventus, ut videas nunquam Eum locutum fuiſſe cum *Moſe*, quin circumſtantiis ſigna præſentiæ divinæ adhærent.
- d. Liber *ſue* conferri debet cum promiſſionibus Patribus factis & ſæpe iteratis, de danda eorum poſteris terra *Canaan*, in ſedem cultus purioris Dei, in ſpeculam Meſſiæ Solpicatoris, & in pignus vitæ cœleſtis. ut trium *Teſtamentorum* relationem involvat ſpes illa data. Hic loci autem deſcribitur iſtius conſilii executio & præſtatio, ſub iſtis tamen circumſtantiis, ut ubique Jehovah Deus compareat, tanquam ſolus occupationis tentatæ & ſulceptæ Auctor atque Promotor; quippe Qui cernitur Theocratix ſuæ theatrum per antiquorum colonorum expulſionem evacuans atque præparans, nec non diſtributionem terræ evacuatae inter duodecim tribus ſibi aſſumens. Elucent quoque in variis circumſtantiis indicia finis Dei; profluere ſcilicet hæc ex conſilio concedendi populo locum tutum, & quietem ad colendum nomen ſuum ſecundum argumentum libri fœderis.
- e. Liber *Judicum* conferri debet cum Deut. CAP. xxxi. aliisque capitibus, in quibus *Moſes* prædixit, fore, ut paulo poſt obitum ſuum per idololatriam vias ſuas corrumperent, variis traditionibus in ſervitutem caſtigarentur, & nihilominus per donum reſipiſcentiæ conſervarentur, & ad manifeſtatam reſipiſcentiam ex hoſtium manibus iterum liberarentur. Id vero nunc agit *præſens liber*, ut oſtendat, illa eadem methodo verificata fuiſſe in populo, ita ut, repetitis vicibus, eadem ſcena ſæpius hic recur-

currat: quot vero celebrantur hic *Judices*, totidem describuntur populi liberatores & assertores, totidemque vicibus populus concipitur propter recidivam idololatriam sub jugum missus, atque, recurrente resipiscentia & confugio ad axilium Jehovah Dei, non sine miraculis restitutus. Unde *Judices* describuntur ut instrumenta divinæ potentiae, quibus Deus usus est ad conservationem populi, ejusque restitutionem ex periculo pereundi. Istæ *historicae* enarrationes evidenter probant Jehovah solum esse verum Deum, & juxta legem *Mosis* pure colendum, qui vero ab eo recesserunt & ab ejus cultu deviendo a lege *Mosis*, illos incidisse in divini Numinis indignationem; qui vero ex lapsu ad legem redierunt, sensisse divini favoris restitutionem.

f. Quæ ulterius sequuntur in libris *Samuelis* & *Regum* novam respiciunt fere controversiam, de loco cultus divini legitimo. Quæ quæstio vixit postmodum, cum schisma oriretur inter *Judam* & *decem tribus*, atque permanlit inter *Samaritanos* & *Judeos*. Cumque definitio montis *Moriae* penderet ab auctoritate *Davidis*, ejusque auctoritas maxima ex parte ex auctoritate *Samuelis*, omnis *historia* in libris *Samuelis* spectat, ad demonstrandam ex dictis & gestis divinis utriusque *Davidis*, & *Samuelis* auctoritatem. Scilicet viros fuisse Prophetas in *Israel* populi; veros & probatos Jehovah ministros, adhibitos, ut, quæ adhuc supererant ex lege *Mosis* in Terra conficienda, per eos sub approbatione divina præstarentur. Idem de *Salomone* putandum, cui Templum ipsum condere relictum fuit: atque, cum post mortem *Salomonis* schisma obortum fuerit, simul notatur, decem tribus ex consilio *Jeroboami* relinquisse cultum Dei in Templo, & dum translatae sunt decem tribus ad cultum in *Dan* & *Bethel*, tota sequens *historia* commonstrat, ut factum illud Deo displicuerit.

B. Pauca de scopo librorum *historicorum Novi Testamenti* dicenda restant. *Historici Novi Testamenti* absolvuntur quatuor *Evangelis*, & *Apostolorum actis*.

✠. Nomen *Evangelii* ipsum scopum indicat, dicit enim annunciationem præsentis Regni *Christi*, ante promissi, per exhibitionem Regis, characteres in prophetis designatos, ad

ad amussim implentis, Ut eorum *librorum scopus* generalis sit, ostendere *Jesum esse Christum*, ad introductionem in Regnum cœlorum a Patre missum & legatum; ita ut omnia allegata eo tendant, quo videamus omnes characteres *Messias* per totam Ejus vitam, pro ratione temporis fuisse manifestatos. In specie autem notandum quoque est obiter, diversitatem consiliorum singulorum *Evangelistarum* profluere ex ratione obsectorum, quorum rationem habere voluerunt. Ita

- a. *Matthæi Evangelium* habet rationem scripti *apologetici* contra *Judeos* & ad *Judeorum* conversionem, in quo ubique tacitis *Judeorum* præjudiciis occurrit, eaque opponit ex tota *vita Christi* ratione, quæ difficultates istas ex animis non obfirmatorum facile tollere queant.
- b. *Marcus breviarium* dedit *Evangelii* in usum credentium, incipiens a vocatione & baptismo *Joannis*, ut confirmet credentes in fide, ostendendo *Evangelium* habuisse sub *vita Christi* legitimum *auspiciam*, evidentissimum *progressum*, & gloriolum post *pariter exitum*: in quibus ejus veritas luce meridiana clarius persplendet.
- γ. *Lucas* pro indole Gentium conversarum & convertendarum *historiam* revocavit ad *historicam methodum*, seriem temporis observando, & gesta sub *vita Christi* cum æra Romana componendo, ut in ipso progressu videant lectores decentiam Dei fuisse observatam, & manifestationem Regni Christi convenienter fuisse notificatam.
- δ. *Joannes*, in scribendo *Evangelistarum* ultimus, varia adjicit, ac præcipue varios sermones *Christi*, propter *Ebionitas* & alios primos oppugnatores Deitatis *Christi*. Cumque illa esset maxima conditio personæ *Christi*, Qui cum præstare se deberet Sospitatore mundi, ut esset *διότι*, jam multis hoc agit, ut de Ejus humanitate non dubitaretur, ut probet Eundem esse manifestatum secundum *διότι*, ut Filium Dei in unitate personæ.
- ε. In *Actis* autem *Lucas* intendit demonstrare, *Evangelium* Regni, post sublationem *Jesu Christi* in thronum Majestatis, & fuisse manifestatum, & propagatum, non tantum inter *Judeos*, sed & inter *Gentes*, & etiam indubia fide fuisse receptum in Orbe, præprimis in nobilissimis partibus *Imperii Romani*: quique cum in finem, ut certitudo esset major, ostendit propagationis ministros fuisse Vi-

ros *ἑταῖρους*, quique habuerunt contestantem Deum per signa & miracula. Abhinc progreditur præprimis ad *historiam ministerii Pauli*, tanquam legati ad *Gentes*, incipiendo a stupenda ejus vocatione, & pergendo ad demonstrationem omnis successus legationis ejus inter *Gentes*, per omnem *Asiam & Macedoniam*, ac *Achajam*, donec ad terminum legationis venerit, scilicet *Romam* ipsam.

Notandum hæc omnia eo spectare, ut in textibus *historicis* non simus contenti omnia trahere tantum in exemplum fidei & pietatis; verum etiam, & quidem primario, ubique scopus Spiritus Sancti postulat, revocare ad demonstrationem divinitatis viarum Dei, prout singulis temporibus consilium Dei postulabat.

§. 4. *Divisio textuum historicorum*, propter varietatem materiæ substitutæ, aliam attentionem requirit. Scilicet, notat partes rerum gestarum, ut se habent ab initio ad finem, aut a primo apparatu ad progressum, & usque ad exitum; sicuti igitur comœdia in varias scenas & varios actus distingui solet, ita oportet in antecedentibus notare molimina rerum subsequen- tium. Ut itaque commode inveniantur *denominationes*, semper oportet nos esse memores, in rerum eventu inveniri ultimum scenæ actum, & id quod assequi consilium Dei decreverat. *Denominationes* itaque debent esse relativæ ad eventum, ut in prioribus quæramus molimina & apparatus ad illum exitum consequendum susceptos. Alterum quod attinet de *subdivisionibus non enumerandis*, tenendum est, mente tamen esse comprehendendas, ne confuse effundantur, quæ in buccam veniunt, & dum *transitus* fit ab una parte in aliam, modice tantum *subdivisiones* sunt occultandæ, ut *transitus* nos ab una re ad aliam deducat, cui eleganter aliqua *denominatio* partis *subdivisæ* immiscetur, quod maxime facit ad excitandam attentionem auditorum.

§. 5. In pertractatione materiæ *historicæ*, sive *explicatione* repetimus potissimum ea, quæ in parte prima dicta sunt, eam ob causam, ut teneamus quid speciatim faciat ad meditationem *textus historici*.

§. 6. Ad illustrationem dictorum

I. *Proponamus* nobis exemplum, quod exstat libro Ezræ, CAP. I. *ῥ. 1—4*. Ibi *edictum* Cyri proponitur, concedentis populo facultatem redeundi in terram suam, ut ædificent *Hierosolymis templum Jehovab*. Consilium annotationis est ostendere, quod per *captivitatem Babylonicam* intercedentem cultus Mosaicus non fuerit abolitus, sed post conservatas reliquias populi & fidei religionis Mosaicæ in populo, Deus causam suam reassumerit,

serit, idque convenienter prophetiis & prædictionibus de reducendo populo ad ædificationem *templi*: ubi igitur *præparatio* describitur,

†. Secundum excitationem instrumenti: *ψ. i.*

††. Secundum subministrationem facultatis.

In *prima parte* notatur

A. *Persona*,

1. *Cores Rex Persarum*, qui proinde respiciendus est cum relatione ad *edictum*, ut Monarcha primus imperii Persici, Vir auctoritatis amplissimæ & latissimæ. Ubi obiter notatur, *Monarchiam Assyriacam* jam transiisse ad illam gentem, ast nomen adjici, partim, ut teneamus primum fuisse Monarcharum Monarchiæ secundæ, deinde, ut in memoriam revocemus eundem esse Virum, quem *Jesaias* jam ante nominaverat, ut intelligamus justum instrumentum providentiæ divinæ hic fuisse adhibitum, qui consilium divinum sibi exsequendum suscepit.

2. Notatur & *Deus* hoc instrumento utens & applicans, Qui vocatur *Jehovah*, ne quis putet, quæ *Cores* moliebatur, fuisse opus humanæ solum industriæ, aut prudentiæ politicæ, verum opus istius *Dei*, Qui solus verus est, Quique sub hoc nomine innuitur ut fideliter promissiones suas præstans.

In *secunda parte* notetur:

1. Ad *προσωποποιῖαν* spectare *totum populum Dei*, qui accipit beneficium, ita ut populus Israeliticus agnoscatur in *edicto Cyri*, *populus Dei veri & supremi*: qui totus dividitur, in duas classes, in *populum spontaneum*, & *alios*, terræ peregrinationis affixos, ut cuique suum præscribatur officium.

B. *Facti* consideratio in eodem textu, est *præparatio edicti* de concedenda populo libertate redeundi in *patriam*, & *condendi templum Dei*. Ad hoc consilium

1. *Cores* applicat spiritum suum & deliberat, imo concludit de *edicto* emanando, quod mirum videri possit in Rege *Persarum*, qui ex gentibus erat.

2. Ast *causam* addit *historia*. Scilicet tribuitur principium hujus consilii *Jehovah* excitanti spiritum ejus; in Illius enim manu sunt *corda Regum*, quæ *flectit ut rivos aquarum*: idque ideo additur, quo *verbum* ex *Jeremiæ ore* prolutum *adimpleretur*, quo dictum fuerat, servitutem sub *Babyloniis* terminandam intra *septuaginta annorum spatium*.

In parte secunda

Factum quod perpendendum est, describitur

- a. Respectu spontaneorum, qui accipiunt facultatem
 - a. Redeundi in patriam.
 - b. Ædificandi domum Jehovah.
 - β. Respectu aliorum, qui accipiunt facultatem promovendi fratrum opus conceptum *muneribus*, & præsertim *oblationibus spontaneis* ædificando templo impendendis: quæ omnia exaggeranda sunt ab *honesto* & *utile*, per commendationem libertatis receptæ & cultus publici reddit.
- C. Quod ad *modum* agendi attinet, in *prima parte edictum* concipitur ut propagandum, non solum *ore*, sed & *scripto*, idque latissime per omnia *Regna*. Ita solebant *edicta Regum* publicari, ut ad omnium cognitionem perveniat voluntas Regis; in quem finem adhibebantur in initio præcones, & illis addebantur scripta locis publicis affigenda, quo indicatio voluntatis Regis amplioris esset durationis. Interest enim omnium ea scire, & eorum, quibus scilicet privilegium conceditur, ut arripiant, & aliorum, ut usum concessæ facultatis non impediant.
- D. *Ratio temporis* etiam *prima parte* habetur, ubi legimus conclusionem Regis circa *edictum* illud, ejusque præparationem & executionem incidisse in *annum primum Cyri Persarum Regis*, quod intelligendum de anno imperii ejus Monarchici, quod imperium incipit a subjugato imperio Babylonico, ut habeat
- R. *Rationem iuxtaipias*, quam primum enim, imperio Babylonico subjugato, Monarchia ad *Cyrum* devoluta fuit, potuit ille jure & facile rem illam auspicari, & omnibus locis nationes suas lege sua ad præstandam ejus voluntatem obligare.
3. Sed pertinet etiam ad justam *chronologiam*, dum manifestat *tempus* a Deo definitum, in hoc opere juste fuisse observatum. Intercedit enim inter annum quartum *Fojakimi*, a quo captivitas Babylonica incipit, usque ad annum primum *Cyri* Monarchæ, quo servitus populi terminatur, justus annorum septuaginta numerus.
- In altera parte etiam ad *temporis definitionem* trahere oportet, Quod omnia *Regna terræ* dicat *Cyrus sibi tradita fuisse*, quæ indicant *tempus* Monarchiæ: describi enim ista phrasi, *omnia Regna terræ*, Monarchicum imperium, constat ex Sacris. Itaque cum transitu Monarchiæ Babylonicæ & *Assyriacæ* ad *Persas*, Monarchia in *Persarum* imperio respicienda

spicienda fuit ; imo *câſſi* verba indicant & Monarchiam *Perſicam* reſiſſe in primo Principe in vocula *dandi*, quæ includit primam acceptionem poteſtatis illius latioris.

E. *Locorum circumſtantiæ* etiam in *utraque parte* notandæ ſunt.

In *prima parte* notatur

Edictum propagandum fuiſſe, & propagatum per *omnia Regna Cyri*. Ubi paucis de amplitudine imperii Monarchici Cyri, iſto tempore ſpectabilis, quod conferendum eſt cum diſperſione populi Iſraelitici & Judaici. Decem tribus abduçtæ fuerant ab Aſſyriis in Aſſyriam & Mediam, ſicuti & Judæi diſperſi fuerant a Nebucadnezare in varias colonias per Melopotamiam, Chaldæam & alias partes ; ut autem omnibus daretur facultas privilegio conceſſa, commodum ſingulare erat hic exaggerandum, quod omnes terræ diſperſionis non tantum uni Regi clementiſſimo tunc fuerint ſubjectæ, verum etiam, ut omnes nationes, ubicunque locorum edoctæ fuerint & monitæ de libertate Judæis reſtituenda & relinquenda.

F. Omne hoc conſilium Regis *Cores* derivatur ex *conſilio Dei*, cujus erat obſervare *tempus* deſtinatæ libertatis & liberationis populi cum omnibus ſuis circumſtantiis, unde in *prima parte* Jehovah dicitur *excitaſſe ſpiritum Cyri*, ut *verbum ſuum*, ex ore *Jeremiæ* prolatum, conſtaret ; at præprimis in *parte altera*, *rationem câſſi* præbet Cyrus in præſatione : *ſ. 2.* dum ait, *Jehovah*, ac proinde Deum Iſraelis in contradinctione ad omnes alios Deos, Eundemque *Deum Calorum* vocat, Qui ex ſupremis omnia gubernat, Auctorem fuiſſe

8. Acceptorum omnium Regnorum terræ.

2. Mandati, de domo illi condenda Hieroſolymis in Juda : ex quibus evidentiffimum eſt, geſta Cyri profluxiſſe ex *ſingulari conſilio Dei*, volentis illam inſtaurationem cultus ſui, cum reductione magnæ partis populi ſui. Ex quibus prompta erit conſuſio, ſpectare ad triumphum cauſæ Dei diſceptatæ inter cultus Moſaici aſſectas & idololatrias, Deum, Hieroſolymis cultum, eſſe ſolum verum Deum, cultumque, juxta inſtituta Moſaica ibi renovandum, ſpectare ad unam ſolam veram religionem, qua verus Deus hominibus conciliari poteſt.

II. *Creatoris facta*, cum celebrantur in *hiſtoria*, *conſiderantur*,

A. Ut *benedictiones*. Exemplum eſto : Joſua vi. *ſ. 1 — 16.* Notatur in ea *hiſtoria*, quod Deus, ſub initio occupationis terræ hæreditariæ, ſpecimen dederit ſuæ potentie in obſignationem ſpei per Vetus Teſtamentum Abrahamo datæ, cujus promiſſio erat de danda iſta hæreditate Abrahami poſteris.

Specimen illud fuit in occupatione *Jerichuntis*, primæ scilicet *civitatis*, quæ *Josue* & *populo* in terra occurrebat. In qua *historia* notanda est,

- N. Difficultas rei, ex oppositione civium portas claudendum.
- Γ. Successus rerum gestarum juxta oraculum Dei. Ubi expendere oportet
 - α. Præscriptum divinum cum spe successus datum. Deus enim
 - a. Promittit traditionem *civitatis* in manum *Josue*.
 - b. Postulat interim *modum* agendi in oppositione *Josue* servandum, dum exigit officium
 - a. Militum.
 - b. Sacerdotum.
 - c. Reliqui populi.
 - c. Connectit hanc agendi *methodum* cum effectu, qui esset *præcipitatio murorum civitatis*: *ψ. 2 — 5*.
 - β. Curam *Josue*: *ψ. 6, 7*.
 - γ. Executionem rei juxta præscriptum *modum* cum eventu constituto, quod in omnibus suis circumstantiis accurate describitur versibus sequentibus. In quo successu, ut est in lege nostra, beneficii divini utilitas æque ac magnitudo notanda est: exaggeratio autem considerat collationem difficultatis rei & periculi, si res non succederet ex voto, cum felicitate eventus, Dei nimirum hic beneficium fuisse, populo obsignantis auxilium suum, imo & manum suam, ut ita concipiat hic bonum omen ex opere initiali, nil fore tam arduum tamque præruptum in hoc bello cum iniquis, quod Ipse manu sua non dejiceret. Hinc facile præparatur conclusio ad *ἀποδείξιν*, quæ est, propter *arcam fœderis*, quæ & *testimonii* dicebatur, Deum sua manu dedisse populo terram hanc, ut agnoscant terram dari vi fœderis in territorium cultus Mosaici.
- B. Ut *Maledictionis*. Exemplum esto: *Judic. vi. ψ. 1 — 6*. Ubi de *populi depauperatione* & *subjugatione sub Midianitis per septennium* agitur. Ubi proponitur
 - N. Pessimus *filiorum Israël* status ex malo turpi.
 - Γ. Consequens status eorum miserrimus.
 - α. In *priori parte* describuntur *filiis Israël* sub reatu, quibus tribuitur, ad exaggerandum reatum, illos *malum fecisse in oculo Jehovæ*. Quæ phrasis significat ultimam displicentiam Deo.

β. In

- β. In altera parte autem notantur fructus peccatorum amari.
- a. *Jehovah* proponitur ut *Judicem* agens, & quidem rigidum in pœnis.
 - b. *Factum Jehovah* punientis vocatur *traditio eorum in manus Midianitarum*, quæ describitur:
 - a. In genere, dum constituuntur *in manus bestium*, quod servitutem significat.
 - b. In specie exaggeratur.
 - *. A terrore inter *Israelitas* concepto, ut ex metu se occultaverint in speluncis: *ψ. 2.*
 - **. A violentia *Midianitarum*, quotannis totam terram & messem deprædantium: *ψ. 3 — 5.*
 - ***. A duratione per *septennium*.
 - c. *Consequens*. Sequebatur enim inde ultima depauperatio *Israëlis*; quod autem in hac depauperatione populo amarum fuit, erat observatio manus Dei, maledicentis propter nexum, qui proponitur inter reatum populi & castigationem hanc, ita ut severum illud malum, a *Midianitis* inflictum, redigeret populum fere ad incitas: quid enim corruptio omnis sementis post se trahere poterat? quam ultimam annonæ caritatem, & periculum extinctionis populi, in paupertate pereundi. Quæ si conferantur cum promissionibus divinis, piis in populo promissis apud Mo-
sen, jam terra negabat populo proventum suum, Deo omnem indignationem suam ostendente, unde facilis conclusio: declinationem a Lege Mosaica eam involvere displicentiam coram Deo, ut defectoribus manifestetur, se Deum in gloriæ suæ Vindicem mutasse, adeoque omne illud judicium habere rationem formalem condemnationis divinæ populi recedentis, omnisque recessione a via, per Mo-
sen commonstrata.
- C. Ut exemplum præbeamus *historiæ*, cui *miraculum* innectitur, imo potius, quæ *miraculum* enarrat, perpendamus locum *Matth. ix. ψ. 27 — 30.* Ubi Euangelista in eo est, ut ad cumulum *miraculorum Christi*, varios morbos sanantis, adjiciat & *miraculosam medicinam cæcitatis*, unde & celebrior factus fuit. In qua *historia* notandus est
- N. Occursus duorum cæcorum, cum Christo de sanatione sua agentium: *ψ. 27, 28.*

2. *Sanatio ipsa miraculosa.*a. *In prima parte notentur*

a. Occurrentes, *Iesumque* ad opem implorandam *sequentes*, qui sunt *duo homines caci*, miseri proinde, eoque magis, quia morbus habetur pro incurabili: quippe qui constabat in privatione facultatis *videndi*, sine spe restitutionis naturalis; ita spectatores hujus mundi privantur intuitu hujus universi & theatri providentiæ Dei; quidquid *oculi* menti obijciunt, illud denegatum *non videntibus* est: quo periculo non laborant, qui aquam & ignem distinguere non norunt, nemo non agnoscit; ut aliena ope indigeant, si pedem efferre velint, res ipsa evincit.

b. *Hinc desiderium testantur liberationis.*

a. *Assequendo Iesum* præcedentem, Qui jam fama *miraculorum* inclaruerat, quippe proxime mortuæ *filie vitam* restituerat. Hunc itaque *Medicum* quærunt, tanta experientia *miraculorum* clarum & famigeratum.

b. Nec *muta* fuit hæc *sequela*, sed *clamantes* testantur desiderii vehementiam, ut proinde aures sequentis turbæ impleverint *suo clamore*.

c. Argumentum autem *clamoris* erat testificatio desiderii, *Iesum* enim alloquentes ajunt, *Fili Davidis miserere nostri*. In qua petitione profitentur,

*. *Iesum* esse *Filium Davidis*, ita in communi nota erat. Ipsius familia, verum etiam subinuunt se credere ex operibus, Hunc *Iesum* fuisse, diu desideratum *Germen Davidis*, Quem futurum Messiam promiserant Prophetæ.

**. Ejus *misericordiam* implorantes non tantum testantur propriam *miseriam*, verum *misericordiam* Hujus esse solum fontem spei, agnoscences, a liberrima Ejus voluntate pendere *misere conditionis* ablationem.

c. Hoc desiderium suspendit *Iesus*, dum transactionem cum iis differt, donec *domum* suam *Capernaumi* ingressus fuerat, ut *fidem* eorum magis exploratam & manifestatam daret, quod & consecutus fuit: manifestata enim fuit eorum *fides* amplius.

a. E *constantia* persequendi *Christum*, Quem *banc domum* ingressum sequuntur, & adhuc ad Eum accedunt,

cedunt, ut non abstant ab instituto, etiamsi responsum non retulerint in via, quod effectum fuit constantis persuasionis de potentia *miraculorum Christi*.

b. Ex colloquio cum *Christo* exploratorio, nam

*. Rogat eos *Christus*, credantne *Se* hac facere posse? quæ fides, in quam *Christus* inquit, quidem est *miraculorum*, ut vocant, sed & sæpius jungitur cum fide justificante; quando nempe *Christus* agnoscitur non tantum potentia divina insignis, sed exinde ut *Filius Davidis*, in Cujus misericordia est omne bonum.

**. Hinc & illi respondent, imo Domine. Agnoscen-
tes *Filius Davidis*, *Dominum*, ac proinde Re-
gem promissum, Cui imperium *Regni colorum*
debeatur, ad hoc a Deo missum, testificantibus operibus, quæ præstiterat.

β. In *secunda parte* narratur, fidem horum miserorum non vanam fuisse, ipsos enim pro desiderio suo assecutos fuisse, *sanationem, visusque restitutionem*. Ubi

a. *Modus* describitur singularis, & a via Medicorum admodum recedens. Ad curandum enim hanc morbum, quoad externa, nil confert *Christus*, quod ex promptuario medico desumptum est, sed

a. Attingit tantummodo eorum oculos; quod sane ad restitutionem istius privationis per se nil conferre potuit, a simplici enim contactu nulla fit restitutio humorum & tunicarum, quale quid requiritur in restitutione visus a cecitate: verum omnis ratio istius contactus fuit, ut signum externum daretur pronæ in *Christo* voluntatis ad ferendum auxilium.

b. Huic accessit & jussio, fiat vobis secundum fidem vestram. Quæ elocutio indicabat potentem iussio-
nem divinæ voluntatis, qui modus operandi tantummodo Creatoris est, solo verbo imperii creantis, & supremi in Orbe Regis, verbo potentiae omnia facientis. Verum imprimis quoque notare oportet, in verbis

*. Fiat vobis, esse benignam concessionem petitionis ad beneficium accipiendum, quod ipsi professi fuerant fore misericordiae *Christi* opus.

**. Dum additur juxta fidem vestram, notatur non

solum amplitudo beneficii, omne pium desiderium implentis, verum etiam *sanationem horum cecorum* suscepturam rationem formalem confirmationis veritatis, quam se credere professi fuerant: *fidem* enim testificati fuerant, professi *Filium Davidis* inveniri in *Jesu*, Eumque datum fuisse *gratie & misericordiae* Oeconomum, potentia divina instructum; ita ut veritatis istius confirmatio penderet ab hujus moliminis eventu.

b. *Eventus* enim subjungitur, quod nempe non *unius*, sed *utriusque oculi fuerint reclusi*.

a. *Aperi* dicuntur *oculi*, circa quos omnis remora *visionis* remota fuit. Quidquid enim in pupillo *oculorum* materiae luminosae transitum prohibeat, quando amovetur, restituit viam aditus ad nervos opticos; verum in eo magnitudo operis conspicienda est, quod *cacitas perfecta* saepe oritur ex humoribus exsiccatis, effusis, exulceratis, ita ut omnes Medici agnoscant, ultimis in casibus medicinam desperatam esse, nullumque dari a *privatione humorum ad restitutionem* regressum naturalem.

b. Sed magis aggravat *miraculum* hoc, quod *restitutio* illa fit in momento, sine ulla applicatione causarum secundarum, ad solum imperium Christi, Qui hic ad nutum *jubes*, ut, ubicunque lateat morbi causa, sive in tunicis oculorum, sive humoribus, causa mala removeatur sine impetu physico, & quod deerat restituatur. Quae potentia revera creationis est & Creatoris, dum Deus solus sit causa motus istius, Qui Ipse solus primum motum rebus corporeis indedit.

§. 7. In istis *historiis* pertractationibus *textuum*,

I. *Dogmata fides* occurrere variis modis notamus, & quidem

A. *Per modum confessionis*, quodcumque *historiae* homines in re gesta inferuntur sermocinantes, & Dei nomen aut vias profitentes, V. C. Quando *historia* humiliationis *Nebucadnezaris*, juxta praedictionem *Danielis*, subjungitur *per modum confessionis* agnitio *Nebucadnezaris*, qua proficitur & laudat *Deum Israelis*: Dan. iv. v. 34—37. Ubi tantummodo notandum est, *dogmatica* illa strictim esse pertractanda, notando, ut ex collatione paucorum dictorum Sacrae Scripturae veritas,

ritas, quæ est fidei Judaicæ, testimonium acceperit ab homine gentili, sed veritati testimonium dare coacto, ut tandem pergamus ad conclusionem. Deum in captivitate Babylonica ita conservasse veritatem suam revelatam, ut tandem summus ille Monarcha illi debuerit præbere testimonium, coactus vi veritatis, partim ex collatione eventus cum prædictione Danielis, partim ex opere miraculoso, quod & in morbo & in restitutione expertus fuerat.

- B. *Per modum novæ revelationis* si quid occurrat *historiis* insertum, erit *historia* cujuscunque *apparitionis* divinæ, in qua Deus exhibetur, ut loquens cum suis amicis: V. C. Gen. xv. v. 1. Ubi describitur *apparitio* divina *Abrahamo* in visione facta, & quidem ad ejus consolationem & confirmationem in peregrinatione; dum adhuc incederet *Abraham*, & non videret semen ad spem suam firmandam. Ubi

N. *Apparitio* divina depingitur.

1. Oraculum ad consolationem communicatur.

a. Quoad primum, *apparitio* describitur. Ubi

a. *Personæ* conferuntur, hinc *Jehovah* *apparens*, illinc *Abrahamus* *apparitionem* Ejus excipiens; Ille concipiendus ut Ipse Angelus faciei, Deus Assertor Abrahami, Qui omnem ejus causam in se suscepit; ille ut jam ante vocatus, sed adhuc in exercitio fidei explorandus.

b. *Modus apparitionis* fuit, quod *apparitio* fieret in *visione*, ita ut *Abrahamus* admitteretur ad conspectum aliquem symbolicum, licet ejus repræsentamen secundum circumstantias non extendatur: hic autem *modus apparitionis* divinæ recensetur inter celebrior, cujus interventu Propheta illuminati fuerunt ad vaticinia proferenda.

c. Sed ad majorem rerum æritudinem adjicitur *sermo externus*, ut non tantum oculis viderit, sed & auribus hauserit Patriarcha verba, seu sermonem Dei, atque viderit & audiverit Deum ipsum ad colloquium admittentem.

d. *Opportunitas* notatur verbis nexum *historiarum* indicantibus. Scilicet post reportatam victoriam a Regibus extraneis, & liberatum Lothum cum tota familia, imo post reportatam benedictionem Melchizedeci; in quibus *historiis* Patriarcha expertus fuerat divinam manum, ipsum defendentem, imo & exaltantem, ut, inter quos degeret, ab hæc beneficio reddere-

tur gratior. Hæc voluit ut jam agnosceret *Abrahamus*, & sumeret in argumentum fiduciæ in Deum tutelarem; quare oraculum intercedit, quo fides, experientia firmata, adhuc incederet majori cum *παρρησία*, adversus omnes difficultates secuturas amplius munita.

A. Quoad *secundum*, occurrit ibi hoc ipsum, de quo dicimus, oraculum verbotenus, proponiturque *Abrahamo* hinc officium, illinc officii fundamentum.

a. Officium est, *ne metuat Abrahamus*, quod revera præceptum fidei fiducialis est: *nil metuere* enim est credere, quod a nullo ex statu gratiæ & salutis expelli possit aut superari, quidquid generis tentationum illi objiceret Deus sancte, aut hostes nominis divini malevole,

a. *Abrahamo* datur hoc privilegium tanquam vocato & Dei amico, imo & Viro consilii divini, cujus ope Deus restituere velit corruptionem in fide prævalentem; fieri non poterat, ut ille frustra ad hoc esset excitatus, qui erat divinitus vocatus.

b. *Amplitudo boni* est ablatio *omnis mali*. Qui jubet ut *non metuat*, jubet ut *nil metuat*, scilicet nil rerum in vita occurretium, nil in morte, nil post mortem, nil quoad corpus, nil quoad animam, quia, quoad totum, erat in defensione & tutela omnipotentis divini *Jehovah*.

b. Hoc tanquam argumentum fiduciæ exercendæ eleganter exprimit, quando *Jehovah* dicit, *Ego sum clypeus tuus & merces magna valde*. In quibus verbis est nova revelatio, & accuratior doctrinæ gratiæ expositio, dum *Abrahamus* proponitur ut exemplar omnium fidelium, & speculum gratiæ divini, cui in amicitia cum Deo, & sub tutela Goëlis illum erigentis addicitur

a. Ablatio *omnis mali* sub phrasi emblematica, *Ego sum clypeus tuus*. In primo verbo gratiæ exhibuerat oraculum divinum *Semen aliquod mulieris*, tanquam Propugnatorem suorum in duello, cum Serpente antiquo aliquando suscipiendo, cujus consequens foret abolitio potestatis Diaboli; hic vero ad majorem lucem idem Ille Propugnator semet proponit ut *Jehovah Mediatorem*, Qui sese interponeret

neret inter suos & omnia mala, quæ tanquam arma destructionis immitterentur in peccatorem. Quod ut evidentius intelligatur, nota

- *. *Clypeum* esse armaturæ genus, quo tela hostium excipiuntur, ad defensionem corporis sub *clypeo* latentis, vox ¶ notat *clypeorum* genus majus & solidius; majus ut totum corpus obtegere queat, solidius ut non possit perrumpi a telis, etiam vi explosis, nec ab aliis armorum generibus, hastis nimirum & gladiis.
- ** Commodus hoc symbolum est Mediatoris & Sponsoris, Qui omnes qualitates *clypei* adimplet.
 - †. Sicut enim *clypeorum* est obtegere corpus, ut tutum sit, ita spiritualis hic *Clypeus* totus est ad defensionem suorum, ut averteret ab iis omnia mala internecina & mortifera, quæ, ut maledictiones legis, intentaret Diabolus inferre toti corpori seminis mulieris: ut hic sit expositio fructuum Propugnatoris, & victoriæ ab Ipso reportandæ; fore enim ut cum abolitione potestatis Diaboli, etiam credentibus concilietur tuta salutis conditio, quippe qui nil valeret omnibus suis artibus adversus electos vocatos.
 - ††. *Clypei defensio* locum habet, quando interponitur inter oppugnatos & oppugnantes, ita *Clypeus* noster spiritualis proponitur, ut Qui se interponeret; in qua schesi eleganter depingitur, ut Mediator inter Deum & hominem, in quantum ira Dei concipi potest, ut pœnas immittens ex dictamine legis. Imo & eleganter delineatur ut Sponsor, Qui velit se ponere nostro loco, & tela justitiæ divinæ, nec non Diaboli eo jure muniti, Ipse excipere. In quibus evidens est substitutio Sui, loco nostri, sub quo schemate etiam in primo verbo gratiæ occurrit tanquam Propugnator, communem suorum causam agens.
 - †††. Uti *clypeus* sufficit ad totum corpus tegendum, ita Hic noster se proponit *Abrahamo*, ut teneat nil mortiferi, ob latitudinem protectionis.

tectionis, illi posse attingere, quamdiu Hic se *Clypeum* exhiberet.

††. Cum *Clypei* essent muniti ferro & coriis, atque ita solidati, ut ab armis perrumpi non possint, ita hic *Clypeus* proponitur in spiritu, ut Qui sit insuperabilis, ad excipienda & ad extinguenda, imo diffringenda tela sufficiens: quæ innuunt justitiam & robur, quibus prævaleret, & prævalebat in opere defensionis.

***. Talem semet præstiturum dicit *Jehovah*. Scilicet Ille Ipse, Qui alias vocatur *Jehovah justitia nostra*, & *Jehovah*, Qui est, *justitia & robur*: Jerem. xxiii. Jesai xlv. Quod commode additur, quia ista effecta *clypei* a nulla mera creatura erant expectanda, adeo, ut hic dogma salutis insignem recipiat lucem ab hoc oraculo: *Semen mulieris* audiebat in primo verbo gratiæ Sponsor noster & Mediator, hic autem *Jehovah*, licet enim & *Heva* Gen. iv. v. 1. recte collegerit, omnem spem esse repositam in *Viro Jehovah*, quæ vis erat collectionis & conclusionis fidei, hic nihilominus id pro auctuario revelationis accipiendum est, quod *Jehovah* expresse Semet Ipsum profiteatur & declaret *Clypeum*; ut hic articulus fidei firmetur, quod Mediator electi generis humani debuerit esse *ἱσχυρὸς*, cum & postmodum oraculum Dei dixerit, Eundem fore *Semen Abrahami*, in Quo omnes gentes benedicerentur.

****. Tantiæ dignitatis & potentiae *Clypeus* se offert *Abrahamo*, dicens, *Ego sum clypeus tuus*, quo innititur solatium de nil metuendo. Scilicet *Abrahamus* concipitur, ut jam vocatus & credens, qui se Christo applicuerat, atque adeo fide Eum apprehenderat: unde & eruitur dogma, Deum hunc tutelarem, Filium Dei & Sponsorem se *Clypeum* præstare omnibus ambulantibus in vestigiis *Abrahami*, id est, vocationi divinæ obsequentibus, & se per fidem Deo vocanti committentibus; horum enim esse solatium, ut liceat deponere metum omnem propter

propter *Clypeum* apprehensum, sibi que admodum; ratio connexionis est, quia *Abrahamus* fuit pater omnium credentium, atque adeo exemplar viarum Dei in ceteris.

3. Collatio *summi boni* subjicitur proxime, in vocibus, *Et merces tua magna valde*. In quo enunciato etiam notandum est cognitionis auctuarium: in primo enim verbo gratiae manifesta notionum vis solummodo spem faciebat liberationis ex potestate *Serpentis* antiqui, cui quidem includebatur per consequentiam legitimam spes boni, sive collatio vitae, concludente ipsum id Adamo sub nomenclatura uxoris nova: Gen. III. v. 20. Nihilominus, quod ibi involvitur, nova hic Oraculi amplificatione evolvitur, quando alloquium Dei, alloquentis Abrahamum, explicite dicit & positive, *Ego sum merces tua magna valde*. Quibus dictis quanta continebantur bona, tunc perspicimus, quando vocabulorum potestatem habebimus erutam. Itaque notemus,

*. Vocem *mercedis* includere significationem boni alicujus pretiosi & omni expectatione digni, atque inde valde desiderabilis, quod alicui datur ad compensationem & remunerationem sive laboris praestiti, sive damni, in gratiam alicujus passi: ad remunerationem, sub quo formali venit non tantum *merces* ex debito, sed & ex gratia, quam distinctionem facimus cum Apostolo Paulo: Rom. IV. v. 4. Quod plurimum pendet a dignitate & benevolentia Remunerantis, Qui compensat sapientius damnum longe ultra rei dignitatem, quando bonum remunerationis longis intervallis excedit bonum aliquod externum, in gratiam Remunerantis relictum & omisum.

- ** Notandum hic porro, *mercedem hic oblatam* talem habere relationem ad Offerentem, ut, Qui hic spondeat, sit *Jehovah*, Qui de *mercede* pronunciat, fore *magnam valde*, id est, secundum idiotismum Hebraeorum, fore *mercedem maximam*, cum omnibus damnis hujus Seculi utique minime comparandam; ut exinde jure inferas

†. *Bonum*, quod hic offertur, esse rebus hujus mundi

mundi longe nobilius, imò esse revera summum *bonum*, ultra quod mens nil desiderare possit; quidquid autem *boni* hujus vitæ sit, quocunque titulo veniat, non potest concipi ut *bonum magnum valde*, nisi pertingat ad perfectionem mentis, seu animæ. Omnia enim *bona* corporalia, benedictionibus corporalibus inclusa, nil conferunt, nisi quæ impii cum piis habent communia, quæque tantum naturalem hanc vitam, eamque fluxam & cito præterituram, foveant, in quibus qui *maximum bonum* collocant, ipsi bruta agunt. Itaque quando *Jehovah* spondet *bonum magnum valde*, necessario cogitandum est de bonis salutaribus, mentem perficientibus, illique adhærentibus non tantum in hac vita, verum etiam post resolutionem corporis hujus in vita futura.

††. Præprimis quia offertur ut *donum Deo dignum*, quod præstaret Ipse *Jehovah* nova & singulari promissione se obligans, ut non potuerit non hoc *bonum* respici, tanquam quod proflueret ex singulari amore Ejus, quoque omnem vim amicitiae suæ indicaret. Non enim putandum est; Abrahamum alio oculo respicere potuisse *apparitionem* illam divinam, quam ut conciliati Numinis effectum, nec *bonum promissum*, quam ut amicitiae divinae fructum exuberantior, qui proinde non potuit non esse in reductione peccatoris ad primum creationis finem, ut scilicet amicum suum sibi restituat in vas gloriae suæ, in quo velit glorificari secundum omnes divitias suas.

†††. Sed quid per ambages hanc inquisitionem instituiamus, oraculum ipsum exponit *bonum hoc*, quando dicit, *Ego Ipse ero merces illa*. Quibus denunciat. summum illud *bonum* esse Deum ipsum, & consistere in communione cum Deo hoc tutelari; Quem notavimus esse ipsum Angelum foederis, Qui semet daret & dederat Abrahamo, ut bonum suum summum. Atque hoc est insigne *dogma fidei & spei*
anti-

antique, Jehovah Deum, præprimis in secunda persona, quæ audit Filius Dei, esse solum summum *bonum* credentibus; quod postmodum sæpe testificati sunt credentes: confer tantum testimonium Asaphi: Psalm. LXXIII. v. 24—28. Imo huic enunciationi innititur tota phrasis fœderalis, qua Deus Promissor hoc unum addixisse contentus est, quando dicit, *Ero Deus tuus*; quo significat omne *bonum*, quod in ejus sufficientia continetur, & in ejus potentia situm est secundum infinitam suam deitatem, se habere pro amicitia sua paratum ad conferendum in electos vocatos, modo intelligant facturum ad ultimam naturæ humanæ consummationem.

***. Hoc summum *bonum* respiciendum est sub titulo metaphorico *mercedis*, in quantum Promissor respicit singularem aliquam rerum commutationem. Quidquid autem Pontificii velint de meritis humanis, hic absurdum est, cum ubicunque *bonum* retributum longe excedit proportionem rerum omissarum, ita nunquam *merces* concipi possit ex debito, sed ex gratia. Verum intendit solummodo Jehovah Afferor collationem facere inter ea, quæ *Abrahamus*, vocationem sequens, reliquerat in patria cum renunciatione Idolorum, cum bonis, quæ acquisiverat per illam vocationem divinam respectu conditionis spiritualis & æternæ. Ita *merces* in Scriptura fere ubique significat, nosque attendere jubet in commutatione rerum *bonum* substitutum excedere omissa vel ablata, vel centupliciter, ut est in expositione Christi: Matt. XIX. v. 29. Quare hæc conferenda sunt cum præsentī conditione *Abrahami*, qui degebat exul, a patria peregrinus, inter Cananæos, ubi ne vestigium quidem terræ sibi proprium habebat, expositus in ea conditione admodum colonorum injuriis, ita ut parum abesset sæpe ab ultima oppressione: verum jubet illum *nil metuere*, quia vult ut respiciat præstantiora, quæ illi fuerunt communicata,

Y

a qui-



**. Propter *benignitatem* enixi amoris. Qui quidquid potest, simul & vult ob manifestationem gloriæ gratiæ, & divitiarum gloriæ; ubi itaque combinata sunt & velle & posse, ibi cliens habet omnimodas causas non *metuendi*: *metuendum* enim est illi, si sibi relinquatur, quippe homo infirmus & natura indignus; ast quoniam Hic illi auxilium proponit, quo collocaretur ipse in tuto, jam cernit fundamenta *πλεροφορία* in Mediatore.

***. Accedit potissimum, quod *promissio* ista involvat *modum decentem*, cum spes omnis gratiæ & salutis hic fundetur in substitutione Goëlis, Qui in persona dignissima Sponsorem agit, & in Quo omnes conditiones Sponsoris legitimi inveniuntur: unde continet *promissio* omne id, quod ad animam peccatoris, sed resipiscantis & revocati ad Deum, tranquillandam facere potest.

Basis applicationis apodicticæ.

Ut ex dictis videre liceat *promissionem*, cui credit Abrahamus, habuisse omnes notas veræ divinitatis, atque ita religionem *Abrahami*, quam Judæi professi sunt orthodoxi, & quam Christus Apostolique etiam propagarunt, non esse figmentum humanum, sed esse indicationem viæ vitæ, a Deo profluentis; uti facile probatur, *partim* ex argumento revelationis ipso, omnes notas veræ religionis continente, *partim* ex contextu affirmante, *Deum Ipsum apparuisse Abrahamo*, atque Ipsum locutum fuisse, & ad Deum attulisse hanc viæ vitæ commonstrationem, *partim* ex implementis hujus oraculi, dum *Abrahamus* talem expertus fuit Deum, talemque, quam ipse adstipulatus erat; præstiterit *πλεροφορία*.

C. *Historica*, quæ simul sunt *dogmatica fidel*, rejiciuntur ad §. 9. de *textibus Evangelicis*. Ubi quod ex *historia* concludendum est, conficit ipsum articulum *fidei*, atque adeo spectat ad *demonstrationem apodicticam*, dum generalis collectio totius *historiæ* futura sit revocatio omnium ad basin, argumentum *fidei*

dei continentem. V. G. *Christum* natum esse, quando *Jesus* natus est ex *Maria*, evidentissimum; manifestatum esse *Jesum* in prima infantia esse Ipsum Messiam: sufficientibus testibus propugnatum esse *Mariae* Filium, jamjam natum Bethlehemi, & agnoscendum fuisse Messiam. Atque ita in ceteris articulis & historiis resurrectionem Christi, & exaltationem in coelum dogmatizantibus.

Quæ autem faciunt ad illustrationem doctrinæ de *providentia Dei*, ut plurimum talia sunt, ut peculiari scopo subordinentur, atque adeo suppeditant nobis in ipsa explicatione porismata & veritates in transitu *confirmandas*, dum *scopus*, cui subordinantur, tantummodo spectet ad *demonstrationem*.

- II. *Moralia* hic non sunt pertractanda, sicuti in textibus *paracleticis*, legem aut adhortationem continentibus; verum sufficit hic sola compendiosa *virtutis* consideratio, quæ & sola descriptione absolvitur, sed virtus aut vitium in *textibus historicis* conspici tantummodo debent, ut in exemplis suis relationem habentibus ad *historiam*, quare omnis meditatio post definitionem potissimum versatur circa istas relationes, ostendentes quid virtus aut vitium conferat ad *historiæ* scopum.

Exemplum *virtutis* in *persona* laudatæ videamus in *historia* conversionis *Nathanaëlis*, quæ exstat: Joan. 1. *ψ*. 46—52. Ubi scopus Evangelistæ est, ostendere in prima vocatione Discipulorum jam manifestum fuisse & agnitum, *Jesum* esse Filium Dei, atque ita verum Messiam & Regem Israël, atque id manifestatum & creditum fuisse ex evidentioribus indiciis.

EXORDIUM *desumi* potest ex *Jesai*. xi. *ψ*. 3. Scilicet inter characteres Messiae, etiam Judæis non incognitos, fuisse, quod *Messias* odoraretur *timorem Dei*, quod deducatur. Ad hunc characterem manifestare voluit Evangelista *Jesum* *Mariae* Filium esse Messiam, & quidem exemplo vocationis & conversionis *Nathanaëlis*: proposuit enim sibi probare *Jesum* esse *Christum*, & jure pro Tali fuisse agnitum, imo esse *Filium Dei* ex confessione *Nathanaëlis*, ejusque motivo, quippe qui fidem non admisit, nisi postquam expertus fuisset *Jesum* vocantem pollere *καρδιαρχία* & inspectione divina. Hinc *historia* continet in se

A. Vocationem *Nathanaëlis*: *ψ*. 46—49.

B. Conversionem ejusdem cum confessione: *ψ*. 50.

C. Confirmationem ejus in fide professā: *ψ*. 51, 52.

Pars prima.

Vocationis actiones invitantes illum ad *fidem* sunt duplices, in duplici colloquio:

A. *Philippi cum Nathanaële*; ubi est

1. Invitatio per notificationem *inventi Messia*, ubi *Philippus* proponitur, ut jamjam conversus Discipulus Christi, qui fuerat ex discipulis Joannis, atque gavisus novo lumine illud non potuit non communicare cum *Nathanaële*, quem invenit; hic testatur

a. De *invento Messia*, Quem describit, ut Eum, de Quo *Moses* in lege, & *Prophetae* scripserant, sine ulteriori titulo, quia supponit in doctrina ecclesiae notissimum fuisse, articulum de Christo esse primarium argumentum *Mosis & Prophetarum*.

β. Applicat hoc *Jesu*, *Filio Josephi Nazareni*. Ita Personam, in Qua Deus verificavit promissiones suas, signate describit; *Jesum* vocat itaque *Filium Josephi*, non quod ex eo natus fuerit, sed adoptatus ab eo quasi, & sub ejus cura educatus, ast, ne adhuc dubitaretur quem indicaret, designat Eum ut civem *Nazarethae*, ita ut educatione *Nazarenus* diceretur.

2. Invitationis exceptio ostendit, ut habuerit *Nathanaëlem* nonnihil haesitantem ex praedjudicio, quo opposuit sub forma interrogantis, *An aliquid boni prodire potest ex Nazarethae?* scilicet

a. Indicat *Nazaretham* vilissimam civitatem, & longius a Doctoribus Judaeorum remotam, vix habuisse tam conspicuos cives, ut tantae dignitatis Personam suppeditare possit: quod praedjudicium videtur in eo fundari, quod Christus debuit esse ex posteris Davidis, & ex Bethlehemo ortum ducere.

β. Hoc praedjudicium remoram injicit, ne promptum daret assensum, ut peperit in eo non pertinacem opinionem, sed docilem aliquam in animo haesitationem, quod eventus comprobat. Atque proinde spectat ad imbecillitatem hominum etiam piorum, qui non sunt liberi ab omnibus praedjudiciis, quorum medicina est docilis dubitatio, haecenus laudanda, in quantum ea excludit nimiam credulitatem, quae homines facile trahit in *pejssimos* errores. Laudandum ergo erat in *Nathanaële*, quod docili animo dubium suum moverit; quodque propterea adjicitur in hac *historia*, ut teneamus

mus ejus assensum , postea secutum , non profluxisse ex temeraria credulitate , sed ex animi convictione , ad quam ut adduceretur ,

γ. Vocatio sequitur ad explorationem rei , dum *Philippus* illi reponit : *Veni , & vide*.

a. Quando dicit *veni* , cum Christum haberent in comitatu , jubet ut ipse accedat , atque ita se admoveat ut posset rei experimentum capere.

b. Imprimis dum adjicit , *vide* : quæ est invitatio ad ocularem inspectionem , modo animo attento quis animadverteret & personam , & dicta & gesta *Jesu* , fieri non poterat , ut supponit *Philippus* , quin fides extorqueatur ex non pertinacibus ob ea , quæ circa Ejus Personam viderent.

δ. Verum antequam *Nathanaël* ad fidem traductus fuit , intercessit & aliud colloquium , quod *Christus* habuit cum *Nathanaële* , ut eum ad fidem adduceret , in quo colloquio notetur

α. Alloquium *Jesu* ad hominem , vel saltem testimonium de ipso adventante ; cujus notatur

a. Occasio , quæ erat , quod *Jesus* vidit eum adventantem. Hæc prima nota fuit docilitatis animi in *Nathanaële* , quippe qui ad invitationem *Philippi* non abnuic examen rei instituire , atque ita accederé ad conspectum *Jesu* , examinis gratia.

β. Huic adventanti dedit *Jesus* testimonium coram toto comitatu , dicens , *Ecce vere Israëlita , in quo dolus non est*. Quo testimonio laudatur ille inquisitor veritatis , insigniturque

a. Titulo *Israelitæ* , & quidem *veri* , atque ita genuini filii Abrahami & Jacobi. *Israelita* enim erat , qui ex Israël oriundus , fidem Patrum , & religionem Moisaicam profitebatur : verum cum plurimi essent tales externa professione , destituti circumcissione occulta , hic *verus* audit *Israelita* ; quæ *veritas* hic est sinceritatis seu integritatis virtus sane nobilis , quæ consistit in consensu animæ cum externa professione religionis , ita ut homo non aliter in fronte ostendat , quam quod in pectore reconditum habet : quod hic singularem habet rationem , non tantum , quia *testis* futurus de divinitate *Christi* conspiciendus erat ut homo integer & sincerus , qui , quod dixit , ex animi sententia dixit , & intima mentis persuasione , verum qui etiam respiciendus est ut *exemplum* hominis

minis ad Regnum Christi traducendi & transferendi, quippe qui ob sinceritatem serio animo desiderabat videre & amplecti *Christum*, Spem Israelis.

- b. Hinc additur, *In quo dolus non est*, qui proinde nolit aut falli, aut fallere; in quo encomio est exaggeratio sinceritatis, ut designet verum heredem Regni *Christi*: Confer Jesai. Lxiii. v. 8. Psal. xxxii. v. 2 cum Genes. xvi. v. 1.

2. Responsio *Nathanaëlis* ad *Christum*, qui Ejus de sua persona testimonium suscipit cum admiratione, dicens, *Unde me novisti?* cujus admirationis fons erat non solum, quod *Jesus* ipsi hactenus fuisset ignotus, &, ut hic vicissim colligere liceat, *Nathanaël* fuisset *Christo* ignotus, saltem quoad vitam ejus privatam, quippe qui cum Ipso commercium habuerat nullum; sed quod maxime affecit *Nathanaëlem* proflebat ex natura testimonii; novisse enim hominis intima, & discernere sinceritatem ab hypocritismo nemo potest, nisi Ille, Qui est *veritas*; unde animus ejus abripitur ex cogitatione causae istius cognitionis in *Christo*, rogat Eum, unde hoc habeat: dum videbat loquentem hominem esse, cujus anima necessario concipienda erat esse limitatae cogitationis & cognitionis, quae, quidquid tenebat, tenere debebat, vel ex propria experientia, vel ex divina, vel ex aliunde nata indicatione, cumque sinceritatis judicium extra humanae experientiae manifestationem esset constitutum, atque adeo divinae perspicaciae principium requireret, ipse hanc componere non potest.

3. Quare renouit *Jesus* respondendo ad quaestionem, sed indirecte, & per positionem alterius enunciati, ut ipse assurgat per conclusionem ad agnitionem Ejus, quod ipsi cognoscendum erat, dicendo, *Antequam Philippus te vocaret, quum sub ficu esses, videbam te.* Quae assertio indicat visionem non oculorum, sed perspicaciae alicujus longe celebrioris & ulterioris.

a. Ante vocationem *Philippi*, qua *Nathanaëlem* invitavit ad Ipsum conspiciendum, remotiores erant Christus & Discipuli Ejus, quam ut oculis externis videre potuerint *Nathanaëlem*.

b. Forma ante conspectum externum indicata erat, quod consideret loco singulari *sub ficu in umbra*, ubi etiam quasi in *umbra* latitabat. Tales actiones recensenda sunt inter actiones hominum liberas & fortuitas, pro
spiri-

spirituum animalium determinatione in vita animali.

- γ. Quando igitur affirmat Dominus, *Se vidisse ipsum* in istis circumstantiis ante *visionem oculorum*, simul probat, Se & dicere quod verum est, & novisse, quod supra vires humanas constitutum est. De veritate rei gestæ in occulto testificatur conscientia *Nathanaëlis*, de sublimitate rei testatur ipsa experientia humana; res enim novisse quasi coram, quæ in occulto fiunt, cum circumstantiis fortuitis, & libero arbitrio humano definitis, nemo potest nisi Deus, aut ex divina revelatione institutus. Qui autem utitur tali principio, nil mirum si & ille ex eodem principio teneat, quid in corde alicujus occultum sit, quidve de hominum sinceritate aut hypocrisi statuendum sit.

Pars secunda.

Quibus a *Nathanaële* in animum revocatis, ipse homo conversus est & adductus ad obsequium *Christi*, cujus indicium est in *Nathanaëlis* ulteriori responsione, & fidei suæ confessione; sicuti enim ex dictis colligebat, *Jesum* revera in se habere principium divinum, ex quo deprompsit tanta indicia perspicaciæ divinæ, ita agnovit Eum talem, qualem hic verbis proficitur.

- A. Alloquio compellat *Jesum* sub titulo *Rabbi*, qui Doctorum est, ut ex Judaicis antiquitatibus notum.
- B. Celebrat Ipsum quoad duplicem dignitatem,
1. *Personæ*, quando affirmat *Jesum esse Filium Dei*, scilicet Illum, Quem verbum Propheticum promiserat, Psalm. xi. aliisque in locis; quod jure colligit ex istis omniscientiæ speciminibus, quæ jam ex colloquio cum Ipso perceperat, agnoscens proinde in Filio hominis *εμμετω* habitare Filium Dei, Unigenitum a Patre, in Quo sit *πλήρως τῆς θεότητος*.
2. Dein Ipsum etiam celebrat ut *Regem Israël*, adeoque Ipsum Christum expectatum a Patribus, Qui veniret ad *Regnum cælorum Israël* adducendum: cujus conclusionis legitimæ ratio fundatur in eo, quod *Rex Israël* se manifestaret ipso Charactere, quod *Odoraretur timorem Jehovæ*: *Jesai. xi. 7. 1.* id est, Qui cognosceret sinceritatem amoris & reverentiæ divinæ in vocandis & vocatis, secundum quam cognitionem judicaret de iis.

Pars tertia.

Ut autem in hac fide confirmaretur amplius.

A. Approbavit *Jesus* ejus conclusionem ad fidem, ita ut promiserit & *majora*; dicit enim *ψ. 51.* Quod crediderit, & recte ex dicto *Christi* de ejus *sessione sub ficu*, ostendendo, quod homo ille non fuerit difficilis ad *credendum*, nec tamen etiam temerarius in *credendo*, quæ justa animi mediocritas est ad conversionem requisita. Rationi cedere, est non pati se præjudiciis implicari, non temere tamen admittere, est suspendere judicium ad evidentiam veritatis; in quibus *Nathanael* se etiam jam probavit *verum Israëlitam sine fraude doloque*, sincerum veritatis amatorem, veritatis enim tanti momenti sincerum studiosum, id unice quærentem, ut veritatem videat ad conscientiam manifestam.

B. Interim *majora* ad confirmationem promittit *Christus*. Ubi ad

N. *Conspeditionem majorum rerum*, respicere notandum *Christum* hic futura miracula, quæ patraret. Nondum enim ab iis inclaruerat, ea autem vocantur *majora*, quia forent argumenta *majoris* confirmationis: miracula enim a *Christo* patranda forent maximi momenti, quippe Qui curaret non solum morbos immedicabiles, qui Medicorum opprobria dicuntur, verum etiam suscitaret mortuos: *Matt. xi. ψ. 5.* Præterquam quod & ista fidem facerent potentia divina in *Christo*, sicuti manifestatio *occultæ sessionis Nathanaelis* argumentum fuerat scientia divina in *Christo*: quibus argumentis combinatis *Nathanael* confirmaretur amplius in sua professione de Persona *Jesu*.

Cui accedit & aliud, quod spondet *Nathanaeli*, illum *visurum*, nimirum in *sequentibus*, *cælum apertum*, & *Angelos Dei ascendentes & descendentes super Filium hominis*.

a. Signum quod ergo spondet *Christus*, est *cælum apertum*, ut scilicet *Angeli ascendant & descendant super Filium hominis*. *Angelorum* itaque *adscensus & descensus* est nota *cæli* reclusi: phrasis est metaphorica, significans singularem communionem cælestium cum *Filio hominis*, in terra degente. Allusio est ad istud, quod *Jacobus* vidit in somno, quando *scalam* conspexit erectam, ex terra se porrigentem in cælum usque, & *Angelos Dei ascendentes & descendentes*: *Genes. xxviii. ψ. 12, 13.* Ex qua visione *Jacobus* colligebat *Jehovah* illi adfuisse in eo loco: *ψ. 16.*

- β. *Nathanaëli* addicit *conspēctum* hujus rei. Qui itaque hic beatur visione *Jacobi* parentis.
- γ. Notatque *temporis* initium, a quo conspectus ille exordium caperet, scilicet, *Abhinc*.
- δ. Ut fides major esset, quasi jurejurando asserit, quod spondet, dicens, *Amen, Amen dico vobis*, id est, addico & tibi tantam gratiam.
- ε. Quod revera etiam factum fuisse vel inde constat, quod Discipuli sapius intuiti fuerint gloriam *Christi*; plus enim viderunt quam quidem legitur in Evangelio. Colligi enim potest, singulare commercium *Angelorum* fuisse cum *Filio hominis* ex variis apparitionibus *Angelorum*, sub nativitate, sub resurrectione, sub ascensione *Christi* in cœlos: quando *Angeli* sub apparatu quasi humano, sed characteribus divinæ legationis muniti, a Pastoribus, Mulieribus, Discipulis & ascensionis *Christi* testibus conspecti sunt, unde & fides *Nathanaëlis*, quali tertio fulcro corroboraretur, scilicet rem divinam & cœlestem esse, quæ in *Jesu* manifestatur.

Basis demonstrationis.

Ex quibus ita consideratis, juxta scopum Joannis, concludimus *Jesum* non temere, sed solida fide, jam a principio muneris sui cognitum & agnitum fuisse ut verum *Christum*, & verum *Filium Dei*; hoc enim constat ex confessione *Nathanaëlis*, quæ hic jam rationem testimonii solidi habet.

- I. Ille inter primos vocatus fuit, qui *Christum* secuti sunt.
- II. Homo fide dignus, pius, sincerus, inculpatus, nec temere credens, in initio dubitans, & sic *Philippo* indicanti difficultatem & objectionem movens.
- III. Res, quam testatur jam se agnoscere, fuit collectio ex solidis principiis & charactera a Prophetis designato. Character *Christi* cum esset *odorari timorem Dei*; ille
 - A. Credidit, quod per intimam conscientiam expertus est verum esse; scilicet *Jesum* pollere *καρδιογνωσία*, & etiam cognitione rerum occultarum, quod legitime arripit in argumentum omniscientiæ, & adimpleti characteris *Christi*.
 - B. Confirmatus fuit in ista fide ex promissione *majorum* signorum, non vana, sed paulo post adimpleta; miracula enim *maxima* secuta sunt, valida ad omnipotentiam divinam in *Filio*

Filio Dei agnoscendam ; imo commercium cum cœlitibus amplius fuit causa constantiæ fidei ejus, quando in ista visione conspiciere ei licuit, non esse lusum genii mali, qui apparuit in gestis & factis Christi, sed theatrum cœleste sub inspectione & cooperatione Angelorum Domini.

§. 8. Quod attinet

I. *Prædictiones & promissiones, historiam pertractatam spectantes, conficiunt confirmationem utrimque. Scilicet rem gestam in historia profluxisse ex isto consilio Dei, quod recludit in prædictionibus. Commendamus autem, ad illam collationem feliciter exequendam, Gulichii Theologiam Propheticam, qui omnem historiam sacram dividit in articulos, & articulorum propositioni subjungit prophetias ad illum temporis articulum respicientes. Utinam Viro optimo licuisset hoc opus ad unguem perficere ! Deinde aliquid quoque præstitit Clariss. Gurtlerus in opere nuper edito. Verum ut fiat vobis familiaris modus urgendi istas demonstrationes, ablegamus & vos ad demonstrationes nostras in Novi Testamenti Evangelio Matthæi subjunctas. Quibus addat, cui id visum fuerit, Homilias nostras in Festalia Novi Testamenti domesticas. Exemplum sit Josua v. 5. 13 — 18. Ubi narratur apparitio Ducis armati, se sistentis ad opus introductionis populi in terram, & quidem cum veterum colonorum expulsionem.*

Ἀποδείξις autem per prædictiones & promissiones anteriores consistit in collatione loci: Exod. xxiii. 5. 20 — 23. Ubi Legatus faciei Dei promittitur ut futurus Dux populi, Qui veteres colonos expelleret, populumque in terram hæreditariam introduceret; Qui cum jam, post comprobatum ductum populi in deserto, semet conspiciendum Josuæ præbet, recte concludimus, introductionem Israëlitarum in terram Canaan fuisse opus divinum, per illum Legatum Dei hætenus executioni mandatum, & ulterius exsequendum: Qui colonorum veterum expulsionem effecit, & efficeret ulterius, ut illi locum faciant populo Dei, & Theocratiae jam in populo hoc erectæ, ut non respiciendus sit adeo Josua, ut Dux populi visibilis in hoc opere, sed Legatus Dei invisibilis, Josuæ manifestatus.

II. *Miracula cum sunt opera divinae omnipotentiae, simul & sunt indicia manus Dei, adeoque continent μέρτυρις, ut animadvertit Paulus Heb. ii. 5. 4. Quomodo autem illud argumentum urgeatur, videri potest in demonstrationibus nostris Evangelicis ad Matthæum. Tota œconomia antiqua sub ductu Mosis talia miracula habet historiae innexa. V. G. Plaga Aegyptiorum, quibus sunt afflicti ad prædictionem Mosis, quæque sunt ablata ad inter-*

cessionem Mosis, probant evidenter postulatam Mosis a Pharaone exactam, & sæpius negatam, fuisse tamen opus veri Dei omnipotentis, negationem illam tanquam oppositionem adversus voluntatem suam castigantis. *Deductio populi per mare Rubrum* probat Deum ipsum fuisse Ducem populi & Vindicem, quippe Qui, dato symbolo præsentia suæ, ad exporrectum Mosis baculum imperium exercuit in aquas, longe supra leges naturæ se dividentes, & murorum instar ab utroque latere consistentes, & paulo post, servato populo, ad priorem naturæ fluxum redeuntes, cum hostium persequentium suffocatione, idque iterum ad baculi Moisaici datum signum. *Tota populi conservatio in horrido isto deserto miraculosa* fuit, dum potus derivatur ex Rupe, cibus depromitur ex Manna depluente, non sine variis *miraculorum* circumstantiis &c. Quæ omnia rapienda sunt in argumentum, manu Dei concludendum esse patrociniū Ejus super populum Jehovah colentem, & juxta legem a Mose traditam aut tradendam se componentem.

- §. 9. Exemplum *Concionis passionis* esto in pertractatione loci Matt. xxvi. §. 49, 50. Ubi exhibetur *Jesus a Juda proditus* & a cohorte militari prehensus. Quoad

Connexionem.

Historia præsens sequitur *Christi dyabolus* in horto, quem vix egressus est, quin *Judam* habuerit sibi occurrentem una cum militari cohorte, quæ eo tendebant, ut traditio, sæpe a *Christo* prædicta, in manus Judæorum aliorumque hostium perficeretur. Postraverat *Jesus* verbo milites, quos iterum patitur ad mentem redire, dato ita specimine potentia suæ, ne quis putaret ex impotentia Illum & invito vinculis inclusum fuisse; ast cum illi animos resumunt, propter superiorum præsentiam institutum repetentes, patitur *Jesus*, ut Ipsum prehendant.

Propositio.

Videmus itaque ut cooperante *Judæ* prodicione, & accedente tum *Christi* propria voluntate, *Jesus* inciderit in potestatem hostium:

Ut in hoc textu notare oporteat

- A. *Judæ* prodicionem. susceptam & revelatam.
- B. *Jesu* a cohorte militari apprehensionem.

Pars prima.

Proditor pactum, quod cum sacerdotibus inierat, adimpleturus, & jam dux cohortis factus, scelus, quod nunc ob inspectionem sacerdotum effugere non poterat;

I. Executioni mandat

A. Festinanter, in textu *ῥῆμα*, quippe occasionem per Jesu occursum sibi natam haud negligens, sibi non cunctandum ratus, dum agnus sponte quasi illi incideret in manus; quam ergo sponponderat hostibus operam præstat, nam

N. Cunctatio elabendi occasionem suppeditare potuisset, atque ita expeditio militaris *Judæ* culpa fuisset irrita: ita studium fidelitatis hosti, Domino suo infidelissimus præbere voluit.

2. Et quia decreverat amicum simulare, postulabat consilium istud hanc festinationem, quippe qui voluit in accessu ad Jesum videri monitor instantis periculi; est enim festinatio animi perterriti consuetum indicium.

B. Impudenter, in accessu ad Jesum dicitur *προσιθῆναι τῷ Ἰησοῦ*, rem ipsam egisse; qui enim sæpius expertus fuerat Jesum cogitationum humanarum conscius fuisse, imo Eundem suam prodicionem iteratis vicibus prædixisse, nunc, deposito omni pudore, semet coram Domino sistere audet, intima cordis penetralia perlustrante: verum ita jam occalluerat illius cor, ut quæ ignorare non poterit, considerare tamen negaverit.

C. Hinc & callide se gessit ex sua opinione, dum simulate sub amici specie *Jesum* adoritur, & quidem

N. Verbis blandioribus, Eum.

a. Sub titulo honoris compellando, idque cum ingeminatione *Rabbi, Rabbi*; titulus enim iste inter Judæos honoris erat & magisterii, quem tanquam doctores in Theologia vehementer desiderabant Pharisei & Scribæ: Matt. xxiii. 7. Hoc interim compellabat *Christum*, ita Eum profitendo *Magistrum* suum, quod & apud discipulos moris erat: Joann. xiii. 13. quemque Christus sibi soli vendicat: Matt. xxiii. 8. Videri itaque vult proditor sub tituli istius ingeminatione *Jesum* sub duplici titulo, duplici honore dignum, *Magistrum* summum, & Prophetam, cum ipso Mose comparandum, agnoscere, ut bona fuerit quidem *Judæ* confessio, sed quia non ex amore, non bene prolata fuit.

A. Salutando adhuc magis perfidum animum occultare quæ-

sivit, dixit enim Domino Magistro *χαῖρε*, Quæ consuetudo apud Græcos salutandi formula est, sicut apud Latinos *ave*, apud Judæos *שלום*; ita enim testabantur bonam suam voluntatem, & fervidam quasi ad Deum supplicationem pro amicorum *ἰουδαίαι*, quæ bona voluntas omnis societatis vinculum est; ita voluit videri, quærere gaudium Christi ex pace, & officium discipuli præstare, sicuti Rabbinus legem dederant discipulis suis, quæ exstat in Thalmude tractatu *Berac*, illis præscribens ut Magistros hac formula salutarent *שלום צריכה רבי*, quare, licet simulate profitebatur *Judas*, *Jesum* omni prosperitate fuisse dignum, Cujus salutem quærere cuperet, speciem tamen discipuli præ se fert & amici, citato cursu advenientis, ut Magistrum de periculo moneret, quo illud effugeret; quasi diceret, observavi hanc cohortem Te quærere, unde citius Te monitum volui, neque citius potui, illis me festinato insequentibus, Deus te ab eorum iniquitate salvum præstet.

B. Opere quodam specioso hunc suum animum amplius obtegere illi visum fuit, quando verbis adjunxit *oscula*, quæ inter Orientales blandioribus salutationibus conjungebantur, ut non tantum ex Plutarcho, Martiali, aliisque, verum etiam ex Sacris constat: Rom. xvi. *ψ*. 16. 1 Cor. xvi. *ψ*. 20. 1 Thess. v. *ψ*. 16. Qui ritus eleganter exprimit amorem amicitiae, atque arctissimæ unionis desiderium, quo, ut diu socii amicitia frui possit, testatur. Confer Luc. vii. *ψ*. 38. Hinc in amicorum reditu restitutam præsentiam, ut rem gratissimam, indicabat: Luc. xv. *ψ*. 20. In eorundem vero abitu separationem ut rem ingratam: Actor. xx. *ψ*. 37. Hoc cum *Judæ* tribuitur erga Magistrum, & quidem, ut verbum emphaticum *κατεφιλάει* innuit, cum actionis vehementia, ut arctos notet complexus, & iteratis basiis, voluit videri *Judas* maximæ amicitiae dare testimonium. Ast, quod scelus est infestum, ingratis discipulus summum amicitiae symbolum convertit in sceleratissimæ proditionis tesseram & notam, in quo genere agendi est turpissima hypocrisis: Psal. lv. *ψ*. 22. Proinde sapientissimus Regum optime dixit, *Osorum oscula deprecanda esse*.

D. Cum iucessu tamen quod intendebat effecit, dum a *Christo* spontaneæ admissus fuit; Ille enim, quid mortalium nequissimus in pectore absconditum gereret, probe prospexerat, imo plus quam semel molimen illud proditionis prædixerat, & tamen eum admisit, ut ostenderet

- N.** Incomparabilem suam mansuetudinem, qua Ipse voluit tolerare hostium omnium pessimum, quippe contra propriam conscientiam suam peccantem erga Magistrum
- 2.** Sed imprimis voluntariam suam spontaneitatem, qua Ipse voluit omnem Patris voluntatem adimplere, etiam ad minima, quæ in decreto crucis erant *Christo* ordinata, tanquam ab ipso sponsore ferenda & perpetienda.
- II.** Excipitur tamen cum manifestatione sceleris ad conscientiam, ne enim hostes existimarent *Jesum* hunc hominem, animo proditoris osculantem, ex ignorantia admisisse, voluit scelestissimum hoc *Judæ* consilium coram omnibus revelatum, eumque strenue convictum, verbis tamen animi in Christo modestiam simul & dolorem testificantibus, quod effecit per duplicem interrogationem, quippe
- A.** In genere inquirens in scopum adventus *Judæ*, dum
- N.** Eum compellat vocabulo blandiori *Ἐρξῖς*; quod hominem ejusdem studii atque in eo socium significat, quo compelli solebant amici noti: Matt. xi. v. 16. nonnunquam & ignoti: Matt. xx. v. 13. Immo nonnunquam illi subest tacita exprobratio: Matt. xxii. v. 12. Quasi dicat, tu, qui me ex usu nostro familiari novisti apprime, quique inter Apostolos fuisti socius! qualia alloquia solent admodum vellicare ingratos, sicuti Julius Cæsar ad Brutum. *Καὶ εὖ τίκισι ἐπ' ἀνδρῶν.*
- 2.** Interim rogat *ἰφ' ᾧ πάρεσι*? Quod alii forte melius affirmative accipiunt, ut *ἰφ' ᾧ* sit pro *ἰπὶ τῶτο*. Ut sensus sit, *tunc in hunc finem ades?* Quidquid sit, saltem objicit illi præsentiam hac hora, quando hostes aderant ad Eum capiendum, hoc loco & inter hostes in scena personam agentem; verum cum id fieri potuisset per infortunium, objicit illi præsentiae hujus finem tanquam sibi intime & optime notum. Solent enim tales propositiones relinquere responsionem conscientiae, atque propterea magis adhuc vellicant & convincunt, quia non permittunt conscientiae, ut hoc argumentum tacite prætereant.
- B.** In specie addit: Luc. xxii. v. 48. ampliorem consilii proditoris revelationem, atque adeo scelus obvelatum exaggerat.
- N.** A turpitudine facti sub titulo *proditionis*, quod nefandum odii & truculentiae genus est, dum proditor non solum alterius quærit prodicionem, verum id agit præter rationem, contra naturalem obligationem ac datam fidem, sub specie amici; unde proditor in omnium hominum existimatione ut monstrum hominis consideratur, nemini non in-

visum; unde & qui eorum opera utebatur dixit, *Proditionem amo, proditorem odi.*

2. Ab indecentia, quando addit, *Juda tunc prodis*, &c? Nil magis offendit aliquem, quam cum inter hostes conspiciat, quem inter amicos numeraverat, quem olim maximis beneficiis prosecutus fuerat, unde committit proditor ultimum ingratitude criminis. Ac si diceret Salvator, tu, qui mihi inter Apostolos fidem dedisti, ita foedifragum agis! qui de sinceritate doctrinæ meæ & miraculorum tibi intime conscius es, tibine adeo occalluit conscientia! quemque sæpe præmonui de tentatione animi, quis spiritus te exagitat, ut adeo contumax evaseris?
3. A dignitate Personæ adversus quem peccabat, quod exaggerat adhuc amplius perfidiam commissam, dicens *tunc prodis Filium hominis?* Ita notatur ut semen mulieris sit ipse Filius Dei, Qui in carne apparuit, quasi dicat, non prodis vulgarem hominem, sed *Filium illud Dei*, Qui ad salutem humanam Frater factus est, ut Assertor humani generis fieret, tunc Hunc adeo nihili ducis, ut plusquam Vatiniano Illum prosequaris odio?
7. Imo & a pudenda simulatione scelus hoc depingit, dum ait, *Tunc id facis osculo?* Neminem latet, quale hominis malæ fidei inurat stigma Spiritus Sanctus Joabi, qui inter osculandum occidit Abnerum: 11 Sam. 11. v. 27. & Amazam: 11 Sam. xx. v. 10. Ita symbolum amicitiae erigere in tesseram proditionis, ultimæ impudentiæ fructus est, & conscientiae deustæ nota, quæ ex vigilans aliquando non potest non ultimas animo rationes inferre.
- C. Videte solidam Christi responsionem seu ἀπελογία Ipso undique dignum! quippe Qui
- N. Scelestinum crimen reprehendit, nec tamen reponit vituperia homini proditori, verum simpliciter interrogando ad propriæ conscientiae forum reducere conatus est illum, ut ad interrogata respondere cogatur. Est hoc quidem fortissimum convictionis genus, verum simul & blandum, mansuetum & lene, simul ostendens dolorem ex tanta Diaboli potestate, quam in hominem seducendum accepit.
2. Interim hoc agendi modo divinam suam omniscientiam manifestavit Christus, se novisse in horto ostendit, quæ proditor cohorti dixerat in via, *Quem osculatus fuero, hic est, prehendite ipsum.* Illa dicta in via aliunde resciscere non potuit Christus in horto, nisi per communicationem

tionem idiomatum, id est, per divinam omniscientiam, rem occultam cum animo Christi communicantem, obicit enim *Juda* palam se scire, quod osculum hoc non proficisceretur ex amore, quem simulabat, verum ex studio inserviendi hostibus, ut præsenti hoc indicio Magistrum denotaret, ne milites in capiendo aberrarent, aut aliumprehendendo, Ipse interim effugeret.

Pars secunda.

Interim hostes hac occasione uti non negligunt, verum dato signo *proditionis*, *Jesum*prehendunt, idque

- I. Subito, nil cunctantes, sed ad datum signum illico ad *Jesum* accedentes, dicit enim de militibus & servis sacerdotum Evangelista, quod fuerint *τότε προσελθόντες*.
- II. Idque egerunt violenter *ἰσχύοντες τὰς χεῖρας ἐπὶ τὸν Ἰησοῦν*, ita *Iustus* incidit in manus injustorum, quas alias viderat impeditas. Mirandum est quod illi eidem, ad hoc missi, manus in Eum non injecerint in festo tabernaculorum: Joh. vii. ψ. 44—46. Imo mirandum est, eos jam jam in terram prostratos & vix erectos, ita subito resumere animos ad exsequendum mandatum illud *Satanæ*, sed
 - A. Tantum valuit præsentia Chiliarchi, sacerdotum, seniorum aliorumque, qui huic dirigendæ expeditioni præerant.
 - B. Imo tantum valuit potestas tenebrarum, Diabolo horum animos sub justo Dei judicio excæcante & obdurante; cujusque obfirmationis simile exemplum habemus in Pharaone, post tot iteratas divini judicii plagas, statim ac auferrentur, suum animum obfirmante, & ad injustam populi oppressionem redeunte.
- III. Nec res caruit successu, nam *ἐκράτησαν αὐτὸν*, sub potentiam suam redegerunt *Jesum*, ita ut *prehenderint* Illum & captivum retinuerint; non quod illorum potentia hac in parte prævaleret potentia *Christi*, sed quod id factum fuerit, Deo rem omnem permitte, & *Christo* se Ipsum iponte tradente: nisi enim propria voluntate potentiam suam cohibuisset, potuisset hostes iterato prosternere, & omni robore & animo destituere; at aliter placuit Christo singulari prudentia.
 - A. In argumentum honoris sui erga Potestates hujus mundi, quo voluit & justitiam publicam revereri. Qui enim profitebatur *Regnum suum non esse hujus mundi*, ita exhibuit se obedientem Superioribus. Ex eodem principio etiam Petrum gladio abutentem

postea acriter reprehendit. Hoc argumento jam prudenter occurrit *Christus* accusationi instanti de crimine Majestatis, demonstrans Se nova non moliri adversus Imperium, cui Se ex reverentia Potestatum tam sponte subjecit.

- B. Voluit simul hoc ipso demonstrare bonam suam conscientiam, dum Ipsumprehendunt ex voluntaria traditione Sui. Ille testificatus est Se examen justitiæ publicæ non effugere, sed lubenter Superiorum committere judicio, ut architecti hunc lapidem explorarent: ita enim solent ne quidem exquisitissima judicia reformidare, qui sibi nil mali conscii sunt, & judici vocanti se sistere lubenter, judicum injustitiam Deo committentes.
- C. Verum ita etiam voluit obedire Patri, Ipsum ad passiones & vincula vocanti, quam causam postea binis vicibus allegavit, respondens *Jesus* Discipulis, & dein hostibus, adimplendas esse Scripturas, quæ *Christum* juxta voluntatem Patris sub isto schemate delineant.

Applicatio apodictica.

Observemus hic itaque

- I. Quam gravia, & quanta cum ignominia conjuncta, hic tulerit *Filius hominis*, Homo sanctus, & Qui nil mali promeruerat, quippe in pietatis exercitiis integer & assiduus, jam enim recens surrexerat a precibus; conspectus fuit in destructione Regni Satanæ fortissimus, pio consilio Apostolos adversus Diaboli tentationes muniens, imo & miraculis illustris; dum hostes in terram præcipitaverat, & denuo erexerat, hostibus beneficus fuit: nihilominus Hic
- A. Expertus est in omni hominum genere plusquam Vatinianum adversus Se odium, dum discipulus illum excipit perfidia, hostes ex Judæis & Gentibus cum furore.
- B. Proditus sub specie amicitiae, quod non sine magno dolore excipere potuit: Psal. LV. v. 13—15. Ut ne ictus quidem gladii inferre potuerit menti patientis vulnus majus, dolorisve sensum, quam oscula ingrati & scedifragi discipuli.
- C. Prehenditur a justitiæ civilis ministris, quæ maxima viro honesto ignominia est, præcipue quando violentia conjuncta conspicitur, atque ille crudeles patitur satellitum manus. Tendunt hæc, fateor, ad obscurationem bonæ causæ *Christi*, cum per discipuli *avaritiam* Ipse Doctor *Christus* in suspicionem incidat, ac si quid mali adhæreret Illi.

II. NI.

II. Nihilominus hæc omnia bene perpensa dignitati *Christi* nil præjudicare possunt

A. Propter Prophetias, hos casus in descriptione passionum *Christi* etiam accurate intermiscentes, ita enim quam evidentissime prædixerant

1. Discipuli prodicionem: Psalm. xli. v. 80. & Psalm. cix. v. 2 — 4 collato cum v. 8. Ubi ostenditur aliquis, nobilissimo munere fungens, fraudulento ore Eum excepturus, & quidem pro Ejus amore Illum infestans, quod pessimam retributionem significat.

2. Hostium invasionem depinxerunt ad vivum, qui delineantur ut Illum capientes & vinculis constringentes: Psalm. xxi. v. 13, 14. Lxxxviii. v. 9. Jesai. x. v. 4. Liii. v. 8.

3. Ignominiam summam etiam, ex iis omnibus perferendam, recenset Auctor inter *παθήματα τοῦ Χριστοῦ*: Psalm. Lxix. v. 20.

B. Propter typos, ita enim Arca foederis ipsa a Philistæis capta fuit, & gloria Israël in hostium potestatem incidit: 1 Sam. iv. ut tamen ille casus dignitati Arcæ nil detrahat. Simson a Delila proditus incidit in manus hostium. Rex David ab Achitophele multam ignominiam retulit.

C. Propter rei iniquitatem ex ipsis circumstantiis manifestatam, & probantem, quod Justus ab injustis injuriam retulerit. Fa-teor, quod *Juda* scelus speciem præbere potuerit, ac si *Christum* deserens aliquid in Eo mali ac deceptionis expertus fuisset, si conjunctum fuisset cum aperta oppositione; ast nunc, cum occultare odium sub specie amicitiae instituerit, potius constat illum fuisse hominem *ἀποκατακρίτορ*, idque quidem

1. Propter simulatam ad finem usque amicitiam, ex qua constat quod ipsum puderet facti sui.

2. Ex convictione *Christi* illum reprehendentis, Cui nil reposit, aut reponere potuit, ita ad *ἐξουπία* reductus.

3. Quia nunquam prodiit ut accusator in foro, etiam quando testes adversus Ipsum quærerent sacerdotes, neque tum, quando Ipse ad Discipulos, qui Eum audierant, provocaret.

4. Quia proditorem facti poenituit, postquam *Christo* testimonium innocentiae dederat, atque conscientiae rationes ferre non potens, in *ἀποτυχία* incidit.

5. Quia causa *ἀποκαρίας* ejus manifestata fuit, quæ non fuit aliquid falsi in *Christo* notati, verum hominis irrogeniti turpis avaritia: nec enim propterea causa Davidis mala

fuit, quod Achitophel, *ἀσσοφίας* faciens, ad partes Absalomi transiit.

III. Imo contra, hæc omnia *Christi* patientis dignitatem magis confirmant, Ejusque causam tuentur, nam

A. Mediis in passionibus Hic sese plane contrarium ostendit, & validis argumentis Judæorum calumnias subvertit; illi enim Eum in vincula conjecerunt,

1. Ut Pseudo-prophetam, Qui tamen per ipsam *Judæ* prodictionem, & externam captivitatem potius confirmatus fuit ut verus Propheta, per utramque enim actionem Ejus prædictiones adimpletæ fuerunt: *Judas* enim Ipsum prodendo implevit, quæ *Christus* de ipso præmonuerat: Joann. xiii. v. 11, 12. Matth. xxvi. v. 25, 26. Captivitatem autem suam, qua incidit in manus hostium, jam prædixerat Discipulis: Matt. xvii. v. 22. xx. v. 18, 19.

2. Dum ut rebellem adversus Majestatem Cæsaris Eum invadunt, confunduntur per liberam Sui traditionem, dum vident Hominem, Qui, datis potentiæ suæ speciminibus, facile evadere poterat, Se defendere nolentem, neque evasionem molientem; unde postea ex hoc ipso facto Judæorum calumniam coram Pilato refutavit: Joann. xviii. v. 36.

3. Licet ut magum, & Diabolum habentem Eum quæstiverint, contra tamen prodiit, ut cum Diabolo lucians, & præcibus Se Deo affigens.

4. Imo in omnibus præbuit Se mansuetus, Virum probum, & bonæ conscientiæ Possessorem, cum nemini hostium quidquam reposuit, quod non animum mansuetum spiraret, ac Se intrepide objecit, contra ac timidi solent, ac male sibi conscii.

B. Accedit tandem, quod Ipse Justus, dura hæc omnia patiens, ipsum Redemptoris officium impleverit, dum spontanea suimet traditione Se exhibuerit Patri obedientem, & per conscientiam debiti officii id, quod munus Ejus exigebat, præstantem; cum enim spontaneitas maxima fuerit Sponsoris conditio, qua redemptionem populi electi in Se recepit & in tempore præstiterit, sequitur ex adventus *Christi* fine, qui est redemptio, Ipsum inclaruisse admodum medias inter has injurias & ignominias.

Applicatio practica.

I. *Ufus ad institutionem.* Conspiciamus itaque hic , ad nostram institutionem , arcanum Dei consilium , & quomodo Sponsor , Deo ab Eo exigente , ad salutis nostræ impetrationem a *Juda* proditus , & ab hostibus prehensus fuerit.

A. Nos eramus causæ Dei proditores , & per nostra peccata adversus plurima Dei beneficia ingratitude rei, in Adamo fœdifragi: Hof. vi. 7. Adversus monita Prophetarum & Ministros Dei contumaces , & hypocritæ perniciosissimi , tales, inquam, eramus, antequam per gratiam Dei ex hoc statu peccati liberati sumus; hinc est, quod *Christus*, nobis Sponsor substitutus , & nostro nomine prodicionem *Judæ* patiens, hæc nostra scelera luere & expiare debuerit.

B. Nos eramus prehensi a peccatis nostris , concupiscentiarum vinculis constricti , captivi sub Diabolo facti: Jesai. xlix. 24. Proinde , Goël noster , ut nos eriperet & liberos dimitteret , prehendi debuit , ut ita nos assereret , dicendo, *Hi mei sunt*: Jesai. xliii. 5. Imo Semet hostibus objicere debuit juxta prædictionem Jesai. xlix. 25.

II. *Ufus ad Consolationem.* Unde fidelibus in hisce magna occurrunt solatii argumenta. Sponsorem enim ita videntes , nobis & nostro loco substitutum , jam in Ejus gratia spondere possumus nobis peccatorum graviorum remissionem, quippe Qui fructus graviorum peccatorum tulit: si itaque conscientia aliquando ingratitude, fœdifragii & contumaciæ nos arguat circa vitam præteritam, videt hic , & per confugium ad *Christum*, λύτροι fuisse solutum pro istis omnibus : si angustia & metus tentationis fortioris animum corripiant , dubitetque de nova subjectione sub servitute peccati , & pertractione ad vincula spiritualia concupiscentiarum , spectatur hic *Christus*, Qui Se tradidit capiendum , ut omnem vim capturæ infernalis infringeret ; Hunc dumprehendunt potestatem tenebrarum habentes , coguntur electos dimittere in libertatem filiorum Dei.

III. Sed expendat & quilibet

A. *Ufus ad admonitionem.* Quantopere obligati sumus ad præstandam pro tanto beneficio gratitudinem , decet enim nos ,

N. Ut per *Christi* capturam dimissi , non iterum evadamus servi peccati , neque sinamus nos illaqueari a Diabolo , id enim esset contra finem operis Christi.

2. Ut præstemus nos sinceros *Christi* amicos , non proditoris

ris corde, ut *Judas*, sed puro Ipsum exosculantes ore: Psal. 11. v. 12.

1. Ut Ipsumprehendamus, non sicuti milites ad persequendum Ejus nomen, sed ut sinceros fideles decet, ad acquirendum Eum salutarem, non ut morte dignum, sed ut vitæ Principem, Qui nobis vitam per mortem suam promeritus est.

B. Verum, si quando cum *Christo* ignominia ferenda sit, & prehendant nos hostes, ut in carcerem detrudendos, etiam quando amici in specie ob causam *Christi* nos prodant, illa omnia nos feramus ad exemplum *Christi*

2. Generose ac lubenter, nec unquam causæ *Christi* nos pudeat, Qui nostram causam tam generose sustinuit: imo potius pro Eo pati gloriam ducamus cum Mose: Hebr. xi. v. 26. Et cum Apostolis: Actor. v. v. 41. Præcipue attendentes, quod *Christi* vincula nostra sanctificaverint.

3. Cum mansuetudine, hostibus non objicientes dictæria, sed potius commonstrantes animum affici dolore ex potestate tenebrarum in hostes prævalente, interim illis meliorem apprecantes animum, & si fieri potest, modeste monentes ac convincentes, uti in *Christo* specimen vidimus.

4. Cum fiducia, proferentes bonæ conscientiæ indicia, consciis nos pati, non ut sceleratos, sed pro causa Dei & Regno *Christi*; illa enim πληροφορία animi multum malorum sensum aufert, & crucem reddit leviolem.

5. Cum constantia, ut non patiamur nos dimoveri, etiamsi videamus magnorum Virorum ἀποστασίαι, aut efferatos hostium animos adversus veritatem; nil refert, etiamsi experiamur oscula *Judæ*, hæc enim erit divinæ providentiæ cura, ut istorum hominum consilium confundat & manifestet: aut, si velit permittere hostium persecutionibus successum, perstemus nos ad mortem ipsam, persuasi Deum omnia directurum ad nostram salutem, Qui in fine hujus stadii coronam suspendit, Quique finem passionum *Christi* & nostrarum gloriam constituit, quam inpetravit nobis *Christus* patiens, Deusque nobis Ejus jure, qui in fidei perseveramus, constituet in die resurrectionis. Quod faxit Deus!

II. Sumamus pro exemplo *Historiam adscensionis Christi*, & ex ea particulam, seu pericopam, quæ occurrit: Actor. i. v. 10, 11. Pro

Exordio.

Exordio.

Historia aliqua emblematica sumi potest, V. G. *Mordechai* hominis ad furcam damnati, sed subito postea e periculo erepti, & per insperatam exaltationem glorificati, qui Monarchæ jussu jubetur stipatus comitatu produci, ut Vir honorandus; ast ne videretur honore isto temere uti, *Haman* adjicitur regiae voluntatis testis, ut totum illud auctoritate regia confirmaretur.

Observandum non aliter fere Deum egisse cum *Jesu Mariae Filio*, ad crucem quidem rapto, sed tamen & coronando honore, in quem finem e mortuis resuscitatus, & ad thronum Majestatis rapiendus adducitur non tantum cum Discipulorum comitatu, verum & sublatus a Discipulorum conspectu. Legati præterea conspiciuntur divinæ majestatis, ut divinæ voluntatis testes, ne quis dubitet ex voluntate Dei Patris *Christum* honoratum & coronatum fuisse.

Connexio.

Hoc autem declarat Lucas, accuratissimus rei gestæ Historiographus, qui cum pervenerat ad articulum de habitu *Christi*. Hunc, post conversationem per quadraginta dies cum Discipulis, describit ut a Discipulis ad Patrem abeuntem, illique narrationi subjungit apparitionem *Angelorum* de re divina testificantium, & quorum illa tenderent ex consilio divino explicantium.

Divisio.

Hinc hujus loci pertractationem bimembrem ponamus, quippe exhibentem sub theatri hujus majestuosæ conclusionis *Angelorum*

- I. Apparitionem visibilem: *ψ. 10.*
- II. Concionem perceptibilem: *ψ. 11.*

Pars prima.

Exponit Lucas itaque, in conjunctione cum habitu *Christi* ad Patrem conspectam fuisse cœlestem legationem, eamque *Angelorum*, ut rerum divinarum testium: quos testes describit

- I. Quoad personas, Illosque depingit

A,

- A. A facie externa, qua apparuerunt *virorum instar*. *Angelos* fuisse dubitare non licet, modo attendamus ad subitanam eorum apparitionem & disparitionem, ad sermonis auctoritatem, dum ut legati ex foro divino loquuntur, nec non ad habitum peculiarem, cum in *albis* conspiciuntur *vestibus*: quos sane & hoc munus decebat, dum agerent *Christi* causam, Qui *Angelorum* etiam fuit caput, Ipse *αρχαγγελος*, & cœlestis exercitus Dux, Cui & ministerium *Angelorum* dictum fuit: confer Gen. xxviii. v. 12. &c. Joann. 1. v. 52. Deut. xxxii. v. 1, 2. Quod autem in humana forma conspiciuntur, ut *Viri*, id, sicuti nec Deo impossibile est illos ita investire, ita scenæ conveniebat, sic enim obiciebantur Discipulis testes auriti & oculati, ut & ipsi Discipuli, quæ vidissent & audivissent, testari possent. Faciebat id etiam ad Discipulorum blandiorem institutionem, ne a terrore visionis confunderentur. Omitto jam quod *virilis sexus*, cujus sexui laus prudentiæ, fortitudinis & dignitatis competit, scenæ majorem gravitatem addat.
- B. Hi numero dicuntur *bini* fuisse, atque ita a numero etiam definiuntur. Per hunc numerum consensus cœlestis constare debuit, & cum inter homines duo sufficiant ad fidem, multo magis duorum *Angelorum* testimonium ad fidem corroborandam sufficit. Fateor plures celebrasse nativitatem *Christi*, verum ibi præsentia in terris celebranda fuit, nunc autem *Christus* repræsentatur ab *Angelorum* choris quasi excipiendus in cœlum, ubi duo sufficiebant ad fidem faciendam, ut ceteri quasi relictæ fuerint ad plausum adventantis Regis in cœlum consummandum. In mysteriis duo Cherubini erant supra Arcam, Testamenta duo in *Jesum* collimantia, pro duobus testibus agnoscuntur in *Apocalypsi*. Ut non abludat a rei dignitate numerus testium binarius.
- C. Ab habitu externo etiam depinguntur, cum exhibeantur conspecti in *albo vestimento*; scilicet singuli unico induti, probante id numero singulari. Induti ergo, non nudi conspiciuntur, quod quidem inter homines est pudoris & pudicitæ indicium, in *Angelis* vero utilitatis & honoris; utilitatis, ad tegendam Majestatem, ut blanda esset apparitio, N. T. conveniens, & genio Discipulorum: gloriæ etiam ratio observata fuit, albo enim induti *vestimento* conspiciebantur, sacerdotum ac levitarum instar, qui, quando in atriis versabantur, ita investiti Sacra administrabant: color enim ille & solet esse symbolum sanctitatis, & lætitiæ ex triumpho: sanctitatis ratio hic in *Angelis* notanda est, ut hoc symbolo characteres recipiant

ministorum sanctuarii cœlestis, in quibus sanctitas intempera-
ta conspicienda est, ut ad fidem faciens: neque negligenda
hic est lætitiæ adumbratio, cum enim *ascensio Christi in celos*
speciem quoque referret ovationis & triumphi ab hostibus
reportati, non abludit etiam a ratione ministerii horum *Ang-
elorum* solemnitatem istius triumphi in *albis* celebrare.

- D. Nec omittendum ut a statura delineentur, non sedentes, sed
stantes, ut, quibus hic nulla mora erat trahenda, conspici
hic voluerint quasi per saltum, mox redituri ad socios &
commune celebrationis munus in cœlis, ad *Christi* ingressum
celebrandum. Quæ omnia, ut notatu digna, præfixam ha-
bent notam attentionis *ecce*. Quæ enim hic ita sistuntur Apo-
stolis & Discipulis ad conspectum, erant non communis or-
dinis & providentiæ res, sed singularis œconomix divinæ;
imprimis si illud repræsentamen distinctius intueamur in sua
connexionem cum circumstantiis. Nam

II. Opportunitatem legationis istius cœlestis non amisit Historio-
graphus, dum eam depingit

- A. Ab ipso *Christi* profectus momento; vix enim ab intuitu
Discipulorum Christum nubes removerat, quin simul & eodem
momento observent hos *Angelos* præsentem, quo monebantur
illam legationem in gratiam *adscensionis Christi* a Deo factam
fuisse.
- B. In ipso fervore attentionis *Apostolorum* & reliquorum *condu-
ctorum*. Apparuerunt enim *Angeli*, dum testes gloriæ *Christi*
oculis intentis cælum respicerent, illi enim *ἀντιζωοντες* specta-
bant *nubem* remonentem recessum, cum *ecce* a frustraneo
conspectu avocentur ad conspectum hunc novum *Angelorum*,
de reliquis illos erudire cupientium.

Pars secunda.

Hinc viderunt *Angelos* non tantum præsentem, verum & alloquio illos
compellantes, ac sermone erudientes. Hi

I. Exordium præmittunt, quod consistit

- A. Blando satis alloquio, dum spectatores *adscensionis Christi*
compellant amice latis, *Viri* enim *Galilæi* ajunt, id est, ex
Galilæa oriundi, qua denominatione a patria desumpta signi-
ficant

- B. Illos haud incognitos fuisse ipsis, ut ita sensim intelligant
gloriæ *Christi* spectatores, *Angelos* esse, qui in *Christi* gra-
tiam & ministerium hic aderant.

3. Præprimis, cum *Galilæi* audirent fere *Jesu* Discipuli, ut viderent hos adstantes ut monitores adesse, qui tacite monerent, ut deceat viros *Galilæos* Magistri Ejusque doctrinæ memores esse.
- B. Huic & blanda accedit correptio, cum dicunt *οὐκ ἰσχύετε*, &c.
- N. Vocula *οὐ* hic est pro *διὰ*, atque ita causam stuporis exigunt, ut isti *ἀποκρίσονται* reddant; sic blanda correptio est in eo, quod vellent *Christum* quasi oculis retrahere, hoc an cum ratione consentiat, jubentur ponderare animo. Istiusmodi erudiendi genus per interrogationes valde convincit, mentemque ad forum conscientiae quasi revocat.
3. *Cælum* intueri non adeo corripiunt, verum abeuntem oculis ita persequi, ut amici abitum lugeas, hoc inconsiderantiae erat, & contra ea, quæ dixerat *Christus*: Joan. XIV. 5. 28.
- II. Hinc argumentum sermonis id agit, ut rem præsentem exponat, futuram verum spondeat.
- A. Quoad rem præsentem indicant, quid rei sit, quod accidit *Christo*; hinc
- N. Subjectum accurate definiunt *Angeli*, ne videantur in vago locuti, *ἐπεὶ* inquit *ὁ Ἰησοῦς*, Ille Ipse *Jesus*, scilicet Qui hinc a vobis discedit, hætenus vestrae societatis confors, nuper ad mortem pertractus ab hostibus, ante paucos dies ex mortuis resuscitatus, Qui vos conscripsit ad hunc conventum, & pertraxit in hunc locum, Ille Ipse verus Mariæ Filius, Quem cum vos respicitis, nos quoque vobis commendamus.
3. Affirmant primo de hoc subjecto, quod susciperetur in cælum, idque affirmant binis vicibus cum repetitione, ut fortius occurrant spectantium imbecillitatibus.
4. Eleganter inter se commutant phrasas, jam dicunt, quod viderint *Ipsum* *περιούμενον αἰς τὸν ἕραν*. Ut significant suo jure, suaque potentia locum gloriæ occupantem. Jam dicunt, quod *ἀναληφθεὶς αἰς τὸν ἕραν*, Quod verbum notat potentiam Patris *Jesum* ad dignitatem illam summam elevantis: & revera utriusque potentia spectanda est; Filii, ut intelligamus Illum adiisse gloriam, & sibi jure vindicasse; Patris vero, ut teneamus ex sententia Patris, Judicis, Ipsum assumptum, & quasi reassumptum cum testimonio omnimodæ justificationis causæ.
- A. Amplificatur hoc per indicationem terminorum a quo, &

& ad quem. A quo, quando dicitur ἀπ' ὑμῶν. ut per *adscensionem* vera facta fuerit separatio & disjunctio *Christi a Discipulis*, & quidem tanta, quantum terra distat a *cælo*, Quod, dum argumentum tristitiæ videri possit *Discipulis*, ad emollitionem istius addunt terminum ad quem, scilicet reassumi a Patre in *cælum*, ut designetur proculdubio beatorum locus, a Deo in manifestationem gloriæ suæ conditus.

B. Quoad rem futuram, ad majus solatium spondent reditum Ejusdem Domini, & quidem hoc ipso modo, quo abiit.

N. Reditus *Christi* post adventum in carnem alius, quam ad iudicium, esse non potest, cujus certa futuritio recepta est inter articulos fidei: Phil. III. ̳. 20. I Thess. IV. ̳. 16. Cujus & Ipse *Christus* pluries spem fecerat. Futurum hunc reditum spondent *Angeli*, ut singulare beneficium, quod damno abitus *Christi* opponunt; ita enim tacite negant, Illum abiisse cum neglectu suorum, verum ut redeat cum fructu, paraturus ipsis locum in *cælis*.

2. Additur & modus, cum dicunt ὅτι οὐρανὸν ἀνέβη, sicuti vidistis abeuntem. Scilicet visibilis in *nubibus cælorum*, cum *Angelorum* comitatu, in eodem corpore videbitur, cum rediret ad suos, non ad Regnum aliquod millenarium in terris obeundum, sed ad iudicandum vivos & mortuos, atque ita servandum, quos elegerat.

Applicatio apodictica.

Agnoscite proin in hisce, quomodo ulterius confirmatur Christiana fides in dogmate de *Christi adscensione in cælos*. Non satis erat oculos variorum *Discipulorum* conspexisse miraculosam corporis *Christi* glorificati sublationem in altum, sed ne quis de termino ad quem dubitet, & quid post *nubem*, scenam claudentem, factum fuerit, ignoret, ecce *cælestis* confirmatur testimonio. Cujus

I. Testes sunt fide dignissimi, si enim quis inter homines unico non contentus sit testimonio, hic duo adsunt consentientes; si homo quilibet, eo quod mendax est, suspicionem falsi post se relinquat, ecce hic testes sunt spiritus *cælestes*, *Angeli* in veritate confirmati, fideles divinæ Majestatis ministri. Si Diabolus se possit transformare in *Angelum* lucis, agnoscite hic *Angelos* divino charactere & ornatu indutos, ad divinum miraculum præ-

stantes, & causam Ejus agentes, Qui ad Regni tenebrarum debellationem prodierat in Orbem.

- II. Sed accedat testimonium, & audiemus dictum Deo ejusque ministris consentaneum. Nil enim hic asseritur, quam quod prophetiis consonum est, cum *sublatus dicitur in cælum*, euangelium docet rem in prophetiis designatam: Jesai. LIII. *ψ*. 8. Ps. LXVIII. *ψ*. 19. Quando *Christus dicitur rediturus ad judicium*, est hoc *judicium*, quod Regi *Christo* designaverant prophetae.
- III. Modus propagandi testimonium, nam id *Angelorum* erat vi prophetiarum: Deut. xxxii. *ψ*. 1—3. Psal. cxlviii. *ψ*. 12—15. Atque ita constare debuit ecclesiae, quod est in Psal. XLVII. Ejus *adscensionem* fore cum *Angelorum comitatu & collaudationibus*.

Usus ad institutionem.

Nec simpliciter *adscensio Christi* ita confirmata fuit, sed & glorificata, ita ut in *cælum sublatus* hic jam per *Angelos* eorumque testimonium manifestetur, variis modis superexaltatus; pingitur enim hic, ut Cui *Angelorum* ministerio accesserit decus; conspicitur enim hic Ipse

- I. Ut reassumtus a Patre, Qui antehac videbatur *spectus inter homines*: Jesai. LIII. *ψ*. 3. Dum enim *adscendat ad cælos*, eosque ingreditur, ut *Angeli* affirmant, ita redit ad Patrem, Qui Eum miserat in mundum, ut qui omnem causam sibi demandatam bene gesserit, atque ita in *adscensione ad cælos Jesu* ex vero attributa, adhuc amplius corroboratur argumentum *Christi* justificati: 1 Tim. III. *ψ*. 16. Non enim tantum per resurrectionem demonstratus est Filius Dei & Sponsor absolutus a debito, verum etiam quam maxime per *adscensionem in cælos*, quæ comprobavit, ut *rapinam ducere necesse non habuerit*, Se *similem exhibere Patri*, id est, gloriæ divinæ Consortem, Sibi que propriam, quam cum *exaltatione* adibat & quasi reassumebat: quod cum fieri etiam non posset nisi post præstitam ἀπολύτρωσιν, ut novo jure adeat *cælestia* cum potestate in *cælis*, sequitur, si verum sit *Christum adscendisse in cælis*, Eum fuisse & Filium Dei, & Redemptorem Ecclesiae, Qui in dignitate sua asserenda, & in acquisitione peculii sui jam ante rem omnem absolverat.
- II. Quin imo in *exaltatione adscensionis in cælos* conspicitur ut ovans & triumphum agens, unde & ministri ejus comparent in *albis*; quam orationem, ut *adscensioni* Ejus connexam, jam olim cecinerat Psaltes: Psal. LXVIII. *ψ*. 19. Qui enim in *cruce Potestates exuit*, Ille in *adscensione* maxime triumphum ab hostibus duxit:

Co-

Coloss. II. Ita ut nunc elevatus omnia adversa habeat pedibus suis subiecta, & quoad potentiam enervata.

- III. Hinc & pro dignitate personæ triumphantis conspicitur in textu nostro, ut stipatus *cælestium* ministrorum consortio; *elevatus* enim in *cælos*, manifesto exaltatur super *Angelos*, quos recipit Regni sui ministros, *Angeli* enim hic apparentes satis indicant ut respexerint *ascendentem*, tanquam Orbis Dominum, mundi Judicem, ad occupationem throni *cælestis* reassumptum, Quem & *Angeli* tenentur adorare, Eique variis legationis mun-neribus obsequium præstare. Videte ergo, quantus & qualis Ille sit, Qui ex monte Oliveti *cælos* adiit, ut scilicet locum gloriæ, quem omnis spes nostra respicit, ingressus fuerit, non ut privatus in causa sua Victor, sed ut Filius in domum suam, imo ut Rex in thronum suum, atque ut Procurator causæ electorum omnium, quibus præparaturus erat locum in *cælis*.

Applicatio practica.

Hoc ultimum præprimis spectandum est nobis & animadvertendum,

Attendendo ut *Christus* non discesserit ab Apostolis deferendi animo, sed potius cum intimo amore erga suos, & cura eorum res perficiendi.

- I. Probavit hoc ex ipsa *Angelorum* legatione, quæ cum concipienda sit facta, non solum auctoritate Patris, sed & Ipsius voluntate, ut curaret certitudinem fidei in mundo; & manifestum hic adest indicium curæ Ipsius perpetuæ, ut nempe abierit nostri memor, acturus pro nobis secundum amorem, quocum discessit, quidquid Pater concederet in Ejus potestatem: adiit ergo gloriam, non ut pincerna Pharaonis, qui, libertati & dignitati restitutus, Josephi oblitus fuit, ut solet in humanis, sed potius Hesteræ instar, quæ, non obstante evectione ad dignitatem Regiam, populi sui manserit memor.
- II. Præprimis hoc confirmant *Angeli*, quando dicunt Illum abiisse animo *redeundi*, & quidem glorioso *reditu*, ita ut aliquando *descenderet in nubes*, conspiciendumque Se præberet toti Universo, & quidem nullam aliam ob causam, quam ut suos susciperet, Secumque abriperet ad conspectum æternæ Majestatis suæ. Confer: Johann. XIV. v. 1, 2. & XVII. v. 24. In quo unico consistit omnium fidelium spes viva, & Christiana expectatio: Phil. III. v. 20, 21. Tit. II. v. 13. 1 Thess. I. v. 10. 11 Petr. III. v. 13.

Usus admonitionis. Hinc facile concluderit quilibet, quid nos deceat, qui Caput nostrum respicimus ut in gloriam *sublatum*, aliquando ad *judicium* & assertionem suorum *rediturum*, scilicet, ut ad normam *Angelorum* induamus, quibus triumphum ornemus,

- I. Indumenta laudis: Jesai. Lxi. §. 3. Ut scilicet fides hilari assensu Capitis assequatur triumphum, atque non aliter, ut populus in inauguratione Salomonis, applaudamus huic *exaltationi* Capitis & Regis nostri tam gloriosæ, tam gratæ & jucundæ, tanquam nobis utili, ut qui ex ipso nostro Capite accepimus *politum in cælis*.
- II. Vestimenta sanctitatis, sicuti *Angeli in albis*, ita & nos quasi in comitatu Capitis nostri glorificati celebremus sanctuarium Regis nostri. Hujus enim ornatus sanctitas est, Regis vero decus habere *Populum spontaneum*, & *in ornamentis sanctitatis ambulantem*: Psal. cx. §. 2. Debet enim nostra conversatio abhinc spectare *cælestia*, ubi omnia sancta & pura sunt. Jungunt se *Angeli* hominibus: jungamus nos *Angelis*, in conformitate *Angelorum* oportet vivere.
- III. Accedit &, ut *oculos* intentos habeamus in *Christum*, non cum animo retrahendi abeuntem, sed cum Ipso *adscendendi* ultra *nubes*; idque cum omni cura, ut ibi *cor sit*, ubi *thesaurus ille est*. Perpetuo exspectemus *reditum* Ejus, atque in eum finem in omni apparatu conservemus vestes, ne maculati inveniamur, sed in *albis*, ut spes rata fiat, fore ut instar sponsæ immaculatæ ad Eum adducamur, & aliquando cum Eo inducamur in eundem locum gloriæ, ut æterni spectatores gloriæ *Christi* evadamus.

C A P. II.

DE TEXTU PROPHETICO.

- §. 1. I. Quando dico *Prophetias* continere *historiam*, ante rem gestam delineatam, notandum est, fata ecclesiæ & hostium ejus utrobique eadem esse, in *historiis* tantummodo concipi ut præterita, in *Prophetiis* vero ut futura, idque vi decreti divini, quo Deus rerum consecutiones constituit, non tantum quæ theocratiam Veteris & Novi Testamenti respiciunt, verum etiam quæ tangunt hostes ecclesiæ, eorumque aut molimina aut supplicia.
- II. Notandum tamen multa futura in *propheticis enunciationibus* præteriti temporis exprimi, cujus ratio sollicitè est indaganda.

Dici-

„ bent Judæi, *Christum* etiam præsentem non agnoverunt; quin
 „ & nos, advenisse Illum asserentes, & ab ipsis cruci affixum
 „ esse, quemadmodum vaticiniis est prænunciatum, demon-
 „ strantes, odio prosequuntur. Hactenus *Justinus*, qui hanc
 regulam multis probat instantiis ibidem.

III. Interim oportet nos memores esse, quid consilii notandum sit in *Prophetis*; in genere enim exponunt vias Dei futuras circa fata populi sui, & adversantium, quæ vocantur fata Orbis & ecclesiæ, idque ut plurimum duplicem ob causam.

A. Ut aberrantes a Mose, seu quoad fidem, seu quoad mores, ad resipiscentiam compellent, atque in viam redducant, vel ad minimum pertinacibus apologiam eripiant.

B. Vel ut credentes in fide & pietate confirmant, spem foventes, & judicia Dei eorumque effectus connectentes cum rerum exitu, ne unquam putent ea ad fœderis, cum Abrahamo initi & per Moysen confirmati, abolitionem progressura, id est, ut firmiter teneant Deum nunquam ad omnimodam populi abdicationem pergere velle ante legationem, per Filium Dei faciendam.

IV. Ut autem finis iste strictius eruatur, quatuor *Prophetarum* tempora sunt notanda in Veteri Testamento, quibus a Deo legati sunt ad consilium divinum recludendum.

A. Benedictionibus admodum conspicuum fuit tempus sub *Davide & Salomone*, tunc ecclesiam beavit *David Psalmis*, inter quos plures sunt *prophetici*. *Salomon* autem vaticinatus est in *Proverbiis & Cantico canticorum*, ubi ratio temporis postulabat interpretationem rerum sperandarum, & finis Legis umbratilis.

B. Maledictionis nobis tempus est, quando populus, divisus in duo Regna, & sæpius incidens in crimen idololatriæ, præmonetur de judiciis Dei secuturis, & interruptione incolatus terræ futura. Atque sub hac ætate scripserunt ex majoribus *Prophetis*, *Jesaja*, ex minoribus, *Hosea*, *Joël*, *Amos*, *Obadia*, *Jona*, *Micha*, *Nabum*, *Habakuk* & *Zephania*.

C. Judicii tempus sub ipsa captivitate Babylonica sequitur, qua vigente scripserunt *Jeremia*, *Ezechiel* & *Daniel*, præter inculcationem resipiscentiæ, & prædictionem terminorum judicii, etiam spem restitutionis facientes.

D. Restitutionis populi, ex captivitate dimissi, tempus, habuit *Prophetas* tres, *Haggæum* scilicet, *Zachariam* & *Malachiam*. Quæ varietas temporum causam scribendi admodum modificat, quoniam affectus fidelium in populo aliam & aliam medicinam postulabant.

§. 2. Agitur hic

I. De *Explicatione subiecti*. Cum enim discutienti *prophetias* intersit plurimum habere *subiectum* vere cognitum, tota res tribus casibus absolvitur.

A. Quando *subiectum* sub nomine proprio, aut titulo circumscriptionis ita definitur in textu, ut omnium Interpretum consensu res extra controversiam ponatur, dicimus illud *subiectum* propositum posse *absolvi paucis*, quia res nulla eget investigatione. Quando autem dicimus *paucis absolvi*, id pendebit ex ruditate ecclesiæ minus versatæ in nationum ortu & situ. Verbi gratia, quando *prophetia* in titulo refert *subiectum* suo nomine, ut Jes. xxi. v. 11. Ubi legitur sententia *Dumæ*, oportet ut auditores strictim erudiantur, quam gentem & terram intendit Spiritus, indicando *Idumæam* contracte *Dumam* dici, nomenque accepisse ab *Idumæis*, Esavi posteris, Palæstinæ a meridie conterminis. Verum etiam *subiectum* respici debet in sua relatione ad ecclesiam, seu populum Dei: notandumque *Idumæos* se ad Judæos sæpe habuisse ut hostes, & in fato populi adverso exsultantes; atque ita fit præparatio ad rite expendenda hostium fata in populi Dei solatium; proponi enim ad eximendum nimium metum ab eorum moliminibus aliquando conceptum aut concipiendum, ut ita teneamus, in *prædicatis* contineri præscissionem moliminum hostium contra ecclesiam, sive Deus velit vindicare causam suam & populi sui, per eorundem judicia & pœnas inferendas, sive decreverit illos ecclesiæ conciliare per eorundem conversionem, adeoque *subiectum* cognitum admittit aliquam descriptionem ab animo, quo feruntur erga theocratiam divinam.

B. Si quando *subiecta* silentio involvantur; ita ut ex *prædicatis* debeat erui, ejusque investigatio sit controversa, *subiectum* revera diligentius discutiendum est. Ut tamen aliquod moderamen adhibeamus, si collocatio *prædicatorum* abrumperet fere nobis omnem *prædicatorum* discussionem suo loco, convenientior erit *methodus deliberativa*, quæ *subiectum* revocat ad proximam personam & schesin, quam in repræsentamine *prophético* sustinet. Et quoniam hanc *methodum deliberativam* in hoc opusculo nostro occultavimus, paucis accipite, quæ de ea notanda sunt.

N. Jubet *methodus* hæc *subiectum* non statim denominare nomine proprio, sed voce appellativa, schesin, quam persona sustinet in præsentī scena, ad vivum exprimente, imprimis adhibendo talia appellativa, quæ *subiectum* a munere,

re, quo in scena fungitur, denominant, idque cum laude aut vituperio, prout in contextu prodit, vel ut laudandus, vel ut vituperandus.

3. In progressu autem, quando concio transit ad *prædicata*, ex singulis *prædicatis* expositis colligat concionator characteres, qui *subjectum*, appellative denominatum, magis magisque ab aliis, similis classis & ordinis, hominibus distinguunt, illudque ad cognitionem specialem & individualement in lucem protrahunt.
1. *Prædicata* porro ita collocentur, ut, quæ minus specificent, priori loco pertractentur, quæ magis & primarie ultimo loco expendantur, nisi prioritas ordinis aliud postulet. Hanc methodum in casu proposito admodum commendamus, tum, quia proportio, in pertractione notionum servanda, commodius retinetur, quæ postulat ut de *subjecto* minus, de *prædicatis* plura dicantur; tum etiam, quia elegantius auditorem introducit in cognitionem rei demonstrandæ, nam eo in casu *subjecta*, proprio nomine denominata, statim videntur creare præjudicia, vel saltem excitare in auditoribus; cum appellationes, a munere in scena desumptæ, ponant aliquid extra controversiam positum, & progressus ad *prædicata* sensum *subjectum* ad personam individue revocet. Agitur hic non aliter, ac cum *cæco* isto in Evangelio, cui visus pedentim restituebatur, quique cernebat homines, primo ut arbores, id est, figuras ac statuas erectas, ac tandem, accedente majori luce, minores distinguens figuras, caput & reliqua membra a se invicem discernendo, agnovit homines esse. Vel etiam, uti agitur communiter, cum videmus homines e longinquo pedentim appropinquantes, quando primo conspectu quis ex figura hominem agnoscit, sed; quum magis admotum videt, lineamentis vultus intra sphaeram visionis positus, fratrem dignoscit, & individuum quodlibet. Sic auditores secundum hanc *methodum* vocantur ad attentionem a generalioribus ad specialiora, & additis ultimis characteribus distinctivis, tandem ad cognitionem individui; sive Christus sub habitu *pastorali*, sub ornatu *Regis*, sub circumstantiis *Doctores* tradatur in *prophetia* simili, tamen *prædicata*, continentia characteres specificantes, imo & individuant, efficient, ut ab omnibus aliis *Pastoribus*, *Regibus* aut *Doctoribus* plane distinguatur, nihilque relinquatur in foro iudicii fidelium affirmandum, quam quod *Iste Pastor, Rex aut Doctor sit Ille unus solus, Qui*
cete-

ceteros ejusdem ordinis in infinitum antecedit, id est, Qui sit ipse *Christus*. Ita si *Antichristus* V. G. repræsentetur sub habitu *pastoris* perfidi in grege, gregem opprimentis, odiosum sane esset statim *subjectum* denominare nomine nimis specifico *Antichristi*, unde qui *Antichristum* non agnoscunt statim fere aures clauderent. Retineatur itaque juxta postulatum scena in suspenso aliquamdiu, sub nomine appellativo *doctoris* perfidi, *doctoris* nequam, & similibus scenæ convenientibus, desiderabit tum auditor pedetentim ex characteribus induci in distinctiorem *subjecti* cognitionem, donec ultimus character cogat agnoscere eum, quem Spiritus Sanctus *Antichristum* appellat.

C. Sin autem eveniat, ut *subjectum* sub *emblematica denominatione* proponatur, ita ut disputatio sit, an denominatio in litera aut in spiritu accipi debeat, res ipsa dijudicanda est iterum ex *prædicatis*. Verum ea de re diximus: Part. I. Cap. V. Quibus addantur, quæ observavimus in *Introductione ad Scripta prophetica*.

II. Ut hoc in loco monita feliciter intelligamus, notandum

A. Ut *periodos temporum* recte distinguamus, & *tempora* ipsa observemus.

N. Quoad *tempus* diversum, aliud esse Legis, aliud Evangelii. Legis spectare ad Vetus Testamentum, & populum exhibere sub servitute; Evangelii vero spectare ad Novum Testamentum, & populum exhibere sub libertate.

2. Sub utroque *tempore* septem notandas esse *periodos*, ut haud male monuit Gurtlerus in *Theologia prophetica*, ita tamen, ut *periodi* Veteris Testamenti habeant rationem typicam ad *periodos* Novi Testamenti.

B. Hæc autem distincte eruantur, & quidem

N. Ratione duplicis *temporis*, ex circumstantiis ita concurrentibus, ut, si fiat mentio vocationis gentium, vel denunciationis Evangelii, aut celebrationis beneficiorum Novi Testamenti, cum istæ sunt proprietates Novi Testamenti, & notæ *temporis* libertatis, tuto affirmemus hæc versari in *tempore* Evangelii, seu Novi Testamenti delineando.

2. *Periodi* eruuntur ex figuris *temporum*, ut, si afflictio ponatur post liberationem ex captivitate Babylonica, quæ præcurrit adventum Christi, sponte quis animadvertat, textum versari circa sextam Veteris Testamenti *periodum*. Et ita in reliquis.

Nota quoque applicationem *vaticiniorum* in Novo Testamento ad certa sua *subjecta*, implementum *prophetarum* facientia, validissimum Christianis argumentum exhibere de *subjecto* considerando in *tempore* suo, & *temporis periodo*: præprimis quando in N. T. dicitur hoc ipsum esse, quod dictum fuerat a *Prophetis*; ratio certitudinis est, quia in scriptis Novi Testamenti habemus ipsum Spiritum Sanctum talem applicationis vaticiniorum Interpretem. Qui cum Idem sit in Apostolis & Evangelistis ac olim in *Prophetis*, audiri debet, secundum canonem, *Optimus est quisque suorum verborum interpret.* Quare accurate facienda parallelia locorum V. T. in N. T. explicatorum, & religio nobis esse debet, verba Spiritus Sancti in N. T. aliorum trahere, ac Ipse applicuit. Scio equidem multos esse, qui fere omnes *prophetias*, applicatas in N. T. asserunt per modum accommodationis esse eo pertractas; sed pace tantorum Virorum dixerim, istos interpretes exponere N. T. Judæis in ludibrium; volunt enim Apostoli & Evangelistæ eo agendi genere videri, se apodicticas attulisse rationes, ad confirmationem Evangelii & convictionem Judæorum facientes; qualem rationem apodicticam nemo hominum sentit, vel observat in accommodationibus istis, neque quisquam ad illud effugium pervenit, nisi ex pudendo præjudicio, de *prophetiis* in littera intelligendis ac applicandis populo V. T. Quod præjudicium sane ex ratione deponendum est, de qua re egimus latius in *Introductione ad Scripta prophetica*.

§. 3. I. Respicit hæc lex hermeneutica omnem *expositionem* Grammaticam & Rhetoricam, de qua diximus Part. I. Cap. IV. §. 1—7. Atque id efficit ut *predicatorum* mentem recte assequamur; cum enim hic obtineat regula, *Talia esse subjecta, qualia permittuntur esse a suis prædicatis, predicatorum sensus ex Grammatica & Rhetorica, eorumque amplitudo ex sensu Logico invicte demonstrari debet.*

II. *Realis* autem *explicatio*, quæ rem ex vocibus cognitam amplius persequitur, hic prudenter exercenda est, & quidem præprimis secundum rationem *temporis*, ut proinde veritas aut affirmatio negativa hic consideretur

A. *Æterna*, ad naturam rei inseparabiliter adhærens, atque tunc respicit aut *dogmata* aut *mores*, qui tractantur obiter per collationem locorum, quæ vocantur testimonia parallela, ita tamen, ut hæc paucis fiant, & eo modo, ut diximus in *textibus historicis*.

B. Vel

B. Vel ut *temporalis futuritionis*, in quantum *subiecto* aliquid accedit in *tempore*, aut ab eo recedit, atque tunc porissima concipitur ut *propheticum*. Verum cum *prophetia* aliquando loquantur de rebus futuris in præterito, ut ad §. I. monuimus, oportet valde attendere ad scenam visionis, prout statum rerum futurarum repræsentat in præsentī; in quo casu duo notanda sunt.

N. Ut *tempora* non facile mutemus, aut anomalias *temporum* fingamus, atque præterita & futura in enunciationibus & *prædicatis* referamus ad scenam, quæ rem præsentem repræsentat, pro hypothese in indagatione sumentes, ad præsentem scenam spectare, quidquid per præterita & futura interponitur.

2. In *modis* loquendi semper, cum relatione ad *tempus Prophetie*, futuritionem aliquam esse exprimendam; ubi enim præterita narrantur relata ad scenam, quæ tamen expectanda adhuc erant tempore vaticinii, curandum est, ut subiectivos loquendi *modos* adhibeamus, quorum futura potentialiter includunt etiam præterita, ut axioma spei antiquæ ita clarius auditoribus ob oculos ponatur. Imprimis notare oportet, quomodo *parallela prophetica* secundum articulos *temporum* convenienter *prædicatis* textus sint intelligenda. Hoc cum ex parte præstiterit P. M. Clarissimus *Galichius* in opere indicibus locorum instructo, ejus operis usus nunc subjiciendus est ad istam *parallelam* inveniendam & adhibendam.

a. Is textus *propheticus*, quem sibi pertractandum assumfit, quærendus est in indice locorum, operi subiecto, atque attendendum, quoties citetur in toto opere.

β. Sciendum apprime, quod, quotiescunque textus noster adducatur in opere, toties *prædicata* exhibeantur relata ad distinctos *articulos temporum*, atque adeo totidem erunt res in futuritione notandæ.

γ. In singulis *articulis*, ubi citatur singula res *prophetica*, sub suis *articulis temporum* exhibentur cum suis *parallelis*, nam scopus Auctoris fuit, quidquid secundum interpretationem Clarissimi Cocceji ad Historiam Sacram aut ecclesiasticam applicatur, simul sub uno conferre articulo, ut, quicquid *propheticum* sit in Sacris, ad hunc illumve *articulum temporis* referendum, id simul ab Auctore congestum fuit.

δ. Prudentia autem hic adhibenda est, ut ex multitudine locorum *parallelorum*, quæ requirimus ad spem Pa-

trum firmandam, tantum ista eligantur testimonia, quæ, quoad phrasin, textui pertractando magis consentiunt, id est, quæ proximi sub eodem *emblemate* versantur, reliquis omissis: hoc enim exigit regula nostra *proportionis*, ut de *prædicatis* non omnia dicamus.

- a. Verum cum Auctor noster *articulos temporum* non deduxerit ad finem, morte a reliquis continuandis prohibitus, diligentia peculiaris est, ut ex fragmentis operis totum suppleatur, ad quod perficiendum aliquando *specimen* exhibuimus. Verum cum Clarissimus Gurtlerus *Theologiam propheticam* perduxerit ad finem, utile erit omnium dictorum *propheticorum* ad opus illius conficere indicem, quem non sine damno neglexit. Ita enim *parallelam* dicti *prophetici* potuissimus ex parte ex ipsius opere eruere; Quamvis & in eo a Gulichio differat, quod *articulum historicum*, quem attingit, confirmat quibusdam *vaticiniis*, ad rem applicatis, non vero omnia *parallela* adducit, quod erat consilium beati Gulichii.

2. Imprimis quando in Gulichio, sub *articulo temporum*, invenimus *vaticinia parallela*, etiam attendere oportet ad prædictionum antiquitatem majorem & minorem, ut satisfiat monito nostro de *considerandis prædictionibus antecedentibus & consequentibus*.

- a. Ut in relatione ad *antecedentes prophetias* per aliquam deductionem denotemus aut progressum lucis, quam accepit *articulus* noster *propheticus* progressu temporis; aut ut *articalus*, jam ante amplius expositus, contrahatur in compendium in textu pertractando. Qualis deliberatio allegationi *parallelorum* gratiam aliquam conciliat.

- b. Si allegamus *parallelam* ex *prophetiis* sequentibus, propter certitudinem *articuli* spei etiam introduci potest, tanquam argumentum singularis expectationis, testificatae per posteriores, etiam aliquando cum novo lumine, aut sub novo *emblemate*. Exemplum erit locus Jesai, VII. 7. 14.

Exordium

Desumatur a collatione theocratia typica & vera, ostendendo gloriam prioris ex signo & symbolo

bolo præsentiæ divinæ non accedere ad gloriam posterioris, sub qua Ipse Deus populum vilitaret, inque ejus medio ambularet: Levit. xxvi. §. 12. Et quidem cum manifestatione gloriæ suæ, Cujus revelatio promissa fuit: Jesai. xl. §. 5. Gloriosa hæc præsentia Deitatis, inhabitantis inter homines, requirebat proinde ad Ejus introductionem stupendum apparatus. Cujus enim erat semet præsentem sistere, olim latebat sub columna nubis, sed expectabatur in vera theocratia, ut Qui sub corpore visibili ingrederetur Orbem, & accederet ad suos.

Hanc spem discipulis Christi evidenter esse propositam in oraculis divinis haud dubitat quisquam, qui solummodo inspicit textum prælectum; designatur enim hic *Immanuel*, Dominus terræ totius Canaanis, Metator olim & Dux populi, imo Angelus faciei Dei: Ille autem *Immanuel* sistitur hic, ut Quis foret novæ theocratiae Princeps, oriundus ex *conceptione virginis*, ut nimirum nasceretur, atque ad commercium cum hominibus habendum mittendus tanquam homo verus.

Occasio.

Promissio hujus miraculosi signi, Regi *Achazo* proponendi, concessa fuit divinitus Israël, quando Rex optionem signi ex cælo aut ex terra sibi eligendi rejecerat; assertio *prophetica* erat, conjuratos adversus domum Davidis Regis non assecuturos, quod sibi proposuerant, domum Davidis scilicet esse conservandam in mediis hisce motibus ad majora: hanc domum confirmatam haberet Rex, vel saltem pars orthodoxa populi, quæ tanto solatio destitui non debet. Signum quidem obtulit Deus ad confirmationem, sed cum Rex optionem illam respuerat, *Jesaias*, quasi se ab homine improbo avertens, & rationem piorum in populo habens, se convertit ad pios, monetque *Jehovah* tamen ipsis *signum* dare vellet, quod loco signi rejecti substitueretur, atque illud in verbis textus nostri continetur.

Propo-

Propositio.

Magnum itaque in hisce enunciatis, & miraculosum spectabimus *signum* confirmatorum spei, de non exterminanda domo Davidis, usque dum hanc promissionem adimpleverit Deus; inque his spectabimus modum, quo Deus Principem theocratix novæ, & *Immanuëlem* introduceret in Orbem.

Divisio.

In quem finem ut discutiamus oportet,

- I. Miraculosam Principis in Orbem introductionem.
- II. Insignem personæ Ejus dignitatem, una expositionem.

Pars prima.

I. Qui hic proponitur omni attentione spectandus, describitur autem

- A. A communi denominatione, quod foret *Filius*, sub qua denominatione notatur,
- B. Quod homo esset ex hominibus, Qui proinde cum fratribus humanum exerceret commercium, & sub lege communi nasceretur.
- C. Sextus interim etiam nobilioris, non feminini sed masculini generis.
- D. Sed, quod ex circumstantiis colligitur, venit quidem sub titulo vulgari, ita tamen ut foret persona nobilis, tum, quia Deus ante hominis nativitatem nunquam de quopiam oracula edidit, quin excitaverit hoc ipso majorem de iis expectationem, respicere eos oportet, ut magna & peculiaria instrumenta consilii divini, de quorum ingressu in Orbem ante conceptionem & nativitatem Deus humanum genus monitum voluit. Imo respicienti sunt tales, ut pecularia Dei dona in populi salutem, & gaudium præparanda & adducenda. Inprimis hic loci spem fecit *Filii*, sed ex Davidis posteris oriundi, quippe *Radix Isai*, & insignis Principis futuri in populo, ad conservandam dignitatem familiæ Davidis. Nec tamen

tamen deest ratio, cur sub humiliori titulo in antecessum occurrat, scilicet, ut in mentem revocent humilem ejus conditionem, ex qua tamen assurgeret in maximam dignitatem, quippe in quo *Filio* divina latitarent, quæ gradatim in sensus incurrerent.

7. Hujus *Filii* dum notatur origo, & quidem ex *virgine*, connotatur etiam privilegium primogeniti, qui enim ex *virgine* nascitur, primus aperit vulvam matris. Eique proinde ex lege primogenituræ jura competunt.

B. A speciali origine, nec tantum is *Filius* celebratur ut primogenitus *matris*, sed etiam ex insueta *matre* oriundus, definitur enim quod *mater* ejus *virgo* foret.

N. *Virginis* appellatio in textu originali notat filiam in coelibatu viventem, & nunquam congressum viri expertam, uti Rebecca: Gen. xxiv. v. 43. Moysis soror adhuc juvenula: Exod. ii. v. 8. Jephthæ filia; & ne quis dubitet, ab uxoribus & concubinis virgines discernantur hoc nomine: Cantic. vi. v. 8.

2. Quidquid sit, hic saltem castam *matrem* designari res ipsa evincit, quippe quæ hic sistitur ut *virgo*, a Deo electa, *mater* futura magni *Immanuelis*, ex qua Deus sibi suscicaret nobilissimum consilii sui instrumentum.

3. Imo ad dignitatem exaggerandam haud parum facit *articulus prepositivus*, qui clanculum indicat, inter articulos doctrinæ spei, in quibus ex *muliere* promittitur semen, jam denotatam esse istam *matrem*, ex qua exoptatissimus *Immanuel* prodiret, Qui non foret, ut Jephtha, scortæ *Filius*, sed *Filius* immaculatæ nativitatis, ac proinde ex *matre* constantioris castimonix.

7. Notandumque porro, sub nomine *virginis* venire *matrem* dignioris *Filii*, quia *virgo* foret ante conceptionem, & permaneret in ipso partu.

a. Id postulat constructio textus originalis: verba enim proprie ita sonant, *Ecce virginem, quæ gravida est, & Filium parit.* Dum ergo *gravida* erat & *Filium* pareret, *virgo* erat, quæ partu ipso non cessavit *virgo* esse.

β. Hanc enim emphasin si tollas, in toto enunciato nil erit miraculi ad *signum* faciendum, quorsum autem hæc verba referentur in textu? ex congressu enim cum viro concipere, & parere *Filium*, nil *signi* colligi potuit.

γ. Hæc ratio est, cur Spiritus Sanctus hanc *matrem* futuram non potius feminam dixerit, ut omnis arcta alienæ percep-

ptionis horum verborum tolleretur, dum verba illum sensum paterentur, illaque mens dictorum simplicissima esset.

C. A modo originis, tantus enim *Filius* ex tam speciali *matre* prodiret in publicum, intercedente gestatione & partu, ita enim indigitatur *virgo, ut gravida & Filium pariens*.

N. Quod, ut *gravida* commonstretur, comprehendit sub se conceptionem & nutritionem Embryonis. Hæc via hominibus Orbem ingredientibus communis est, ut *matri*, divinæ providentiæ organo, debeant participationem carnis & sanguinis, ibi concipiunt vitæ initium, stupendam corporis formationem cum spiritus productione in medio earum. Quod itaque cuivis homini contingit a conceptione, id etiam contingere debuit nobilissimo huic *Filio*, quo evadat fructus ventris, & *virgo* vera *mater*.

D. Et licet sæpissime fiat, ut vitæ filium conceptis & nondum natis abrumpatur, hic tamen spondet vaticinium rerum successum, & sub singulari Dei conservatione, certam promotionem ad exitum exoptatissimum, respicitur enim hic *virgo gravida & pariens Filium*, sicuti & sequentibus accideret, quippe qui *Filius* cum successu a tenera ætate educandus esset: quo intenditur neminem posse abrumpere opus a Deo inceptum, idque miraculose, & promovendum naturaliter. Benedicta ergo *virgo* benedictum *Fœtum* feliciter pareret, & in sinu suo exciperet.

D. Ad hanc scenam respiciendam, ut rem stupendam, omni attentione dignam, invitatur tota *domus Davidis*, una cum omnibus Verbum fidei in oraculis divinis admittentibus. Notissimum enim est voculam *נחמ* nunquam in Scriptura adhiberi, nisi ubi res sit magni momenti, & sæpius quando proponitur introspectendum miraculum captum humanum longe excedens: hic autem utrumque significare tota scena comprobatur, quia omnis deliberatio est de *signo* dando & utendo ad fidem faciendam conservationis *domus Davidis*. Quare

N. Aspici debuit res illa, ut supernaturalis, Deo tamen haud impossibilis. Nunquam sane juxta legem naturæ *filius* nascitur sine patre, nunquam *virgo*, quæ virum non cognovit, *gravida* inventa est aut *peperit*. Quis tamen ausit dicere, si Deus miraculum patrare velit, hoc ipsum excedere divinam potentiam? Qui in prima creatione primo parenti corpus dedit ex pulvere, primæ matri ex costa virili, Qui Saræ, feminæ sterili & effoetæ, vires & vitam dedit ad partum, Qui ipse motus Auctor est, rebusque in-

indidit, in quibus non erat, Illine etiam facile non est vitæ animalis principium excitare ubi nondum erat, & materiæ in hominis propagationem conditæ motum vegetationis implantare, & quidquid ad vitam animalem exigitur?

3. Uti ergo hac de re non erat dubitandum, ita tamen respici debuit, ut respondens fini, qui erat in supernaturali hoc opere quoad principium, animadvertere *signum* a Deo datum. Propheta Regi optionem dederat eligendi *signum ex cælo vel ex terra*, nunc cum ille respiceret optionem illam, atque Deus Ipse voluerit *signum dare*, *signum* illud divinum & oblatum, cum substitueretur loco *signi* repudiati, non potuit minus esse *signo* ex electione Regis suspenso; adeoque respici debuit ut *signum*, quod foret ex *cælo & terra*; sane res ipsa exigit, ut futura virginis prægnatio habenda fuerit ut opus Dei in *terra* supernaturale, & omni cum stupore expendendum.

Pars secunda.

Nec tantum, sed & respici debuit ut *signum ex cælo*, quoniam *Filius* Ille, non sine maximo miraculo oriundus ex *virgine*, foret & Ipse *Immanuel*, *Deus nobiscum*. Qui, quasi ex *cælo* descendens, Ipse foret *Deus*, & fieret *Deus manifestatus in carne*. Quod argumentum est secundæ partis textus, & innuitur verbis; *Et ipsa nominabit nomen Ejus Immanuel*. In qua descriptione continetur miraculose nati haud satis perpendenda dignitas, unde & distinctius discutienda est illa propositio.

- I. *Nomen*, quod virginis partui tribuitur, notat vocem ad excitandam rei ideam electam, ita singulis hominibus *nomen* imponi solet, sed notandum, quod vox  aliquando denotat *nomen* proprium, homini a nativitate impositum; nonnunquam etiam egregium *titulum* encomiasticum, hominis cujusdam laudem & dignitatem exprimentem. Ita Isaaci filius, hæres promissionis futurus, Jacob vocatus fuit, cui postea *nomen* honoris adjicitur, quando in laudem luctæ bene gestæ *nomen* Israël recepit. Cumque ante rei eventum vix & ne vix quidem definiiri possit, num hoc *Filio virginis* tributum *nomen* foret proprium, an encomiasticum, id eventui relinquendum fuit.
- II. Imo, cum *nominari nomine* aliquando in Sacra Scriptura idem sit, ac se talem probare actu, quale quid est in emphasi *nominis*, atque exinde ab hominibus agnosci, hinc & textus concipi potest

de professione hominum, rem ipsam actu in *Filio virginis* observantium.

III. Quidquid sit, negari non potest, in hoc nomine & titulo contineri emphaticam & gloriosam significationem. Si enim resolvamus dictum, sine dubio compositum est ex vocibus **אֱלֹהִים** & **עֲמֻנו**.

A. **אֱלֹהִים** est inter nomina Dei encomiastica, celebratque supernam potentiam, probatam in operibus creationis & redemptionis, nec minus comprobendam in opere salutis peccatoris.

B. Cui, cum cohæreat **עֲמֻנו** ad minimum indicat auxilium potentiae divinae promptum & paratum ad bene esse populi sui. Ita phrasis significat communiter, & designat Deum omnipotentem, tutelarem populi electi ex Israël, atque indicat fundamentum omnis redemptionis ex angustiis, & omnis victoriae, reportandae ab hostibus præpotentissimis: confer Rom. viii. Atque ita designat Angelum Metatorem, in Cujus medio erat nomen Dei, Qui in omnibus Literis Sacris exhibetur ut Dux & Defensor.

IV. Sed ante omnia perpendendum est, nobilissimo huic virginis Filio a Deo præclarum nomen non fuisse impositum dicis causa. Agnosco quidem hominibus quibusdam *ἱμναστικά* fuisse concessa nomina; Qualia sunt Daniel, Nathanael, & alia, in quibus nomen divinum facit partem compositionis, verum nunquam Deus Ipse cuiquam nomen concessit, cui non omnis emphasis nominis competuit: & si subjectam materiam concipiamus, ut forte nomen istud sit encomiasticum, continens professionem divini auxilii, cum virginis Filio adferendi, res ipsa loquitur, auxilium illud divinum in nullo alio poni, imo indicari, Filium virginis fore etiam **אֱלֹהִים** **אֵל שָׁרִי** convenienter confessioni communis matris: Gen. iv. **אֵשׁ אֵחַ יְהוָה**. Quod & sibi dogmatifandum sumit Propheta: Cap. ix. Ubi Infantem, nobis natum describit sub nomine **אֱלֹהִים גִּבּוֹר**.

A. Deum inquam Ipsum declarari hoc titulo vel inde constat, quod declaratur Dominus terræ, & Defensor ejus, atque eo ipso notatur in theocratia Israël Ille Ipse Rex & Deus tutelarior, Qui sub titulo Legati faciei Dei jam a diebus antiquis Israelem gestaverat.

B. Imo declaratur sub hoc nomine tanquam Deus potentissimus, Qui se nobis ad auxilium conjungeret tanquam Frater & Goel, dum simul esset hinc Filius virginis, illinc Sospitator populi, Qui, in carne veniens, inter homines habitaret.

V. Hoc

familia invenies gravidam *virginem*, tam optatissimi & salutaris *Filii* matrem factam? circumspicite nobiscum, ubinam concessum hoc *signum* adductum fuerit.

I. Justum & æquum est, ut inquirentes in hanc rem non egrediamur *domum Davidis*, ut inveniamus hanc Radicem *Isai*, Hunc *Immanuelem*, terræ *Canaanis* Dominum & populi Defensorem. *Judæi*, Eum quærentes in familia *Jesaiæ*, non invenerunt ullum natorum, qui magnitudinem rei promissæ exhaustire possit. Pone *uxorem Jesaiæ* fuisse gravidam, non tamen talis erat ex prima conceptione, ante enim conceperat & pepererat, ut *partus* ejus post primum non potuerit gaudere jure primogeniti: multo minus *partus* fuit ex *virgine*: neque ullo modo constat *filium* quendam *Jesaiæ* fuisse constitutum dominum terræ sanctæ. Frustra etiam *Judæi* ingrediuntur *domum Achasi*, & oculos conjiciunt in *Hiskiam* Regis filium, Regni hæredem, quippe qui jam dudum ante natus fuerit, viginti enim quinque annorum *filius* dicitur, cum pater ejus, sexdecim annos Rex, a Regno discederet, itaque cum *Achasi* evectione ad Regnum, jam novem annorum *filius* erat *Hiskias*, atque ita ante hunc casum & diem natus.

II. Respicite in omnes oras, non invenietis dictum illud in terris adimpletum, multo minus in emphasi, nisi in *Jesu Mariæ Filio*, Cui hoc vaticinium applicatur: *Matt. cap. i.*

A. Hic est Ille Ipse *Filius*, Qui revera declaratus est *Immanuel*. Angelus enim e coelo id testificatus est coram *virgine*: *Luc. i.* Ante *partum* id communicatum etiam est cum *Josepho*, virginis sponso: *Matt. cap. i.* Et, cum vix natus esset, denuntiandum id ipsum pastoribus in agris percunctantibus, assentiente tota turba cœlestis exercitus: *Luc. cap. ii.*

B. Hæc est legitima mater, Maria nempe, ex *domo Davidis*, *virgo* desponsata, sed quæ virum non agnoverat, ipsam instituit Angelus ante conceptionem de modo conceptionis miraculoso: *Luc. cap. i.* Testes est ipse sponsus, qui, cum ipsam gravidam observaret, dubius hæsit, nec a dubitatione liberatus fuit, nisi ab Angelo in somno apparente, totumque consilium Dei exponente; ita ut abhinc *Joseph* maximus rei Divinæ testis factus fuerit: *Matt. cap. i.* Quod si Maria *virgo* pepererit, proculdubio res divina est, leges naturæ excedens, nunquam enim Orbis *virginis* partum conspexit, nisi Hunc unum *Mariæ Filium*, in Quo solo ergo nostrum vaticinium implementum suum accepit, sicuti & accipere debuit.

C. Hic invenitis in mundum introductum Radicem *Isai*, & simul germen *Davidis*. Familiam probant genealogiæ indubiæ,

est, huc confugiamus, cum omnia hæc suadeant, ut in tanto Auxiliatore acquiescamus.

Mot. I. Hic enim unus & solus est, ad hoc requisitis instructus, scilicet *ἁγίος*, Frater noster natus, ut possit *μετριοτάτην*. Quippe in omnibus tentatus uti nos, dum in carne esset, excepto peccato. *Virginis Ille Filius* est, ut per immaculatam conceptionem prodiret Agnus immaculatus, Qui nos cum *Deo* conciliare, & peccata mundi tollere posset. Is *Deus* noster & Fautor prodiit in carne nostra, Qui proinde nobiscum est cum omni amore & gratia. Imo est *ἰσχυρός*, omnipotens Adjutor, Cui nihil difficile est, nulla oppositio prævalens, quam non destruere, & cum auctoribus pedibus suis subicere queat.

II. Is a *Deo* nobis cum in finem *datus est*, ut præstaret Se Adjutorem. Hoc Illi Pater dedit in mandatis, ad hoc missus est, & plena auctoritate munitus a Patre, ut proinde in Ipso tota *Deitas* sit nobiscum.

III. In Ejus missione & donatione Ipse nobis *signum* est, quod *Deus* nos servare & conservare velit. Si enim *Deus* non *pepercit proprio Filio*, quomodo omnia non cum Ipso donabit, Quem propter nostram causam ita excitavit? Sane Qui dedit quod majus est, non denegabit in Ejus gratia omnia minora.

IV. Bonum, quo excideramus, tantæ dignitatis, amplitudinis & celsitatis est, ut excederet humanas vires id denuo assequi; scilicet communio cum Deo in æternum deperdita erat, hoc damnum restitui non poterat nisi per *Immanuelem*, *Salus* autem non est in alio, hoc recipimus in Eo, Qui nominari voluit *Immanuel*. Nescitis, inquebat olim, *Me esse in Patre*, & *Patrem in Me esse*? qui *Me vidit*, *Patrem vidit*. Adde, quod & alibi dictum est, *Vitam ita esse in Filio*, ut, qui *Filium* habeat, etiam *Patrem* habeat.

Usus consolationis. Hæc ita intueamur, ut fides nostra perpetuo nobis repræsentet præsens illud auxilium, quod in magno isto *Immanuele* reconditum est. Voluit Ille nobiscum esse, humanum genus adire in carne, quia *Ipsi delectatio erat in hominum filiis*: Prov. viii. *ψ.* 30, 31. Cumque Illi non amplius commorandum erat in terris, non rediit ad gloriam suam, neque discessit a suis, nisi sub ista testificatione, fore Ipsum nihilominus nobiscum: Matt. xxvii. *ψ.* 20. Joān. xiv. *ψ.* 20, 23. xvii. *ψ.* 24. Ita ut discessus ille non esset extincturus amorem Ejus erga suos, sed causam haberet unicam, ut suorum ageret Patronum. Ille Ipse, Qui nobiscum est, perpetuo amore nos curat, sicut & addixit nobis, ut & nos sanus aliquando cum Ipso, quoad animam ab hora mortis: 11 Cor. v. *ψ.* 8. Phil. i. *ψ.* 23. Et secundum totum suppositum ab hora resurrectionis transferamur ad Ipsum, ut semper cum Ipso simus futuri spectatores gloriæ

gloriæ Ipsius: 1 Thess. iv. §. 17. Qui proinde ab isto puncto in æternum cum amicis suis erit & vivet.

§. I. I. Nobis canon esto, ut *prophetia* qualiscunque, in N. T. ad certum subjectum revocata, habeatur demonstrata, quia Spiritus Sanctus ibi agit Interpretem mentis suæ. Cumque sit in hermeneuticis firmissimus canon, *Optimas interpretes verborum quisque suorum est*, & omnis noster labor versetur in hermeneuticis, nihil amplius dubitandum est de intento *prophetarum* subjecto, ubi in N. T. vel alibi a Spiritu Sancto applicatur. Idem enim Spiritus, Qui fuit in *Prophetis*, fuit & in Apostolis. Sed interim notandum est,

A. Quod illa demonstratio ex auctoritate N. T. pendeat, adeoque nondum habeat vim demonstrationis adversus eos, qui N. T. ut Scriptum divinum nondum receperunt; hoc tamen efficimus isto argumento, ut teneant auditores, illud *historicum vaticinium* allegatum, jam a primordiis Christianismi eum in modum fuisse applicatum, atque antiqua sit & communis sententia. Hic itaque licet subungere, si cum Judæis nobis res sit, allegationem Targumistarum & antiquissimorum scriptorum, cum applicatione N. T. consentientium, ut obtineas primitivis temporibus communes fuisse istas applicationes ad subjectum, ita ut postmodum natæ fuerint Judæorum detorsiones; isto vero seculo tanquam receptæ sententiæ allegatæ sunt ab Apostolis, probatione ulteriori non egentes.

B. Ex hoc canone animus admodum muniendus est adversus quorundam hominum accommodationes, quæ nobis nihil aliud sunt quam argumentorum, quibus utitur Evangelium, everfiones: modo attendamus ad accommodationem, naturam & fines. Accommodatio enim est prædicatum, alibi dictum de uno subjecto, ob aliqualem convenientiam alteri applicare subjecto. V. G. Quod de Israël dictum est: Hof. xi. §. 1. Id Scriptura dixerat de Christo. Jam vero nemo ita cæcus est, qui non videt istis in accommodationibus nullam esse vim argumentandi, cum contra locus applicetur subjecto, alieno a Scriptorum mente & intentione. Ut sane sint ridiculæ demonstrationes veritatis Christianæ, si Evangelistæ & Apostoli in re seria ita luserint; quomodo autem, omissis illis accommodationibus, stringant vaticinia in N. T. allegata, id demonstrare conatus est in *Parallelis*, F. Junius, & Doctiss. Melchior, piæ memoriæ, in *postumis*.

II. *Implementa historica* constituunt secundam classem demonstrationis, atque suppeditant argumentum adversus omnem infidelitatem,

tem, valentque æque contra Judæos, ac Christianos dubitantes; imo adversus Gentes & Atheos, quotiescunque detegimus convenientiam inter delineationem *propheticam* & *historicam*. Verum

A. Supponitur *historiam* veram, non fictam esse, ad quam sufficit fides *historica*, ita ut nemo rem gestam in suspensionem vocare possit. Ita V. G. propter fidem *Taciti* nemo dubitare potest, Christum, a quo Christiani dicuntur, sub Imperio Tiberii, cum Procurator Judææ esset Pontius Pilatus, Doctorem in populo egisse, ac propter doctrinam suam supplicio affectum fuisse; nec tamen id impedimentum attulisse, quo minus post fata ejus multi Ipsi adhererint, sub nomine Christianorum, qui, per plurimas Regiones cogniti, Romanis Gentibus minus grati fuere. Ex quibus jam multa sæpe colliguntur indubia, & fidem humanam fundantia.

B. Quia tamen concionatori res est ut plurimum cum Christianis, & aliquando cum Judæis, *Historia* præ aliis conferenda est, quam Divinam dicimus, sic ut eam in promptu habeamus, præsupponentes alibi demonstratum esse illam *Historiam* *divinam* fuisse conscriptam. Ita conferuntur promissiones patriarchis factæ, cum *historia* exitus ex Ægypto, & introductionis in terram promissam. Mosis varia vaticinia ita conferuntur cum Libris *Historicis* V. T. in quantum respublica Judæorum, una cum satis suis, respondeat prædictionibus. Hic iterum commendamus *Cl. Galichium* in opere nunquam satis laudando. Cujus pars prior *propheticarum* demonstrationum articulis demonstrandis proponit *historiam* secundum seriem & progressum temporum; in demonstratione collegit omnia vaticinia, faciem populi istam delineantia.

C. *Historia* N. T. etiam eodem modo collata cum vaticiniis V. Testamenti exhibetur ab eodem Auctore, qui seriem rerum deduxit ab initio usque ad excidium reipublicæ Judaicæ, sub Vespasiano illatum.

Ex probatis auctoribus. Ita fit transitus ad auctoritatem humanam, sed tamen ad fidem *historicam* sufficientem. Hæc *historia* vulgo vocatur *historia ecclesiastica*, quæ colligit res, in populo Dei factas, ex *auctoribus*, res suorum seculorum scribentibus. Ut autem fidem inveniat hæc *historia*, consulendi sunt Critici, qui suis dissertationibus certa ab incertis dudum distinxerunt, & distinguunt adhuc: ad quos Criticos ablegamus nostros tyrones, quando compendiam aliquod *historiæ ecclesiasticæ* animo impresserunt.

III. De hoc *requisito* etiam diximus alias, ad *Partem* I. Atque constituit nobis regulam *subordinationis*, in qua primo loco agitur de
basi

basi & fundamento *historiæ*: quæ autem se habent per modum circumstantiarum aut consequentiarum, sequentes consciunt *classes*, quia *subjectum* in primo conspectu erutum magis magisque investire solent.

IV. Imprimis curandum est, ut in collatione *implementi* cum *prophetia* teneamus *vaticinium* veræ & divinæ esse revelationis, & factum *vaticinio* respondens non *casu accidisse*, sed solummodo ut satisfiat *vaticinio*. Idque fieri animadvertimus

A. Per notationem *distantiæ* inter *prædictionem* & rei *eventum*.

Hic ergo singularem præbet utilitatem cognitio Chronologica; quando enim interponuntur secula, major *distantia* est, quam ut sagaci conjectura *Propheta* tale quid assequi proprio iudicio potuerint. Si igitur *Propheta* prædixerint fata V. T. notetur, quamdiu spes quædam aut metus boni malive inceperit ante rerum executionem. V. G. *Prædictio* divina Abrahamo facta, de posteris in Ægypto servituti subijciendis, una cum *prædictione* annorum aut ætatum, quod impletum fuit post annos quadringentos: Confer Gen. xv. §. 13. cum Exod. xii. §. 40, 41. Multis ibi nos urgere oportet illam *distantiam* quatuor seculorum tantam esse, ut nullo modo vel sagacissimum iudicium hanc rem hariolari queat; tanta enim accidisse quatuor istis seculis, quæ potuissent omnem eventum eludere, nisi Deus gubernaculum Orbis tenuisset sua manu, atque res humanas ad propositum suum direxisset. Exemplum etiam esto: Jes. xlv. §. 1. Ubi Cyrus nominatim designatus, ut futurus auctor libertatis populi, ex captivitate Babylonica dimittendi, ubi valde urgendum est, quando ad collationem *historicam* perveneris, *distantiam* esse duorum seculorum, cum nulla esset verisimilitudo, Persas ad istud fastigium Imperii evehendos esse; multo minus quis præfagire potuit tamdiu ante natum hominem, ipsum designandum fore nomine *Cyri*, dum harum rerum in causis secundis nullum esset fundamentum. Imprimis notanda illa *distantia* est, quando *vaticinia* implementum suum inveniunt in *Historiis* N. T. Præprimis in istis locis *propheticis*, in quibus signa temporum continentur, ut collatio *historiæ* simul contineat collationem opportunitatum temporum. Ita enim fit fortissima conclusio, quæ in hunc modum procedit. Rem *prædictam*, atque ponendam in illa rerum mundanarum facie, ita convenire *historiæ* illi, ut illa faciat implementum, aut ostendenda nobis sit alia isto tempore, in qua eadem prædicata inveniuntur. Atque ita sæpe eruimus *Jesum*, Mariæ Filium, isto tempore, quod facies *reipublicæ* exigit, ea dixisse,

se, eaque fecisse; quæ nemo alius præter Eum, durante ista periodo, fecisse aut dixisse evidens est.

- B. Vim demonstrandi auget quam maxime, si observemus subjectum, in *vaticinio* descriptum, cum subjecto, in *historia* proposito, convenire *plurimis & minimis in circumstantiis*; in quibus glorificatur, a parte Dei, accuratissima præscientia in prædicendo, & summa ejus fidelitas in exequendo, characteres enim istos non sinere, ut dubitemus de subjecto. Verbi causa, si conferamus: Psalm. xxii. v. 17. cum Matt. xxvii. v. 35. Observabimus Christum *αὐτὸν* describi in *circumstantiis* supplicii ultimi, cum quoad modum poenæ, tum quoad auctores inferentes. In *vaticinio* dicitur *perforatas esse manus & pedes*, unde exhauriuntur omnes vires corporis; in *historia* est ipsa *crucifixio Christi*, clavis per *manus & pedes* adactis, totum suspendens corpus. Dein auctores notantur, qui audiunt *canes*, symbola hominum gentilium, & *collectio malevolorum*; in *Historia evangelica* spectantur milites ex *gentibus*, & coetus hostium ex *Judeis*. In visione *prophetica* quasi in *corona* includunt Hunc patientem, quibus data erat potestas crucifigendi; totum hoc etiam videas in *Historia passionis*, ut ne *minimum* quidem circumstantiarum defit.
- C. Dei providentia in executione *prædictionum*, in quibus continentur *fortuita & libera* actiones, imprimis probat rem divinam, quæ fortuita & libera ne sagacissimus quidem per ullam conjecturam assequi potest. Exempli loco sit Psalm. xxii. v. 19. coll. cum Luc. xxiii. v. 34. Pingitur in *vaticinio* Christus in *cruce pendens*, exutus vestibus & nudus, ita ut vestimenta cedant crucifigentibus; sed quod *fortuitum* est, notantur ibi species vestimentorum, ita ut quædam vestimenta possint dividi, aliud autem indumentum sortitioni fuerit subjiciendum; jam si eventum consideremus, milites, *vaticiniorum* inscii, dividunt dividua, sed inveniunt tunicam, quæ dirimi vix poterat absque damno, quoniam inconsutilis erat, unde & sortem experiuntur, cujus illa tunica foret, quæ pendebant ab arbitrio istorum hominum; poterant enim tunicam illam negligere, vel, si quovis pretio existimarent dignam, alicui dono offerre, & sic, vel quovis alio casu, sortem evitare. Quæ cum ita exacte conveniant in *fortuitis & arbitrariis*, ut in *pictura* videas vestimenta Christi delineata, & detracta tempore quodam, atque ita divisa, ut tunica tamen, extra partes relicta, sortitionem subierit, quis non agnoscat, nullam esse humanam scien-

practica incipit a congratulatione ecclesiæ, exaggerando fidelium felicitatem sub tali Duce & Capite. Sin vero argumentum primum *propheticum* contineat iudicia *Dei*, in *viis Dei* notatur & severitas *Ejus*, quæ notatur, vel ut in castigatione ecclesiæ, vel ut in deletione hostium. Imo & hostes in castigatione concipiuntur ut instrumenta castigationis divinæ, quibus Ipse utitur. In castigationibus autem *praxis* revocat fideles ad correctionem morum, aut saltem ad placidam animi subjectionem sub virgis *Dei*, monentur quoque ne respiciant causas secundas obmurmurando, sed eas respiciant ut virgas *Dei* in manu *Ejus*.

NB. Licet itaque istæ *viæ Dei* concipiuntur ut præteritæ in *applicatione apodictica*, faciunt tamen ad *praxin* nostri temporis, in quantum castigationes, benedictiones & Iudicia repetuntur, variis temporibus; adeoque basis esse debet, quod ecclesia, in simili casu constituta, jam debeat in istis anterioribus temporibus animadvertere exemplum *viarum Dei*.

Verum *viæ Dei* sæpe in textu concipiuntur ut relatæ ad bonorum laudes, & malorum vituperia & accusationes: quo in casu *Præcticus* potissimum arripit nexum inter virtutes & præmia, & inter vitia eorumque pœnas; atque ita *vias Dei* concipit ut iusta, & exempla *Dei*, progredientis secundum leges suas; quo in casu *applicatio* progreditur ab hypothese ad thesin, eodem modo ac in textibus *historicis* ex exemplis colliguntur theses *Ethicæ* morales. V. G. Textus *propheticus* si iudicium *Judeorum* ex infidelitate & pertinacia derivet, atque *anidæis* ostenderit, id impletum fuisse in iudicio Hierosolymitano per Titum Vespasianum, *applicatio practica* assumit dictum Pauli, crimen *pertinaciæ*, in *Judeis* iudicatæ, non tolerandum fore in Christianis, *Judeorum* hac in parte vestigia prementibus.

Si enim *Deus* non pepercerit ramis Olivæ antiquæ, multo minus parciturus est Christianis, ex Gentibus insitis isti Olivæ.

- S. 7. Ad firmandam spem fidelium. Scilicet notandum est, quousque tempora *prophetica* pervenerint; notissimum enim est, secundum nostram divisionem *periodorum*, ecclesiam spectandam esse sub sexta *periodo*. Quod si tamen aliquis velit contendere de numero *periodorum*, sufficiet annotasse *Reformationem* ecclesiæ, prædictam sub titulo exitus ejus ex Babylone spirituali, nunc pervenisse ad tempus, illam *Reformationem* sequens, secundum nostrum calculum cum sexta *periodo* componendum. Hujus character & titulus est ecclesia castigata ob singularem temporum & morum corruptionem, a zelo Reformationum recedens. Post hanc *periodum* futura sunt omnia, quæ sunt ultimæ *periodi* seu septimæ; expectaturque Regnum ecclesiæ, descriptum in libris *propheticis*,

ut

CAP. III.

DE TEXTIBUS EMBLEMATICIS,
SIVE FIGURATIS.

Hic in antecessum notandum est, in Sacris Literis occurrere etiam modum instituendi *symbolicum*, sive *emblematicum*, quo sub certis *symbolis* res altiores compendio proponuntur & confirmantur: atque in initio notandum est, adversus illud instituendi genus animum non esse obfirmandum, licet enim olim & nunc quidam abutantur isto doctrinæ modo, non tamen propterea respui debet, quidquid multi existiment, *symbolorum* interpretationem vagam & incertam esse statuentes, adeo ut negent Theologiam *symbolicam* esse argumentativam. Horum præjudicia ut avertamus in initio, nos contra statuimus, sensum spirituales rerum *symbolicarum* eodem modo demonstrabilem esse, demonstrari posse & debere, ac sensum verbalem in Historicis & Epistolicis, quia eadem regulæ hermeneuticæ utrobique rem definiunt. Sicuti enim sensus literalis hauritur ex significatione vocabulorum, & definitur per argumenta ex scopo & contextu desumpta, eodem modo progrediendum est cum sensu spirituali ex *symbolis*. Nam

- I. Sicuti verba significant ex instituto humano, & consensu hominum una habitantium, ita & *symbola* significant ex consensu hominum. V. G. Quando Christus Herodem vocat *vulpem* in Evangelio, nemo ita rudis est, qui illud *symbolum* non intelligat, idque de Herode *symbolice* dici ignoret: *vulpes* enim fraudulentæ astutiæ, ad damnum aliquod inferendum, *emblemata* est, illudque *emblemata* usu receptum est; ita sæpius occurrit apud Ælopum, Locmanum, & alios rei fabularis scriptores. Cum itaque eodem jure *symbola* significant ac verba, & *symbola* per oculos ideam excitent in mente, sicuti verba per aures, ut ab idea excitata mens eodem modo afficiatur, sane utriusque significationis eadem ratio est, atque indagari debet ex usu inter homines recepto. Si quis obijciat *symbolorum* sæpe latissimam esse significationem, ut pluribus rebus applicari possint, atque ita interpretem relinquere dubium; Respondeo id ipsum locum habere in significatione verborum & vocabulorum apud Hebræos, unde & necessitas oritur homonyma removendi per discussionem subjeutorum. V. C. Si *Leonis symbolum* applicetur Deo, Christo, Diabolo, nemo, attendens ad subjectum, de quo agitur, dubitare potest, quin, quando Deo applicatur, aut Christo, *symbolum* applicari debeat secundum

Exemplo sit: Psal. xc1. Quem interpretes vulgo intelligunt de custodia Dei erga hominem pium, sed cum *prædicata* ea dicant, quæ non sunt omnium piorum, cum iis sapissime & plurimum contrarium eveniat, *ænigma* est, de quo homine Psalmus ille sit accipiendus. Ita facile ex *prædicatis* ponderatis invenies, nullum hic alium significari præter Christum, Filium hominis, ut propediem in commentario demonstrabimus. Itaque *ænigma* solvere, est *subiectum* occultum sive innominatum eruere ex *prædicatis*, ita ut, qui ex *prædicatis* justum designet *subiectum*, *ænigma* feliciter solvisse dicatur.

III. *Typus* sequitur, quem etiam explicat doctissimus Placæus rem esse externam, olim vero & tali modo V. T. literis perscriptam, ut ex Dei consilio, & ex *similitudine* rem aliam magis spiritua-lem fœderis gratiæ referat. Saltem hoc notandum est, *typorum* rationem esse, quæ in fœdere gratiæ involvuntur, ejusque dispensatione pleniori, per modum *imaginis* referre. Verum ut rem adhuc felicius teneamus, ego *typorum* rationem simplicis-*simam* esse cenleo, si inquiramus in consilium Dei, de dandis aut speciminibus, aut *imaginibus* majorum operum, quodantenus *similium*, ad confirmandam spem rerum spiritua-*lium* promissarum. Cum enim Verbo gratiæ revelatum sit me-*dium* reconciliationis peccatoris cum Deo, illaque res & in-*tellectu* & creditu esset difficilis, imo iudicio carnis ut pluri-*mus* aliena, sane consentaneum erat, ante rerum complemen-*tum*, fidem credentium confirmare talibus majorum operum spe-*ciminibus*, ex quibus rei possibilitatem, & cum viis ac decentiis Dei convenientibus colligere possent. Sic *Adamus typus Christi* est: Rom. v. Ubi Paulus nil aliud intendit quam rationem da-*re*, cur Deus *Adamum* statuerit humani generis caput, in quo tota posteritas staret caderetve, eamque rationem nullam aliam esse, quam quod in viis suis exemplum prælibare voluerit æ-*quitatis* istius consilii, quo electos in *Christo*, ut Capite censere decreverat.

Sive imago illa sit legalis, sive historica. Ita *typos* dividimus in *legales* & *historicos*.

I. *Legales typi* sunt, qui ad cultum tabernaculi spectant, atque le-*ge* rituali præscribuntur. Istæ *imagines* potius dicerentur *umbra*, quam *typi*. si stricte velimus loqui, ita enim illas *legales imagi-*nes** vocat Paulus: Coll. 11. v. 17. & Heb. x. v. 1. Ejusque de-*nominationis* causas graves dedit Clarissimus Gussæti, piæ me-*moræ*, in elegantissima disputatione De *typis*: ubi & simul ostendit, quomodo *umbra* istæ differant a verbis, & a sacra-*mentis*.

II. *Ty-*

rum, qui rem *hieroglyphicam* & *symbolicam* attingunt, ut in Ægyptiacis Horus Apollo, Jamblichus, aliique ex Patribus, imprimis Alexandrinis, inter quos eminet Clemens Alexandrinus: addantur rei fabularis scriptores cum interpretibus, imo etiam rei Numismariæ, qui *symbola* in nummis occurrentia resolvunt. Erudita deprompsit Claudius Menetrejus in tractatu de *Symbolica Dianæ Ephesiæ statua*, exponens multa istius Deastris *symbola*, ejus vestitui adhærentia. Ex quibus probabimus convenientem *symbolorum* significationem cum *symbolis* sacris, ut rata sit nostra conclusio, *symbolorum* non aliter ac *vocabulorum* consuetam esse significationem.

- §. 4. Quoniam multi culpantur, quod in formandis *allegoriis* & *analogiis* modum excedant, videndum erat quibus legibus hæc disciplina circumscribi posset, ne quis ansam det justæ querelæ.

Prima lex generalis esto, ut *ἀναλογία* intra scopum & *ἀναλογία* fidei subsistat.

Altera vero est, ut historiis & rebus gestis illibata relinquantur veritas, & *allegoriis* non enervetur, nisi ubi in historia occurrat absurditas. Ita quidam in operibus Creationis analogiam quærentes, totam historiam tollunt imprudenter, quod vitium illi committunt, qui hodie Theologiam tanquam mysticam tantum profitentur.

Tertia lex esto, ut translatio *allegorica symbolorum* loco lucis fumum non inferat, id est, secundum decentiam divinam in translatione cogitet de rebus spiritualibus, in fœdere Dei comprehensis, aut eas consequentibus. Sed nos rem perspiciamus per partes.

I. Primo loco intuemur *Legem ceremonialem*, quam dicimus *umbras* continere rerum futurarum, hoc testatur Paulus locis allegatis. In iis transferendis ad significationem spirituales proculdubio deliberandum est Theologo, ut *ἀναλογία* veram & ex scopo inveniat. Minime hic de significatione *umbrarum* dubitandum est, etiamsi aliquo testimonio applicationis divinæ destituamur: quando enim Apostolus *umbras* vocat, quas præscribit *Lex dogmatica*, satis evidenter ostendit, omnia illa continere rerum spiritualium significationes. Præprimis hoc docet Paulus Heb. ix. Quando de tabernaculo agens §. 1-5. varia enumerat, de quorum significatione agere, dicit, jam non convenire scopo suo, evidenter indicans in iis omnibus revera latere sensum spirituales. Quomodo autem hæc exigi possint, & ad plenam certitudinem deduci, ostendendum nobis erit ad §. 5.

II. Secundo loco ponimus *Historiam* V. T. etiam suppeditare *symbola*, ejusque rei fundamentum est, quod totum V. T. fuerit *typicum*; ex loco ad Heb. viii. §. 13. Scilicet quoad hæreditatem, &

analogis. Nam si *captivitas Babylonica* adumbravit ecclesiæ servitutem sub *Babele spirituali*, liberatio ex ista *captivitate* etiam adumbravit liberationem ecclesiæ a iugo *Babylonico*, quam observamus in Reformatione factam, adeoque probamus Clarissimi Gurtleri divisionem temporum utriusque Testamenti in septem *periodos*, sibi mutuo parallelas.

Ut introductio populi in terram cum ejus apparatu, per educationem ex Ægypto, constituat primam *periodum*, analogam primæ *periodo* N. T., quæ fuit propagationis Evangelii per totum Orbem.

Secunda *periodus* fuit sub Ducibus seu Judicibus, cum ecclesia Judaica multis affligeretur persecutionibus a populis circumvicinis, aut cum iis cohabitantibus, ita tamen, ut varia interposita fuerint alcedonia: quæ facies etiam fuit ecclesiæ Christianæ sub secunda *periodo*, sub qua experta est varias persecutiones Gentium, etiam interpositis respirationibus.

Cumque plena libertas acciderit populo Israëlítico sub Regno Davidis & Salomonis, sane eleganter *periodus* tertia ibi agnoscitur analogia *periodo* tertiæ N. T. quæ incipit cum Constantino magno, a quo tempore Christiani imperium tenuerunt, atque ita plenam libertatem adepti sunt.

Cumque quarta *periodus* sub schismate inter Regnum Judæ, & decem tribuum magnam corruptionem introduxit in religione, tenendum est etiam, haud diu post tempora pacis & libertatis, multas superstitiones occupasse ecclesiam Christianam, unde multas etiam experta est castigationes per invasiones Gothorum, & similium; non aliter ac Regnum Judaicum invasiones expertum est sub Regibus. Quarta *periodus* V. T. itaque haud male convenit cum quarta *periodo* N. T. Cumque prioris exitus fuerit *captivitas Babylonica*, Regnum Babylonicum spirituale etiam ad hanc *periodum* referri debet, ut iustum Dei judicium, propter invalentes superstitiones inmissum.

Quinta *periodus* V. T. incipit cum educatione populi ex captivitate ista Babylonica, & reductione in patriam, cum religionis reformatione: quod & factum in ecclesia N. T. a Reformatione, patrum nostrorum tempore introducta, cum fuga omnis idololatriæ & superstitionis.

Sexta *periodus* est ecclesiæ Judaicæ propter varias aberrationes, aut potius refrigerationes, afflictæ & castigatæ, maxime circa finem sub Syro-Macedonibus, & Antiocho Epiphane: quibus temporibus respondet facies ecclesiæ nostri temporis, ob varias refrigerationes & defectum zeli iusti etiam castigatæ, quæ res in nervum erumpet cum bello Gogi & Magogi.

Tan-

Tandem sicuti latiora sunt secuta tempora sub Assamonæis, quæ septimæ sunt *periodi*: ita quoque Regnum ecclesiæ N. T. ad septimam *periodum* Regni Christi spectans, faciet ultimam partem temporum, seu septimam ecclesiæ N. T. *periodum*. Nisi enim hæc admittantur, non video quo modo aut quo fundamento, quæ sunt primæ & quartæ *periodi*, a Paulo, & Joanne in Apocalypsi, ad ista tempora N. T. *analogia* pertrahantur.

III. *Personas ante legem*

A. Quod attinet, dubitari non potest, quin habeant quidam rationes *typicas*, ut Sara & Hagar: Gal. iv. Melchizedecus & Abraham: in epistola Pauli ad *Hebræos*. Noach: 1 Petr. iii. v. 21. De hisce, non sine accurata rerum perpensione, egerunt amici, dum viverent, nostri, Snabelius in oratione de *Symbolica Theologia* pag. 13 — 19. Et Guilielmus in disputatione de *Typis* eruditissima: §. 15 — 21. Istæ enim dissertationes ut comparentur quovis ære, suademus.

B. *Sub lege* ipsa minus dubium est, varias personas repræsentasse aut Christum, aut sata Regni Christi, ut Moyses, Josua, Simson, David, Salomon, Jona, & similes.

§. 5. Hic monemus quibus legibus & characteribus innitatur orthodoxa *analogias* inveniendi ratio, idque eo studiosius, quia hic dubitant Viri docti, metuuntque istam inventionem magis esse lusum ingenii, quam opus Spiritus Sancti. Nos contra, si legitima methodo progrediamur, inventionem *analogiæ* habere demonstrationem tuemur & defendimus.

I. Primus hic canon adeo evidens est, ut a nemine in dubium revocari queat. Nemo enim in collatione rerum aberrat, qui sequitur Spiritum Sanctum Ducem, quippe Qui optime novit mentem Dei. Jam vero Deum Ipsum hic nobis præire per Spiritum suum, *expresse & implicate*, idque in variis *typis*, notissimum est: unde & extra illum casum Viri scrupulosi vix applicationes ad *analogias* admittunt.

A. *Expresse* applicantur, tam in V. T. quam in N. T. varii, ut Psal. cx. Ubi de Christo vaticinium est, Illum futurum Pontificem secundum *ordinem Melchizedeci*, atque sic *Melchizedecus* *expresse* designatur ut *typus* sacerdotii & regni muneris Christi; cui fundamento innititur Paulus in epistola ad *Hebræos*. Sic Jesai. liv. satis evidenter matrem sterilem & secundam distinguens, indigitat Saram & Hagar, quo jure Paulus Gal. iv. omnem rationem *typicam* utriusque matris discutit. Cetera, quæ in textu sunt, omitto.

B. *Implicate* autem Spiritum Sanctum indicare personas *typicas* dicimus, quando nomina figurata transfert ad personas repræ-

præsentatas. Ita Christus vocatur *David*: Ezech. xxxiv. *ψ*. 23. xxxvii. *ψ*. 24. Hof. iii. *ψ*. 5. *Elias* vocatur præcursor Domini: Mal. iv. *ψ*. 5. *Agnus paschalis* audit Christus: 1 Cor. v. *ψ*. 7. Et *Agnus ferens peccata mundi*: Joan. i. *ψ*. 29. & 1 Petr. i. *ψ*. 18, 19. Atque ita de omnibus aliis proculdubio cogitandum est.

Accedit & si in prædicatis observes metaphoras & allegorias ad res gestas V. T. alludentes, ac proinde argumentum similitudinis ponentes. Quales præprimis etiam in prophetiis occurrunt: ut V. C. quando confessiones labiorum vocantur *sacrificia* *הוֹרֵהוּ* Psal. l. *ψ*. 8. Alia vocantur *spiritus fractus*: Psal. li. *ψ*. 19. & *preces*: Psal. cxli. *ψ*. 2.

- II. *Analogias* colligi per *rationium* affirmamus, quidquid alii dubitent, in controversiam rapientes, an hic *rationum* locus esse possit, prætexentes Historias Sacras & ritus Mosaicos, tanquam nasum cereum in hanc vel illam formam, pro varia cerebri figura & ingenio, quo quis pollet, converti, cum quisque *analogias* pro lubitu fingere possit. Verum hæc accusatio erat olim Pontificiorum, adversus omnem expositionem Sacrarum Scripturarum. Nos itaque regulam interpretationis, quæ legitime fundare possit *rationum*, collocamus in consideratione *scopi*, *circumstantiarum*, & *convenientiæ rei*. Hoc ut exemplo illustremus, attendite in ritibus Mosaicis ad scopum *tabernaculi*; qui est *dispositio* Dei adumbrare, Eumque Regem in *tabernaculo* ut palatio habitantem sistere, & commercium exercere cum populo suo: dubium non est ex interpretatione Scripturarum, quin domus Dei fuerit *typus* ecclesiæ, in qua & fideles versantur, ad Deum Regem accedentes: confer 1 Tim. iii. *ψ*. 15. Si vero quis inde velit transire ad eruendam *analogiam* contignationis & asserum *tabernaculi*, poterit

- A. Ex *scopo* formare hanc thesin. Quod cum usus sit asserum in structura architectonica claudere ædes, ne sit accessus nisi per portam, atque sic omnem œconomiam intrinsecam reddere tutam: necesse esse, ut sub his sint *typi* instrumentorum, pios includentium intra ædes divinas, ut ibi ab omni externa perturbatione tuto degant.
- B. Potest & inde demonstrari, quod asseres idem fecerint in *tabernaculo*, quod lapides in templo, muros ædificii constituentes, aut hos revocat Petrus ad *analogiam* spiritualem: 1 Petr. ii. *ψ*. 5. Idem dicendum de tegumentis *tabernaculi*, avertentibus omnes tempestates & vim ventorum irruentium, & aliquando interiora ædis destruentium: a quo usu œconomico facilis introducitur collatio. Scilicet Deum in defensione

sione ecclesiæ suæ habere etiam, quos opponat omnibus artibus & violentiis hostium, qui tempestates concitarent adversus ecclesiam, aut variis ventorum circumactionibus eandem confundere conarentur. Hinc legitima deliberatio de divisione istorum instrumentorum Dei, in interiora & exteriora, secundum pluralitatem velamentorum *tabernaculi*. Cum itaque *διαλογία* respondet *scopo*, qui est tutam reddere ecclesiam ab injuriis aëris, cumque in circumstantiis exigatur tale quid in structura spiritali, ut domestici nempe Dei cum Eo tuto cohabitent, Jam rei convenientia cum proprietatibus *symboli* sane expositionem nostram, per legitimum *rationium* progredientem, plane comprobatur.

III. Lex de *analogia collationis* tam late extendenda, quam *subjecta materia* & *analogia fidei patiuntur*, revera hic eadem est, quam solemus in aliis interpretationibus adhibere. Quæ lex dicit, *Verba significare, quidquid per contextum & analogiam significare possunt*. Nititur enim ea hypothesi, quod *symbola* & verba eandem rationem habeant respectu significationis, utraque enim sunt signa, quorum ope ideam in auditoribus aut spectatoribus excitamus, eamque distinctam & definitam: quare si non aberremus in *basi*, non possumus ita aberrare in excutiendis omnibus, quæ *basi* illam perficiunt, modo usus *emblematicus* in sermone *symbolico* inveniatur convenire cum re spiritali.

IV. Omnis itaque nervus in demonstrando *symbolico* sermone aut *typo* pendet a legitimo progressu, incipiendo a *basi* totius rei, & progrediendo ad circumstantias cum *basi* nexum habentes. Ita V. G. de domo deliberantes, imo de *tabernaculo* ut palatio Dei, *basi* est usus primarius istius domus; scilicet in *dispositio* Dei Deo præstare usum palatii, ut speciem habeat inhabitantis in populo. Sic de *candelabro* aureo agentes, primarius ejus usus architectonicus est illuminare ædes, ne quis in tenebris impingat: ceteraque omnia concipiuntur ut ordinata ad istius illuminationis officium. Hæc ut rite percipiatis, velim a vobis conferri, quæ in *tabernaculum*, nec non de quibusdam *animalibus sacris* dictata sunt. Ita methodus rebus solido progressu tantum adfert lucem, ut nemo possit jure de vi demonstrationis hermeneuticæ dubitare.

V. Distinctio, quam hic introducimus, inter *analogiam characteristicam*, & *temporalem*, in *typis personalibus historicis* observanda. Præprimis attendenda est ad remotionem difficultatis, quæ cuiquam occurrere posset, quomodo nempe *persona* alicujus *periodi* posterioris revocari possit ad *analogiam* Christi in convenientiis, quæ ad *primam periodum* spectare videntur. Ex *Davidis* exem-

plo hanc rem illustramus, ostendendo, ut quæ videantur esse primæ *periodi* non debeant concipi secundum *periodos*, sed secundum *characteristicam* rationem, in quantum *characteres* constituent convenientiam *personarum*, in quantum continent fundamentum rerum, in certa *periodo* observandarum.

- §. 6. Observatis jam iis, quæ fundamentum præbent agnoscendi in rebus externis significationem *emblematicam*, nunc præsentī paragra-pho pergimus ad *emblematum explicationem*, paragra-pho se-quenti septimo acturi de *collatione rerum signatarum*. Explicatio itaque *emblematum*, quam hic præmittimus, est explicatio literalis *symbola* externa discutiens, secundum rerum naturas & proprie-tates atque attributa.

I. Res externas esse describendas monemus secundum illa *linea-menta*, & illos *characteres*, qui faciunt ad *instrumentum emblematis*. Id est, sciendum est in antecessum, quid possit ad *analogiam* revocari, quid non, quæ autem *lineamenta* ad *analogiam* revocari nequeunt, minus sunt in explicatione urgenda, & aliquando plane non curanda. Prior casus obtinet, si facere possit ad ostendendum *emblemata* ista quadantenus differre a rebus significatis, adeoque proprietates iis inesse minori cum emphasi: ceterum, quæ illum usum non præstant omittenda sunt. Exempla plurima suppeditabit Tailor in *Christo revelato*, qui non tantum convenientias, sed & differentias inter *typum* & *antitypum* observat.

- II. *Attributa* itaque explicanda, cum sint aut *minus nota*, aut *omnibus conspicua*, requirunt iterum, ut de iis plus aut minus dicamus, *nota* enim tantum in memoriam revocantur. Ut V. C. Solem esse diei principem, omnisque fontem lucis, quæ nemo non agnoscit, adeoque in amplos excursus sermo non est protrahendus.

NB. Sex fontes *emblematum* hic notantur, ut teneamus ex quibus locis rerum externarum expositio literalis haurienda sit.

A. *Emblemata naturalia* constituunt sæpe res Physicas ex omnibus Physices classibus. Ita

1. Ex rebus cœlestibus *emblematum* loco proponuntur sol, luna, stellæ, nec non nubes & ventus, &c.

2. Ex hominibus viri illustriores, omnesque partes humani corporis. Adde & animalia, arbores atque plantas, quarum rerum naturas exposuerunt, cum relatione ad *emblemata*, Bochartus, Ursinus, Coccejus, aliique: imprimis, ut pertractandi methodum videatis, quæ de *Animalibus* dictavimus conferte.

B. *Artificialia mechanica* notanda sunt in structura tabernaculi & templi, utriusque suppellectilis. V. C. Arca, mensa aurea, can-

candelabrum, & omnia huc revocanda, expendi debent secundum regulas *mechanicas*, de quibus egimus quoque in expositione tabernaculi cum omnibus ejus contentis: a cap. xxv. Exod. ad finem libri usque. Plur. referantur & alia, E. G. Thronus Dei in visionibus: Exod. xxiv. Jes. vi. Ezech. i. In quo ipsi Judæi fatentur magna latere mystica.

C. *Ceremonialia* considerantur secundum ritus actionum externarum, observandos in sacrificiis, purificationibus, aliisque actionibus externis, quales notantur in reipublicæ Judaicæ scriptoribus, ubi agunt de actionibus sacris cultus Levitici. Hæc illustrantur

N. Ex *Lege* ipsa, & *Historia Sacra*, quotiescunque agunt de rebus istis observatis aut neglectis.

1. *Talmudistas* etiam revocamus ad instrumenta illustrationis harum rerum, imprimis auctores *Misnicos*, quos R. Juda ex traditionibus adduxit. 1. Adde, qui *Talmudica* illustrarunt, inter quos eminet Maimonides in *יד הדין*, qui res in *Misna* traditas faciliiori stylo proposuit, & in novum ordinem disposuit. *Gemaricos* enim parum consideramus, quos invenimus nugatores; quorum fabulæ auctoritati R. Judæ nihil detrahere possunt, quippe qui non adeo remotus fuit a tempore, quo omnes ritus *legales*, in templo curandi, in vigore erant; vixit enim octoginta post destructum templum annos, quando *Misna* compositionem molitus est.

2. Addimus *Antiquitates Gentilium*, in quantum per *κακοζηλίας* imitari voluerunt, quæ olim inaudiverant ex vitis patriarcharum, aut ex iis, qui cum Judæis commercium habuerant.

D. Ex rebus *æconomicis* desumpta sunt *emblemata* & *parabolæ*; quæ exponunt artes venationis, aucupii, piscaturæ, agriculturæ & similia. Hinc *parabolæ* Matth. xiii. de consitione agri, de zizaniis, de semine sinapi. Ita & *parabolæ* Matt. xxv. de nuptiis, a decem virginibus celebrandis.

E. *Parabolæ* de Rege mittente filium ad vinitores huc referatur.

F. *Canticum Canticorum* multas *picturas* habet, quæ ex populo- rum indole & consuetudinibus, atque ita ex moribus *Gentium*, præsertim populi Judaici, illustrationem accipiunt.

III. *Character primarius*, quem hic observandum designamus, est *primarius* rei usus, qui præmittendus est, ut in sequentibus deliberemus de relatione partium ad illum usum. V. G. *Candelabrum aureum* consideratur ante omnia, secundum *usum candelabri*, qui est illuminare domum, ut domestici distinguere possint res a re-

bus, alias evitare, alias tractare, prout ex officio suo obligantur. Ista illuminatio igitur respicitur ut res utilis maxime & necessaria in domo ad fugandas tenebras, easque dispellendas; unde progreditur sermo ad partes *candelabri*, secundum omnem structuram, quæ referendæ sunt ad illuminationem illam melius perficiendam. Ita & *templum* concipitur ad inhabitationem regiam, tanquam palatium, ut populus apte commodeque suo in loco Regem conveniat, sive in offerendis libellis supplicibus, sive in excipiendis mandatis regiis; hinc fit progressus ad *templi* structuram & partes, executiundo, ut singula respondeant & Majestati Regis inhabitantis, & recipiendo populum ad Regem se convertentem.

IV. *Heterogenea non aliunde esse adducenda* lex æquissima est, id enim qui faciunt, Spiritum Sanctum corrigere videntur, quasi non omnia ad rem facientia animadvertisset, quare textus præcise adhaerendum est.

V. In *explicatione literali* non omnia esse urgenda dicimus, secundum communem observationem omnium interpretum, cum aliquando materiam conficiant nonnulla, non formam, sed ut formam recipientia concipiantur; ubi ergo *ἀναλογία* non est, non multum laboramus de alienis. V. C. Si quando *adventus Christi* comparatur cum *adventu furis*, fur non concipi debet secundum animum injustum, & actiones latrocinii, secundum quem animum plane dissimilis est, sed tantum secundum artes sese occultandi, ne ejus præsentia observetur.

§. 7. Hactenus expositio *literalis symbolorum* suis regulis circumscripta est, ab hoc paragrapho incipimus deliberare de pertractatione *rei signatæ*, quæ deliberatio inquit in affectiones & proprietates *rei spiritualis*, in quantum analogiam habent cum *symbolis*.

NB. Ut teneamus, quo loco ista *collatio rei literalis cum spirituali* pertractanda sit, exhibemus distinctionem inter textus *mere allegoricos & typicos*, ac *parabolicos*, atque notamus in textibus prioris generis *collationem immiscendam esse explicationibus*. V. C. Locus Mal. iv. ψ. i. continet *allegoricam de sole justitiæ* denunciationem, qui *oriretur timentibus Deum*; In quo loco in ipsa *explicatione* ad notionem *solis* non tantum exponimus quid sit *sol* naturalis, sed & ostendimus illum exhiberi hic *symbolice*, ad significandum principium lucis & vitæ, atque adeo significare *Christum*, Qui proinde secundum illud principium solum conferatur: deinde prædicatum introspectientes, quo spes confirmatur de ipsius ortu, quidem in litera monemus qui sit *ortus solis*, sed & in *explicatione* pergendo ostendimus *ortum illum solis* naturalem significare hic *ortum Christi* in adventu Ejus in mundum, quando

Se

Se sifteret causam *lucis* in docendo, & iustitiæ ac vitæ in satisfactione sua. Adde & aliud exemplum: Ies. LIV. Ubi describitur structura *spiritualis*, secundum pretiosissimas structuræ partes, inter affirmationes illas notetur hæc unica, *fenestras* illius ædificii fore *crystallinas*, ubi & *explicatio* requirit, ut quid singula *symbola* repræsentent singulis *symbolis* subiciatur; cum enim de subiecto agimus, *fenestras* exponimus in usu *architectonico literaliter*, sed statim pergitur ad significationem *spiritualem*, dicendo, instrumenta admittendæ lucis in domo Dei hic esse intelligenda, quæ prius lucem receperunt, id est, Pastores, Doctores, omnesque Viros Spiritu Dei primo illuminatos, inter quos per *collationem* comparatio instituitur cum *fenestris*. Sed quando ad prædicatum accedimus, in quo asseritur materiæ dignitas & pretium, deliberatur quid sit *crystallum*, quæ ejus proprietas singularis in luce recipienda & transmittenda, quodque ejus sit pretium, ut ab illa *litera* transeamus ad indagationem novæ convenientiæ cum Pastoribus & Doctoribus, luce Evangelii nobilius splendentibus.

Ast in textibus *typicis* & *parabolicis* ista expositio *spiritualis* potius facit *applicationem* apodicticam, vel saltem omnia, quæ *symbolis* istis adhærent *literaliter*, uno sermonis cursu absolvuntur, quæ vero rei *significata* adhærent, secundo loco in unum corpus coacervantur; cujus rei ratio est, quod hic plures *convenientiæ* sunt notandæ, quæ, si divellantur, corpus quasi discerpunt & ita disjungunt, ut auditores omnem elegantiam symmetriæ in conjunctis istis proprietatibus minus observent.

I. In textibus *typicis*, ut id observemus, exemplum sumamus ex loco Exod. xxx. v. 34—38. Ubi describitur usus & compositio *thymiamatis*, addita prohibitione profanationis; ubi *explicatio* deliberat de materia, de specierum compositione & usu sancto, quem usum illustrat, quoad sanctitatem, ex præcepto prohibente ejus compositionis usum in rebus familiaribus, ut habeatur tanquam rei sanctæ profanatio: quæ autem ad materiam istam illustrandam faciunt pro *explicatione*, vide in nostris notationibus ad locum illum.

Applicatio autem tota occupata est in *literæ* istius significatione, quando totum transfertur ad preces sanctorum, Deo in gratum odorem offerendas per pontificem: atque conferuntur species, ad *thymiamatis* constitutionem requisitæ, cum affectibus animi ad legitimas preces constituendas necessariis. Compositio autem artificiosa confertur cum influentia affectionum istarum in se mutuo, ad legitimam orationem necessariorum. Atque sic in reliquis, ubi eundem licet conferre nostrum commentarium.

II. In *parabolicis* exemplo fit *parabola* de *zizaniis*: Matt. XIII. ̳. 24 — 30. Ubi *explicatio* expendit casum in *litera*, monetque hic sensum *literalem* respicere malevolum consilium de intervertenda *agri confiti* cultura, ut dominus sementis destituatur usu confitionis, & desideratis frugibus: dein prudens domini ad illudendum istud consilium remedium, quo mixtura *zizaniarum* cum *bono tritico* differre jubet ad tempus *messis*. In qua *parabola* notandum, etiam legibus Romanorum prohibitum fuisse tale scelus corrumpendi concivium segetem, itaque pingi hic casum non ab omni consuetudine alienum, quæ omnia illustrantur ex *ritibus* antiquis agriculturæ. In transitione ad rem *significatam* hic fit *applicatio* apodictica, cujus fundamentum est, Christum intendisse sub istis *symbolis* & *emblematis* ostendere corruptionem ecclesiæ, non nisi tempore consummationis ecclesiæ repurgandam, ut scopo suo non excidat, qua in re est elusio consilii *τὸ κρυπτόν*, quibus involvuntur ea, quæ in eventu fuerunt comprobata.

§. 8. I. *Scripturaria collatio*, in quantum *subjectum* signatum generaliter sub eodem *emblemate* exponit, cum applicatione sæpius locum habet, ut monuimus ad §. 5. V. G. In *typo legali* de usu *thymiamatis* adducuntur ex Apocalypsi testimonia, ubi explicite applicatur hoc *emblemata* ad preces sanctorum: ita enim demonstramus *subjectum* rei *signata* jam habere suam expositionem, Auctore Ipso Spiritu Sancto.

II. *Basis convenientiæ rei significatæ* iterum consistit in primario rei *significatæ* usu. Quod ut ex eodem exemplo constet, monendum est, bonum illum flagrantis odorem, qui alias palatia Regum grata reddit, spiritualiter inesse precibus legitimis, quas Deus admittit, quibusque in signum benevolentis gratiosæ respondet: hinc pergendum ad reliquos *characteres secundarios*, V. C. Cum simili transitione in exemplo allegato: Verum ut tale quid consequantur sacerdotes N. T. spirituales, oportet ut leges legitimæ orationis serventur, & quoad affectiones requisitas, & quoad conjunctionem earundem, ac tandem etiam quoad directionem usus sanctioris.

III. *Analogia fidei & morum* hic præprimis servanda est, quippe quam indicavimus inter leges explicationis *emblematicæ*, quare ejus demonstrationes requirimus in *applicatione apodictica* ad singula porismata, quod id efficiet, ut intelligant auditores induciam esse rem in *subjecto*, quam ad collationem revocamus.

IV. Confer quæ diximus ad §. 6.

V. Hæc admonitio locum habet in *typicis*, ubi aliquando eleganter fit transitus ab *explicatione* ad *applicationem apodicticam*, ostendendo

dendo, primum usum non præstare res lege ceremoniali præscriptas, ita ut necessitas exigat deliberandi de *antitypo*, in quo solo veritas inveniatur. Quæ autem ad hanc materiam faciunt, eleganter præstitit Tailor in *Christo revelato*, qui plurimos *typos*, Christo applicandos, eleganter depinxit, quem auctorem itaque impense commendamus.

- VI. Hoc monitum respicit non tantum textus *typicos* & *parabolicos*, verum etiam *allegoricos* & *metaphoricos*. V. G. Si exploratio ecclesiæ tacite conferatur per *metaphoras* aut *allegorias*, cum arte conflaturæ, hic in toto corpore concionis, ac præcipue in translatione *applicationis apodicticæ*, phrales ex illa arte desumendæ sunt.

Exemplum concionis allegoricæ,

ad Jesai. LIV. §. 12. p. 3.

Exordium.

Desumatur a studio conservandi res pretiosas, ne prostent diripientibus, inde fiat transitus ad pretiosa sacra, in templo proposita, sed excubiis Levitarum ita custodienda, ne profani contaminarent: quod ut felicius præstaretur, structa fuisse atria muro inclusa portisque ornata, ubi Levitarum excubiæ ponebantur. Hæc applicanda sunt ecclesiæ Jesu Christi, quæ cum templo collata describitur a Propheta nostro, ut ex pretiosissima materia constructa; quibus addit, ne aditus promiscue omnibus pateret, illud ipsum opus portis fuisse instructum, & ne quis per aliam viam ingrederetur, nunc quoque proponit templum illud spirituale *peribolo* sui generis fuisse inclusum.

Connexio.

Proin elegantissimus est architecturæ hujus sacræ progressus, dum descriptio prophetica progreditur ab interioribus ad exteriora, id est, a domo ipsa ad *fenestras* ejus, quæ, ut commoda esset inhabitatio, lucem intramitterent, unde vero ad *portas*, recipiendis veris concivibus destinatas, ac tandem ad *πύλας*, quo domus illa circumquaque cingatur.

Propositio.

Cum hic etiam in ultima hac enunciatione sub *allegoriis*, mirum in modum elatis, comprehendatur divinæ sapientiæ architectura, etiam ad
autam

tutam & sanctam domus spiritualis inhabitationem, sublimitas *emblematis* in *allegorico* hoc enunciato diligenter discutienda est.

Proin attendamus

- I. Ad partem extremam architecturæ divinæ.
- II. Ad celebrationem pretiosæ materiæ.

Pars prima.

- I. Progreditur prophetica descriptio a *portis* palatii istius sancti ad *limites*.

A. Vocabulum, quod in textu est, Belgis vertitur, utve *Land-palen*. Quod dubito an satis recte fiat, quia hic non agitur de *limitibus* imperii aut agrorum, sed potius de finibus palatii, ornatissimum in modum exstructi; nec tantum ager habet limites suos, sed etiam altare: Ezech. XLIII. *ψ*. 13. 17. 20. Vox *לַחֹלֶת* accipi debet pro *altaris lorica*: Ezech XL. *ψ*. 12. collocatur ante *cellas* aliquod spatium, atrii instar considerandum, quod tali termino ambiente includitur, hinc LXX. nostrum textum verterunt, καὶ τὸ περίβολος αὐτῆς. Quod Belgice diceremus *den ganschē ring-muur*/ ut adeo significet atrium, concipiendum ut in extremis *limitibus muro* ambiente munitum. Ita solebant Regum palatia atriiis, *muro* inclusis, ornari, ut constat ex palatio Salomonis: 1 Reg. VII. *ψ*. 8 — 10. nec non Ahasueri: Esther. IV. *ψ*. 41. Quod & in quorundam privatorum nobilioribus ædibus obtinuisse eruimus ex locis: 11 Sam. XVII. *ψ*. 18. & Nehem. VIII. *ψ*. 16.

B. Res ipsa jubet nos in hac pictura spectare *domum cum omni peribolo*: nimirum ut omne *περίβολος* idem sic ac *murus*, ab omni latere munimentum faciens, ut consideretur ab omni parte æqualis structura ejusdem ordinis & pretii; unumquodque enim latus, a quacunque parte quis templum adiret, hac pictura spectandum objicitur in omni *συμμετρία* convenire.

C. Cumque allusio fiat ad atria domus Dei, *peribolis* inclusa, imitatio est dictorum & legum de tabernaculo: Exod. XXVII. *ψ*. 9 de templo Salomonis: 1 Chron. XXVIII. *ψ*. 6. & 11. Chron. IV. *ψ*. 9. Sicuti & in templo Ezechielis describitur munire atria a porta ad portam, ne scilicet pateat aditus ullus ad res sanctas, nisi per solas portas, eum in finem cum *peribolis* iunctas.

- II. Verum cum res ipsa loquatur, descriptionem Jesaiæ templum nobis depingere *emblematicum* & *spirituale*, atque respicere ec-

cle-

eclesiam N. T. novis quibusdam privilegiis blandam, nemo non rem considerat in spiritu intentam. Quis enim unquam admittat templum, aut palatium aliquod, ex *gemmis & lapidibus* pretiosis, ex fundamentis usque ad culmen ædificii erectum & exstructum, ut hic ea omnia dicantur? quæ quoad literam nequidem in pretiosissimo Salomonis templo obtinuerunt: quare & *περίβολος* concipiendus est in re *spirituali* significare rem *spiritualem*, quare notandum,

A. Quod sicuti vinea populi Judaici dicitur habuisse *περίβολον*: Jes. v. *ψ*. 2. Ita populus Christianus concipitur in sua separatione a mundo & infidelibus, versari in atrio munito, & loco clauso: Cant. iv. *ψ*. 12. Apoc. xi. *ψ*. 2.

B. *Emblema* autem ipsum significat igitur systema illorum hominum, qui ipsi disciplinati disciplinam custodirent, seu, quod idem est, impuros a communione ecclesiæ arcerent. Hic enim solus est *peribolorum* usus, ne omnibus promiscue pateant atria: & uti fuit in templo Hierosolymitano, ut *limites* sanctitatis locorum circumscriberentur, ut Gentes, ne Sacra polluerent ob singularem impuritatem, inde arcerentur, atque ita

N. Ecclesia Novi Testamenti concipitur, tanquam a cujus communione arcendi erant omnes impuri: Jes. lxi. *ψ*. 11. Nec admittendos esse, nisi qui per portam ingredi velint, id est, per solum Christum: Jesai. xxvi. *ψ*. 1, 2. Hinc custodia ad portas sapientiæ jubet solum admittere, qui vellent calcare viam prudentiæ: confer Prov. viii. *ψ*. 34. ix. *ψ*. 6.

2. Instrumenta erant *limites*, sive *periboli*, ut *analogia* rei exigat considerandas esse personas ecclesiasticas, certis legibus communibus adstrictas, quarum est disciplinam ecclesiasticam custodire, & inordinatos ab atriis arcere; illa enim disciplina in domo Dei & sapientiæ commendatur: Prov. viii. *ψ*. 10, 11. Ejusque administratores vocantur sacerdotes *spirituales*: Ezech. xliv. *ψ*. 23, 24. Quorum ordo eleganter comparatur cum *peribolo* templi.

a. In muro *periboli* enim, uti arcta est lapidum inter se junctura, ita & ministrorum disciplinæ ecclesiasticæ propositorum arcta debuit esse combinatio, cum per animorum *συμφωνία* in communi orthodoxia, tum etiam in unanimi, ad ordinem ecclesiasticum conservandum, consensu: ut nimirum agant secundum leges, & communem ordinem ecclesiæ.

A. Uti *murorum* erat conjunctio cum *portis*, ut omnis alius ingressus excludatur, ita ministrorum disciplinæ

est, cum Christo, Qui porta est, ita conjungi per fidem, & ab Eo dependere per subjectionem sui sub Christo, Capite, ut omnes cogantur in illorum exemplo intueri non esse capeffendum aditum, nisi per eundem Christum.

- γ. Cum & *mirorum* usus esset, ut ambulantes in *atriis* tuto versarentur, ne exponerentur hostium insultibus, aut impuram ferant associationem: ita & præfectorum ecclesiæ est, apologiis placare hostium animos, refutationibus hæreticorum propulsare insidias, & scandalosorum hominum remotiones procurare, sed & in admittendis, sive excommunicandis talibus, conservare ecclesiæ, quantum possit, puritatem & gratam associationem.

Pars secunda.

Hoc autem spectatur ut opus Deo dignum, & celebratur

I. Quoad materiæ pretium.

- A. In *litera*, dum textus asserit, quod ad constructionem hujus *periboli*, Architectus adhibuerit materiam פֶּתֶחַ יָאֲבֵן, quod quidam vertunt *lapides gratissimos*. Lxx. habent λίθοις ἐκλεκτοῖς. Cumque in præcedentibus species *lapidum* pretiosorum fuerunt nominatæ, oportet, ut & hic ejusdem ordinis species alias, & reliquas intelligamus: solebant enim Reges in extruendis atriis aliquando magnos facere sumptus. Confer palatium Salomonis: 1 Reg. vii. 12. & Ahasueri: Esther. i. 5.

- B. Verum in *spiritu* hæc potius consideranda sunt. Concipiuntur autem sub *emblemate* pretiosorum lapidum, etiam Petro interprete, 1 Petr. ii. 5. homines fideles, pii, cum Christo arte conjuncti. Docebit etiam analogia *symboli* elegantiam, nam

1. In iis, ut *lapidibus* consideratis, notanda est

a. Firmitudo & soliditas in doctrina Christiana, qua possent Hæreticorum artibus resistere, & eorum subtilissimas objectiones diluere.

β. Constantia, quatenus in justo animi proposito, ut tenaces propositi viros decet, immobiles perseverant, nequidem a tempestatibus persecutionum, in eos irruentium, mutabiles.

2. In lapidum pretiositate considerantur idem ut grati Deo & hominibus: vocantur enim *lapides beneplaciti*, sicuti & in

in visionibus prophetis promittuntur N. Test. ministri, in quibus Christo esset *beneplacitum*: Psal. xvi. v. 3. Qui alias promittuntur ut *pastores secundum cor Dei*: Jerem.

iii. v. 15. Qui proinde placerent Architecto,

a. Propter fidem pretiosam, conjunctam cum variis donis Spiritus Sancti pretiosissimis

b. Propter amorem cultus rationalis, qui solus Deo gratus est, ablati omnibus elementis mundi, quæ Deum placare non poterant.

γ. Propter indolem blandioris œconomiae, quam administrarent, non ut castigatores duri, quales sunt sub V. T. Dii dicti, sed & ut fratres inter fratres gregem pascentes scientia & prudentia: Jerem. iii. v. 15.

II. Quoad Auctorem dispositionis notandum, lapidum istorum collocationem, ut justo suo inveniantur loco, Deo tribui, idque justas ob causas: Ejus enim est ministerii illius, *peribolo* significati, institutio; Ejus est vocandorum ad illud ministerium excitatio; Ejus est eorundem adoptatio, quando in distributione donorum Spiritus sui eosdem varietate donorum ornat; denique Ejus est legum latio, quarum vi omnis ordo iste conservatur, & secundum quas omnis disciplina ecclesiastica est administranda.

III. Hæc promissio *periboli* pretiosioris opponitur luctui & scandalo præcedentis œconomiae; nam

A. Sub œconomia legali, cum populus carnalis etiam frequenter atria, & propter circumcisionem externam in iis cohabitabat cum vere credentibus, scandala ibi fuerunt, quæ non adeo evitare potuerunt: nunc autem per œconomiam Regni Christi populus Christianus, seorsim habitans, *gratis* admodum *lapidibus* instructus est ad scandala illa arcenda, quoniam judicantur Christiani non secundum privilegia carnis, sed secundum demonstrationem Spiritus.

B. In priori œconomia luctus fuit piorum, ex severiori legis administratione secundum statuta carnalia natus: in Regno autem Christi foret merum gaudium, mera gratia, non solum ob cultum rationalem, sed & blandiorem, propter libertatem Christianam: quare & hoc membrum solatii una cum reliquis efficax est, ad tranquillandos eorum animos, qui plenario hætenus solatio destituti fuerant.

dum patres carnis, quos dudum habuerunt castigatores, præferunt *lapidibus beneplaciti*, cum Regno Christi adducendis.

- II. Nec satis conservant decus Domus Dei spiritualis *Pontificii*, qui ministerium ecclesiasticum convertunt in imperium humanum, quo Regnum Christi non ædificant, sed destruunt, omnemque rationem gratiæ a *lapidibus periboli* auferunt.

Admonitio. Curent itaque

- I. Disciplinae ecclesiasticæ ministri, ut, dum prospiciunt ecclesiæ puritati, se præstent tales, quales *emblemata* nostrum postulat,
 - A. In qualitatibus, ut sint solidi in doctrina orthodoxa, huic perpetuo incumbentes, quo in cognitione Sacrarum Literarum crescant: ut animum habeant adversus omnia pericula, opprobria & persecutiones obfirmatum. Solent enim illa, ut umbra corpus, ministerium sequi; quare oportet ut animi propositum habeant immotum, omniaque pro nomine Dei, etiam ad mortem usque, constanter ferre paratum.
 - B. In opere ipso, ut ministerium suum reddant gratum omnibus, & commendatum, non tantum ab eruditionis lumine & sinceræ pietatis studio, verum ab administrationis disciplinae erga infideles lenitate; ita tamen, ut nil intromittant in ecclesiam, quod impurum est; inque eum finem curent, ut ecclesiam undiquaque tutam reddant, potenti refutatione aberrantium animos convincentes, hæreses manifestantes, peccata redarguentes, nec non virga castigationis legitima utentes ad hominum scandalosorum excommunicationem, ne Sacra Dei profanentur.
 - C. In consensu servando cum cooperariis: oportet enim ut in *peribolum* coeant, id est, communi consilio agant, non ut Independentes & Brownistæ, sed in consilium adhibitis Synedriis, Classibus & Synodis, in qua coagmentatione ministerium se habet *muri* instar, ut robur exercent ecclesia adversus omnes turbas excitantes, & hostili animo invadentes.
- II. Verum habent & fideles, quod præstare debent ex consideratione hujus promissionis, dum vident ecclesiam, disciplinae *piribala* inclusam, ab omni parte in tuto collocatam, & clementer habitam. Hinc illos maxime decet, in atriis domus Dei versantes,
 - A. Grato animo excipere tantum beneficium Dei, quo adeo clementer habentur: gratia enim Dei, dona sua conferens, & leges libertatis præscribens, omne prohibuit dominium in suos, & custodiam ecclesiæ commendavit fratribus, ut fraterne agerent cum omnibus condomesticis fidei, blande hortando, monendo, & refutationem cum demonstratione charitatis exercendo,

mandandum justificat ex *emblemate vacationis ad nuptias*, ut rejectæ *vocationis* crimen exaggeret: atque inde pergit ad expositionem consilii divini, quo statuerat damnum, ex rejectione Judæorum futurum, vocatione Gentium esse reparandum, & quomodo *convivium* illud aliquando esset repurgandum.

Propositio.

Nos in hac *parabola* parte videmus delineata Judaicæ nationis fata, in quantum reipublicæ subversione luerent pœnam rejectionis Regni Dei, ac quomodo omnes justo judicio in istius pudibundæ ingratitude pœnam incurrerent.

Hujus *parabola* repræsentabimus,

- I. *Emblema* in litera propositum.
- II. Applicationem ad Regnum Dei, cujus administratio sub *nuptiali convivio* depicta & adumbrata est.

Pars prima.

Emblema igitur, quod in litera *parabolice* explicatur, est *nuptiale convivium*, illudque *regium*, pluribus oblatum, sed a quibusdam contemptum non sine repetita ab iis vindicta. Ubi proinde fingit casus positio

I. *Convivii* instructionem & oblationem.

A. Persona agens, & lautissimæ benevolentiae effectus præstans, spectanda proponitur, ut *Ἀρχιεπίσκοπος Βασιλεὺς*. *Ἀρχιεπίσκοπος* dicitur, ut scias desumptam esse *parabolam* hanc ab humano agendi more; *Βασιλεὺς* autem dicitur, non tantum ad excitandam ideam lautissimi *convivii*, & *regiæ* opulentiae, quam in isto *convivio* quis sibi spondere possit, verum etiam ad summam ejus indicandam potestatem, contra quam nemo frustra peccaverat. Tales enim potestatem habent omnem contumeliam, majestati illatam, severius vindicandi.

B. Actiones Huic attributæ aliæ spectant ad *convivii* apparatus, aliæ ad *convivarum invitationem*.

1. Apparatus venit sub *nuptiarum* nomine, in honorem *Filii Regis* celebrandarum.

a. *Nuptiæ* vocantur *convivia*, quæ causam habent *matrimonii* alicujus celebrationem, in quibus omnibus lautitiis, animum exhilarantibus, ad gaudia vocantur & excitantur, quotquot adducuntur. Itaque supponitur sponsi ac sponsæ *repræsentatio* in omni ornatu suo, ad
con-

conspectum omnium ; nec non sub isto *convivio* scopus, *conjugium* nempe illud omni modo celebrandi.

β. Dicunturque hæ *nuptiæ* *Filio Regis præparatæ*. Quo in casu solent adhiberi sumptus *regii*, omniumque rerum affluentia, ut respondeant dignitati convivatoris.

γ. Hinc *invitatio* hominum, sed *resecta*, depingitur, & se-vero judicio in *reicientes* puniendæ.

II. *Convivii* iteratim oblatis *rejectionem* ad *invitationis* repetitionem.

A. *Regis* itaque studium est *invitatio* altera, sive *convocatio* jam antea *invitatorum*.

N. *Convocandi* jam appellantur *κεκλημένοι οἱ τῶν γάμων*. Qui sunt, quibus jam ante spes *convivii* data erat, quasi ex *invitatione* prima : quod profuit ex veterum consuetudine, qui ad *convivium* designatos aliquamdiu antea monebant, ut antequam dies *convivii* illucesceret se paratos exhiberent in obsequium *convocationis*, secundo loco faciundæ. Confer *Esth.* v. ψ. vi. Nec non *Grotium* in hunc locum.

β. *Convocationis* promotio instituitur *legatione ministrorum*, qui appellantur *servi Regis*. Legati, ut designatorum ad-ductionem promoverent, quales solent esse in *aulis* *Regum* plures, *Regibus* a ministerio.

γ. *Clementia Regis* hic exaggeratur, quando secunda *vocatio* sperneretur a pluribus.

α. Amplificatur enim ab illusione studii prioris, dum *invitationes* plures dicuntur *rejecisse*, ubi textus dicit, *noluerunt venire*. Quod intelligendum de maxima *invitatorum* parte, & depingitur non tantum a negligentia dignioris rei, oblatique honoris, sed imprimis ut refractaria *vocationis resectio*. Ita enim Scriptura sæpe interpretatur actum non secundum id, quod intendunt agentes, sed secundum animum, & radicem negationis.

β. Nihilominus celebratur mitissimum *Regis* consilium, quo jubet, ut *servi legationem* repetant, substitutis tamen aliis *ministris*, ad majorem renuentium convictionem, ut vel ad sanio-rem revocarentur animum & mentem, vel ob pertinaciam aliter fierent *διαπολύνται*.

γ. Hos instruit quadam *vocationis* repetundæ formula, rationibus suavoriis instructa. Quippe qui urgerent
α. Temporis opportunitatem, urgendo *prandium* esse paratum, atque adeo tempus differri non posse. *Prandium*

dium inquam, quippe in maxima luce celebrandum; *paratum* autem, ut repræsentaret mensas dapibus instructas, quæ expectant *convivas*.

b. Ciborum præcellentiam, ac rerum præstantissimarum copiam celebrant *tauri maculati*, qui inter delicias numerantur: Prov. xv. *ψ*. 17. Et minora *pecora*, quæ etiam reponuntur ad lautitiam *conviviorum*: Prov. xvii. *ψ*. 1. Luc. xv. *ψ*. 23. Imo eos addere jubet omnia esse *parata*, ac nil deesse, quæ ad gaudium & festivitatem jure desiderari possent.

c. Conclusio autem infert, veniendum esse ad *nuptias* propter debitum *Regi* honorem, & irrefragabilis obligationis vinculum; quippe Qui non poterat non eorum *recusationem* interpretari ut beneficentiæ ejus contemptum, & Majestatis læsionem.

B. *Invitatorum* pertinacia in *recusanda* ista *invitatione* depingitur ut casus pœna dignus; qui priorem legationem reddiderant irritam, repræsentantur instantiam pertinaciter *rejecisse*: qui distinguuntur iterum in duas classes.

1. Contemnentium.

a. Hi appellantur *ἀμελήσαντες*, contemptim habentes *regium* apparatus, *Regisque* gloriam, nec non honorem *sponsi* & *sponsæ*; proprium præferentes *lucrum* nobilissimo huic honori & gaudio.

b. Hinc depinguntur ab ipso opere contemptus, cum dicitur, quod *ἀπῆλθεν*, id est, se a *Regis* communione & amicitia avertendo, propriis viis insliterunt, dum quidam abierunt.

a. *Ἐς τὸν ἴδιον ἀγρὸν*. Ad curandum nempe patrimonium proprium: *agri* enim & *arva* inter Judæos olim dividebantur ut hæreditates primæ occupationis terræ, & a familiis non nisi ad Jubilæum abalienari potuerunt.

b. Alii *εἰς τὸν ἱμπερίαν αὐτῶν*. Qui hæreditate carebant, ut tribus Levitarum, & adscititii inter Judæos, qui ex quæstu victum & amicum quærebant; quem quæstum præferebant hi *ἀμελήσαντες* *nuptiali convivio* oblato.

2. Ast alia classis crudelium erat hominum, *ministros Regis* male habentium; quibus tribuitur, quod quando a *ministriis Regis* invitabantur, *κρατήσαντες τὰς δούλας αὐτῶν ὕδρι-*

καὶ τοὶ ἀπὸ τῆς πόλεως. Ut adeo tria notentur hostilis animi indicia, & quod tantorum beneficiorum *ministris* violentas injecerint manus; & quod tam ore, quam opere eos contumeliose tractaverint, cum *opprobria* illis objiciendo, tum illos indigno modo *percutiendo*; quibus additur tertius, seu ultimus malitiæ gradus, quo reatum sanguinis contrahunt, *legatos regios* perimendo. Quibus com-
monstrabant pertinaciam, corrigi nesciam, & hostilem animum.

C. Hinc subsequitur expositio justæ Regis vindictæ, Qui tantam Majestati illatam injuriam dimittere, salvo decore, nec potuit, nec voluit. Hinc introducit

N. Ut ex audita contemptus fama *iram concipiens* adversus illos contemptores; non potuit non cum indignatione judicare ingratos illos, & *conjugio* huic vilipendium testificantes.

2. Ac per consequens pœnam imperans. Cujus

a. Media sunt *milites* armati, quos *immisit* in scelestos. Sicuti Regum est exercitus suos adhibere, non tantum ad avertendos hostes extraneos, sed & ad oppressionem rebellium, qui Majestatis rei habentur, quoad multitudinem opprimendi. Crimen enim Majestatis ultimo supplicio dignum est.

p. Effectus autem, quoad executionem demandati, pinguntur duplicis generis.

a. Respectu eorum, qui *legatos* occiderant, dum præcipit perditionem homicidarum: dicit textus noster *ἀνδρες τὰς πόλεις ἐκείνας* secundum legem talionis: justitia enim retributiva exigit, ut par pari referatur, & *homicida* etiam gladio pereant, quem temere arripuerant.

b. Respectu omnium, ut *Civitatem eorum igni tradant*. Exigit enim justitia scelerum punitorum monumenta, quæ in *urbium* rebellantium ruinis cernuntur aliis in exemplum; quod olim jam obtinuit: 1 Sam. xxii. v. 19.

Pars secunda.

Cum simili casu confertur administratio *Regni cælorum*.

I. *Regnum cælorum* appollatur *disceptatio* illa vera in ecclesia N. T. confer Matt. III. §. 2. Cujus administratio exigit, ut omnis potestas & Majestas sit penes unum, summum & independentem Principem: & per titulum *Regni cælorum* significatur, œconomiam omnem esse Dei, longe aliter imperium illud administrantis, quam terrestria hæc imperia a Principibus hujus mundi administrari solent, quippe majori non solum cum potentia, sed & modo plane spirituali.

II. Convenientia utriusque in administratione rerum ponitur

A. Respectu personarum, hic in præfectura designatarum.

1. *Rex* procul dubio est Deus *Pater*, absolutæ potestatis Dominus, & opulentissimus; in œconomia Trinitatis respiciendus, ut Qui jura Deitatis tuetur.

2. *Filius* hujus *Regis* est Ipse *Rex*, designatus in imperio isto œconomico, Cujus & Psal. II. §. 7. mentio fit, & præprimis Psal. LXXII. §. 1. Ad quem locum hic alludit Jesus in *parabola*, Qui etiam Ipse concipitur ut *Sponsus*, in *matrimonium* excipiens ecclesiam electorum in *sponsam*: Psalm. XLV. & Cant. IV. §. 9—12. & V. §. 1. Hanc enim sibi *despondet* in uxorem juxta sententiam: Hos. II. §. 15—19.

B. Respectu lætitiæ præparatæ vocatur omnis ille apparatus etiam *convivium nuptiale*, cum in iis glorificetur *Filius* propter amorem; quo prosequitur electos, quod in argumentum gaudii & satietatis proponitur, sic enim delineatur etiam Prov. IX. §. 1. Cantic. III. §. 11.

C. Relate autem ad *invitationem*. *Legati* primi fuerunt Prophetæ, præmonentes dispensationem istam œconomicam introducendam magna cum exhilaratione animorum, & cum introductione Christi esse expectandam. *Legati* secundi fuerunt Discipuli prædicantes Evangelium *Regni cælorum*. Ultimi autem Apostoli, post crucem Christi ab ipso latam, Ejusque ascensionem in cœlos. Qualis *Legatio* ad Judæos promissa etiam fuit: Psal. LXVIII. & alibi. *Legationis* autem hujus *contemptores* fuerunt *umbra* & *emblemata* jam ante vocatorum, per Prophetas & præcursores Christi, Ejus paranympum, qui hoc egit jure muneris sui: hi autem sunt Judæi, qui pinguntur in antecessum, ut sese *vocationi* divinæ opposcentes, siue ex amore terræ hæreditariæ, quæ significatur per *agros*,

dæos, ita refractarios, exercitum suum, intellige Romanos, atque ultimam infligere pœnam iussit per bellum, a Vespasiano inceptum, & a Tito continuatum, ut Josephus, scriptor Judæicus, ipse auctor est. Quam immanis Judæis illata fuit strages, patet inde, quod Urbs sancta, totaque terra a Romanis ferro & igne everſa fuerit.

Basis applicationis.

Ex quibus omnibus evincimus Jesum Christum verum fuisse Prophetam, & turpiter rejectum a Judæis; ad causam suam non attendentibus.

- I. Eventus ostendit, quam vere præviderit omnium, sibi opponentium, casum & lapsum; quaque cum *παρρησία* asseruerit iudicii causam, ut nexum inter illud supplicium & ista scelera indicaverit, adeo ut evidentissimum fuerit, in ipsa rejectione hujus Prophetæ crimen fuisse commissum, cujus supplicium dederunt in subversione reipublicæ.
- II. *Refutatio.* Quod si Judæi rite perpenderent, abstinere a blâsphe-mia in Christum, ut pseudo-Prophetam, Cujus prædictiones sentiunt in se, & quidem strictissime, verificatas: tenerent & dolores, quos experiuntur, ex eo solum fonte profluxisse, quod *sponsum* verum non agnoscentes, alium dotarint: Psal. xvi. Neque amplius lateret illos istius erroris origo, quod terrestri hæreditati adhærentes, & quæsturam terreni sanctuarii nimium adamantes, non viderint *Regnum* Christi fore spirituale & cœleste: ac propterea in contemptum istarum *nuptiarum* eos incidisse, seque sanguinis Prophetarum & Apostolorum reos fecisse.

Redargutio. Sed notent pseudo-Christiani multos esse Judæis similes, nempe, qui divitias, honores, & quam plura sunt ejusdem classis, pluris faciunt, quam apparatus hunc *nuptialem*, qui, vocationi divinæ resistentes, adversus fideles monitores insurgunt, blandas invitationes rident, & Dei ministros contumelia afficiunt. Hos jubemus, ut speculum hoc justitiæ divinæ intueantur diligentius; si enim Deus non pepercit Judæis, quorum erant insignia privilegia, putatisne meliorem fore expectationem vestram? erant enim Romani virga *Filii Dei*, quæ omne lignum spernit: Ezech. xxi. v. 10. Rom. ii. v. 4 — 10.

Dehortatio. Ne itaque in quoquam vestrum sit *pravum & incredulum* cor, sed proponite Judæos vobis, ut rigoris divini exemplaria: Hebr. ii. v. 2, 3. Discite omnia impedimenta gratiæ fugere, quæ ingressum in *Regnum cælorum* prohibent; valedicite mundo & carni, ut non occludant vobis portam ad gratiam.

C A P. IV.

DE CONCIONIBUS CATECHETICIS.

- §. 1. I. Scopus ecclesiasticus est dogmata fidei & morum pertractare, in eum finem jam olim in ecclesia antiqua tradita fuerunt tria religionis capita, *Symbolum Apostolorum*, *Decalogus*, & *Oratio dominica*: quæ tria religionis capita *Catechesi Hydelbergensi* inferuntur, sed occasione & locis, speciali scopo præparatis.
- II. Quoad opusculum ipsum notandum est, ex quo consilio profluxerit, ut rationem methodi teneamus. Methodus enim ejus non est didactica, sed apologetica. Cum enim Pontificii multis calumniis invaderent doctrinam Reformatorum, declarando eam hæreticam, & ad omnem pietatem inutilem, consilium fuit hoc opusculo apologiam facere pro orthodoxia, & pietatis praxi, quam Reformati fovere studebant; hoc enim requirebatur ad calumnias istas amoliendas.
- III. Dispositionem itaque fecerunt istius libri Auctores, ut partes respondeant tribus veræ religionis notis: quæ sunt, hominem in statu naturali summopere humiliare, gratiam Dei quam maxime extollere & glorificare, sanctitatemque vitæ solidissimis obligationis vinculis promovere: unde tripartita operis divisio orta est.
- A. Agit de miseria humani generis per peccatum, ad permovendam humiliationem animi, cum plenaria abnegatione nostra.
- B. De gratia Dei per Christum adducta & per fidem acquirenda, ad maximam gloriæ & misericordiæ Dei exaggerationem.
- C. De gratitudine Deo pro gratia sua præstanda per pietatem omnimodam & inculpatam.
- IV. Tria capita religionis inferuntur, ut ipso opere ostendant Reformati, eorum doctrinam nihil recedere a fide, in *Symbolo Apostolico* tradita, aut a moribus in *Decalogo* contentis, aut a precibus a Domino traditis in *Oratione dominica*: jam vero, si Reformata religio orthodoxa fuit in iis, heterodoxa saltem in capitalibus esse non potuit, adeoque nec ut hæretica damnari.
- V. Ex hisce animadversionibus profluit, applicationes concionum ad scopum *Catecheseos* accommodandas esse, & non in alia excurrendum Concionatori evangelica. Scilicet
- A. Ad partem primam, quæ agit de miseria humana, omnes applicationes dirigendas esse ad humiliationem hominis extra Chri-

Christum considerati, & ad omnimodam abnegationem nostri.

- B. In secunda parte, applicationes revocandas esse ad eam basin; quod restitutionis fundamenta sint in gratia divina, in Christo præstanda, ut celebretur perpetuo laus Dei in modo salutis admodum decenti, cum congratulatione felicitatis nostræ.
- C. In tertia parte, applicatio doctrinæ de gratitudine opponi debet calumniis Pontificiorum, quasi cum negatione meritum nostrorum solverentur vincula & obligationes pietatis, contra ostendendo ista vincula magis adstringi, si ad opera bona obligemur ex debita gratitudine.

VI. Quantum ad tria capita religionis attinet.

- A. Articuli fidei in *Symbolo Apostolico* revocandi sunt pro applicatione, ad conclusionem necessitatis credendi quæcunque veritatem expositam, quia totum illud *Symbolum* inseritur ad istam quæstionem, quæ inquit in creditu necessaria, ut fides justificans sit solida: quæ consideratio ex scopo fere hætenus fuit aut non observata, aut neglecta.
- B. *Decalogus* debet concipi ut norma gratitudinis, quam fœdus gratiæ exigit, ut conclusio ad applicationem practicam sit, Neminem habere bonam conscientiam in fœdere Dei, qui non studeat operi per *Decalogum* exacto, cum mortificatione veteris, & vivificatione novi hominis.
- C. *Oratio dominica* concludit desiderata in petitionibus, si vere desiderentur cum fiducia exauditionis, ad forum divinum deferri posse.

§. 4. In pertractatione *symboli* hæc tria distincte notanda sunt.

- I. Quoad explicationem, in unoquoque articulo duo esse præstanda. Nempe discussionem veritatis, in quantum concipitur ut tradita in Sacris Scripturis, sicuti & vulgo hæc pars tractationis attingitur: verum pars altera explicationis est consideratio fidei Christianæ versantis circa illa dogmata. Prius pertractandi genus considerat illa dogmata tantummodo ut scripta in Libris divinis, & qua mente dogmata illa per traditionem scriptam fuerint proposita, sed pars altera depingit fidem Christianam, qua traditiones illæ conscriptæ a Christianis fuerint susceptæ, quorum fides depingitur in actibus

- A. Cognitionis seu assensus, atque tunc deliberamus de propositis in articulo, tanquam de quæstione facti. Verbi Causa. Articulus de *creatione mundi* in prima deliberatione discutitur ut traditio Moysis & Scripturarum, atque amplificatur ex iisdem Scriptis secundum ambitum omnem: sed in parte secunda

cunda secundum primam relationem ostenditur, Christianos eam rem admisisse, quia res ipsa exigit ut mundus acceperit originem; & sit opus summæ potentiae, ita ut evidentia rationis nobis extorqueat rem narratam & traditam pro vera agnoscere.

- B. Assensus læte & cum gaudio, atque tunc res concipitur pertractanda ut quæstio Juris, in qua deliberatione ostendimus convenientiam œconomiae divinæ ita postulare rem, ut jam inde conspiciatur ut grata & jucunda, sive postulet eam rem Scriptura prophetica, sive decentia operis salutis. V. C. *Nativitas Filii ex virgine* in prima consideratione fidei pertractata ut res quidem miranda, est Deo minime impossibilis: in hac secunda deliberatione probatur ut prædicta a Prophetis, & ut desiderata propter conditiones Sponsoris, qui debuit sanctus & immaculatus nasci, quod facit ad lætitiā fidei, quando videt per Verbum testimonii proponi Personam adeo habilem, & ad opus salutis exsequendum aptam.
- C. Fiduciæ, in quantum in tradito dogmate fides invenit singularem utilitatem, & calcaria incitantia ut animam suam huic commendet. Sub hoc titulo redigi debent, quæ *Catechesis* proponit sub quæstione quorundam articulorum, rogans *quid prodest tibi, quod hæc credas?* cumque in responso tunc occurrant utilitates istius veritatis ad animum tranquillandum, istæ probatæ pertrahendæ sunt in argumenta excitandæ & exercendæ fiduciæ.

II. Pro applicatione notanda sunt,

- A. Quod facile fiat transitus ad basin applicationis primarium ab utilitate fidei ad necessitatem.
- B. Si ex scopo velimus progredi, quem *Catechesis* intendit, basis applicationis semper ponenda est in assertionem necessitatis hujus fidei, ut ad quemcunque articulum concludere oporteat, eam veritatem, a Christianis admissam, necessario requiri in fide justificante; nam postquam fidem consideraverat *Catechesis* ut medium participationis meritorum Christi, jam transiverat ad quæstionem, quamnam creditu essent necessaria, scilicet ut fides illa esset plenaria: cumque ad hoc enumerasset duodecim articulos fidei, jam ex scopo demonstranda est uniuscujusque articuli ad fidem necessitas.
- C. Illa propositio necessitatis pertractari debet
- R. *Kar' aprn*, ostendendo, ut si per hypothesin, quod in articulo ponitur, a fide tollamus, omnis fiducia ad Deum accedendi pereat. V. C. Ad titulum de *creatione mundi* ostendendum, ut necessitas fidei circa istum articulum pateat, ut

lationis formulas, non potest non istas *preces* legitime factas, tanquam intercessor noster apud Patrem, excipere, ad Patrem deferre, & suo patrocinio confirmare, unde pendet certa *precum* istarum exauditiō.

I. Laborant Interpretes circa divisionem *Orationis dominicæ*, ita ut vulgo dispertiant *petitiones* in eas, quæ Deum respiciunt, & in alias, quæ ad nos ipsos pertinent. Ex isto præjudicio multum dubitavit Cl. Salmasius de mente quartæ *petitionis*, existimans, si de *pane temporali* accipiat, nullo jure potuisse præmitti *postulatis* de rebus spiritualibus, quæ occurrunt in quinta & sexta *petitione*. Ego vero eam *Orationem* dividendam esse in *petitiones* quatuor, & *deprecationes* duas, ita ut parte prima occurrant bona peroptanda, in parte secunda mala averruncanda.

A. *Objectum petitionis* cujuscunque, aut *deprecationis* semper facit primam explicationis partem. Itaque secundum quatuor *petitiones* spectantur

1. Nomen Dei.
2. Regnum Christi.
3. Voluntas Dei.
4. Panis quotidianus.

In *deprecationibus* autem peccatum concipitur

1. Secundum reatum auferendum.
2. In quantum fit tentatio ad peccatum, per quam tentationem peccatum quærit dominium exercere in hominem, quod ad maculam peccati pertinet.

B. *Prædicatum* comprehendit rem desideratam, a qua objectum perfici potest, aut malum depelli. Ita in *petitionibus*

1. In ordine ad *nomen Dei* desideratur Ejus *sanctificatio*, explicanda per omnes modos, per quos Deus a *sanctitate* glorificari queat: *sanctificatio* enim illa nihil aliud est, quam gloriæ Dei in virtute *sanctitatis* demonstratæ in-crefcens celebratio.
2. Super *Regnum Dei* explicatum desiderium petit *adventum* ejus ulteriorem, quod enunciatur continet omnes propagandi *Regni* modos, donec, devictis omnibus hostibus, in statu gloriæ videatur gloriosissimum.
3. Respectu *voluntatis* divinæ prædicatum est testimonium desiderii, ut fiat, atque adeo omnis inobedientia adversus legem *Regni* magis magisque subigatur.
4. Ab istis spiritualibus tandem tendit ad temporalia, & circa *panem quotidianum* petit, ut tanquam donum Dei prædictis adjiciatur & nunquam deficiat.

tiam Dei Patris erga nos, Quem paratum habebit fides ad exauditionem.

α. *Operibus abnegant*, qui ostendunt dominium concupiscen-
tiarum in contrarium adhuc illos tenere in dominio pec-
cati, ut prolocutio *orationis* illis sit mendacium oris.

β. *Usus admonitionis* tendit totum in eum finem, ut confor-
mis sit elocutio cum animi sententia. In quem finem
commendat

α. Rem ut *desideratione* dignam expendere, hoc est, con-
siderare secundum intrinsecam bonitatem.

β. *Formare propositum* omnibus modis & mediis assequendi,
quod desideramus. V. C. Qui petit *Aventam Regni*
Christi, debet ipse *promovere*, quantum potest, *Regnum*,
& exoptare cooperationem auxilii Dei.

γ. *Usus consolationis* respicit itaque *precum exauditionem*,
quam ut certo futuram urget argumentis, ad causam spe-
ctantibus.

Exemplum concionis Catecheticæ

ad Domin. XVIIII.

Ubi occurrit articulus de adscensione Christi.

Exordium.

Gloriosa erat visio Ezechielis cap. x. v. 18. & seq. Ubi Propheta spe-
ctavit gloriam Dei descendentem, ut spectata fuit ad limen domus Dei,
& redeuntem, dum parumper subsisteret ad portam orientalem, seque
iterum collocaret super Cherubinos, ut redeat in priorem locum cele-
stem.

Nemo dubitat gloriam Jehovæ esse gloriam Christi, unigeniti a Patre:
Joann. I. v. 14. Cujus erat venire ad templum suum: Maleach. III. v. 1.
Qui absoluto suo munere ad tempus constitutum iterum conscendit Che-
rubinos, id est, repræsentavit Se Angelis junctum, atque ita rediit in
cælum ipsum. Qui gradus exaltationis Christi secundus est, post Domini
resuscitationem ex mortuis secutus.

Connexio.

Ita enim in *Catechesi* secundum ductum articulorum fidei etiam pro-
ponitur

ponitur, discussio enim statu humiliationis pergitur ad statum exaltationis, qui secundus hic expendendus est gradus.

Propositio.

Hæc veritas Christianæ fidei, quæ proficitur Jesum per *adscensionem* rediisse in *cælum*, conspicienda venit, non tantum ut res solidissime confirmata, sed & utilissima, attenta consideratione digna.

Spestanda itaque hic est

I. Gloriosissima Christi in *cælum sublatio.*

II. Fidei circa eam *adscensionem* exercitium.

Pars prima.

Quoad *adscensionem Christi* ipsam, historica traditione in Euangelio enarratam, erudiunt nos Euangelii Præcones circa

I. Personam *adscendentem*, quod fuerit Ille Ipse *Jesus*, ad crucem mortuus & sepultus, abhinc ex morte resuscitatus. Qui consideratur

A. Secundum humanam naturam, ut quoad corpus translatus ex hoc Orbe in locum superiorem.

B. Secundum divinam naturam, ut auferens signa præsentiae singularis inter homines.

II. Circa mutationem loci testatur Euangelium,

A. Quoad locum derelictum, factum id fuisse a monte Oliveti: Act. I. §. 12. In vicinia & conspectu Hierosolymæ, haud procul a Bethania, sive ex confiniis Bethaniæ: Lucæ xxiv. §. 50. Qui locus videtur divinitus electus, quia ad pedes montis luctam inceperat: Luc. xxii. §. 39. Ut exitus ita conferatur cum initio passionum.

B. Quoad locum ad quem, qui dicitur in Euangelio *cælum*: Act. I. §. 11. Ephes. iv. §. 10. Heb. iv. §. 14. vii. §. 26. I Pet. iii. §. 22. Quod male accipiunt Lutherani, negantes *cælum* ut locum esse concipiendum, & volentes *adscensionem in cælum* significare solum ubiquitatis communicationem.

N. Erroris refutatio haud difficilis est.

a. Erroneum enim est *cælum* non ut locum in altissimis spectare, cum dicitur *Christus sursum receptus*: Marc. xvi. §. 19. Coloss. iii. §. 1. *Domum Patris adiisse præparaturus nobis locum*: Joann. xiv. §. 2, 3. *Cælumque illud*

lum abhinc suscepisse quasi in amplexus suos: Act. 111.
 §. 31.

1. Erroneum etiam quam maxime est, ubiuitatem tunc humanæ Christi naturæ fuisse communicatam, id enim contra naturam corporis est, & contra effata Euangelii, secundum quæ separatus est ab Apostolis: Luc. xxiv. v. 51. Ut non amplius sit nobiscum: Matt. xxvi. v. 11. & Terram dereliquerit: Joan. xvi. v. 28. Hinc & adversus illum errorem monemur: Matt. xxiv. v. 26, 27.
2. Vindiciæ adversus horum objectiones etiam solidæ sunt, quas dat *Catechesis* ad quæstionem XLVII. Ubi respondet
- a. Ad locum Matt. xxviii. v. 20. ostendendo Christum ibi non respicere corporalem & localem præsentiam, sed spirituale auxilium, quo magis succedat Apostolatus inter Gentes.
- b. Ad argumentum ex sessione ad dextram, quod movetur quæst. XLVIII. Dum ex omnipræsentia manus Dei male colligunt omnipræsentiam sedentis ad dextram, juxta humanam naturam, cum dextra Dei hic non habeat relationem ad locum, sed ad honorem, decus, Majestatem sedentis, quibus honoratur a Patre.
- III. Nec circumstantiæ ejus omittendæ sunt, facta enim est *die quadragesimo* a resurrectione Christi. Sicut enim Moses post quadraginta dies visus est cum splendore faciei, ita Christus in gloriam intromittitur postquam Discipulis interfuit, præter leges naturæ edens atque bibens, se satis superque probans redivivum ex mortuis.
- IV. Modus *adscensionis* definitur, quod nunc dicitur *sublatus*, alias *adscensus*.
- A. *Sublatus* dicitur: Marc. xvi. v. 19. Act. i. v. 11, 21. 11. v. 33. v. v. 31. 1 Tim. iii. v. 16. Ut œconomia Pater consideretur potentia sua Christum assumens, atque eo ipso thronum Ipsi adjudicans. Potentia enim hic operans divina est, omnibus Personis communis, sed prout Patris est, relata ad Patris voluntatem, opus est voluntariæ Patris reassumptionis, qua Eum benevole excepit.
- B. Ast quando dicitur *adscendisse*: Joan. xx. v. 17. Ephes. iv. v. 8—10. Atque ita ad Patrem fuisse profectum: Joan. xiv. v. 2, 3. Act. ii. v. 10, 11. Significatur eandem potentiam Patris & Filii fuisse, qua *adscendens* in altum, *calum* ingressus est: idque ex legitima potestate, quam jam acceperat etiam in *calum* ipsum: Matt. xxviii. v. 18.

lerare non potuerunt; nec reprobi tanta visione digni erant.

2. Gloriam ut mercedem recipere debuit: Phil. II. §. 9. Et ultra modum exaltari pro dignitate sua: Apoc. v. §. 12.
3. Pontificatus ratio idem postulabat, cujus est a victima progredi ad intercessionem apud Deum: Heb. VII. §. 26, 27. VIII. §. 4.
7. Eadem fuit Regni Ejus ratio, quod cum sit Regnum *cælorum*, thronum habere debuit in *cælis*, & hæreditatem meliorem; cui administrandæ præesse debebat Dominus in *cælis*.

III. Ut *utilissimum*, atque omnis Christianæ fiduciæ argumentum, ut liceat fidei recumbere in *Christo*: quam *utilitatem Catechesis* explicat: Quæst. XLIX. Ita enim fides respicit influentiam, quam habet *adscensio Christi*, in applicationem salutis, agnoscitque sequentia beneficia gratiæ profluere. Scilicet

- A. Patrocinium *Christi*, ut Paraclæti apud Patrem: I Joan. II. §. 1. Adeoque ut Pontifex ingressus est in *cælum*, ut, oblata hostia, oraret pro suis.
- B. Occupatio *cæli*, nostri nomine,
 1. Ut nobis *locum pararet*: Joan. XIV. §. 2. Ut Præcursor: Heb. VI. §. 20. Quo jure dicimur una collocati in *cælis*: Ephes. II. §. 6.
 2. Ut aliquando *suos secum assumat*: Joan. XIV. §. 2. XVII. §. 24. I Thess. IV. §. 17. Unde ex vero dicitur, ibi non tantum esse Caput redemptorum, sed & futuræ gloriæ pignus.
- C. Occupatio thesaurorum gratiæ; *adscendit* enim ut *ἀλλὰ καὶ πάλαι* mitteret a Patre: Joan. XVI. §. 7. Qui cum sit Spiritus Sanctus, omnis gratiæ applicatoriæ fons & origo, & quidem juxta Novi Test. præminentiam, sequitur causam ejus querendam esse in ipsa *adscensione Christi*.

Applicatio.

Unde evidens est, quam impossibile sit sine fide in *Christum*, in *cælis* glorificatum, accedere ad Deum, aut pervenire ad participationem salutis; nisi enim hanc veritatem admittat Christianus, non est ut a Christo apud Deum glorificato salutem speret.

- I. Nondum enim *via manifesta* foret ad sanctuarium, si *Christus* a passionibus non fuisset ingressus: Heb. IX. §. 8. Nondum occu-

sanguine suo , Quique nos certiores reddidit Patrem omnia daturum , quæ petimus in nomine Ejus.

- B. Si solatium quærendum sit , Hunc imitemur ; Hunc sæpe spectate ut exemplum nostræ glorificationis ; & *caelestem* illam hæreditatem respiciamus ut nostram , nostro titulo jam occupatam , idque a causæ nostræ Procuratore , ita ut vita nostra in *cælis* sit recondita apud Deum in Christo ; Col. 111. §. 3. Licet enim collationem *Christi in cælis* iis intueri oculis , ac si jam cum *Christo* collocati essemus in *cælis* : Ephes. 11.

IV. Ast hæc fides non sit in vobis infrugifera & inefficax.

- A. Qui e *cælis* mittit Spiritum Paracletum cum omnibus donis gratiæ , Huic respondete , gratiam grato animo recipiendo cum omni studio proficiendi per Eum , ut certitudo salutis vobis foveatur. Omne ergo studium huc vergat , quod munus illud *caeleste* hæredi salutis denuntiet , cordi sinuet , imo oppignoret : ita ut sit Arrhabo , quem sequi debebit ipsa hæreditas ; cum hoc studio ita consuescat animus , cum eo agat in foro conscientiæ , Hunc audiat viæ Ducem , Qui nos ad *caelestia* retrotrahit.

- B. Vivite ut *caelestes* decet , terrestria minus curantes , quia *adscensione* sua *Christus* nos monet hæreditatem terrestrem abolitam esse , illique substitutas esse *benedictiones spirituales in caelestibus* : Ephes. 1. §. 3. Ita vivite ut mundus observet Caput vestrum in *cælis* glorificatum vivere in vobis , atque ostendite desideria vestra non impleri carnalibus concupiscentiis , sed tantummodo ad *caelestia* spectantibus.

Consolatio. Ita enim fiet ,

- I. Ut habeatis , Quem accusatori fratrum opponatis : unde spernere licet omnes accusationes & calumnias Diaboli & mundi , dum Advocatum habemus pro causa nostra agentem in *cælis*.
- II. Imo nullus restabit amplius mortis metus , a quo *Christus calum* occupavit , licet enim cum Paulo jam dicere : Philip. 1. §. 23. & cum fidelibus gloriari : 11 Corinth. v. §. 8.
- III. Nec fragores cœlorum ex reditu *Christi* nobis erunt terrori , Qui enim abiit ad *calum* , etiamsi redeat ad nubes , constantem habet voluntatem suos colligendi & reassumendi , ut quo loco Ipse est & futurus est , etiam sint ministri Ejus : Joan. xv11.

Exemplum concionis catecheticae.

A D

*Decalogi præceptum octavum.**Exordium.*

Inter numismata Judæorum nummus occurrit, qui ab una parte urnam quasi manna repletam, ab altera vero aristam cum duabus urnulis vino & oleo destinatis repræsentat. Quibus gens illa monita fuit de duplici sustentatione divina, altera in deserto, cibo ex cœlo, altera in terra, quando ex terra panem, vinum & oleum habuerant. Ita vocabantur ad agnitionem dependentiæ subsidiorum vitæ a Deo, ut illa quasi ex manu Dei recipere cogerentur agnoscere. Voluit scilicet Deus ut non ex rapina viverent; sed quisque agrum suum colat, Deique benedictionem in tempore colligat, & cuique partem suam concedat. Circa hæc vitæ subsidia curavit Legislator, hoc præcepto octavo, tabulis foederis inserto, ut terram suam possideret Israël tanquam terram Dei, cuique sortem & portionem suam relinquens, quod cum *furtum* turbare solet, iussit ab eo abstinere, quando dicit *non furaberis*.

Connexio.

Gradatim descendit Legislator a vita & honestate ad vitæ subsidia, etiam in legitimo matrimonio fovendo necessaria, circa quæ, ut diximus, *furtum* prohibet, quo sua cuique portio facta tecta sit.

Propositio.

Quæ obligatio cum non tantum spectet ad terræ istius possessores, verum etiam ad nos Christianos mundi hæredes, imo ad omnes quotquot in mundo sunt homines, etiam diligentem rei discussionem exigit.

Ad maiorem rei elucidationem inquiremus

- I. In Jus peculii.
- II. In modos violandi illud.

Pars prima.

- I. Qui creationem credit, creata omnia Dei esse credat oportet:
Psalms.

Psal. xxiv. *ψ.* 1, 2. Qui nos ita condidit, ut rebus creatis indigeamus in victum & amictum, imo & in domicilium ad justam adversus injurias aëris defensionem, & hinc nobis Orbem exhibuit, tanquam amplissimam officinam, quæ magna cum affluentia rerum omnia ad vitam necessaria suppeditat: inque hoc Orbe hominem constituit cum concessione dominii in ea omnia: Gen.

1. *ψ.* 27.

Ea tamen sub conditione, ut Ipse manserit summus rerum Arbitrator, omneque *concessum dominium* non sit respiciendum ut absolutum, sed ut *feudale*, dum Deo, ut summo Domino, semper relicta est potestas repetendi & eximendi quod lubet. Argumentum est arbor: Gen. 11. *ψ.* 3. supremi istius dominii, quod non magis exuere potest ac ipsam Deitatem: Psal. xxiv. 1 — 4. L. *ψ.* 10. Hagg. 11. *ψ.* 9.

II. Cum autem genus humanum multiplicaretur, cuique data est facultas ex amplissimo hoc Dei promptuario ea colligendi, quæ in usum vitæ revocare vellet. In qua collectione Deus efficit, ut cujusque manus inveniat *portionem suam*: unde celebratur, ut Cujus sit ditare & depauperare: 1 Sam. 11. *ψ.* 7. 1 Chron. xxix. *ψ.* 11, 12. Psal. cxxviii. *ψ.* 2. Proverb. x. *ψ.* 22. xxii. *ψ.* 2.

III. Verum cum propter peccata subsidiorum istorum difficilior facta fuerit collectio, a quo terra spinas produxit, & in sudore faciei panis fuit edendus: Gen. 111. *ψ.* 17. Necessitates etiam multiplicatæ sunt; introducta est inter homines rerum commutatio ad necessitatum suppletionem, ut liceret, quod alteri magis usui esset, cum eo commutare, ut homo homini sic prodesset.

Pars secunda.

Jam vero prohibet Deus, cavetque ne quis, invito primo possessore, ad se rapiat, quod proximus tanquam donum Dei possidet, sub *furti* nomine, quod suum vult id ipsum, quod Deus voluit alterius esse. Ubi considera

I. Naturam præcepti, quod sit scilicet morale, atque adeo etiam indispensabile.

A. Quia Jus peculii fundatur in natura Dei, Cujus dominium negat, qui *furtum* committit: Proverb. xxx. *ψ.* 9. Deique dispensationem hostiliter impugnatur. Id quod ejusdem energię est. Deo denique diffidit, tanquam iniquo Dispensatori.

B. Destruit virtutes in imagine Dei comprehensas.

N. *Justitiam*, dum non considerat proximum conservum sub communi Domino, cui sub communi obligatione Dei vivit.

modo ea quærentes, quæ nostra sunt, & jure nostra dici possunt, laborantes manibus: Eph. IV. §. 28. II Theff. III. §. 8. 9. I Cor. VII. §. 17.

1. Quoad dispensationem, fugiendo hinc avaritiam, illinc bonorum concessorum *dispendium*, contenti dono Dei, & parati ad rationes Deo dispensationis nostræ exhibendas.

2. Aliena.

a. Suum cuique relinquendo: Psal. XV. §. 1. I Theff. IV. §. 6.

β. Conservando: Lev. XIX. Exod. XXIII. I Cor. V. §. 24. XIII. §. 5. Phil. II.

γ. Quæ nostræ fidei commissa sunt reddendo: Rom. XIII. §. 7. Prov. III. §. 27, 28.

Inter illa autem sunt,

a. Homines, milites, bestiae: Exod. XXI. &c.

b. Bona publica, sive sacra & consecrata, sive profana, quæ reipublicæ debentur: Jesai. I. Rom. II. sive œconomica, parentum in potestate constituta: Prov. XXIII. §. 24.

B. Ad omnes modos defraudandi, sive id fiat

N. Rapina.

1. Astu. Habet enim hypocrita multa velamina, quæ ob- tendit, sive in bonis inventis, aut fidei suæ commissis. Verum ubicunque est defraudatio proximi, qua jus suum non accipit aut recipit, *furtum* est.

a. In mercatura imprimis: Lev. XIX. Amos VIII. Ps. XV. Emptor nempe depretiando quod suum facere cupit. Venditor mentiando, sive qualitatem rerum falso commendat, sive de quantitate detrahat, sive moneta falsa solvat, qui aliquid sibi acquirit & debitum non præstet.

β. Opera locantium. Cuique jus suum non tribuunt, qui laborem suum non ex condigno æstimant.

γ. Huc quoque pertinet in onere publico

a. Inæqualis taxatio.

b. Non solutio tributi. Imo quid attinet omnes *furti* species enumerare, cum quilibet conscientiam habeat judicii hac in parte normam. Hic obtinet, *quid tibi fieri non vis, alteri ne feceris*. Integra volumina quis conscriberet, si omnes *furtum* artes recensere vellet. Nec utile est ista omnia ad amussim excutere, ne forte artes detegendo, artium scelestarum doctores evadamus.

- II. Fides id commendat, qua credimus Deum esse Dispensatorem rerum hujus mundi liberrimum, & tamen etiam munificum. ~~Hoc dominium abnegare esset fidem subvertere~~, Deum potestate sua exuere, & tacite arbitrio Illius obmurmurare, quod fideles minime decet.
- III. Ipsum rei momentum accedit. Quid enim juvat injusta possessio rei minimi pretii; si cum dispendio majorum bonorum recipiatur? cum enim excludat ex Regno cœlorum injustum peculium, sane injusta æstimatio est & damnosa, quæ mutat cœlestia cum terrestribus, atque pro solidis vana quærit. Pius longe aliter edoctus in Regno cœlorum quærit æterna præ temporalibus, constantia præ fugitivis, spiritualia præ corporalibus. Neque tanti putat res corporales, cum paucis hæc vita contenta sit. Nihil enim cupit nisi in favore Dei.

Consolationis usus. Quare ne in tam nocivum incidamus crimen,

- I. Fontem omnis mali obferemus, qui est in avaritia, quæ carnis est, non spiritus: omnibusque modis pessimam illam concupiscentiam occidamus, acquiescendo in voluntate Dei.
- II, Laboremus in vocatione nostra, exspectantes benedictionem divinam, ne nobis quidquam desit, ut proprium panem comedamus.
- III. Imprimis conservemus *καληροφία* animi. Si enim nexus est inter hominem fœderatum, & suo jure fruentem, scito te, amissa illa *καληροφία*, quæ ex conscientia legitimæ possessionis oritur, inventurum ipsam conscientiam tibi inimicam & imparem rationibus reddendis Deo: multo magis intolerabilem in die extremo, quando justus Judex, omnisque justitiæ Vindex aderit in nubibus. Ast terribilis ille dies plane aliam induet faciem, quando justitiæ cultor sistendus erit coram tribunali justitiæ. Huic licebit enim, conscientia fiduciam corroborante, capite erecto accedere ad Judicem; & qui spreverit terrestria, fundamentum habet promittendi sibi cœlestia in communione Christi, -Eoque illi adjudicante, in æternum possidenda.

Exemplum concionis Orationis Dominicae.

I N

*Petitionem quintam.**Exordium.*

Insigne fuit populi veteris privilegium, quod Deum haberet sibi vicinum, Qui supra opercula arcae foederis habitans admiserit cum hostiæ sanguine sacerdotes, veniam pro populo rogantes: Deut. iv. v. 7. Verum majus est Christianorum privilegium, quod Christus, Qui umbrarum corpus est, typicum illum cultum abrogaturus, erexit nobis thronum gratiæ multo blandiorem, Ipseque nobis initiaverit jucundio rem ad Patrem accessum; quippe Qui fiduciam nobis dedit, ut ipsi ad consequendam peccatorum veniam immediate & sine velo ad Deum accedamus. Id præprimis præstitit nobis communicando formulam implorandi istam gratiam in *Oratione Dominica*, Quippe Qui Se sistit ut nos ad Patrem manuducens, atque formulam ipsam rogandi præformans, dum docet nos filiali cum fiducia testari coram Deo *desiderium gratiæ remissionis*, in verbis, *Remitte nobis debita nostra*.

Connexio.

Hactenus inexhausta Christi sapientia hominum fidelium *desideria* delineaverat, quæ Deum & hominem spectabant: Dei gloriam, Ejusque Regnum docuerat primo loco petere: nostras vero indigentias cum animæ, tum corporis, *Sanctificationem* mentis scilicet, & *subsistentiam* corporis secundo loco. Hinc pergit ad mala *deprecanda*, *reatum* & *tentationem*. Prima *deprecatio*, quæ hic occurrit, est peccatorum; qua docet nos *rogare*, ut *reatus* contractus ex conscientia nostra auferatur & deleatur.

Propositio.

Hic *reatus* proponitur non tantum ut *deprecandus*, sed conceditur & filiis Dei plena ad hoc libertas ac facultas, cum omnimoda spe & fiducia eam gratiam obtinendi. Cumque ea res propter consequentem conscientiae tranquillitatem maximi sit momenti, ejus expositio procul dubio erit etiam omni attentione dignissima.

Duplex

Duplex debet hic institui deliberatio.

I. De gratia expetenda.

II. De petendi modo.

Pars prima.

Occurrit itaque hic ex gravissimo Ipsius Domini præscripto *postulatum de remittendo peccato*, cui includitur mentis sollicitudo de *peccatis*, & *desiderium solatii remissionis*.

I. Qui hic introducitur concipiendus est, ut ex conscientia *debitorum* sollicitus. Res est sollicitudine plena, tum autem, qui Deum amat ut Patrem, metuit num experiatur Ejus favorem; cum metus causa justa adsit, ubicunque conscientia *debitorum* urget.

A. *Debita* vocantur *peccata* nostra: Luc. XIII. v. 4. Quod & hic obtinere evincit collatio loci: Luc. XI. v. 4. cum Matt. VI. v. 14. Estque efficax & emphaticum in hac materia vocabulum ad explicandam hinc *peccati* naturam, quæ est non persolutio officii nostri; obligati enim sumus ad faciendam omnem Dei voluntatem ut servi Ejus, quo officio non soluto scribimur ut *debites*: confer Maleach. III. v. 16. Illinc spectat ad indicandum *reatum*, in quo est obligatio ad poenam: Matt. V. v. 25, 26.

B. Hæc *debita*, Doctore Christo, filii Dei vocant *sua*, atque ita vocantur ad confessionem *peccatorum suorum*, in qua ad Deum deferunt sollicitudinem animi, quæ est in testimonio conscientie de *commisso peccato*. Hanc *peccatorum* confessionem requirit Dominus ab omnibus Deum convenientibus.

N. Nemine excepto, quia omnes, etiam sanctissimi, adhuc impingunt & *peccant*, quoniam superest in iis caro impugnans Spiritum: unde in fide imbecillitas, in amore sæpe languor, in spe vacillatio animi. Hinc sæpius inordinatæ passionis animi ebullientes, iræ scilicet, libidinis, avaritiæ & similibus: imo & in cruce & afflictionibus impatientia. Tales sunt lapsus Sanctorum in Vet. Test. commemoratorum, Noachi, Lothi & Davidis. Hinc sanctorum querelæ: Job. IX. v. 2. xv. v. 15. xxv. v. 4. Psalm. cxxx. v. 3. I Joann. I. v. 8. Jacob. III. v. 2.

2. Hæc confessio exigit testificationem dilaplicentia animi in eo, quod non satisfecerit quisque officio suo, quotiescunque *voluntatem Dei* non fecit in terra, ut illa sit *in calis*, reperientes in se cum Paulo, quod *fecerint quæ nollent*: Rom. VII. v. 19—23. In qua confessione Deo ceditur

calorum exspectabant Discipuli Christi vi mortis Christi secuturam.

- B. Ad Deum ut deferamus hoc desiderium tanquam ad *Patrem* jubet Salvator, Qui Ipse pro defectoribus rogavit *Patrem*: Jesai. LIII. §. 12. Et jure merito,
- N. Quia nemini præter Deum competit *jus remittendi peccata*: Matt. ix. §. 16. coll. cum antecedentibus: Jesai. XLIII. §. 25. Rom. iv. §. 6—8. VIII. §. 33.
3. Quique solus sufficit ad hoc, dummodo in Christo quæ-
ratur; quippe Qui sine accepto *λόγῳ reatum* non aufert: hoc enim Socinianorum *ὑπόμνημα* est, contra Rom. III. §. 25. IV. §. 25. Sed tantum propter Christum, & in *nomine* Ejus: Joann. xvi. §. 23, 24.
4. Quia Ille voluntatem suam de *remittendo peccato* ita dedit testificatam: Psalm. cxxx. §. 4, 7, 8. Unde eum in modum celebratur: Mich. vii. §. 18, 19. Prout illud nomen Dei etiam exclamatum fuit coram Mose: Exod. xxxiii.
7. Accedit quod hæc gratiæ dispensatio œconomix divinæ sit propria & gloriosa: Psalm. ciii. §. 8. Atque proxime fluat ex *paterno* amore: Maleach. iii. §. 17. Ita ut cum amore matris conferatur: Jesai. XLIX. §. 15.
- C. Ad hunc deferenda sunt *omnia peccata*, quia gratia *remissionis* se extendit ad *omnia crimina* majora & minora, sive ante resipiscentiam commissa, sive postea. Ita enim Christus: Matt. xii. §. 32. Nullum *peccatum* excipiens præter unum in *Spiritum Sanctum*, a quo nunquam homo resipiscit: fundamentum est, quod Christus pro omnibus *peccatis*, cujuscunque sint generis, *λόγῳ* persolverit, atque adeo *remissionem* Secum adduxit: Psalm. cxxx. §. 8. coll. cum §. 4. Unde & pro piis *παράκλητον* agit: Joann. i. §. 9. coll. cum cap. ii. §. 1, 2. Graviora *peccata*, ante conversionem commissa, *remissa* sunt in Paulo & latrone; & post conversionem primam in Petro, Christum abnegante, seque ipsum devovente, quem tamen Christus redivivus in gratiam suscepit.
- D. Docuitque etiam nos præcise Christus hanc gratiam *rogandam* esse non tantum in particulari, sed & in communi pro tota ecclesia: unde dicit filius Dei in nomine Christi, & dicere jubetur, *remitte nobis*. Quod profluit
- N. Ex amore gloriæ gratiæ divinæ; qui enim amat clementiam Dei *remittentis*, & sanguinem Christi, *remissionem* illam promerentis, non potest non gaudium concipere ex gratiæ istius dispensatione in pluribus; atque adeo de-

desiderium concipere videndi gratiam illam manifestatam in pluribus.

2. Ex justa sollicitudine, quæ nascitur ex corruptione morum ecclesiæ: venit enim unumquodque fere membrum particulare in participationem *reatuum*, in communionem Sanctorum, atque inde metus est ut veniat in participationem castigationum: quas igitur ut antevertat, omitti per *reatuum remissionem* desiderat.

Pars secunda.

Hoc ultimum ut magis perficiatur, jubet Christus *remissionem peccatorum* ita petere, ut habeat conscientiam *remissionis suæ* erga debitores.

- I. Officium, quod exigit Dominus est *remittere* & nostris debitoribus.

A. *Nostri debitores* sunt, qui quocunque modo in nos peccarunt, justitiæ & amoris leges nobis non solventes.

B. His *remittere*, in quantum id hominis est, significat depositionem omnis vindictæ ex animo propter læsionem acceptam, non tantum nostræ, quæ semper illicita est, sed & Dei, Qui non vult rogari ad vindictam, quamdiu spes est hominem salvandi. Nostra *remissio* proprie non solvit *reatum* commissum, sed intercedit apud Deum ut solvat Ille. Itaque cum in modum injuriæ latæ memoriam deponit ex animo, ut ei abhinc benevelit, conservi loco habeat, omniaque amicitiae aut societatis officia præstet.

C. Hoc *postulatum* exigit Christus ut debitum nostrum officium, proximo præstandum. Ea lex est Coll. III. 7. 13. Huc collimat Christus in parabola: Matt. XVIII. Hoc exigit amor Dei, quia isti *debitores* aut sunt de familia Dei, Filii Ejus; aut & inimici Dei & nostri. Si prius, non licet suspirare contra eos, quos Deus amat; si alterum, lucrandus est Deo, & per nostram clementiam convincendus. Hoc exigit lex æquitatis, quæ jubet, *ut alii facias, quod tibi fieri velis*. Siquidem ergo nemo lubenter velit, ut omnia ejus *peccata* ab amicis Dei sub suspiriis deferantur ad thronum Dei cum postulato vindictæ, oportet, ut & ipse facilis sit ad *remittendas læsiones debitoribus suis*, quas *remissas* cuperet ab exactoribus suis.

- II. Hujus officii conscientiam in antecessum cupit Christus ut puram & illæsam, si quis velit cum fiducia ad thronum gratiæ accedere, sibi que spondere *supplicationis* impetrationem.

A. Hoc

- A. Hoc significat vocula *et*, quæ hic comparisonem facit inter *remissionem nostram & remissionem Dei*. Quæ non est comparatio æqualitatis, sed secundum quid: nexus autem, quem intendit Christus, significat aliqualem inter utramque *remissionem* comparisonem, ita ut *remissio nostra* debeat antecedere supplicationem nostram apud Deum, ut habeat, qui *remissionem* petit, conscientiam non arguentem & contradicentem.
- B. Imo suspendit Christus spem acquirendi *remissionem* apud Deum ab hac conditione: Matth. vi. *ψ*. 14, Luc. vi. *ψ*. 37. Matth. xviii. in parabola. Non quod nostra *remissio* erga debitores sit causa gratiæ divinæ, eamque antecedit, sed quod sit fundamentum bonæ conscientiæ; scilicet nota fidei, quæ operosa in charitate. Maxima enim probatio charitatis fidei est etiam *diligere inimicos*, iis benedicere: Matt. v. *ψ*. 44. Quare, cumque hic sit fructus veræ fidei gaudentis in amplitudine gratiæ divinæ, non habet conscientiam vivæ fidei, qui obicem ponit in ullo homine quantum in se est, quo minus gratiæ fiat particeps.

Applicatio practica.

Observemus itaque, quomodo Christus nos manuducat ad thronum gratiæ cum hac *supplicatione*: scilicet ut, qui spem impetrandi illam gratiam velit habere vivam, hanc *supplicationem* sistat Deo non ut labiorum opus tantum, sed & animi sincere *desiderantis* quæ testatur, & intime cupientis, quæ ore profert;

Ufus cautela. Ut non sufficiat garriendo verba dicere, & animum habere a re ipsa alienum; ore proloqui & testari, atque longe aliter sentire apud se; quasi mentiri Deo, Eumque fallere vellet.

I. Itane agitis, qui sine ulla hœsitatione aut trepidatione in quotidiana pergitis *peccata*? hocine est ex mente Christi agere? imo quid aliud est, quam non *petere veniam peccatorum*, sed *veniam & licentiam peccandi*, quasi Christus sanguinem suum fudisset, ut vobis liceat Satanæ, mundo & carni inservire. Nulla hos tangit gloriæ Dei conservandæ cura, qui laxato freno gloriam Dei quotidie conculcant; offendere *Patrem* adeo clementem nihil pensi habent. Teneant illi, abuti illos nomine Dei *Patris*, neque impune id facturos, cum & in filiis non toleret Deus, qui Spiritum Sanctum contristant, ansamque dant ut virga castigatoria Dei in illos mittatur.

II. Neque sincere agunt, sed incaute hanc *orationem* effutunt, qui

odio, invidia & vindicta pleni se inexpiabiles præstant adversus proximum, neque in animum induci patiuntur, ut illatas *injurias proximo remittant*, fere nihil meditantes, quam de sumenda occasione vindictæ inferendæ. Utinam hi observarent, se nullum habere jus sibi spondendi gratiam apud Deum, bona conscientia ita destituti! qui enim *veniam* cupit, non data *venia proximo suo*, frustra cœli fores pulsat, nihil ejus obtinebit quod rogat, sed contra irritat Deum ad vindictam sumendam. Imo, quod magis & horrendum dictu est, orat pertinax contra se, propriæque condemnationis sententiam postulat. Si enim petit *remissionem*, ut *remittat debitori suo*, & non *remittat debitori*, revera rogat ut nec sibi detur *remissio*, & ita damnationem suam præcipitat.

Ufus admonitionis. Age igitur, & recte institue vitam tuam o Christiane! utque successum habeat præsens *supplicatio*,

- I. Acue *desiderium gratiæ remissionis* in mente tua, ut invenias in te veram famem & sitim justitiæ cum abnegatione tui ipsius; eam enim respicit Deus, inque ea virtute & sinceritate demum excipit supplicantem.
- II. Hoc *desiderium* adfer ad Deum, solum respiciendum in Christo. Ad *remissionem* illam assequendam non fiat confugium ad sanctos in cœlis, aut sacerdotes in terra: isti fontes *vivæ* sunt. Licet nobis per Christum nunc Ipsum adire Deum, ut ad Eum pateat via. Ne ergo labores fiant in vanum, sistite vos ad ipsum thronum gratiæ, dum sceptrum porrigit Ipse Christus, vosque manuducit ad *Patrem*, & magnum fiduciæ præbet fundamentum, dum jubet Deum respicere ut *Patrem* per Ipsum conciliatum, blandum & clementem, Qui nobis benevult, & excipit ut filios in Filio unigenito adamat.
- III. Imprimis fiduciam istam quisque stabiliat studio bonæ conscientiæ; quod fiet
 - A. Si quæramus gloriam gratiæ Dei etiam amplificare & manifestare, abstinendo ab omni illo, quod Spiritum Sanctum contristare, & clementissimo Patri displicere potest.
 - B. Per depositionem iræ, odii & invidiæ ex animo erga proximum, & pronitatem ad illi *remittendum*, qui forte in te commisit malum. Nisi enim ille sit animus in nobis, destituta est fides suo fructu, & restipulatio gratiæ suo fundamento.

Ufus consolationis. Si ita habeamus conscientiam nobiscum testantem, erit

- I. Consuetudo nostra cum Deo grata & jucunda in precibus, dum Eum licet sic intueri, ut Deum *Patrem* nostrum clementem, Qui cum mansuetis mansuetus est.
- II. Ita hoc commercium utile erit. Tales enim exaudiet Deus. Talibus

libus *supplicationibus* respondebit gratiose. Libellus enim supplex ita formatus ad ipsum dictamen Christi, non potest non Eo recipi, & ad *Patrem* ab Ipso deferri; neque poterit Ille frustra restipulari gratiam pro iis, pro quibus intercedit.

- III. Ita certus erit animus, quod, licet damnabiles simus in nobis, tamen nulla erit condemnatio in nos. Non exiget a nobis iustus Judex *debita* ad supplicia æterna, quippe *remissa*. Neque castigationes inferet indeterminatas, sed uti clementer Pater agit, ita aget ingenue cum his *supplicanibus*; ut nihil ob stare possit, quo minus hic nobis concedatur *remissionis* gratuite denunciatio, ut in vita sit gloria. Amen!

C A P. V.

DE TEXTIBUS PRACTICIS, VIRTUTEM ALIQUAM,
AUT VITIUM COMPREHENDENTIBUS.

- §. 2. Ut *thema simplex* concipitur *virtus* aut *vitium*; non striete & logice, sed quatenus *virtus* aut *vitium* concipitur tanquam in simplici obligatione, per modum præcepti aut prohibitionis. Ita *estote misericordes* representat *miseritordiam* in tua natura & ambitu, adeo ut illa *virtus* tanquam in loco communi concipienda sit, & quidquid ad eam *virtutem* spectat in concione pertractandum sit, considerando *miseritordiam* esse nostræ obligationis, quam præstare decet erga *miseros*.

I. *Emphasis vocabulorum*, quibus denominatur *virtus* aut *vitium* facile invenitur apud Lexicographos & Ethices scriptores, qui Etymologiarum rationes habent.

- H. *Consideratio energetica & genetica* probe distinguenda est. *Energetica* autem, quæ primæ considerationis est, ostendit quid *virtus* proprie agit, versaturque circa actiones & effectus *virtutum*, tam *elicitas* quam *imperatas*: sic & *vitia* considerantur *energetice*. Verum *genetica consideratio* agit de principiis *virtutum* & *vitiorum*, ostenditque *ex quo animo* orientur bonæ aut malæ actiones, & *quomodo* hominem inducant in istas cogitationes.

A. *Objectum*, circa quod *virtus* aut *vitium* versatur, perpendi hic debet in iusta relatione: unde, cum alias de *objectis* minima sint dicenda, hic res se longe aliter habeat. Hoc itaque ut feliciter fiat, oportet inspicere brevissimam illam *Scio-graphiam Theologiæ paræneticæ*, quam alias cum tironibus communicavimus.

Quod ut evidentius constet, notandum in officiis erga Deum,
N n 2 Deum

Deum esse proponendum in certa quadam relatione ad nos. Ita *amor Dei* Deum respicit ut summum Bonum, cum nullis aliis rebus comparandum, *honor Dei* considerat Eundem ut summum & summe Perfectum, quum *honor* nihil aliud sit, quam agnitio præcellentię divinæ, quam ad perfectiones absolutas possidet, quarumque decus ad laudem Sui manifestare decrevit.

In *officiis erga nos ipsos* debemus nos considerare ut servos Dei, ad hoc conditos, redemptos & regeneritos, ut *officia* quædam feliciter præstemus anima & corpore, in quantum ad propagandam Dei gloriam faciunt. Hinc in *officiis* particulare concipimur tantum ut utiles Deo ministri, quando habemus facultates ad id excultas. Ita *sapientia* concipitur ut mentis ornamentum, qua tantummodo de Deo recte cogitare, & optima, quoad pondus rei & dignitatem, expendere possumus. Mens itaque hic *objectum* est ut ornanda. Ita & *linguæ officia* jubent ut expendamus *linguæ* usum in antecessum, esse per Anatomiam rem admirandam, qua mentis cogitationes cum aliis communicare possumus, ac proinde nobile Dei donum, proinde organum Deo servandum.

Si porro *officia erga proximum* perpendamus, *proximus* semper considerandus est ut nobis similis, dein ut conservus noster, quem Deo non inutilem reddere debemus, sed utilem, adeoque in eum conferre, quæ illum Deo utiliore facere possent.

Sed in specie sciendum varietatem *virtutum*, erga *proximum* occupatarum, pendere a diverso statu ejus, in qua relatione considerandus est. Sunt enim aut concives, quibus debemus pacem; aut sympathetici, quibus debemus amicitiam; aut fratres ejusdem fidei & consortes, quibus solvenda est *φιλανθρωπία*: sit contra homines, cum quibus nobis res est, sint offensi, ipsis conciliatio debetur; si injuria opprimentes, tolerantia & mansuetudo; si hostes, verus amor ipsis non est denegandus. Ita etiam a statu externo oritur relatio varia; si felices sint, ulteriore favore sunt prosequendi; si infelices, ipsis debetur misericordia. Ex quibus jam satis patet *objecta* non esse sicco pede transeunda, verum in singulari statu perpendenda.

B. In tractandis vitiis aut virtutibus,

N. a. *Consideratio energetica* ut plurimum constat ex Ethicis, omnibusque Practicis in communi; atque ita progreditur ab *actionibus elicitis* ad *imperatas*. Ita V. C. *Miseri-*

sericordia, quæ versatur circa *proximum afflictum*,
Ubi

a. *Actus elicti* sunt voluntatis & desiderii, ex benevolentia profluentis, qua cuperet ut loco *mali* oppositum bonum possideat; deinde condoleſcentia, qua *malam proximi* respicit cum participatione doloris, cuius oppositum est *χρησαπρία*: inde propositum animi & decretum *miserum* illum, quantum in se est, a *malis* istis liberare; quod pertinet ad propositum mentis.

b. *Actiones imperatae* hic sunt

a. *Oris*, cuius opera sunt,

*. Patrocinium præbere in ordine ad potentiores, qui *mifero* subvenire possint, & quod in nostra potestate non sit, adimplere. Est & aliud genus patrocinii in precibus ad Deum, pro fratre *mifero* rogare gratiam & auxilium Dei.

**.

Consolatio, quæ dejectum erigit *misericordia*, argumentis excitantibus *miserum* corroboranda, ne *mala* sua pluris quam decet respiciat, viasque Dei perpendat, & conetur ex afflictionibus proferre fructum, quem istæ intendunt.

b. *Manus*, cuius opera sunt,

Quando & ipsa *misericordia* manum applicat, qua subveniat egestatibus, ut, si pauper sit, elemosynas præbeat; si exul hospitium; si ægrotet opem & auxilium: atque adeo secundum postulata *miseriæ* varia, quæ emollire, aut defectus supplere queunt, pro viribus conferat.

¶. Quoniam natura virtutis est edificativa, vitiorum destruktiva, adeoque in utraque relatione quid conducat, aut non conducat, persplendere solet. Oportet itaque ut in explicatione prædicati effecta istarum operationum urgeantur in ordine ad *objectum*: ita conditio *objecti* sit melior aut peior. Collatio boni, aut ablatio & privatio ejus reddunt nos aut proximum instructos, aut destitutos iis, quæ requiruntur ad officia servi aut servorum præstanda. Diximus in consideratione *objectorum*, ut debeant respici in suo formali secundum relationes ad certum statum. Per hoc thema illustratur, quomodo nostræ operationes singulares perficiant in ista relatione,

aut destruant servos Dei circa officium suum. V. C. Eadem illa *miserecordia*, *miseriam* qualemcumque aufereudo sollicitudinem hominis *miseri* aufert, ut alacriori animo in officio erga Deum pergat, consolando depressum animum erigit ad alacritatem, ne obmurmurando aut desperando animum abjiciat.

γ. *Proprietates modificantes actiones* aliquando etiam non sunt omittendæ. E. G. *Amor proximi*, si verus amor sit, se comprobare debet

a. Ex *alacritate*, qua non tantum se componit ad *actiones imperatas*, sed per *alacritatem* in tempore subvenit, non cunctatur, non protrahit quod proposuit, quippe cui notum est proverbium, *qui cito dat, bis dat*.

b. Ex singulari *fidelitate* agit, non tantum fidem præstando quam dederat, sed etiam apud alios de ipso rite loquendo. *Fidelitas* nihil omittit eorum, quæ conducere novit. Qua proprietate opponitur *amori facato*, qui quædam agere in commodum *amati* videri vult per externam aliquam operam, sed tamen eo ipso clam, pravisque consiliis *amatum* evertere proposuit. Notate hic etiam inter Pontificios, qui de *virtutibus* & *vitiis* egerunt. In proprietatibus istis singularibus notandis, usum qualemcumque præstare potest Buzæus Jesuita in suo *Viridario* & *Panario*.

δ. Hæc *consideratio genetica* imprimis facit ad castigandam praxin *virtutum*. Nihil notius est, quam omnes *virtutes* externas in foro Dei non valere. Jam olim Theologi monuerunt distinguendum esse in iustitiam civilem & evangelicam; licet enim animus imperet eas actiones, quæ sunt *miserecordiae*, nondum tamen statim absolvit formale *miserecordiae*, quia condoleſcentia oriri & excitari potest a principiis minime *virtualibus*. Potest enim illa nasci ex temperamento facili, & cogitatione mutui auxilii, in mutua commoda desiderati. Alius enim *miserias* intueri non potest, quin affectus *συμπάθεια* facile impellere eum ad communionem doloris possit, qui affectus tamen mere brutalis est, si non concurrant alia principia. Aut si derivetur ex commodo politico, tota operatio externa profluit ex *φιλανθρία* & theſi politica, quæ dicit, *Tunc tua res agitur, paries cum proximus ardet*. Notandum itaque hic appri-

apprime est, observandam esse definitionem bonorum operum, quæ postulat ut mandatum Dei fiat ad legitimum scopum. qui solus est gloriæ Dei, ut a nobis promovendæ, ratio, prout in singulis virtutibus observanda est; deinde ut fides sit charitatis omnis genitrix, atque etiam virtutem modifcet.

1. Ad scopum quod attinet in omnibus officiis, quæ nos aut proximum respiciunt, observandum est hominem quemcunque in excolendis virtutibus obligari ad servitutem Deo præstandam. Jam vero servitus nostra in ordine ad Deum nil confert nisi certam rationem glorificandi Deum. E. G. In officiis erga nos temperantia nihil aliud agere intendit, si vera est, quam ut abusu rerum terrestrium non reddamus nos ineptos ad opus servorum Dei. In ordine vero ad proximum unaquæque virtus, bonum aliquid proximo conferens, intendere debet vel homines Deo lucrifacere, vel perficere, ut nobiscum se servos Deo sistant promptos atque habiles. Cumque socii peregrinationis nostræ se dupliciter habeant, aut ut mali, nondum conversi; aut ut boni, amore fraterno complectendi; priores respici debent, ut, si possibile sit, ad Deum reducendi, quo lucrifiant Christo ad commune opus glorificandi Deum: aut si spectentur ut jam conversi, spectari debent ut organa divinæ gratiæ, ut conservi, quorum est ad communes obligationes nobiscum concurrere: hi itaque spectari debent ut nobis commendati, quibus debemus, ut Deo inserviant, opem, consilium, concursum ad bona opera & similia.

2. Cumque ea, quæ non fiant ex fide, sint peccatum, jam etiam deliberandum est, quid fides proprie agat ut nos inducat in eam sententiam, quæ comprehendit propositum & studium vitæ melioris. Quare, quando versamur in officiis erga nos, fides credit nos a Christo redemptos, a Spiritu Sancto sanctificatos, & ex iis vinculis Deo obstrictos esse, non tantum titulo Dei Creatoris, sed multo magis Restauratoris ad spem salutis. Ita temperantia nascitur ex fide, quando credimus Christum redemisse animam & corpus, quæ proinde ipsius sunt, in oppositione ad statum anteriorem dominii & servitutis peccati. In virtutibus autem erga proximum fides credit communionem sanctorum, atque adeo gaudet in multitudine coheredum gratiæ, & Regni Christi.

sti; nec non agnoscit obligationem gratiam *Dei* amplificandi in hominibus, eadem gratia vocatis, eodem sanguine redemptis, eodemque Spiritu sanctificatis. Attendit ergo *fides*, ut ejusdem communionis homines accipere possint a nobis, quæ obstacula removeant, aut necessitatem impleant, ut nobiscum Christo possint esse utiles, Credit quoque *fides* consiliū *Dei* de propagando Regno Christi hoc agere, ut quotidie homines ex statu peccati in statum gratiæ transferantur, & agnoscit etiam nostræ obligationis esse, ut cooperemur cum *Deo*. Animas servare, quæ in periculo pereundi versantur, etiam cuique nostrum est commendatum. Hisce in antecessum rite pensatis, facile erit jam concipere, quæ de *genesis virtutum* tenere oportet, modo recte expendamus, quæ *mala* sint corrigenda, quæ *bona* conferenda per unamquamque *virtutem*. E. G. *Man-suetudo* pro *objecto* habet hominem viro *mansueto* injuriam inferentem, quæ sorte hominem viro *mansueto* invocaret ad iram & vindictam: cumque ita *proximus* exacerbetur & magis a Deo alienetur, contra vero per retributionem bonam forte possit convinci, emolliri, ut saltem non amplius recedat a Deo, ratio lucrificandi hominem *Deo* & Christo hic maxima est ad cohibendam iram, dum respicit hominem talem ut infania affectum, morbo periculoso laborantem, *miser cordia* potius, quam ira dignum, unde & cor *mansueti* hominis etiam ipsum emollire potest.

S. 3. Monemus hic, quænam circa *motiva* observanda sint in *applicatione*; attamen monitum velimus lectorem, singulares hic *usus* esse instituendos. Scilicet

- I. *Basis applicationis* præmitti debet, quæ semper monet hominis Christiani obligationem, in textu pertractato esse observandam.
- II. Ubi *basis* est obligatoria, hoc est *officium* & *virtutem* præscribens, primus usus est *reprehensorius* non tantum eorum, qui contraria & opposita amplectuntur *vitia*, verum etiam eorum, qui minus recte agunt, etiamsi effecta in sensus occurrentia *virtutem* sibi observasse videantur. Quod locum habet in hypocritis & civiliter justis, qui monendi sunt, ne per carnalem securitatem, & vanam opinionem se decipiant, munus se *Deo* debitum præstitisse imaginantes, qui tantummodo ex indole quadam, aut ex studio proprii commodi agunt, sive propriam quærant gloriam, sive aliud commodum civile.
- III. *Admonitiones* post *reprehensiones* sequuntur, etiam quando *basis* ostendit

ostendit fugam *vitiorum*, quæ admonitio & aliquando agendi modos variis positionibus discutit, quibus præmissis *motiva* locum habent.

IV. Quæ de *motivis* monemus, ut vela contrahamus, occupata fuerunt a nobis Part. I. cap. XI. §. 3. Monendi hic tantum sunt *tirones*, ut omnem vim concionis *paracleticæ* in *motivis* ad *officium*, aut dissuasionibus *vitiorum* discutiant: in iis enim omnis vita & anima concionis *præctica* absolvitur.

§. 4. Quæ hic moneo circa *elegantiam styli* etiam faciunt ad *elegantiam*. V. G. Si quis *φιλαίθρως* delineare velit in *actionibus imperatis*, & *proprietas*, in *consideratione genetica* vividius loquetur aliquando, si *persona illa virtute imbuta* repræsentetur, dicendo, *φιλαίθρως* ille meus, quando animi sententiam executioni demandat, linguam addicit suo *commilitoni*, ejusque patronum agit &c. Nec contentus est *socio peregrinationis* consilia dedisse, sed & manus habet promptas, quibus ei auxilium præbet; diligens est in opere, quo defectus ejus adimpleantur &c. Quando ad *geneticam considerationem* descendimus, in hunc fere modum instituimus; *φιλαίθρως* ille euangelicus, & vere Christianus se in eam sententiam pertrahi patitur non ex cæco impetu, non ut hypocritæ, quærentes quæ sua sunt, sed ut vere *fidelis*, qui *socios peregrinationis* respicit in Christo, sive ut adductos, sive ut adducendos ad salutarem illam conjunctionem cum Christo &c. *Gloria Dei* illi quam maxime cordi est, nihil magis desiderans, quam ut *laus gratiæ* divinæ promoveatur in *socio itineris*: & similia.

§. 5. In tali *προσωπογραφία* hominis, indefinitæ virtutis studio occupati, non sine singulari elegantia amplificantur *characteres exemplis*, *emblematis*, & *dictis Sacræ Scripturæ*.

I. *Exemplis*, quando intersperguntur ad singulos *characteres* homines pii, aut, si de vitio agatur, impii, in quibus hi vel illi *characteres* magis persplendent, qui hoc vel alio modo introducuntur. Imitator hic meus *φιλαίθρως* est Domini nostri Jesu Christi, Qui animam & vitam pro humano genere tradidit: ita calcavit vestigia Apostolorum, Prophetarum & Sanctorum, &c.

II. *Emblematis* nonnunquam res egregie adornatur, quando *historiolæ* & gesta hominum eleganter transferuntur ad causam. Harum rerum copiam curiosus sibi acquirere poterit ex lectione scriptorum, in hoc studio excellentium. Quales *Boccalinus* Italus, *Cæsar Ripa*, & *Montaigne* Gallus. Ex quorum sedula lectione *ὁ μακαρίτης* Vir clarissimus *Schaankius*, facundissimus pro cathedra Orator, sibi peculiarem acquisiverat dexteritatem *moralia* talibus *emblematis* adornandi, habitusque fuit omnium audito-

Divisio.

Ut textum distinctius excutiamus, nobis attendendum est

- I. Ad objectum.
- II. Ad virtutem, quæ est *misericordia*.
- III. Ad studium commendatum.

Pars prima.

Designat Apostolus objectum, cui officium debemus, sub dictis *οἱ ἀλ-
αῖλοι*, designans

- I. Homines *miseros*, quibus *misericordiam* debemus: cumque non una species sit *miseriarum*, quæ hominem opprimunt, omnemque alacritatem in eo extinguunt, licet eas referre ad duo capita.
 - A. Ut alia species *miseriarum* sit spiritualis; quando quispiam respicitur in potestate tentationum aut lapsationum. Harum enim respectu concipitur aut ut a Satana in tentatione victus, atque ita ob multas exactiones anxius, aut ut secundum consolationem fidelium multis modis turbatus, Deo aliquando hosti nonnulla permittente: in quibus casibus sæpius habet non tantum conscientiam minime bonam, sed etiam adversantem.
 - B. Vel *miseria* est corporalis externa, dum necessitatibus vitæ est destitutus, aut illi cum morbis vel damnis externis ita luctandum est, ut se solus minime ex iis expedire queat.
- II. Respicit Paulus quidem potissimum, quando Ephesios Christianos hic monet de officio, fideles inter se, ut etiam minime excludat omnes homines, sed hic agit de iis, quibus potissimum *commiserationem* debemus: charitas enim ante omnes respicit condomesticos in domo Dei, qui primo loco habendi sunt.

Pars secunda.

Virtus autem fratribus & concivibus debita est *misericordia*, quæ

- I. Quoad etymon hic quam elegantissime exprimitur, dum vocantur *misericordia* imbuti *ὑπὸ λαγχοῖς*, a facili viscerum motu, nec tantum, sed a rectitudine istorum motuum, describens non solum *misericordiam* passionem, sed & *misericordiam* virtutem. *Σπλάγχις*, sive viscera in *misericordia*, quæ passio est, moventur quasi cum

turba interiori etiam in brutis animalibus, estque motus spirituum animalium a conspectu rei injucundæ & tristioris excitatus, viscera constringens, & hinc inde vellicans, unde determinatio spirituum animalium per modum regurgitationis invadit imaginationem, atque impellit ad auxilium. Verum cum tales motus in hominibus existere possint *αλογος*. & ex simplici molliori temperamento, eleganter Apostolus aliquid ulterius requirit, quando præfigit particulam *ἵνα*, significando *miseri cordiam* virtutem, quæ sub imperio mentis agit, & quidem mentis sanæ recte agit.

II. Unde *miseri cordia* est cordis atque animi commotio, ad omnia amoris officia tendens, atque ex dictamine rectæ rationis se erga *miserum* beneficium exhibens, quæ opponitur *immiseri cordiæ* & crudelitati, adeoque

A. Respectu *actionum eliciarum*, anima ipsa *miserum* respiciens longe abest a duritie cordis, eaque immanitate, quæ nil movetur ex aliena *miseria*, verum respiciens proximum pæsertim fratrem, ut non tantum sibi junctum, sed & sibi commendatum, concipit *commiserationem*, ita ut afficiatur ab illis malis non aliter ac a suis propriis: hinc *luget cum lugentibus*: Rom. XII. v. 15.

B. Unde prodeunt *actiones imperatæ*, quæ pro mentis imperio tendunt ad levamen proximo conferendum, si quidquam sit in ejus potestate.

N. Ore solatia & patrocinia confert. Solatia, dum *miserum* corroborat in tolerantia, dejectam alacritatem excitando, eundemque ad spem promovendo: vel si in *miseria* spiritali inciderit per errorem aut lapsum *commiseratione* dignus est, atque tum præstat per reprehensiones & correctiones, ut ex Satanæ tentationibus eripiatur; fraternisque admonitionibus, ut in viam reducatur; cupitque illi esse a consiliis ea suppeditando media, quæ hominem ex cassibus Diaboli extricare valent.

Sin vero casus *miseriarum* sint, ut ipse quidem per se aut multum præstare queat, non contentus est homo *miseri cors* solatiis & consiliis, verum patroni personam induit, cum apud Deum precibus & intercessionibus, tum apud amicos plus se valentes agens. Proinde in *miseria* corporali apud divites, ut defectibus adimplendis pro ratione causæ succurrant: aut in *miseria* spiritali apud homines spirituales, ut pro concessis a Deo donis, quod valent, etiam conferant, *manumque* mutuent tam in consolando, quam in consultando.

2. Nec

2. Nec sufficit ad explendam *misericordiam* verba dedisse: *consideratis* enim *energetica* *manum* atque *operam* requirit.

a. In *miseria* externa ea adducendo, quæ defunt homini *miseri*, quæ vocantur opera *misericiordiæ*. Confer testimoni-
monia: Jacob. II. *ψ*. 14-16. I Joann. III. *ψ*. 18. Pro-
verb. xxxi. *ψ*. 20. Lex perpendenda est: Deut. xv. *ψ*.
7, 8. Hinc esurientibus panem, sitientibus potum sup-
peditat, nudis amictum, peregrinis hospitium, atque
ita in qualicumque casu, id quod deest, pro viribus
supplere conatur. Qualia opera Christus Dominus
enumerat ut expendenda: Matt. xxv. *ψ*. 35, 36.

β. In spiritualibus autem malis, cum præter consilia &
patrocinia vix quidquid valeat, nihilominus tamen
ipsum temporis impendium libens concedit, ubi vel
nulla medicinæ spes est, etiam cum damno rerum pri-
vatarum.

III. Proprietates, estque vere *misericors*

A. Promptus, statimque ad auxilium adferendum paratus, in
tempore succurrens: Proverb. III. *ψ*. 28. Job. xxxi. *ψ*. 16.
Gal. vi. *ψ*. 10.

B. Curatque, quæ agit, alacriter, voluntarie, non coacte, hila-
riter, non cum tristitia: Rom. xii. *ψ*. 8. II Cor. ix. *ψ*. 7.

C. Liberaliter, non parce: II Cor. ix. *ψ*. 6.

D. Prudenter tamen & accurate circumspiciens, ubinam elee-
mosynæ bene aut male locentur: oportet enim hic omnium
quidem *misereri*, sed cum distinctione & discrimine: Judæ *ψ*.
22, 23. *Misericordia* enim intendit verum bene esse, quæ ad
salutem promovendam conferunt; qui enim ex pigritia elee-
mosynas quærunt ut molliter vivant, non sine dispendio re-
rum sic acquisite, reprehendendi potius sunt, quam ut in
eo vitæ genere foveantur.

E. Cum humilitate *misericors* sua dispensat. non quærens inde
propriam gloriam.

Pars tertia.

Quare attendendum est ad istius *virtutis* studium in ipsa ejus *genesis*,
quod Paulus jubet, quando dicit *ymothi*. Adeoque exigit a nobis, ut
misericordia illa sit recta, ut oriatur in nobis ex rectis principiis. Non
sufficit enim opera omnia illa *imperata* facere & fecisse, sed exigit, ut
studeamus ex justo fonte *genesis* derivare. Opera enim illa externa præ-
stant aliquando homines ex sola molliori indole, ita ut passio agat, non

ratio; præstabant & Pharifæi, sed ex solo vanæ gloriæ studio cum cupiebant videri: Matt. vi. 2. Nec causam absolvunt, qui ex civili aliquo principio operantur, quia credunt verum esse axioma, *Tunc tua res agitur, paries cum proximus ardet.* Verum ut purificetur consilium *misericiordiæ*, requiritur nobilior scopus & fons.

I. Consideratio *gloriæ Dei* debet *misericordem* pertrahere ad subveniendi consilium & decretum: ille Deum considerat ut Qui ordinem in Regno suo conservari velit, illumque ad gloriam suam tueri. Quare *misericors* meus attendit,

A. Quæ confert, aut conferre potest, dona Dei esse, quæ in hoc casu cum proximo *mifero* sunt communicanda, quorum non sumus absoluti domini, sed feudatarii & administratores, qui dispensare ea debemus ex imperio Dei, adeoque reddere Ei cum hilaritate & restituere, aut transferre in eos velle debemus. Hæc enim est *gloria Dei*, quod in omnibus testemur omnia nostra Ejus esse, ut supremi Domini, & nos omnes esse servos Ejus, qui alacriter Domino in conservis debemus officium.

B. *Misericors* ille meus etiam observat *gloriam Dei* in regendi modo. Qui his opulenta hujus mundi dedit, illis parca manu; sed uti in prioribus benevolentiam præstat, ita in posterioribus aliquam castigationem aut tentationem, per clementiam tamen moderandam & mitigandam. In opulentis explorare vult gratiam & abnegationem sui; in hisce tolerantiam, patientiam & constantiam. Qui ergo hunc ordinem Dei expendit, ille œconomiam illam non potest non laudare, & *misericordiam* exercere in casu proposito. Pauper & *miser* qui accipit, debet celebrare Spiritum Dei, datores ad ista auxilia disponentem, & leges œconomix divinæ potentiores ad ista obligantes.

II. Consideratio *fidei* præprimis disponit hominem ad laudandum *misericiordiæ* exercitium: ea enim agnoscit obligationem nostram ad succurrendum *miseris*, valde adstringi

A. Ex eo, quod sumus conservi Ejusdem non tantum Dei Creatoris, sed etiam Dei Redemptoris. Sunt enim *miseri*, qui nobis obijciuntur, conservi utiles, vere fideles, & vere cooperarii in opere Dei, quibus propter promotionem operis Dei in præstatione officii sui debemus non impedimentum, sed auxilium: vel sunt hostes Dei, sive in hostium cassibus irretiti; quo in casu *fides* tamen illos respicit ut lucrificandos Christo, atque ita cum *misericiordia* habendos, num forte vel hoc modo ad veram communionem sanctorum pertrahi possint: *fides* itaque communionem sanctorum ita respiciendo

credit

credit *miseros* esse non tantum, vel fieri posse concives & conservos, sed membrorum instar sub uno capite Christo habendos; inter quos propter unum Spiritum non potest abesse *compunctio*.

- B. *Fides* credit omnes servandos esse redemptos, & gratia Spiritus Sancti occupatos, atque proinde Deo dilectos summo-
pere; quare & credit Deum eorum causam acturum, quæ-
cunque præstamus nos præstare amicis Dei, Qui & a nobis
exiget eorum rationem. Hinc ex amore Dei, qui in primo
fidei actu est, necessario profluit ille amor *miseriordiæ*, qui
oppositum *miseriis* bonum in ejusdem amoris Dei participes
conferre debemus.
- C. *Fides* credit primam rationem hominis Christiani esse, ut re-
dempti a Christo Deo vivant, cetera omnia minora esse, &
ad summum bonum minime spectare, nisi quando mediorum
rationem habent. Deo enim ut quis vivat vivendum est,
adeoque ut possit habere & utilis proximus, sine quibus nec
ipse pro voto experitur Deo vivere, etiam lubens proximo
conferre præoptat, quousque ea invenit in sua potestate.

Applicatio.

Hiscæ perpensis sponte profluit inter primarias virtutes, quæ a vero Christiano abesse non possunt, *miseriordiam* numerandam esse, in qua potissimum hominum vere credentium sanctificatio pellucere debet.

Usus reprehensionis. Quæ virtus ubi deest, etiamsi Christiani audiant, vere Christiani non sunt, quidquid sibi persuadeant. Non habitat Spiritus gratiæ in corde duro & immoto: qui mentis oculos ab intuitu *miserorum* avertunt rupium instar obrigescunt. Quibus *avaritia* & turpis lucri ardor cor & manus claudunt, adhuc in carne sunt, ejusque concupiscentiis constricti: quare ingemiscendum est homines sub Christiano nomine inveniri, qui ita a præceptis Christianæ religionis sunt alieni. Isti sane maculæ sunt in agapis, dehonestamenta tam sancti nominis. Quales utinam non plures invenirentur Stoici magis quam Christiani! qui a *miseriis* tum spiritualibus, tum corporalibus, quæ in proximo observandæ erant, nihil moventur, quorumque causa illos nihil tangit. Neque illi solum inter *immisericordes* numerandi sunt; verum etiam hypocritæ nostri seculi a virtutis istius possessione vera excludendi sunt, quotquot ex passione, non ex ratione aliquid largiuntur, nihil respicientes quod respiciendum erat, licet enim etiam illis viscera moveantur, existimandum illis fuerat & illud ex bono fine & scopo curandum fuisse, ut dici possit *motus ille rectus*,

Usus

Usus debortationis. Periculosa sane ista conditio.


- I. Tu, qui *misericiordiam* negas proximo, nescis te ipsum *misericiordia* egentem? nexum enim constituit Deus inviolabilem inter nostram *misericiordiam* erga proximum, imprimis erga fratrem, & *misericiordiam* suam, quam negabit illis duri cordis hominibus, imprimis quando causa discutietur pro tribunali divino. Confer Matt. xxv. ψ . 40. Jacob. ii. ψ . 13.
- II. Scito fide, sine qua nemo Deo placere potest, destitutum esse, qui tales fructus debito modo non profert, etiam fidem jactitet. Hos oppugnavit serio Jacobus in epist. cap. ii. ψ . 14 — 20. Potissimum hoc concludens, fidem sine operibus *misericiordiae* mortuam esse. Ut se *miserere* decipiant, qui sibi ex fide ista mortua fructus salutis spondeant.

Usus adhortationis. Vos quod attinet, qui sanctificationi vestrae studetis, non tradite oblivioni hanc virtutem: Heb. xiii. ψ . 16 Et colite eam legitimis modis, sit fides vestra efficax, in hisce non contenta dedisse aut fecisse. unde *miseris* eveniat auxilium & levamen, sed estote in hac praxi quotidie uberiores & sinceriores.

- I. Occurrite *miseris* spiritualibus, sive sint lapsi, sive in peccatis irretiti, luctantes cum temptationibus quotidianis. Omnis vester labor sit ex *misericiordia* profluens, ut reducantur ad Christum aut lucrifiant Deo. Non est conditio magis deplorabilis quam horum, quæ debet elicere veram *commiserationem*, atque imperare actiones, quæ ad peccatorum conversionem aut piorum confortationem conducunt, ore & opere, per nos aut per alios, precibus & patrociniis.
- II. Sin vero homines *miseri* sint ex afflictionibus & egestatibus corporeis, ut sub istis oppressiōibus externis eorum talenta exserere non queant, aut ipsi alacritatem in cursu pietatis in se sentiant extinguī, etiam his succurrere homini vere Christiano incumbit potissimum etiam ore & opere, defectus adimplendo pro viribus. *Estote ergo erga vos invicem ὑπολαγχοι* cum liberalitate in erogandis eleemosynis, unde juventur egeni, idque pro viribus.

Incitatio per motiva. Exigit enim illud

- I. Obligatio præcepti divini: Deut. xv. ψ . 11. Imprimis commendatum id est ecclesiæ ultimorum temporum: Jes. lviii. ψ . 7. Propter uberiores quas perferendas haberent multi persecutiones, Antichristianas exactiones, nec non divinam castigationem.
- II. *Misericiordiae* studium ejusque opera magnam partem faciunt religionis puræ & incontaminatæ: Jacob. i. ψ . 27. Ut ex istis radiis colligatur lux vestra, imo ut Deus Ipse hoc modo colatur. Imo nescio quomodo commendetur religio, quæ in operibus *misericiordiae* incurrit in sensus, unde celebrata fuit patrum nostrorum reli-



TRACTATUS BREVIS


D E

FORMULIS

LOQUENDI,

A D

STYLUM PRO CATHEDRA
ADORNANDUM.



TRACTATUS BREVIS

D E

FORMULIS LOQUENDI,

A D

STYLUM PRO CATHEDRA ADORNANDUM.

P R Æ F A T I O.

§. 1.



δ ταυτολογίαν evitandam, quæ au-
ribus Auditorum tædium creat,
nec non facundiam, cathedra
theologica dignam, comparan-
dam, necesse est, ut Ecclesiastes
copiam verborum & phrasium in
promptu habeat, sub quibus di-
cenda investiantur, atque deco-
rum referant habitum.

§. 2. Proin cornucopiam formularum in dicendo observan-
darum sibi acquirere oportet Concionatorem.

I. Propter ipsam compositionem, quæ sine hac tiro-
ni difficilior est. Docet enim experientia incon-
suetos, quam difficile sit prompto calamo in char-
tam conjicere meditata, si nexus, transitiones, &
novorum concentuum introducendi morem non
teneat ex usu. Cumque tempus labatur dum ca-
lamus

(A 2)

iamus hæret, singularis est necessitas ad hunc defectum supplendum, tales dicendi formulas cum multimodis variationibus menti imprimere, ut sponte occurrant.

- II. Propter exercitatos recitatores, qui jam cupiunt extemporaneum dicendi genus, aut saltem mentem a charta abstrahere. Nihil enim magis servile est quam concepta & conscripta memoriæ de verbo ad verbum mandare, & ita recitare, cum illi servitio adhæreat metus perpetuus de non servatis in numero vocibus, præsertim collabente memoria. Cui malo hoc unicum remedium opponi potest, ut in promptu acquiramus prædictas tales dicendi formulas, in ipso orationis fervore sponte occurrentes.

§. 3. Methodus acquirendi talem formularum copiam consistit in eo, ut

- I. In certas classes redigamus, quæ communiter pro concionibus occurrunt observanda. Differimus enim in concionibus pro explicatione textuum de vocum acceptionibus, secundum vim & potestatem vocabulorum; de affirmationum aut negationum assertionibus aut confirmationibus per argumenta inartificialia & artificialia, more deliberativo inquirentes in veritatem & falsitatem alicujus enunciati: imo aliquando discutiendæ veniunt adversariorum exceptiones & observationes, quin imo & objectiones ipsæ, quæ omnia insignem in more dicendi variationem postulant. Hisce adde transitiones ab una positione ad aliam, quas oportet etiam esse vivaces: & in quibus observare decet

re-

relationes, quas connectendæ enunciationes inter se habent. Pro applicationibus usui veniunt peculiare introductiones & transitiones ad basin applicationis, ad qualescunque usus theoreticos & practicos, & prophetiarum implementa, & similia: imo motiva, seu ad dehortationem spectantia, seu ad admonitiones & incitationes; nec non media, consilio practico inservientia, singularem postulante dexteritatem, ut cum multa variatione passionum animi exprimantur.

- II. Ut mens istis imbuta singulari attentione legat optimos auctores, a stylo vernaculo commendatos; atque inter legendum perpetuo observet, quid in singulis periodis agant, num disputent cum suis adversariis, an res gestas enarrent, num suadeant, aut dissuadeant. Inque iis observandum, qua cum dicendi varietate argumenta adjiciant argumentis, præoccupationes objectionum introducant, atque ad eas respondeant. Quod idem observandum erit circa ea, quæ pro applicationibus observanda diximus.

Cumque scopus hujus nostri tractatus sit, tantummodo digitum intendere, resque in certas classes redigere, nonnulla variationum specimina adjicere, atque ita viam solum ad comparandam illam facundiam aperire, serio postulamus a tiro-nibus ut, dum bonos auctores legunt, formulas, rariores & elegantiores excerpere, & justis titulis adjicere non negligant, quo medio promptuarium facundiæ indies videbunt auctum.

§. 4. Verum non sufficit multa collegisse, imo propriis

meditationibus adinvenisse, & adiecisse, nisi etiam collecta sub suis capitibus sæpius relegantur, & sic memoriæ aut menti alte imprimantur: quod tamen curari volumus tantummodo repetitis lectionibus & perlustrationibus, horis nempe alias relaxationi animi destinatis, cum & aliqua debeat oriri menti jucunditas ex styli ornatu, & admiratione copię linguæ nostræ vernaculæ. Latine tamen exhibentur, quæ nos suppeditamus exempla, ut quilibet extraneus perpendat, quid in imitatione patiatur linguæ suæ genius: omnium enim linguarum non eadem ratio est; sufficit, quod relinquatur Lectori ansa cogitandi de simili varietate in sua lingua

PARS PRIOR.

DE IIS, QUÆ OBSERVANDA SUNT IN
EXPLICATIONE.

CAP. I.

De Positione qualicumque illustranda.

- § 1.  uoniam omnis enunciatio, sive oriatur in thematicis simplicis expositione per definitionem aut descriptionem rei, sive ex toto effato, patitur aut illustrationem aut confirmationem: primo loco spectanda venit illustratio, quatenus fieri solet per definitiones, aut similitudines, aut per deductiones e priori.
- § 2. Per definitiones quando res absolvitur, aut descriptiones,

ptiones, variant formulæ loquendi prout definiendum evidens est, aut magis a cognitione vulgi remotum. Definitio aut descriptio evidens introduci potest hunc in modum.

Neminem vestrum latere existimem, quin longa rerum experientia, vel ex multimoda gymnasii Christi institutione teneat rem præsentem esse &c. Vel teneat, quid res sit. Omnibus, id probe scio, satis innotuit rem esse &c. Etiam tironi in schola Christi constat, quid de subjecto tenendum sit &c.

Sin vero res a cognitione communi sit remotior, & descriptio mutuanda ab Antiquariis, introductio talis esse poterit.

Qui Gentium mores & consuetudines scrutati sunt ex antiquis scriptoribus profanis, monumentis, numismatibus inscriptionibus, cippis, & sepulcretis nos docuerunt rem ita se habere.

Sin metuetur ab aliis disciplinis in hunc modum, aut similem fiat elocutio.

Dudum edocuerunt nos Jurisconsulti, Medici, Philosophi, Rei Botanicae Gnari, rem ita concipiendam esse &c. Theologorum prudentissimi definiunt nobis, & recte quidem, rem, quam hic perpendimus &c.

Sin definitio sit scripturaria.

Inquirenti quid sit res respondebit Petrus, Paulus &c. citato loco.

Eleganter satis expedivit hanc causam, quam inquiremus, ipse Spiritus Sanctus &c.

§. 3. Quotiescunque tale πρόγραμμα, seu enunciatum venit similitudine illustrandum, varietas formularum loquendi esto.

Habet hæc res se instar.

Quam rem licet comparare cum &c.

Idem

Idem obtinet in hoc casu, ac cernimus &c.

Et quidem ex abrupto.

Inter arbores, animalia &c. est N. N. de quo notant Physici, *aut cujuscumque disciplina Doctores.*

Qua in re elegans emblema, hieroglyphicum, similitudo observare licet rei.

In quo spectari potest jucunda hominis fidelis, *aut enjuxvis alterius rei*, pictura.

Ad eundem enim modum se habet.

Aut non aliter hic agitur.

Agitur hic sicut in foro, oeconomia solet &c.

§. 4. Si res consideranda veniat a priori, de ea re monere solemus Auditores hisce aut similibus formulis.

Verum ut hanc rem feliciter teneamus nonnihil altius auspicanda est, vel ab origine arcessenda est.

Ut dicenda solidiori nitantur fundamento; age, retrorsum respiciamus, & quibus nitatur fundamentis inspicimus.

Ut vero clarius rei veritatem habeamus perspectam, oportet oculos conjicere in priora, in fontem rei, in causas, in datam ansam & occasionem &c.

C A P. I I.

De qualicumque positione confirmanda

§. 1.



b evidenti rei perceptione naturalis fit progressus ad assertionis confirmationem, quæ fieri solet argumentis partim inartificialibus, partim artificialibus: prior per additionem auctoritatum, seu allegationem testimoniorum; altera per ratiocinia, nexum cum re probanda habentia.

§. 2.

Siquidem testimoniis res absolvenda fuerit, illorum allegatio hac varietate instrui potest.

Huic assentitur; suffragatur N. N.

Huic

Huic sententiæ palam subscribit N. N.

Id quoque confirmat, suoque calculo approbat N. N.

I. Si veritas adstruenda auctoritate allegationum sit veritas dogmatica, congruunt formulæ.

Eandem veritatem dogmatizavit Deus, Christus, Spiritus Sanctus, credique iussit.

Eandem veritatem professus est quoque Propheta, Vir Dei, Discipulus Christi.

Neque alio modo locutus est N. N.

Idem fusius explanat N. N.

Hoc ipsum contractius expressit N. N.

Proxime, & fere iisdem verbis adjungit se N. N.

Nec minus apposite in eandem sententiam dixit N. N.

Quod hic profitetur N. N. id ipsum quoque approbavit, & nos docuit Deus, Christus &c.

Quod locum habet, quando minoris auctoritatis dicta ex majori auctoritate adstruuntur.

II. Si rem historicam probare intendas ex testibus oculatis & auritis, exemplum formulæ sit.

Neque noster solus hæc asserit, sed & qui rei memorandæ spectatores & auditores fuerunt.

III. Si positio prophetica, alicujus rei spem faciens, per dicta parallela veniat confirmanda & conferenda, his liceat uti formulis.

Eandem spem quoque professus est N. N.

Hoc ipsum argumentum, divina visione sibi objectum, exposuit Propheta N. N.

In ampliorem hujus spei confirmationem, quid sibi de hac re oblatum fuerit, accurate depingit Vatum haud infimus.

Eandem spem in corde suo fovisse Patres anteriores, constat ex loco &c.

Jam olim attigit rem Propheta anterior, Moyses, Patriarcha, ubi exponit &c.

Post Vatem nostrum cecinit idem fatum, qui cum secutus fuit Prophetam N. N.

Si vero positio prophetica comprehendat præfagium mali, phrasæ sunt.

Jam ante hunc nostrum idem fatum eecinerunt N. N.
 Nil novi aut inauditi profert hic noster, dum tubam Judicii
 divini in hunc modum inflat, sed antiquum est præfagium &c.

- IV. Si positio sit moralis virtutem commendans, aut
 vitium condemnans, citatio locorum parallelorum
 quoque cum aliqua elegantia variari debet in hunc,
 aut similem modum.

Hæc obligatio, aut cautela jam dudum populo præscripta fuit
 apud Mozen, & anteriores virtutis cultores, vite custodes &c.
 Moralem & indispensabilem esse illam obligationem, quam
 igitur summo jure exigit hic noster, vel ex lege morali constat.
 Ut teneamus haud minus dedecus inferre illud crimen ho-
 mini Christiano, ac olim Judæis, etiam contra illud insur-
 rexit Christus, Apostolus &c.
 Eandem pietatem, justitiam &c. quam hic in Vet. Test. cer-
 nis commendatam, haud minori zelo urfit Christus, Apo-
 stolus in Nov. Test. &c.

- §. 3. Res quandoquidem adstruenda venit argumentis ar-
 tificialibus. Ubi

- I. Probatio simplex consideratur. Hic vulgo adhi-
 bentur particulæ aitiologicæ, *nam, quia, quando-
 quidem.*

Hic variatio exigit, ut quandoquidem alias exhi-
 beamus formulas. V. C.

Ratio evidens est.

Nec aliter se rem habere patiuntur rationes sequentes.

Id facile constabit, modo attendamus ad &c.

Fundatur illa res &c.

Id extra dubium erit si quis nobiscum cognoscat, aut pro
 hypothese nobiscum supponat. *Et similia.*

- II. Quod si argumentatio procedat ad absurdum, for-
 mularum similes esse poterunt.

Sin res aliter se haberet, cogimur statuere quod absurdum
 quod absolum, quod a fide Christiana alienum est, quod
 ideam Dei subvertit, quod insitis notionibus contradicit.

Sen-

Sententiam adversariorum subsistere non posse, nisi velint nolint concedant &c.

Prohibemur ab hoc oppugnantium dogmate metu incidendi in hunc illumve errorem.

Traheret hic error post se absurdum &c.

III. Si ratiocinia subjungantur argumentis inartificialibus, rationes in hunc modum introduci possunt.

Nec ratio contradicit.

Lumini revelationis adstipulatur lumen naturæ.

Suadet eandem veritatem indubia rerum theologicarum co-hærentia.

Quis enim non animadvertit nexum inter &c.

§. 4 Quod si exceptiones aut objectiones veniant diluendæ, dicimus quidem vulgo & monemus objicere adversarios; verum loquendi ratio exigit, ut hic etiam variationem observemus.

I. Si objectio contineat petitionem principii, & non probet quod probandum erat, atque sic testimonia adducantur in speciem contradicentia, occupamus objectionem sub aliqua concessione V. G.

Fatemur quidem Apostolum aut Prophetam dixisse, scripsisse, pronuntiasse &c. ast probe observandum est, dictum illud non spectare ad idem objectum, non respicere eundem casum, non affirmare secundum idem, ad idem, eodem modo; aliud quid agere auctorem illum, nil amplius asserere quam &c.

II. Si objectio levior sit, formulæ sunt.

Neque vel hylum ad causam facit, quod oggerunt adversarii.

Levioris momenti esse, quod quidam contra movent, nec facile moramur.

Quod objiciunt non pariet, fat scio, hæsitacionem.

Quod movent N. N. vel parum exercitatis, qui jam dudum edocti discernere, distinguere &c.

(B 2)

III.


III. Si gravior sit objectio, poterit hunc in modum introduci.

Nodum hic faciunt adversarii vindice dignum.

Est quidem, fateor, haud levis difficultas in objectione, quam movent N. N., facile tamen evadimus, si perpendamus &c. Primo intuitu pugnare videtur cum hac nostra assertionem, Quod movent N. N. ast si rem intropiciamus diligentius, facile expungitur, solvitur &c.

C A P. I I I.

De transitionibus.

§. 1.  e subsultoria sit oratio, quando transeundum est ab una positione ad aliam, commodæ transitiones quærendæ sunt, quæ efficiunt ut oratio sponte incidat in rem ulterius pertractandam. Quod ut felicius præstemus, attendere oportet, quam relationem habeat positio a qua discedimus ad positionem ad quam properamus: nempe, num se habeat transitus tanquam a causa ad effectum suum, vel tanquam ab effectu ad suam causam, vel ut actio ad modum suum, subjectum ad sua adjuncta, & vice versa: vel etiam, ut actio ad suas circumstantias loci, temporis, & similium, quæ si quis probe perspecta habeat, illi non difficilis erit transitio.

§. 2. Si a causa ad effectum, & contra, fiat progressus, causa concipitur actionem producere laudabilem aut vituperandam, utilem aut noxiam &c. Adeoque debuit sub isto schemate pertractari in anteriori deliberatio-

ratione , unde facilis est progressus per interrogationes.

Quis non a tali causa convenientem speret effectum ?
Quid potuit sperari a mala arbore , nisi mali fructus ?
Pro dignitate personæ quoque ejus opus est , scelestus scelestia patrat.

N. B. Si vero actio est contra decus auctoris , & contra decentiam muneris , auctor in præcedenti deliberatione describitur cum relatione ad munus suum , & transitio fieri potest in hunc modum.

Quis non ista perpendens a tantæ dignitatis viris spondeat tale aut tale quid ? verum ecce omnia evadunt contraria , ut obliviscantur tanti viri suæ dignitatis , ut abutantur sua auctoritate , ut togæ &c. maculam aspergant , debitum munus negligentes offendunt quid sequitur eorum opus.

Seu contra ab effectu ad causam fiat progressus , eleganter id etiam fiet , si operis in antecedenti deliberatione facta fuerit exaggeratio ; ut transitus fiat in hunc modum.

Tam turpe scelus scelestum habere auctorem , quid mirum ? Vultis scire a quibus talia patiat justus ? respice calamitatis auctorem , cui tantum inuritur scelus , is est N. N. homo turpissimus , jam a plurimis malis infamis &c.

Sin vero opus antecedaneum fuerit laudatum & commendatum , in hunc aut similem modum fiat transitio.

Cui putas ecclesiam &c. tantum debere beneficium , tantam lætitiā , tantam gratiam ? nisi Deo , Christo , homini sancto &c.

Talem effectum præstare non est cujusvis , illud enim ipsum probat auctorem facti sui.

A tam præclaro opere jam olim commendatissimus est populo Dei , qui hic designatur. *Et similia.*

(B 3)

§. 3. Quod

§ 3. Quod si actio describatur ut cum pluribus actionibus conjuncta, vel etiam certo agendi modo restricta, transitus etiam requirit ut sit commodus.

I. Plures quandoquidem actiones concurrunt ad idem effectum, ita ut singulae in illud influant, & unaquaeque quod suum est praestent: quo in casu ab una actione in aliam transimus similibus formulis.

Accedit & huic ad effectum perficiendum novum studium, alia actio, quam his refert Spiritus Sanctus.

Verum cum hoc solo non absolvatur quod intendebat N. N. ne opus inceptum non absolutum relinquatur, praestitit praeter allegatum & hoc, aliquando paucis accedit, perrexit in opere &c.

II. Si actio describatur cum agendi modo, ab actione ad modum ejus fit transitus.

Quod ut felicius perficeret, justum observavit agendi modum, gloriosum opus, glorioso quoque curavit modo.

Commendatum est hoc opus a singulari agendi modo, quem observavit N. N.

Nec sufficit hoc curasse nisi & curam habuerit decentiae in ipso agendi modo: quare ut intelligamus nec hoc neglexisse N. N. adjecit ad ipsum Spiritus Sanctus.

§ 4. Quotiescumque subjectum refertur ad sua adjuncta, vel faciunt illa cohaerentia ad subjecti restrictionem, vel ad ejus commendationem, aut vituperationem, aliamve qualificationem.

I. Si ad subjecti restrictionem pertineat, aut spectet, a subjecto in vago nominato fit transitus ad specificationem, unde formulae.

Ne vero quis putet, tale quid ab omnibus istius ordinis expectandum esse, aut praestitum esse, cum exclusionem

sione ceterorum aliorum, hoc restringit ad hunc illumve &c.
Añt ne pates in vago hoc relinqui, specificatur subjectum
arctius.

Ne forte errorem committas & in alieno subjecto quæras,
quæ hic affirmabuntur, vel affirmantur, cavet Spiritus San-
ctus singulari restrictione.

**Aut simpliciter transire possumus remotione cetera-
rum rerum. V. C.**

Sanguis ita commendatus non est hircorum aut vitulorum,
quo aspergebatur sanctuarium manufactum, sed ut pruden-
ter monet Apostolus, est sanguis Jesu Christi.

In hunc modum pro subjecta materia etiam in aliis
agere possumus, sic excludendo quæ excludenda
erant, & alias sub eodem genere continebantur.

**II. Si adjunctum spectet ad subjecti satis definiti com-
mendationem, attendere oportet, num forte sub-
jectum fungatur hic munere testis, atque ita ad-
juncta comendatio adducta sit ad conciliandam
ei auctoritatem. Quo in casu a subjecto in ejus com-
mendationem sic transire licet.**

Verum cujus fidei est adductus ille testis, sane ex adjuncta
commendatione tenere oportet: quod optimæ fidei, indubiæ
auctoritatis sit atque acceptance dignus, quem nominavit
textus, quippe homo &c.

Ne quis de hominis fide dubitet, audit hic noster justus,
pius.

Ut momentum accedat rei adstruendæ, proponitur nobis
hic testis ut pius &c.

Quod si vero commendatio fiat propter opus, a
subjecto expectandum aut præstitum, commenda-
tio illa respiciet subjecti dignitatem, aut sufficientiam
ad illud opus; quo in casu introductio quoque va-
riat,

Mag:

Magnum sane est, quod de hoc subiecto asseritur vel asser-
torus est Spiritus Sanctus,

Verum ut constet subiectum rei sufficiens esse, commenda-
tur a munere, a donis, a longa exercitatione, eruditione,
rerum experientia &c.

Cum res præstanda aut præstita haud vulgarem, at-
que singularem in auctore requirat dignitatem &c.

Ne ejus rei nescii simus, hoc nostrum subiectum describit
textus a dignitate &c.

Quando auctorem operis vocat Regem, Prophetam, Vi-
rum Dei &c.

III. Quod si subiecto adjungantur quæ sunt in vitupe-
rium, eodem modo possumus concipere transitum
cum vituperatione. V. C. Quando Judas proditor
audit.

Verum ne hominem turpiter deficientem cum socio viro
optimo confundamus, cui erat idem nomen, hoc singulare
ei stigma inuritur, quod proditor audiat.

Hunc hominem pro pudendo opere, quod statim illi attri-
buitur, proditorem, scelestum dicit.

Quem hic introducit Spiritus Sanctus, aut describit, ut ho-
minem pessimæ notæ proponit, dum eum cognominat a
proditione, ab odio in pios, ab impietate &c.

§ 5. Quod si ab actionibus ad circumstantias transeun-
dum sit, sive loci, sive temporis, hujus quoque ra-
tio haberi potest.

I. Transilio a facto ad locum potest etiam varium
assumere schema, prout locus concipitur, aut
violatus, & tunc ad exaggerationem sceleris
faciet.

Neque solum id ausus est vel audebit, qui tale scelus perpe-
travit, verum etiam ausus est in loco sancto, in loco splen-
dido &c.

Hoc

Hoc crimen exaggeratur etiam a violatione loci.

Ut ausus fuerit talia perpetrare in conspectu Regis, populi, Dei &c.

Sin vero locus sit rebus peractis & laudatis destinatus, in hunc modum fiat transitus.

Neque id factum aut faciendum alieno in loco, destinatus enim erat huic rei locus in textu denominatus.

Pic quoque observavit, aut prudenter, actor hujus scenæ locum, utpote actioni consentaneum.

II. Circumstantiæ temporis notantur communiter etiam vel propter tempus verum, vel propter *ἐναιρίαν*, vel *ἀναιρίαν*. Simplex notatio temporis, ut quo anno, sub quo Rege &c. res facta fuerit, ut plurimum adjicitur ad majorem elucidationem veritatis rei, adeoque sic introduci potest.

Ne quis dubitet de veritate rei gestæ tempus assignat textus, quo factum illud fuit notissimum.

Si tempus requiras, quo res tantæ laudis aut tanti vituperii peracta fuerit; habes hic fidelem indicem, remittit auctor indagatorem rei ad commentarios illorum temporum, ad historiam istius Regis, cujus anno assignato factum fuisse, ut inquiratur, indicat.

Si vero *ἐναιρία* magis spectanda sit, transitus sic instituitur.

Beneficium, auxilium &c. sane opportune collocatum: erat enim illud tempus sub Rege illo difficillimum, triste, lugubre, tale auxilium aut beneficium postulans.

PARS POSTERIOR.

DE FORMULIS AD APPLICATIONEM SPECTANTIBUS.

C A P. I.

De basi applicationis per modum conclusionis constituenda.

§. 1.  nsignis distinctio est inter textus, qui suis verbis basin applicationis continent, & eos, qui basin applicationis requirunt per modum conclusionis, dicta revocantis aut ad scopum, aut ad thesin.

§. 2. Applicatio ad scopum revocat, quæ explicata fuerant ad consilium scriptoris, atque in iis occurrunt.

I. Applicationes apodicticæ ad scopum Prophetæ, aut Evangelistæ.

A. Si prophetia sit, transitus fieri debet hoc, vel simili modo.

Spem, quam fecit Spiritus Sanctus populo Dei de futuro Christo, Propheta, Sacerdote, Rege, Duce &c. non vanam fuisse comprobat historia sequentium temporum

Qui tanta & talia prædixit de Christo ecclesiæ &c. non fuit sane promissionum suarum immemor, quantocius enim plenitudo temporis venit, quidquid prædixerat, accurate præstitit.

Qui hætenus prævisa ecclesiæ prædixerat & addixerat, cum sit verus & mentiri nescius, fidelitatem quoque suam exhibuit in iis præstandis.

Sin vero prophetia quam tractamus contineat judicia Dei erga hostes, aut castigationes erga populum suum, transitio ita inflecti poterit.

Gravia

Gravia sunt quæ hætenus vidimus interminata, verum quibus executio satis respondit, intueamur modo quæ de iis referuntur &c.

Decreta hætenus ex consilio Dei manifestata sententiam repræsentant, olim quidem prolatam, senserunt enim hæc judicia hostes ecclesiæ &c.

Sicuti nullum bonorum verborum Dei in vanum cecidit in terram, ita credendum est, nec ullum malorum unquam in vanum abire, in quo ut amplius confirmemur, videamus quem eventum prælagia hæc prophetica postea sortita fuerint; inspiciamus modo temporum historias, quo ad iram provocarunt Deum Judæi, Gentes, Anti-Christus, & videbimus quam iustas scelerum reportarunt pœnas.

B. Si demonstratio historica revocari debeat ad scopum, transitus esto.

Quæ hic gesta narrantur, si cum scopo conferamus, revera comprobant. V. G. Jesum vel in primo suo ortu omnibus Messias characteribus fuisse insignitum: nihil enim de Eo narratur, quod non aut secundum decentiam muneris, aut secundum characteres propheticos in Eo requirebatur.

Quæcumque hic expendimus in Christo, ecclesia, populo Dei facta esse, revera comprobant Deum fuisse cum iis, debitaque præstitisse officia, quæ vocationi eorum congruunt.

Facile hic est observare viam, secundum legem Moysis institutam, vere fuisse divinam, quippe in qua Deum habent cum omni sua clementia obvium, Quem experiuntur Amicum, in theocratia verum populi Defensorem &c.

Sin vero, quæ historia narrat, spectent ad judicia divina cum populi apostasia conjuncta, in hunc modum instituamus.

Viam hanc Dei cum populo defensore adeo severam & rigidam si quis penitus intueatur, facile necum observabit in una legis observatione esse salutem, in ejus defectione perniciem: defectionem legis esse scdifragium excludens ab amicitia Dei, & in istis judiciis esse damnationem omnis recessionis a lege; ut proinde hoc ipso legis divinitas confirmetur, dum eadem ipsa judicia in lege interminata juxta legem infliguntur.

II. Applicationes apodiætica in ratiociniis. Si quando

(C 2)

textus

textus pertractati cohærent cum propositione anteriori tanquam medius terminus, oportet ut in transitione & hoc moneamus, atque rem ad scopum referamus hoc aut simili modo.

Observemus hic quam solide demonstret, quod sibi demonstrandum sumplerat auctor, dum ratione desumpta ex hac aut illa sedè evincere conatur propositionem suam.

Hoc argumento dum utitur Apostolus, Propheta, Psalter, ad asserendum quod proposuerat supra, non putandum est levioris ponderis esse, at expendendum est, quid virium habeat ad propositum conficiendum.

§. 3. Si conclusio facienda progrediatur ab adhortatione particulari, pro applicationibus practicis basis applicationis fiat per comparisonem, hunc fere in modum.

Si Apostolo graves causæ fuerint adversus tentationes, aut mores seculi, in hunc modum monendi aut muniendi Romanos, Ephesios &c. sane nec nobis deerunt rationes hunc ipsum canonem vitæ præscribendi, commendandi vobis, iisdem tentationibus obnoxiiis, ab iisdem moribus haud puris aut immaculatis abstinendum esse: ea enim vivimus tempora, quæ eandem, vel haud minorem necessitatem nobis imponunt vigilandi adversus similes tentationes, aut mores.

Quod hic ab Ephesiis, Corinthiis &c. officium requirit Apostolus, id sane putandum est non iis tantum dixisse, sed & omnibus Christianis, eandem viam Christianam præsentibus.

§. 4. Si ab exemplis laudatis aut vituperatis progrediendum sit ab basi applicationis, horum exemplorum ratio ita haberi poterit.

I. Si mala sint hominum scelestorum, ita instituamus.

Observate mecum, quantum stigma hic inurat Spiritus Sanctus transgressor, ut nos discamus cautius mercari, dedecus tale fugere &c.

Qui nostrum audit, dubitare nequit ista nobis ob oculos posita esse ut absterreamur, ut prudenter agamus, & non in simile exemplum infidelitatis incidamus.

II. Quod

II. Quod si vero exemplum peccans sit homo regentus tentationi succumbens, basis applicationis ita introduci potest.

Cernimus hic virum alias pium, tentationis laqueis irretitum & implicatum, atque a via recta devium factum, nobis in cautelam, ne nimium confidamus nobis.

Videtis hic in exemplo, Auditores, ut & ipsi sanctificati non sint liberi, non solum a tentationum insulso, verum & ab efficacia; ut quandoquidem optimi, sed non satis cauti a concupiscentiis carnis superentur, bellum contra spiritum gerentibus: quibus exemplis uti oportet, non ad imitationem, sed ad prudentiam.

§. 5. Exempla laudata & laudanda pro varietate subjectorum etiam varie revocantur ad basin applicationis.

I. Si Dei exemplum veniat observandum, in hunc modum fiat introductio.

Quotquot mecum tenent Deum sanctissimum nobis esse, & exemplar omnis virtutis, observent etiam in imagine Dei virtutem hic conspicuam nobis, ad imaginem Dei regentis etiam exprimendam: occurrit enim hic nobis ut vera amoris, misericordiae, clementiae imago, quam omni studio exprimere decet.

Etiamsi infinita inter Deum & hominem sit distantia, hoc in casu tamen agnoscendus est in virtutum exercitio vivus clementiae &c. Typus, quem imitari decet ad imaginem Ejus reformatos.

Cum filios Dei oporteat Patrem referre, sane intermittendum non est beneficentiae studium: si enim Pater noster celestis qualescumque beneficentia sua accumulet, proculdubio & nostrum est Ejusdem in hoc casu calcare vestigia.

II Si Angelorum virtutes in exemplum sunt trahendae, in hunc modum progredi licet.

Quamvis usitatissimum sit hominibus ad vitiorum suorum extenuationem praetendere se homines esse, non Angelos,

nihilominus in Regno Dei aliter edocti sumus, & Angelos esse veræ obedientiæ & virtutum typos: proin & ab hoc Angelorum studio exemplum capere decet vere regenitos, quippe in quibus & ipsa imago Dei vividissima resplendet, cui ut conformes evadamus, nobis commendatum est.

Quotquot sincere rogant ut voluntas Dei fiat in terra, sicuti in cœlis, non possunt non ex cœlitibus capere exemplum, quo animo deceat nos voluntatem Dei exsequi: vidimus hic quid Angeli præstiterint erga Deum, ecclesiam, pios, & fideles &c. proin ut idem animus sit quoque in nobis oportet.

III. Si Christus nobis veniat in exemplum, in hunc modum instituamus:

Quem nobis Deus dedit viæ & vitæ Ducem, Hunc quoque nobis sequendum esse ad omne virtutis vestigium, nemo facile dubitabit: cumque in textu videamus Eum a mansuetudine, tolerantia &c. commendatum, consentaneum est ut etiam in hac virtute Ejus exemplum sequamur.

Videte hic exemplum pietatis, charitatis, &c. & quidem Ejus, Qui nos ad sequelam Sui obligavit, Quique inter disciplinæ suæ primas condiciones exigebat Ipsum sequi: Luc. ix. v. 23.

Videte exemplum Ejus, Qui est omnium exemplorum Lapis lydius, Qui peccatum non novit, Qui tutissimum vitæ exemplar est &c.

Qui potius exempla quam leges sequuntur, & sæpe ire quaeritur, non qua eundum est, solent, Hunc respiciant, Hunc intueantur, & ab hoc Doctore discant, quid in simili casu præstandum sit. Hujus legamus vestigia, si tuto incedere velimus.

IV. Si Sanctorum occurrant laudata studia, hoc modo commendari possunt in exemplum.

Cernimus hic, quid Spiritu duce in præsentī casu fecerint sanctitatis studiosi, nos qui ad idem festinamus præmium, ad eandem coronam, qui in eodem degimus stadio, presse sequamur laudata vestigia; quippe qui sub eadem obligatione hoc stadium ingressi sumus, eadem vocatione vocati, iisdem vinculis obligationis obstricti, sub eadem lege militantes, ejusdem Ducis servi &c.

Quæ laudem quaerit quæ ex Deo est, non quæ ex hominibus, lau-

laudatum hoc exemplum perpendat, ut videat, qua in re studium suum cum laude collocare possit.

Vides hic strenuum Christi, Dei &c. imitorem, nos & hunc sequamur ut cum ipso evadamus imitatores Christi.

C A P. I I.

De basi applicationis per modum porismatis.

- §. 1.  i textus ipse contineat argumentum in basi applicationis repetendum, oportet etiam ut introducatur cum aliquo ambitu,
- §. 2. Quod si argumentum contineat veritatem quandam dogmaticam, repetitio argumenti hic proponi potest per modum collaudationis hunc in modum.

Stabit itaque, & perstabit in aeternum veritas tam sollicitè in textu nostro proposita, & per omnem analogiam fidei comprobata, quod &c.

Quis jam amplius dubitet de veritate dogmatis? quod tanquam a Spiritu Sancto edoctum proficitur ecclesia.

Videtis hæc veritatem ex Deo Auctore Ejusque Spiritu dogmatizatum, hic a Christo, Propheta, Apostolo &c. nempe quod &c.

- §. 3. Si sit officium homini Christiano quasi lege præscriptum, introduci potest basis applicationis.

Agnosceimus itaque hic vitæ canonem omni modo ab homine Christiano sequendum aut observandum.

Qui itaque velit respondere vocationi hominis Christiani, hunc decet semper ob oculos habere, quod hæc nobis præscripsit N. N. nempe quod &c.

Videtis hæc obligationem, ejusque exactam delineationem, quam solvere oportet, quicumque se fœderatum Dei proficitur, Christi servum, Dei filium &c.

Ex dictis constat, quo vitæ genere professio Christiana ornatur, nobisque ornanda sit.

§. 4.

§. 4. Si in textu sit promissio, introductio ad basin in hunc modum fiat.

Videtur quanta nobis spes facta sit, quotquot ad œconomiam spectamus Dei, & inter credentes filii Dei facti sumus, dum promississe nobis Deum cernimus &c.

Quanta erga nos sit divina gratia, qua Semet Ipsum obstrinxit suis verbo hætenus enucleato, animadvertent facile omnes, qui ad boni expositi magnitudinem attenderint.

Verbum hoc Dei bonum, quod hætenus expendimus, inter ea numerandum est, quæ non frustra cadent in terram: Qui enim hoc dixit & nobis addixit, fidelis Deus est, mentiri nescius.

§. 5. Si sit promissio conditionata, propositio talis esse potest.

Videmus proin in hætenus expositis viam minime fallacem, a summo viz Commonstratore patefactam, ut quæ suspensa est in fine stadii corona, certo jam attingere liceat, si quod præscriptum est retineatur. E. G. Hic per fidem aditus est ad vitam, per resipiscenciam ingressus in Regnum cœlorum &c.

Confirmemur itaque in spe boni, qui conscientiam habemus peractæ stipulationis, hujus enim est beneficium ex immutabili Dei fœdere.

Via, quam hic commonstrat Spiritus, sane beata est, qui eam calcat, non potest non obvium habere Deum ut beneficium, quippe Qui Ipse nexum constituit inter virtutem & præmium, inter officium & spem &c.

§. 6. Si sit comminatio cohærens cum aliquo vitio, simili modo instituere licet.

Hæc audiens videt quid sibi fugiendum sit, si iram Dei venturam effugere velit.

Agnosendum hinc quantum malum parturiat peccatum, quantum inferat damnum, omni homini sanæ mentis evitandum.

§. 7. Potest quoque argumentum, pro basi repetendum, commendari ab auctore, qui illud in textu inculcabat ita aliquando qui loquitur est.

I. Deus

I. Deus, quo in casu hujusmodi introductiones obtineant.

Videtis Auditores, quid maximus Ille Imperator, unus legis Imperator, Qui servare & perdere potest, a subditis suis requirat, quid exigit; Cui obedientiam negare impietas est, Cujus legem qui rejicit *Θιμάρη* est.

II. Si Christi verba sint pro basi applicationis repetenda & faciant ad fidem, transitus hic aut similis esto.

Quis & quantæ sit auctoritatis, qui hanc veritatem nobis credendam præscribit, nempe &c. neminem latet: Unigenitus est ex sinu Patris prodiens, Qui, quæ apud Patrem vidit, nobis declaravit, Cui revelationem tanti mysterii debemus.

Sin vero Ille Ipse nobis officium præscribat cum aliqua legis elucidatione, hoc modo progrediamur.

Notate hic Angelum Interpretem, singulari cum sanctitate resplendentem, id egisse ut spirituales legis mentem teneamus, ut suos ad sanctitatem, Deum decentem, revocaret. Quam egregie comprobavit hic Dominus doctrinæ suæ sanctitatem, dum ad sincerum pietatis studium revocat Discipulos? pellucet hoc vel in nostro monito, in lege ipsius hæcenus excussa.

III. Si locus officium præscribens sit propheticus ex Moze, Prophetis, aut Hagiographis, basis introduci potest cum commendatione auctorum, in hunc fere modum.

A. Ut si Mozes sit, ita introducatur.

Hoc officium populo Dei præscripsit legis minister, fidelis ille testis in domo Dei: qui ore ad os cum Deo locutus, sanctitatem Dei intime perspectam habebat.

B. Si ex Salomonis Proverbiis pertractatum sit gnoma, in hunc modum fiat propositio.

Videtis, quod in domo prudentiæ hic præscribat Rex sapientissimus, imo ipsa Sapientia quo laqueos tentationis evadere possumus. Qui prospiciebat enim omnes technas Diaboli, & adversariorum Regni Christi, prudentissimumque procul dubio dedit consilium; qui hanc sententiam præscripsit &c.

ut nihil nobis reliquum sit, quam obtemperare sapienti consilio.

C. Si ex Davidis Psalmis quidquam pertractatum fuit, quod ad officium pietatis, temperantiæ, aut justitiæ spectat, in hunc modum introducimus basin.

Quod hactenus expendimus officium, Virum secundum cor Dei ex meditatione legis derivasse, haud dubitandum est, & Spiritum Sanctum dictasse, protulisse ut indubiam nostrum omnium obligationem contineat.

D. Si Propheta, ita instituiamus.

Sic Vir Dei, qui non ex lubitu hominum, sed afflatu Spiritus locutus est, tanquam Legatus Dei nos instruit de officio debito, atque ad officium revocat &c.

IV. Monita Apostolica, si ad basin applicationis sint revocanda, hoc vel simili modo proponuntur.

Qui incubuerunt ecclesiam Christo sistere inculpatam, merito invigilarunt ut expositi hactenus officii studioglorificemus professionem Christianæ fidei.

Sic imitatores Christi nos vocant ad conversationem Christianam digne instituendam: ipsi in officio isto viva exempla, viæque Duces &c.

C A P. I I I.

De applicatione ad reprehensionem.

§. I.  Um reprehensio varias agnoscat partes,, priorque respiciat historiam criminis, illa fieri potest.

I. Accusatione in hunc modum.

Pessima in secula nos incidit, vel hoc solum argumento est, quod rari sunt, licet sub nomine Christiano, qui in hoc officio se exerceant. Maxima Christianorum turba avertit se a decenti huius officii studio, dum in contraria ruunt vitia, implicati oppositis studiis.

II. De-

II. Deploratione in hunc modum.

Utinam nobis non magna esset causa deplorandi variorum hominum statum ! qui in contraria ruunt , longe alia spectant , & obligationem illam perfide rumpunt &c.

§. 2. Convictio pars altera est , quæ perficitur revocando homines ad signa vitiorum , fere in hunc modum.

Fateor esse , qui mira hypocrysi scelera obvelant , crimina elevat , imo sæpe facta sua interpretantur ac si legi non essent contraria : hos hypocritas & obvelatos transgressores ad tribunal conscientiae revocamus , ut attendant an cum officii præstatione consistere queant hæc mentis consilia , hic gloriæ Divinæ neglectus &c.

§. 3. Dehortatio , quæ tertia pars est , introduci potest attendendo ad naturam argumentorum , ex qua sede nimirum desumantur.

I. Si a pudendo seu inhonesto.

Itane prostituti pudoris potest esse homo Christianus ? ut faciem Dei respiciat & ad illud crimen non pudeat.

II. Si ab iniquo.

Deplorandum est hominem rationalem ita ex mente excussisse rationem æquitatis , ut sibi licere existimet , quod adeo ab omni ratione recedit.

III. A damno ita instituat.

Putasne tibi spondere posse aliquem viæ istius perversæ operandum exitum ?

An tantopere excæcati sunt mentis oculi , ut non videas o homo , pœnitendos istius seminationis fructus fore &c. viam illam tuam tendere ad mentis perniciem : ad majorem implicationem in peccatis &c. ?

IV. A comminationibus divinis.

Ne quæso pergatis eo quo incepistis pede , nec fallamini vanis cogitationibus , manet similes ira divina.

Qui non vanus est in comminationibus jam in Sacra Scriptura minatus est horrida Judicia , non nisi per pœnitentiam avertenda.

Vobis , si pergere stat sententia , tandem fera erit pœnitentia , quando ad repetendas pœnas evigilabit Deus : dixit enim jam olim , & in comminationum suarum catalogo recensuit sententiam , in tempore denunciandam &c.

CAP. IV.

De applicatione ad officium in usu adhortationis.

- §. 1. ccurrit hic primo loco officiorum præscriptio, ubi si transitus fiat a dehortatione ad adhortationem, in hunc modum fieri potest.

Verum ad vos me converto dilectissimi fratres in Christo, de quibus meliora speramus, vestrum erit itaque diligentius curare obligationem vestram, illamque singulari studio promoveri, atque Deo solvere, vestrum est præstare officium in studio virtutis hætenus præscriptæ.

Vos quod attinet, quos timor Dei corripuit ad effugiendam iram Dei, ne in simile exemplum Judicii incidatis, curate potius viam vitæ etiam in hujus virtutis praxi calcare diligentius.

At quotquot se profitentur ad Deum conversos, & effugisse Diaboli laqueos, scitote vestrum esse fructus proferre resipiscencia dignos, atque respondere verbo vocationis: inter virtutes, ad quarum praxin vocati estis, etiam præcellet ea, quam hætenus proposuimus.

Quisquis vero fidem suscepit, teneat se obligari ad hunc fidei fructum omni studio proferendum, est enim inter fructus fidei commendata virtus.

- §. 2. Quod si vero officium per partes sit inculcandum, aut certis quibusdam modis amplificandum, transitus ab una parte in aliam etiam observetur commodus: si enim prior pars aut modus absolvatur, transitus ad alteram partem fiat simili modo.

Nec putes o Christiane jam te omne officium præstitisse, restat & aliud cum priori jungendum, ut officium perficiatur, haud minori mentis cura præstandum &c.

- §. 3. Altera adhortationis pars erat hominis incitatio per motiva, seu argumenta officium suadentia.

I. A.

I. A necessario si sit argumentandum , fieri potest assertione.

Nisi hoc officium curaveris sedulo , credas firmiter non obtenturum te viz finem , nec assecuturum præmium , quod Deus promisit.

Aut interrogative.

Hæc si neglexeris putasne tibi paratum esse præmium , quod Deus statuit in hoc stadio currentibus &c.?

II. A legitimo, cum assertione.

Si non sis nescius , quid lex , quid ratio præscribat , sane omittere non poteris , nisi cum contemptu legis , aut rationis , quod utraque præscribit ; dicit enim lex , dicit ratio &c.

Vel etiam interrogative.

Tunc , qui legem audivisti , qui rationem colis , præter omnem rationem negligeres , quod officii tui est ?

Itane immemor es beneficiorum Dei te obligantium ?

Nonne tenes mi Christiane , quibus te obstrinxerit Deus beneficiis ? Quam extorserit tibi *ὁμολογίαν* in ipsa confœderatione cum Deo , quando jurejurando fidem dedisti.

III. Ab honesto si sit argumentandum, in hunc modum incipiamus.

Nonne homini , nedum Christiano gloriosum est ista cogitare ? hæc agere ? sane dignitas Christiani nominis postulat ut rem hanc curemus laude dignam , quam vel ipsi impii celebrare coguntur ; decus Angelicum est ; inter virtutes Deum commendantes amabilemque Ejus gloriam repræsentantes est hæc virtus. Quod si ergo professionem Christianam adornare velis ; etiam hic ornatus tibi comparandus est.

IV. Ab utili.

Dic , age , quid magis faciat ad gloriam Dei , ad ædificationem proximi , ad propriæ conscientie tranquillitatem , ad vocationis , & electionis nostræ stabilimentum ? quam in hac virtutis praxi se operosum exhibere.

O quantum gloriæ accedet ad nominis Dei celebrationem ! quantum promovebitur Regnum Christi ! quantum subnasceretur gaudium spirituale ! quanta erit vestra consolatio , si in hoc stadio currentes inveniamur.

§. 4. Quod si adhortationi aliquod consilium sit subjungendum, hoc fieri potest.

I. Assertive, in hunc modum.

Hæc qui perpendit, ut Christianum decet, non dubito quin in animum induxerit commendatum hæcenus officium ad præxin revocare: verum ut felicius progrediatur opus decretum, non possum non quin commendem, quæ ad faciliorem executionem rerum facient. Proin observate circa hoc opus &c.

Ubi media veniunt subjungenda

II. Per modum occupationis, vel objectionis, hoc modo.

Fateor, arduum esse opus quod hæcenus commendavimus, atque in hoc stadio currenti, vel currere volenti multa fore obstacula quæ cursum sistant, multa fore quæ hominem ab incepto aut proposito revocent.

Videtur quidem durum carni jugum, sed leve fiet, si modo placuerit legitimam eligere methodum, mentemque obfirmare hisce cogitationibus, aut animum abstrahere ab hisce malorum irritamentis.

Fateor nos versari in mundo, curisque mundanis perpetuo abstrahentibus; ita Tentator est ab insidiis, ut perpetuo immitat in nos instrumenta aut curas &c. quæ cursum intervèrtunt; verum hisce opponamus nos &c.

C A P. V.

De consolatione.

§. 1.  Equitur tandem usus practicus, qui est consolationis, ubi occurrit oppositio rationum adversus metum, aut tristitiam.

§. 2. Adversus metum malorum imminantium, si erigendus sit animus, spes illi contraria facienda est, atque collectio usus in hunc modum introduci potest.

Hanc vim qui colat, seu hanc veritatem qui firmiter retinet, inveniet securum fidei suæ satis roboratum adversus ignem. Satisque tenet fidei qualem ille fidem quateret multis terreculentis malorum, animum quæ nostrum conatur implicare

care multis dubiis, verum qui fide tenet, quod est in propositione, aut viam retinet, quæ est in officii exactione, non amplius habet metuendi causas.

Cui propositioni subjungatur historia variarum fortunarum, quas metuunt homines, nec non ratiocinium, quo demonstretur nihil habere eos metuendum.

§. 3. Si vero consolatio intendat tristitiam animo eximere, ex præsentī malo natam, poterit introductio consolationis in hunc modum fieri.

Hæc audite, atque hæc curate vos lugentes Zionis, pauperes animo, fracti corde, turtures gementes & similia.

Et similes compellationes quæ alternari, & substitui possunt.

Tristis quidem & lugubris videtur fors vestra, verum est hic balium in Gilead, est hic verbum consolationis, quo liceat in gaudio inniti.

Non est, credite mihi, malum vestrum tantum, quam quidem ex imaginatione videtur.

Verum non est malum vestrum, sed tantum in speciem, quod si per analysin resolvamus, longe aliam referet speciem, quam quidem primo intuitu videtur.

Hæc si ita sint, non est ut amplius luctui locum concedatis; qui infortunio externo videntur afflicti, aut tentationibus spiritualibus subiecti, propter illa corporalia non minus sunt felices, non propter tentationes spirituales minus a Deo dilecti; patent enim ex hisce malis secundum apparentiam qualiterque conditionis sint fideles, quippe qui militia spirituali sunt exercendi.

Allegentur itaque hic fideles eodem modo aliquando tentati, & urge ex textu rationes demonstrantes divinam gratiam non pendere ab istiusmodi casibus.

§. 4. Quod si ad maiorem confirmationis consolationem requiratur usus explorationis per signa & κριτήρια, in hunc modum pergere possumus.

Sin tu ex imbecillitate animi in hisce nondum acquiescas, age, revoca mentem ad lapidem lydiū sinceræ explorationis, & obser-

observa, num in te invenias hæredis gratiæ notas ? quæ facile commonstrabunt, num istæ Dei promissiones spectent ad te, num secus.

§. 5. Quod si vero consolatio tanquam usus primarius fuerit concionis habitæ, & in applicatione primus; possumus per modum consilii adhortationem facere in hunc modum.

Verum cum non sit omnium ista consolatio, & non sit panis projiciendus canibus, oportet ut caute progrediamur, nec ad carnalem socordiam rapiamus maximas illas consolationes; spes enim, quæ hic subnascebatur, non est omnium, non eorum saltem, qui &c.

Ubi ex textu & circumstantiis colligi debent habitus mentis contrarii, atque non aliter hic agendum ac fieri solet in reprehensionibus, unde progrediendum ad propositum officium in hunc modum.

Verum, qui hanc spem sibi ratam facere, velit ut possit gloriari in spe gloriæ Dei, aut in spe gratiæ & conservationis divinæ, ea curet quæ electionem & vocationem firmam faciunt, quæ ita sincere sperantes decent.

Cui subungere oportet officia huc facientia.

Notandum quod hic signa in exploratione commemorata sæpe commutentur in officia, dum commendamus ut istos habitus, istas virtutes expriment, quæ alias in notis includuntur post monitum.

Hiscæ itaque præscriptis commendamus, ut ex lectione bonorum Auctorum, imprimis ex Practicis vivacissimis, similes formulas loquendi colligant tirones, & sub justis suis titulis annotent, ut sic copia dicendi fiat quotidie auctior & amplior.

F I N I S.

HER.

HERMANEUTICA

SCRIPTURÆ PROPHETICÆ;

METHODO MATHEMATICA

DEMONSTRATA.

HERBERT A. JONES

SCIENTIFIC METHOD

IN THE HISTORY OF

DEMONSTRATION

HERMENEUTICA

SCRIPTURÆ PROPHETICÆ, METHODO MATHEMATICA DEMONSTRATA.

PRÆLIMINARIA.

§. I.



Ermeneuticam sacram, quatenus ad solas Scripturas Propheticas restringitur, tradituri; ne terminorum ignorantia nos teneat suspensos, in antecessum una, atque altera terminorum definitione huic rei lucem fernerare decrevimus. Quapropter quid sit sermo Propheticus, quid *ἑρμηνεία*, quid verus sensus, accipe.

- I. Prophetia est historia anticipata rerum tam in ecclesia, quam in mundo gerendarum, prout juxta æternum Dei decretum sunt in fatis.
- II. Sermo autem Propheticus est systema verborum, quibus median-
tibus historia illa anticipata, jam olim publicata, & omnium in-
dagationi exposita fuit.
- III. *ἑρμηνεία* vero est assignatio veri sensus, quæ instituit per osten-
sionem significationis sensus verborum, in Propheticis istiusmodi
enarrationibus adhibitorum.
- IV. Tandem verus sensus nihil aliud est quam talis de rebus enarra-
tis conceptus, qualem sermonis auctor auditorum, vel lectorum
menti insinuare suo conceptu decreverat. Atque adeo mentem
loquentis secundum verum sensum percipere autumandus est,
qui idem de rebus concipit, quod sermonis auctor de iis concipi
voluerat. Hæc autem voluntas dijudicanda est juxta verborum
(E 2) signi-

significationem ; nam cum verba , & vocabula cujusvis populi consensu inventa , signorum vicem præstent , & quidem in eum finem adhibita , ut certas qualdam & determinatas notiones ac ideas excitent ; nemo iis utitur nisi animo aliquid significandi , & quidem illud ipsum , quod verba proprio significandi munere præstare possunt.

§. 2. Porro cum tota nostra consideratio verteretur circa rerum futurarum historiam , quatenus illa in Sacris nobis tradita , & publico usui exposita est ; mentem nostram , antequam penitus sacrum hoc penetrale ingrediamur , veritatum quarundam æternarum contemplatione , quibus hæc omnia innituntur , nonnihil retinendam esse arbitramur : quo majori cum animi convictione reliqua perscrutari & animadvertere possimus. Illas autem veritates hisce *axiomatibus* complectimur.

I. Nimirum rerum futurarum cognitionem non nisi ab Auctore omniscio , id est , Deo ipso originem suam referre.

II. Huic autem æque facile ac decorum esse ea , quæ post multa secula secutura sunt , revelare quam res proxime instantes , & ocius venturas.

III. Neque potuisse hunc omnis sapientiæ , & veritatis Fontem sermonem suum alio revelare modo , quam qui cum virtutum suarum gloria exacte congruerit ; cum Se Ipsum abnegare non possit.

§. 3. Quibus ita positis & consideratis , putamus æquissimo jure nos *postulare* posse , ut nobis concedant vel ipsi horum sacrorum hostes.

I. Non esse nihil , aut ulli hominum illicitum attendere sermoni Prophetico , & eorum intellectum indagare , ut exinde erudiamur.

II. Scripturas illas , quæ perhibentur tradere sermonem Propheticum , eum in finem assidua lectione , & investigatione evolvere.

III. Et quas experimur vere *divinitus* reverenter habere , tanquam Deo Auctore dignas , de iis omnia maxima præsumentes.

§. 4. Hisce principiis , quæ numero pauca , sensu clarissima , pondere autem maxima sunt , nunc universum quod molimur ædificium superstruamus , & pluribus ex hisce hypothesibus deducendis viam præparemus , qua data , felicius in arcana Prophetiarum introducatur.

P R O P O S I T I O I.

Scriptura Prophetica libris canonicis contenta, & ecclesiæ Christianæ tradita, est ὁπίπνευτος.

Quoniam per experientiam constat, multa vaticinia, justo loco, & tempore impleta, veras Prophetias fuisse, cum eventus prædictionibus accurate responderint, & nemo dubitare queat, rerum futurarum cognitionem Deum Ipsum habere Auctorem, juxta §. 2. I. sequitur manifesto Scripturam Propheticam, libris canonicis contentam, & ecclesiæ Christianæ traditam, cujus vaticinia plurima hoc pacto experimur ipso eventu comprobata, esse ὁπίπνευτος. Q. E. D.

P R O P O S I T I O II.

Scriptura Prophetica, quæ est ὁπίπνευτος, etiam est infallibilis veritatis.

Scripturam Propheticam divinæ auctoritatis esse, jam constat per antecedentem propositionem. Neque etiam dubitandum est, quin omne Verbum Dei hoc modo sit revelatum, ut congruat cum gloria virtutum Dei, adeo ut Deus nullo modo videri possit Se Ipsum abnegare §. 2. III. Quoniam autem inter virtutes Dei maxime elucet Illum esse veracem, & omnis veritatis Fontem, sequitur omne Verbum Dei esse infallibilis veritatis. Q. E. D.

Si Verbum Dei falleret, Ipse Deus in verbo loquens falleret, atque adeo Se Ipsum abnegaret, quod est absurdum, & contra axioma §. 2. III.

C O R O L L A R I U M.

Hinc sequitur omnes partes Sacræ Scripturæ inter se collatas, consentire debere absque ulla vera contradictione, & per omnem analogiam.

PROPOSITIO III.

*Scriptura Prophetica præsumenda est intendere
scopum nobilissimum.*

Quicquid enim non congruit cum gloria virtutum Dei, illud a Deo removendum est §. 2. III. & consequenter etiam a Scriptura Prophetica, quæ est Verbum Dei per prop. I. Jam vero rebus immorari minoribus, easque summis moliri conatibus, illud est nugatorum, & hominum non sanæ mentis, atque adeo in Scriptura Prophetica non admittendum, verum ejus contrarium præsumendum. Q. E. D.

PROPOSITIO IV.

*Scriptura Prophetica quoque præsumenda est agere de
rebus, & subjectis ad scopum rite pertinentibus.*

Alias argumentum pertractandum toto scopo excideret & aberraret, quod cum sit stultitiæ argumentum, gloriæ sapientiæ contrarium est: jam vero de Deo sentire, quod cum gloria virtutum Ejus non congruit, absurdum est §. 2. III. & per consequens a Scriptura Prophetica removendum est. Q. E. D.

PROPOSITIO V.

*Scriptura Prophetica porro etiam præsumenda est,
dum in argumenti pertractatione describit sub-
jectum sermonis, ita loqui ut verba jûste in
alienum sensum rapi non possint.*

Id enim si fieret, Auctor sermonis merito imprudentiæ arguendus esset, quoniam prudentiæ est caute, & circumspecte loqui, omnia limitando, ne cuiquam sciens aut volens cedat occasionem a vera mente loquentis deviandi. Cum autem Scriptura Prophetica ita exasciata sit, ut congruat cum omnibus virtutibus æternæ Mentis §. 2. III. illa vitia ab ea removenda sunt, quæ forent imprudentiæ, id est, quæ darent alicui occasionem rapiendi verba in alienum sensum. Q. E. D.

PRO-


PROPOSITIO IV.

Scriptura Prophetica tandem etiam præsumenda est, argumentum suum ubique pertractare juxta methodo.

Nam cum omnis sermo *apud deos*, utpote confusus & inordinatus, indicium sit confusæ mentis, ac defectus sapientiæ; constat, eum Deo, utpote Auctori sapientissimo attribui non posse, quapropter etiam illud vitium à Scriptura Prophetica removendum est, utpote cum gloria virtutum Dei non conveniens §. 2. III. Q. E. D.

CAP. I.

DE SCOPO INVENIENDO.

§. 1. uxta sententiam Logicorum, *Nunquam verba loquentis præter auctoris scopum accipienda sunt, cum omnem accipiant genium, atque elegantiam, nec non verum sensum ex illa relatione, quam habent ad scopum, quam amissa facili etiam detorquentur ad eam sententiam, quæ ab auctoris mente quam maxime aliena est: hinc sequitur necessarium esse, ut hac omnem mentis aciem ac attentionem convertamus, quo possimus scopum in Scriptura Prophetica intentum invenire, ne Deo aliena affingamus, & præter Ejus mentem, & scopum conficta totum doctrinæ systema invertant.*

§. 2. Est autem scopus loquentis nihil aliud quam sermonis ratio, & finis, quapropter totus sermo instituitur, ut auctor fructum aliquem laboris reporter. Jam vero liceat nobis supponere.

I. Deum nihil frustra agere, id est, absque agendi ratione, aut etiam præter scopum: cum illud ipsum esset agere præter omnem rationem, quod in animal rationale, multo minus sapientissimum Numen cadere non potest.

II. Finem operum Dei quorumcunque esse, ut gloria virtutum suarum ab omnibus mente præditis agnosceretur. Quod sine dubio etiam concedendum est; nam cum Deus se ipsum abnegare non possit, adeoque necessario Sui rationem habeat, & per se clarum sit Enti infinite perfecto quicquam accedere non posse, sequitur, nullum alium Eï reliquit operum suorum fructum, quam ut virtutum suarum gloria a pluribus agnoscat, & laudetur.

§. 3. Quibus ita positis etiam postulamus, & quidem jure merito, ut aucto;

auctori scopum suum alibi explicanti fidem non denegemus; quotiescumque Ipse profitetur, quid illud sit, quod suo opere intendat. Idque multo magis Deo infallibili, Sacrarumque Literarum benignissimo Revelatori nos debere, facile quisvis agnoscat.

- §. 4. Nunc e diverticulo in viam. Postquam ex consideratione maximorum moliminum, quibus Deus olim *πολυμερῶς καὶ πολυτρόπως* patribus locutus est *ἐν ταῖς προφηταῖς*: Hebr. 1. ψ. 1. consecimus Deum Prophetias ecclesiæ suæ tradidisse scopo nobilissimo, id est, rerum pondere gravissimo, & fructuum ubertate amplissima; nunc scopum Prophetiarum per partes exhibere decrevimus, quo rem distinctius percipiamus.

PROPOSITIO I.

Primum in scopo Prophetiarum est gloria gratiæ divinæ, in ecclesia exercendæ omni tempore.

Ex definitione Prophetiarum consideramus opera Dei, juxta Ejus decretum futura, & quidem etiam in ecclesia: quæ traduntur tanquam historia anticipata multa secula. Gratiam autem divinam consideramus ut exercendam solummodo in ecclesia: utpote quæ est universitas hominum Dei gratia ad fidem adductorum, & porro salvandorum. Huic gratiæ juxta Scripturam attribuimus *gloriam*: Ephes. 1. ψ. 6. quia Deus, ne Se Ipsum abnegaret, cum decrevit exercere gloriosissimo modo, servando omnem virtutum suarum decentiam: adeo ut omnes Ejus perfectiones in illud ipsum conspirare videantur quam sancte & juste; nec minus sapienter, & potenter Deum gratiam suam in homines peccatores & æternæ damnationis reos conferre ex Theologia revelata didicimus.

- I. Cum ergo certum sit, finem operum Dei esse manifestationem gloriæ virtutum suarum, ne Sui non habuisse rationem videretur, per ax. III. Eumque nihil frustra agere, per ax. I. & Scripturæ Prophetiæ nobilissimo scopo traditæ sint per prop. prælim. III. sequitur finem revelationum Propheticarum etiam ad gloriam virtutum Dei referendum esse. Et cum omnes virtutes Dei in operibus ad ecclesiam spectantibus quasi ad solius gratiæ decus, & honorem conspirent, ut illa nobis gloriosior appareret, prout ostendimus in præcedenti explicatione hujus propositionis, sequitur eatenus recte gloriam gratiæ divinæ magis restricte dici scopum, finem, & rationem Scripturæ Propheticæ. Q. E. D.
- II. Accedit, quod Auctor Prophetiarum hunc revelationum suarum scopum alibi quoque expresse declaraverit. Vid. 1. Petr. 1. ψ. 10. Cui proinde juxta postulatum §. 2. fides deneganda non est.

PRO-

P R O P O S I T I O I I

Alterum in scopo Prophetiarum est nos docere cognitionem Christi, tanquam Qui sit omnis gratiæ Fundamentum, & Fons.

Probe notandum, doctrinæ de gratia in ecclesia exercenda, semper includi Christum, utpote Qui ejus sit Fundamentum & Fons, quod lectori vel per experientiam constat. Neque ullum gratiæ exercitium Deo decorum est, nisi mediante Christo, quod constat ex idea justitiæ divinæ: quoniam autem Prophetia est historia rerum futurarum per defin. præl. I. res autem futuræ hic præcipue spectantur, quæ in consilio gratiæ divinæ sunt decretæ per propositionem antecedentem, hac doctrina Christus quoque necessario includitur, utpote sine Quo doctrina gratiæ non recte percipitur. Q. E. D.

Hinc etiam fit, quod Scriptura expressis verbis testetur, Prophetiam de Christo præbere testimonium: Joann. v. ̳. 39. 1 Joann. v. ̳. 9—11. Cujus testimonium est Spiritus Prophetiæ: Apoc. xix. ̳. 10. In Quo omnes thesauri sapientiæ, & cognitionis existunt: Ephes. i. ̳. 7—10. Coll. ii. ̳. 3. Et sine qua cognitione ubique nil nisi spissæ sunt tenebræ: 11 Cor. iv. ̳. 6. Adeo ut doctrina de Christo sit fundamentum: 1 Cor. iii. ̳. 11. Et quidem etiam Prophetarum: Ephes. ii. ̳. 19—22. Quibus testimoniis divinis juxta postulatum nostrum fides utique adhibenda est.

C O R O L L A R I U M I

Quapropter omnia in Prophetiis ad Christum referenda sunt, utpote de Christo tractantia, vel propter Christum revelata.

Cum enim Deus nihil frustra, id est, præter scopum agat, non tradidit hanc doctrinam ut doceret nos ea, quæ natura sunt cognita, sed quæ cognitionem naturalem transcendunt, ac præter revelationem nemo indagare potuisset: jam vero totum illud mysterium, ejusque dispensatio pertinet ad Christum, ob Quem omnia præternaturalia homini revelantur

COROLLARIUM II.

Omnes quoque & singuli Prophetæ per consequens ac Christo egerunt.

Nam consilium gratiæ, quod sine doctrina de Christo non intelligitur, quodque Filium Dei omnibus gratiæ thesauris, omni tempore dispensandis, voluit præficere: a nemine Prophetarum sine doctrina de Christo propositi potuit. Cumque hic esset omnium scopus gratiam Dei in Christo celebrare, nemo eorum non de Christo testari potuit.

Unde etiam profluit quod in Sacris totidem verbis dicatur, omnes Prophetas de Christo locutos fuisse, nemine excepto: Luc. xxiv. §. 25—27. §. 44—46. Act. i. §. 18. 24. x. §. 43 coll. Rom. i. §. 1. xvi. §. 25, 26.

PROPOSITIO III.

Tertiam denique in scopo Prophetiarum est, ecclesiam confirmare hujusmodi solatiis, quæ præbent ei spem in Deum.

Quoniam Prophetia est historia rerum in ecclesia, vel propter ecclesiam in mundo gerendarum, per defin. præliminar. I. certum est, Deum intendisse hac doctrina ecclesia commodum, ejusque ædificationem. Et quoniam res illæ futuræ hic respiciuntur quatenus sunt res ecclesiæ conferendæ, per prop. II. sequitur, earum rerum scientiam geherare non tantum futurorum præscientiam, sed propter infallibilem Sermonis Prophetici veritatem, per prop. præliminar. II. etiam certam earum rerum expectationem. Jam vero certa futurorum beneficiorum expectatio nihil aliud est quam spes ipsa, quem fructum non potuit non intendere Auctor hujus Verbi sapientissimus, & prudentissimus.

NB. Etiam hunc scopum prædictus includi; nam cum omnis gratia sit opus salvationis, & salus Patrum illis evenerit per fidem, quæ tunc erat sperantum, & certa ipsi species: Deus gloriam gratiæ, per Christum præstandæ, intendit promovere per illam agnitionem gratiæ, quæ eam speraret infallibiliter venturam.

Verum ne quis de hac propositione dubitet, hoc ipsum quoque explicat illius Pictus: Rom. xv. §. 4. Unde sequitur Spiritui Sancto etiam hactenus fidem adhibendam esse.

- §. 5. Verum dicat aliquis in definitione Prophetiarum etiam includi historiam rerum gerendarum in mundo, & consequenter non omnia ad gratiam Dei & quæ ei connexa sunt, referenda esse; sed tantummodo aliqua, quæ prædictiones Euangelii, aut Evangelicas respiciunt. Resp. Ea quæ in mundo erant futura ubique locorum, etiam considerari tanquam propter ecclesiam prædicta, quatenus scilicet illa omnia ecclesiam attingunt. Nam quoniam scopus revelationum divinarum est nobilissimus, non intendit doctrinam, quæ solum pabulum existat curiositati nostræ satiandæ, verum quæ possit esse doctrina legitima in ecclesia audienda, ubi vocamur ad commercium cum Deo. Essent quidem tales Prophetiæ utiles ad confirmandam Dei omniscientiam, veritatem, & potentiam, at illa ipsa satis superque confirmata est in Prophetiis ad solidiorem scopum spectantibus. Proinde ratum esto Prophetias de rebus in mundo futuris, aut præstare vicem signorum adventus Christi, aut promittere ecclesiæ remotionem eorum, quæ fidei, & spei Patrum remoras injicere potuissent, ut suo solatio videant etiam instrumenta tentationum castigationumque virgas tandem in ignem projiciendas fuisse: quod nemo non agnoscit maximum non tantum, sed etiam gratiæ divinæ esse opus erga illos exercendæ, qui servandi erant.
- §. 6. Siquidem nobis in Prophetiis quoque occurrant sermones ecclesiastici de officio populi Dei, quibus aut neglecti officii arguatur, aut seria admonitione ad resipiscentiam, & viarum suarum correctionem validis argumentis invitetur, aut instantium judiciorum prædictionibus, & comminationibus ex somno socordiae excitetur: probe notandum, hæc omnia eo quoque spectare, ne verus Israel spe gratiæ & salutis excidat, & ut electi his mediis ex iræ imminenti periculo salventur, redeantque ad illa officia, in quibus genuina in Christum fides habet, quo se variis actibus exercent, conscientiam emaculet, & spem vivam in Deum in omni rerum fortuna, & facto, maxima cum *παραφορᾷ* erigat. Quod si judicia certo ventura absolute annuncientur, nihil aliud respici putandum est, quam ut ecclesia igne conflatorio perpurgetur, utque adeo novo decore elegantius resurgat, quibus mediantibus ad meliora præparatur, & reservatur tempora. Proinde harum prædictionum fructus est, ut pii, & sinceri ad mala illa fulcipientia tanquam ad fidei, & tolerantiae exercitia præparentur, sibi que feliciorem promittentes exitum animos resumere audent, & ad felicia Regni Christi tempora aspirare: existimantes omnia illa gravia fungi munere signorum temporum, quibus de adventu Regni Christi non tantum reddantur certiores, verum etiam de ejus appropinquatione ocius expectanda instruantur.
- §. 7. Quoniam vero generalis iste scopus in particularibus Prophetarum

sermonibus certis quibuldam limitibus circumscribitur, sagaci iudicio discernendum, quando ad singularem aliquem librum Propheticum perveneris, quo pacto scopus Prophetiæ inibi determinandus sit. Ut autem illud invenias, inquirendum in oblatam Prophetæ occasionem, qua, accedente Spiritus Sancti instinctu, motus, & excitatus fuerit ad aliquid præstandum in gloriam Dei, & bonum ecclesiæ. Quæ occasio, quæ Græcis ἀφορμή audit, erui potest, si attente consideremus.

- I. Statum populi illius temporis, quo quicunque sermo indagandus ad populum habitus fuit. Quo animadverso facile videbis quid consentaneum fuerit Prophetam loqui, qui studet invigilare bono ecclesiæ atque saluti, quando illi res est cum populo his illius moribus, atque opinionibus imbuto. Quæ occasione ne destitueremur, Prophetæ ipsi ut plurimum in principiis sermonum suorum adjecerunt tempora Regum, sub quibus peculiares illas Prophetias pronunciarunt, ut conferendo libros Historicos ex iis statum, & conditionem populi Dei sub illis Regibus degentis possemus ob oculos nostros repræsentare. Ac proinde valde utile est, Prophetarum tempora accurate discernere, mentemque populi moribus ac opinionibus imbuere.
- II. Argumentum sermonis quoque diligenter expendendum est, pro ut legenti occurrit & animadvertendum, quid eum deceat, qui tale argumentum pertractare voluerit, si velit sermonem suum dirigere omni analogiæ conformem, & generali scopo revelationum a Deo traditarum congruentem; nam de Verbo Dei nos nimis sublimia præsumere non possumus.
- III. Argumenti genus quoque expendendum est, sitne consolatorium, adhortans, invitans, suadens: an vero comminatorium, dehortans, arguens, aut alio modo dissuadens: ut videas num pertineat ad confirmationem piorum in fide, & spe; num vero ad reductionem errantium, aut etiam eorum cautelam, qui futuræ tentationi forsitan propediem essent obijciendi. Atque hæc de scopo dicta sufficiant.

C A P. II.

DE SUBJECTO PROPHETIÆ INVENIENDO.

- §. I.  I quis argumentum sermonis Prophetici diligenter velit expendere, primo oculos in subjectum totius concionis dirigat, oportet. Quod nil aliud est quam persona, aut res, quam Sibi delineandam Spiritus Sanctus proposuit, ut scopum suum promoveret. Estque ergo primaria indagatio, atque

- que quaestio, quam Eunuchus Philippo etiam proposuit: Act. viii. v. 34. rogans de quo dixerit Propheta, num de se, an vero de alio.
- §. 2. Hic axioma Logicum esto nobis quoque ratum. Quod *prædicata sub-
jecto non convenientia enuncient falsum*. Hoc enim nihil aliud est, quam
affirmare de subiecto, quæ de illorum veritate affirmari non possunt.
- §. 3. *Postulamus* autem hæc, vitium mendacii a Deo, Verboque Dei longe
removendum esse, utpote Qui sit omnis luminis, & veritatis Auctor,
ac mendaciorum rigidus Vindex; Qui Sibi proposuerat doctrinam de
gratia cum omnibus rebus eo spectantibus, ope Scripturarum adver-
sus patrem mendaciorum vindicare ab omni *ψευδολογία*.
- §. 4. Jam autem considerandum est, subiectum sermonis nonnunquam la-
tenter, nonnunquam eleganter & tuo typo, aliquando vero expli-
cite & simpliciter proponi.

P R O P O S I T I O I.

*In concionibus Prophetis talia sunt subiecta, qualia
permittantur esse a suis prædicatis.*

Si alia essent subiecta quam prædicata permittunt, prædicata non con-
gruerent subiecto, atque per axioma, prædicata, quæ non congruunt
subiecto, testantur quod falsum est: jam vero quidquid falsum est, a Ver-
bo Dei removendum est per præcedens postulat. Ergo prædicata subiecto
non convenientia in Sacra Scriptura admittenda non sunt; verum ex lege
oppositorum talia ibi debent esse subiecta, qualia permittuntur esse a suis
prædicatis. Q. E. D.

C O R O L L A R I U M.

*Unde profuit, quod subiecta nominatim non propo-
sita eruantur ex prædicatis.*

Sic V. G. Apostolus ex solis prædicatis: Psalm. xvi. ostendit subje-
ctum Psalmi esse Christum, quia prædicata non de Davide, sed de solo
Christo enunciari potuerunt: vid. Act. ii. v. 25—32. Ita quoque Chri-
stus ex solis prædicatis Messiam esse subiectum Psalm. cx. utpote Quem
David vocat Dominum suum: Matth. xxi. v. 42—46.

PROPOSITIO II.

Subiectum nominatim propositum secundum sensum literalem accipiendum est, si omnia prædicata congruant..

Tale est subiectum, quale permittitur esse a suis prædicatis per prop anteced. Jam vero subiectum literaliter sumptum, habens prædicata sibi convenientia, permittit talia prædicata, quod ex terminis manifestum. Ergo hoc in casu subiectum nominatim propositum in sensu literali retinendum est. Q. E. D.

PROPOSITIO III.

Subiectum nominatim propositum, si prædicata in sensu literali non convenient, aut si prædicatorum emphasi, aut majestati non satisfaciant, in sensu typico accipienda sunt.

Nam cum Verbum Dei juxta postulatam nunquam enunciet falsum, alterutrum verum est, prædicata convenire subiecto denominato secundum literam, aut secundum sensum typicum: si enim in utroque sensu non convenirent, Verbum Dei testaretur falsum, quod absurdum est. Jam vero, si sensus literalis prædicata non accipiat, sensus vero typicus prædicatis omnibus satisfaciat, subiectum in sensu typico recipiendum est. Q. E. D.

CAP. III.

DE SENSU PRÆDICATI, QUOMODO ERUATUR.

§. I.



le maxime attendenda est loquentis prudentia, qua circumspicit, & diligentissime curat, ut eandem ideam in auditore excitet, quam sibi ipsi proposuerat: quod cum fieri nequeat, nisi mediantibus quibusdam vocabulis, ex consensu populi determinatam quandam significationem agnoscantibus, prudentia sermonis in delectu vocabulorum consistit, quibus & aptissime, & quam promptissime mentem suam auditori communicari posse existimat; ac proinde

I. Pru.

- I. Prudentia sermonis est illa dicentis sagacitas, qua sibi prospicit verba, quæ in alienam mentem jure detorqueri nequeunt.
 - II. Significatio autem vocabulorum est ille valor, quem ex consensu nationis tanquam signa communis societatis decreto exercent, ut illis auditis menti omnia significanda repræsententur.
- §. 2. Quoniam omnia summa de Deo præsumenda esse jam ante monuimus, præsumendum quoque est,
- I. Deum omniscium optime penetrare verborum potestatem & valorem.
 - II. Illum verba adhibuisse secundum communem populi usum, ut eandem exercent in Sacra Scriptura potestatem, quam in communi sermone.
- III. Vicia ergo sermonum, quæ in hominum sermonibus profluunt ex hominum imprudentia, a Sacrarum Scripturarum stylo arcenda esse.
- §. 3. Nihil aliud ergo jam postulamus, quam ut liceat ex genio linguarum Orientalium vocabulorum usum, & potestatem investigare, & quid scopus, aut connexio rerum permittat, nec ne, deliberare.

PROPOSITIO I.

A verborum propria & nativa potestate, si sanum & scopo convenientem sensum fundant, non est recedendum.

Sanum vocamus sensum, quem analogia fidei & morum, atque indubia veritas admittunt.

Scopo autem convenientem, qui scopum aut solido argumento confirmat, aut commodâ periphrasi illustrat.

Verba significant illud ipsum, ad quod ex instituto populi destinata sunt, juxta defin. allatam, atqui Verbum Dei utitur lingua communi juxta axioma II. Neque prudentiæ est, aliud velle dicere, quam verba commode significant, juxta definitionem I. Ac proinde verba in propria significatione, si illa commoda sit, accipienda sunt, & ab illa proprietate non est recedendum. Q. E. D.

PROPOSITIO II.

Quidquid verba commode, id est, sano sensu, & scopo convenienter significare possunt, illud significant.

Si enim non significarent quod significare possunt, jam facile audito-

rem

rem deducerent in inevitabilem errorem, accipiendo verba secundum valorem, atque potestatem: quod cum sit contra prudentiam sermonis, etiam a verbo Dei arcendum est juxta axioma III. Ac proinde verba accipienda sunt secundum omne illud, quod valent. Q. E. D.

PROPOSITIO III.

Vocabula potestate ambigua, & in utroque sensu accommodanda, sensum sanum fundentia, etiam per σύλληψιν utrimque accipienda sunt.

Si enim utrimque accipienda non essent, alterutra acceptio esset erronea, & quidem inevitabiliter. Quod cum prudentia sermonis dum non consistat, non credendum est, prudentissimum Auctorem præter rationem ambiguitatem illam adhibuisse: ut patet ex defin. I.

Deinde quidquid non est vitium sermonis sed ornatus, hoc, exigente id prudentia sermonis, admittendum est, juxta axioma II. Verum σύλληψις penes omnes Rhetoricos est ornatus sermonis, ac proinde in Sacra Scriptura quoque admittenda est. Q. E. D.

PROPOSITIO IV.

Nulla tautologia inanis in Sacra Scriptura admittenda est.

Nullum sermonis vitium cum admittendum sit in Sacra Scriptura, juxta art. III. utpote de cujus Auctore omnia sublimia cogitanda sunt, etiam tautologia, quæ est sermonis vitium ex omnium populorum consensu, admittenda non est. Q. E. D.

COROLLARIUM I.

Unde sequitur, si verba ejusdem significationis occurrant juxta se mutuo in Sacra Scriptura illa a vitio ταυτολογίας liberanda esse.

Idque fiet.

- I. Si consideremus, illa prolata esse tanquam testimonia vehementiorum pathematum, ut fieri solet in ira, vehementi desiderio, & similibus affectibus. Ubi ejusdem enunciationis reduplicatio intensiorem significat animum.
- II. Si consideremus verba synonyma, quæ significant genus, aliquan-

quando adhiberi ad significandas varias generum species. Sic V. **G** קרבן & מנחה quamvis utrumque vocabulum significet donum Deo offerendum, ultimum tamen sæpe adhibetur ad significandam speciem donorum, quæ desumuntur ex frugibus.

COROLLARIUM II.

Vocabulorum, quæ in specie sunt synonyma, etymologias diligenter esse eruendas.

Hujus enim ope facile animadvertes, singula ob peculiarem emphasin fuisse adhibita, sine qua scopo plenissime non satisfactum foret, atque hæc pertinent ad grammaticalem vocabulorum acceptionem.

CAP. VI.

DE INVENIENDO ORNATU STYLI PROPHETICI.

- §. 1.  Ornatus styli loquentis consistit aut in phrasium elegantia, aut in vocabulorum pathetica dispositione, quam Rhetores invenerunt, ut & aptius, & efficacius conceptus suos aliis communicarent. Aptius, quod fieri solet mediantibus tropis; metaphora enim & allegoria nihil aliud sunt quam compendiosæ similitudines, quæ rem magis explicant & illustrent. Efficacius autem aliquis loquitur, qui certa quadam verborum dispositione, animi simul pathemata exprimit, ut eisdem affectus in auditoribus excitet.
- §. 2. Si autem ornatoris styli fructus jam penitus pensitemus, omnes eo spectare existimandum est, ut felicius scopo loquentis satisfiat. Qui enim loquitur, is vult intelligi, quod promptius fieri per metaphoras, & allegorias, quatenus illæ similitudines illustrent, jam per se constat. Deinde qui alios hortatur suadendo, aut dissuadendo illius scopus est, ut alios commoveat; quod efficacius etiam fieri per σχήματα, & figuras jam quoque cum omnibus Rhetoricis supponimus, & vel per experientiam constat.
- Sit ergo hoc *axioma* indubium. Eo melius aliquem loqui, quo ornatus, & efficacius loquitur, utpote quia scopo loquentis magis satisfacit.
- §. 3. Jam quoque *postulamus*, ut non iniquum sit de Deo credere, quod
- (G)
- opti-

optimum loquendi genus adhibuerit, quotiescunque id scopo suo erat conveniens.

§. 4. Existimamus autem,

PROPOSITIO I.

Stylum Propheticum admittere varia emblemata, tam metaphorice, quam allegorice proposita.

Optimum enim dicendi genus a Sacra Scriptura non potest esse alienum per postulat. Jam vero metaphoricum & allegoricum dicendi genus, quotiescunque scopo convenit, est optimum dicendi genus, ac proinde ille ornatus in stylo Prophetico admittendus est. Q. E. D.

Neque temere dictum quis putet emblematum usum scopo Prophetiarum maxime esse convenientem, attendamus solummodo ad sequentia.

- I. Totam Oeconomiam Vet. Test. fuisse typicam, & emblematicam, ut de illis omnibus dicere liceat, quod Apostolus ἡμεῖς ὡς ἀνέκδοτα testatur: Gal. iv. ὕ. 24. Jam vero convenientiori modo typi explicari non potuerunt, quam si phrales aliunde desumptæ prædicarent de re significata.
 - II. Rerum futurarum prædictiones exigere quoque moderatam occultationem; omnia enim propriis suis nominibus, & prædicatis non erant efferenda; alias enim Judæi, qua Judæi, nunquam potuissent Messiam rejicere, neque Antichristus sub nomine Christiano in ecclesiam ingredi. Verum jam ἀποστόλοις, & Scripturas tanquam Verbum Dei legentes, illa ipsa scelera prædicta perpetrarunt.
 - III. Judæos, omnesque populos Orientales, præcipue Ægyptios jam olim maxima in veneratione habuisse doctrinam problematicam: ut vel illi habiti fuerint homines doctissimi, qui aptissimis parabolis, & ænigmatibus rem adumbrare noverant. Quod vel inde constat, quod Fabulæ Æsopi, Theologia Emblematica Ægyptiorum, & studium parabolicum Orientis omnium retulerint laudes, atque encomia.
- Si ergo Spiritus Sanctus quoque voluit tueri gloriam sapientiæ in Verbo suo; stylus illius hominum existimationi quoque hac in parte accommodandus erat, prout etiam illa opinio cum veritate rei congruebat: sapientiæ enim est, & sagacis judicii convenientissimas rebus dicendis parabolas in publicum proferre.

PRO:

PROPOSITIO II.

Admittere varias ἀποστολας, sermocinantium vicissitudines, & similia σχήματα.

Hæc σχήματα, cum quoque ad ornatum sermonis pertineant, ut constet ex §. 1. optimumque dicendi genus in Sacra Scriptura admittendum sit, nemo dubitare potest, si etiam illud accadat convenienter scopo, a stylo Prophetico removendum non esse, sed potius admirandum. Q. E. D.

Restat ergo ut etiam hic consideremus, quam apte, & scopo Dei convenienter illa quoque locum habeant. In hunc finem autem animadvertendum est.

- I. In Psalmis, & Libris poeticis, prout solemne est in comædiis atque tragædiis, Sacro-Sanctos illos Poetas voluisse rerum futurarum ostendere vicissitudines: quod cum fieri non potuerit sine personarum, sermonumque vicissitudine, temporumque successione, theatra illa nonnunquam mutanda fuerunt.
- II. In Prophetiis considerandum, quod tituli Prophetiarum ut plurimum revelationes illas Propheticas comprehendant sub nomine visionum: ac Prophetæ considerandi sunt ut Viri, in arcanum Dei consilium admissi, qui postquam in fatiis jam vidissent rerum futurarum quasi præludium, & repræsentamen futurorum, prout suo tempore conspienda forent, redeunt omnia illa prænunciant prout viderant cum omnibus suis circumstantiis, & personarum repræsentatarum vicissitudinibus.

PROPOSITIO III.

Admittit quoque stylus Propheticus varias figuras pro exigentia affectuum, admirationis, detestationis, stuporis &c.

Quoniam & has figuras jam ostendimus aptas natas esse ad commovendos hominum animos, & similia παθήματα ingeneranda: Verbiq; divini scopus sit efficaciter agere in hominum animos, nemo quoque dubitare potest, quin & hæc elegantia juxta nostra præmissa a stylo Prophetico removenda non sit. Q. E. D.

CAP. V.

DE METHODO PROPHETIARUM.

- §. 1.  Uoniam sermocinantis prudentia versatur circa electionem aptissimorum vocabulorum, ita quoque quam studiosissime inhæret rerum aptæ dispositioni, ne ὅτι, ἐπίτιποι exhibeantur, quæ dicenda sunt: ac proinde methodus est apta rerum, atque periodorum dispositio, qua argumentum ita pertractatur, ut omnia juxta sermonem justo ordine consequantur. Estque duplex vel ratiocinativa, vel historica.
- Ratiocinativa est, quæ argumentum aliquod illustrat, probationibus suis confirmat, & objectiones solvit; aut si argumentum sit suasorium, certis quibusdam motivis, atque rationibus urget.
- Historica autem est, quæ res gestas juxta seriem temporum deducit, aut personas inter se colloquentes ita repræsentat, prout earum responsiones aut instantiæ occurrerunt.
- §. 2. Universali omnium consensu is imprudenter loqui censetur, qui methodum negligit, suæque confuse proponit: atque proinde præposterus, & confusus sermo, utpote ἀμίδω, in Scriptura Prophetica admittendus non est: talis enim sermo ab Auctore prudentissimo provenire non potuit.
- §. 3. *Postulamus* igitur, ut liceat nobis tentare, num in Verbo Prophetico legitimam methodum invenire possimus.
- §. 4. Ut ergo nos accingamus ad inveniendam Prophetiarum veram methodum, statuimus,

PROPOSITIO I.

Omnes veritates, quas aliquis in Prophetico sermone quodam protulisse introducitur, ad præstandum scopum, aut absolvendum argumentum, esse convenientissimas.

Quæ enim ad argumentum illustrandum, confirmandum, defendendum aut urgendum nihil valeant, illa juxta definitionem methodi non prudenter dicta sunt, sed confusa, temeraria, & inordinata: verum talis ἀμίδω, juxta propositum axioma, a Scriptura Prophetica removenda est, ac proinde ibi locum habere non potest.

PRO-

PROPOSITIO II.

Methodus rerum futurarum necessario est historica, temporum successionem, & rerum in tempore futurarum consequentiam observando.

Quale est argumentum, talis debet quoque esse methodus; rerum nimirum historicarum historica, juxta methodi definitionem & divisionem. Verum Prophetiarum argumentum est historia rerum futurarum, ut constat ex definitione Prophetica, proinde earum methodus quoque debet esse historica. Q. E. D.

PROPOSITIO III.

Sermones apologetici, vias Dei justificantes, cum sint mixti ordinis, de utraque methodo debent participare.

De utraque methodo participare est in ordine viarum Dei defendendarum servare methodum historicam: in argumentorum autem adductione huic subordinare methodum ratiocinativam. Sic V. C. Propheta aliquando introducunt apologistam, suo tempore vias Dei, aut peculiarem providentiæ divinæ actum adversus omnium infidelium, aut hæreticorum calumnias defendentem: quo in casu talis apologista, juxta methodum historicam, repræsentatur suo tempore apologiam illam institueret, verum adhibere argumentorum dispositionem prout methodus ratiocinativa exigit.

Quale est argumentum talis debet esse methodus, prout exigit definitio jam ante allata. Verum hoc in casu, ut per se constat, mixtum est argumentum, in quo ratiocinatio subordinatur tempori, ergo mixta quoque debet esse methodus, & ratiocinativa methodo historica subordinari. Q. E. D.

CAP. VI.

DE VERÆ INTERPRETATIONIS
EXPLORATIONE.

§. 1.



Interpretatio Prophetica exploratur an vera sit, nec ne, mediante spirituali quadam collatione, quæ detegit eam aut sanam esse, aut scopo convenientem. Sana est interpretatio Prophetica, quæ neque lumini rationis, neque analogiæ fidei contradicit, sed potius ab utraque vel alterutra saltem confirmatur. Interpretatio scopo, & rei veritati congruens est, quæ collata cum experientia historica plane cum re gesta congruit, idque multo magis, quando vel ab ipsis Viris *Sacris* rei gestæ historice applicatur.

§. 2. *Axioma* hic est.

I. Quod veritas veritati nunquam sit contraria.

II. Deinde quod ex veritati nil profluat nisi verum.

§. 3. *Postulamus* ut concedatur viro pio atque probo spiritualia conferre spiritualibus: 1 Cor. 11. 5. 13.

§. 4. Sint ergo nobis tanquam immobilia argumenta, quæ a nemine jure rejici queunt.

PROPOSITIO I.

Sensum Sacrarum Scripturarum sanæ rationi contradicentem non exprimere mentem Spiritus Sancti.

Si enim hæc non esset sententia Spiritus Sancti, jam Spiritus Sanctus in Sacra Scriptura obloqueretur Deo loquenti in natura, sic veritas veritati esset contraria. Verum absurdum est posterius, per axioma I. ergo & prius. Q. E. D.

PRO-

PROPOSITIO II.

Explicatio fundens sensum analogiæ fidei & morum contrarium, existimanda est aberratio a sensu Spiritus Sancti intento.

Quoniam enim analogia fidei & morum nihil aliud sunt, quam veritates alicubi in Sacra Scriptura dilucide inculcatæ, aut saltem in fundamento propositæ, & notionibus generalioribus inclusæ, huic contrariari explicatio Prophetica sine contradictione non potest, quin veritas veritati esset contraria, quod esset contra axiom. I. aut saltem veritatis consequentiæ, quæ per axiom. II. quoque falsa esse non potest. Verum absurdum est consequens juxta axiomata jam proposita, ergo & antecedens. Q. E. D.

PROPOSITIO III.

Applicatio Prophetiarum, cujus prædicata cum historia tanquam per experientiam exacte conveniunt, & quidem illius temporis, prout methodus historica requirebat, illa non potest non esse vera, atque scopo Dei conveniens.

Quidquid enim verba significare possunt, non perruptis limitibus in textu positis, illud significant, juxta prop. II. CAP. III. Atque supponimus per experientiam constare, historiam quandam accidisse intra signa temporum in Prophetia denotata, quæ omnem habet cum Prophetia analogiam atque convenientiam, ergo non possumus non affirmare hanc applicationem esse ex scopo Spiritus Sancti. Q. E. D.

PROPOSITIO IV.

Applicatio Prophetiarum certis quibusdam historiis per viros Σεισπριους facta, ad probandum res quaspiam juxta æternum consilium Dei factas, non potest non esse solida, atque vera.

I. Virorum Σεισπριους applicatio est Σεισπριους, & per consequens infallibilis, adeoque vera.

II. Si

- II. Si non esset solida, veritas veritati esset contraria: quod per axiom. I. est absurdum.
- III. Credendum est auctori scopum suum explicanti, ac propositum suum applicanti; atqui Idem Spiritus, Qui fuit in Prophetis, fuit & in Apostolis, proinde ergo censendus est scopum suum optime novisse, recte explicasse, & juxta propositum suum applicasse.

CONCLUSIO.

Pauca hæc præmittenda censuimus studio Prophetico analytico, ut juxta certam hanc atque exploratam viam progredientes, explicationes nostras Propheticas, quantum fieri potest, ex hisce principiis demonstraremus, & Prophetarum filios de vero Prophetiarum sensu redderemus persuasissimos. Quod faxit Deus auxilio illuminantis Spiritus, atque gratiæ! Interim hanc dissertationem concludimus voto Mozis: Num. xi. v. 29.

מִי יִתֵּן כָּל-עַם יְהוָה נְבִיאִים כִּי-יִתֵּן יְהוָה אֶת-רוּחוֹ עֲלֵיהֶם



SPECI

**S P E C I M E N
SUPPLEMENTI**

I N

**CLARISS. ABRAHAMI GULICHII
THEOLOGIAM PROPHETICAM,**





SPECIMEN SUPPLEMENTI

IN

CLARISSIMI ABRAHAMI GULICHII THEOLOGICAM PROPHETICAM PERIODUS SECUNDA.

DE

*Ecclesia sub Imperio Romano horrendis persecutio-
nibus explorata.*

ARTICULI TEMPORIS.

- I.  Hristianorum succedit corruptio per commercium cum idololatriis, unde maxima occasio nata est corruptionis Ecclesiæ. Consilium Dei fuit explorare Ecclesiam, eamque ab hypocrisi emundare: 2. CAP. II. §. 3.
- II. Hinc secutæ horrendæ persecutiones, sæpius instauratæ: 8. CAP. II. §. 3, 4.
- III. Mansit nihilominus in pristina erga Imperium Romanum, sibi adversum, fidelitate, adeo ut pro ejus supplicaret conservatione, & Dei longanimitatem exploraret: 2. §. 5, 6.
- IV. Nec minus constans in fide Deo fideliter adhæsit, quæ constantia illi cessit in argumentum laudis, & commendationis: 8. §. 4.

(H 2)

V. Cu-

- V. Cujus constantiæ & explorationis fructus fuit, quod testificatio Dei, Orbem pervadens, fuerit consummata partim martyrio, partim fidelium in omnes oras dispersione: *κ. §. 5.*
- VI. Tandem Ecclesia refrigerium magnum experta fuit, populus varia certamina: *3 §. 7.*
- VII. Sed Gentibus denuo iratis, & furore concitatis, auxilium parvum accepit Ecclesia a Constantio Chloro, qui alibi quietem defendit: *κ. §. 6.*
- VIII. Licinius quidem postea bellum & furorem contra ecclesiam aliam in pauca movit: *κ. §. 7.*
- IX. Sed finem imposuit Constantinus Magnus, Ecclesiæ in patrum datus: *κ. §. 8.*

PERIODUS TERTIA.

Ecclesia pacata, sed spiritu Antichristi variis corruptionibus tentata, ac proinde castigata & distracta.

ARTICULI TEMPORIS.

- I. **P**ace Ecclesiæ data, consequentia bona fuerunt justificatio causæ, & zelus pro orthodoxia: *κ. §. 8.*
- II. Arrius cum suis quidem vehementer sese opposuit adversus sanam doctrinam: *κ. §. 11.*
- III. Verum condemnatus, & ex Ecclesia ejectus est, dum zelus augebatur: *κ. §. 12. & 3. §. 9.*
- IV. Nihilominus multa mala irreperunt in Ecclesiam, qualia sunt.
 - A. Quod multi homines carnales Ecclesiam ingressi sunt, unde non purificata a Gentilismo nomina Christo se quoque dederunt: *κ. §. 9. 2. §. 8.*
 - B. Dein studia humanarum artium sanam doctrinam corruerunt: *κ. §. 10.*
- V. Accedebant alia, quæ ansam dederunt Episcopo Romano ad superbiam & incrementum auctoritatis.
 - A. Quod multæ opes Episcopis sunt adjudicatæ, & præcipue Romano: *κ. §. 14.*
 - B. Defensione orthodoxiæ multi ad eum confugerunt, & ejus auctoritatem extulerunt: *κ. §. 13. 2. §. 10.*
- VI. Deus tamen consilio primatus remoras objecit, ne nimis subito ex cresceret,
 - A. Per sedem Orientis, cum Constantinus Romam novam conderet, & ejus Episcopum extolleret: *3. §. 11.*
 - B. Per Juliani Imperium, plagam bestię inferens, sed cito moderata.

- deratam, ut non diu postea fuerit sanata: n. §. 16, 16. 2. §. 12.
- VII. Abhinc castigavit Ecclesiam, & superbix frenum iniecit per immissionem Gentium barbararum: quæ
- A. Immissæ quidem: n. §. 17. 2. §. 13.
 - B. Et dominantes pro Arrianismo militarunt, quando Antipas dicitur interfectus: n. §. 18.
 - C. Tumiditatem moderavit divina clementia, ut illi homines convicti tandem Ecclesiæ se subicerent: unde nova pax, & Ecclesiæ prosperitas: n. §. 19. 2. §. 14.
 - D. Atque ita factus casus stellæ magnæ habuit in consequens istius hæresios diminutionem: n. §. 20.
- VIII. Accedebat postea æmulatio inter novæ & antiquæ Romæ Episcopos, dum uterque primatum ambiens, alter alteri impedimento fuerit.
- A. Unde discussio inter utrumque: n. §. 21. 2. §. 15.
 - B. Orientalis ab Occidentali condemnatio: 2. §. 16.
 - C. Multi conquerebantur de corruptione doctrinæ, & regiminis: n. §. 23.
 - D. Alii se Imperio Papæ subtrahebant: 2. §. 17.
- IX. Interim multæ Gentes ad Christum convertæ, inter quas Franci, Saxones, aliæque: n. §. 24.

PERIODUS QUARTA

Ecclesia sub Antichristo gemens.

ARTICULI TEMPORIS.

- I. Tandem obtinuit Bonifacius III. primatum, seu tutelam Episcopi universalis, eumque honorem a Phoca in præmium sceleris retulit: n. §. 25. 2. §. 18.
- Interim Ecclesia vera fuit captiva, & latuit, dum remanerent, qui errores non admitterent: n. §. 27.
- II. Ita Antichristianismus palam factus, & vires acquisivit variis gradibus.
- III. Primus gradus in doctrinæ corruptione constitit, præmissa doctrinæ ignorantia, & cæca obedientia: n. §. 26. 2. §. 18.
- IV. Deus exercuit bestiam per Saracenos: quorum
- A. Imperium erectum: n. §. 28. 2. §. 19.
 - B. Amplificatum, in territorium Christianorum ingrediens ad coercionem Antichristi: n. §. 28. 2. §. 20.
 - C. Enervato interim Imperio Romano, donec certam formam indueret: 2. §. 21.

- V. Secundus gradus Antichristianismi poni debet in cultus corruptione per iconolatriam : quæ ulcera notantur : *n.* §. 36.
- VI. Interim quoque Carolo Magno , ejusque filiis Imperium Occidentis acquirantibus , & barbaris pulsis , aut subactis , maximum cepit Papalis auctoritas incrementum : *n.* §. 31, 32.
- VII. Impius Papæ conatus accessit
 A. Excitandi Regnum Italicum contra Caroli filios , quod & præstitit : *n.* §. 33.
 B. Quod non diu stetit , sed brevi destructum fuit : *n.* §. 34.
- VIII. Opposuerunt se hoc tempore multi , qui iconolatriam non admitterunt , quorum vox dicitur aquarum multarum : *n.* §. 35.
- IX. Tertius gradus est , cum dignitas Imperatoria transfret ad Germanos , atque inde longius ab Urbe remota esset potestas.
- X. De statu Imperii Romani hoc tempore , & eradicatione familiæ Saxonicae , & Salicae , & Suevicae agitur , dum dilceptatur de summa Imperii apud Pontificem & Imperatorem : *n.* §. 35.
- XI. Ab eo tempore duplicis civitatis mixtura introducta est Laicæ & Clericalis : *n.* §. 26.
- XII. Infirmavit Imperatorum & Regum potentiam bellum sacrum , quod introductum est
 A. Cum Orientales perfugerent ad Turcas contra vim Saracenorum : *n.* §. 22.
 B. Græci & Latini ad Papam , & Imperatorem : *n.* §. 23.
 C. Unde expeditio in Palestinam secuta : *n.* §. 24. *n.* §. 38.
 D. Et novum Regnum ibi erectum : *n.* §. 25.
 E. Sed frustra , cum subito fuerit attritum : *n.* §. 27.
- XIII. Opposuit se bestia in hoc certamine secundo *vox tonitrus magni* : *n.* §. 37.
- XIV. Quartus gradus est , cum sedes Romana impie sitiret sanguinem innocentium , & effunderet a seculo duodecimo exeunte : *n.* §. 42. *n.* §. 30.
- XV. Tunc visa est communio sanctorum cum erroribus , & factis bestia , unde plagarum sunt participes facti : *n.* §. 33.
- XVI. Donec tertio vox se opposuit , idque tribus vicibus , scilicet quibusdam in tenebris illuminatis , scilicet citharoedorum opera : *n.* §. 34. *n.* §. 39.
- XVII. Idque triplici certamine.
 A. Waldensium ,
n. Qui veritatem agnoscunt : *n.* §. 39. *n.* §. 34.
n. Bello aggressi sunt : *n.* §. 40.
n. Ad communionem Papæ coacti sunt : *n.* §. 35.
- XVIII. B. Wiclefitarum , &
 XIX. C. Bohemitarum : ubi

- 2. Præconum excitatio: n. §. 43.
- 3. Agni oppugnatio.
 - a. In morte Hussi, & Hieronymi Pragensis: 3. §. 36.
 - B. In bello: n. §. 44. Non sine auxilio: n. §. 45.
- 4. Bonorum separatio: n. §. 46. 3. §. 37.
- 5. Aliorum revocatio: n. §. 47.
- 6. Tolerantia: 3. §. 39.
- 7. Unionis ruptura: 3. §. 40.
- 8. Coarctatio: 3. §. 41.
- 9. Salvatio: 3. §. 42.
- XX. Studium Papæ, ut in Ecclesiam Orientalem
 - A. Dominium acquirat: 3. §. 31.
 - B. Nova occasio id studium promovendi per Turcarum progressus: 3. §. 28.
 - C. Reditus paucorum in Ægyptum per sui subjectionem Papæ Romano: 3. §. 29, 30, 31.
 - D. Consilii Papæ frustratio per victoriam Turcarum, & Constantinopoleos occupationem: 3. §. 32.
- XXI. Dominium Regis in Aquilone, id est Carolinum.
 - A. Increfcens: 3. 48.
 - B. Terrore percussum a Turcarum potentia crescente: n. §. 49.

PERIODUS QUINTA.

D E

Reformatione.

ARTICULI TEMPORIS.

- I. **R**eformationis initium est, cum Ecclesia, separatione facta, ex Babyfone exivit; quod susceptum fuit opera
 - A. Ecclesiasticorum,
 - n. In genere, quando resurrectio ex erroribus per Lutherum in Germania facta est: n. §. 50. 3. §. 43.
 - 3. In specie, quando Lutherus Corpus Juris Canonici &c. cremando auctoritatem Papæ throno deturbavit: n. §. 51.
 - B. Politicorum, quando Regum & Principum studia reformare Ecclesiam susceperunt: n. §. 53.
- II. Reformationis impedimenta, salutari huic consilio objecta, & successibus remoram objicientia, facta sunt.
 - A. Orthodoxiæ damnatione, Papa Leone X. Lutherum condemnante & auctoritatem sedis defendente: n. §. 52.
 - B. Principibus dissentientibus, & hinc persecutiones contra Re-

for-

- formatos concitantibus, aliis inde adversus decreta Spirenſia
proteſtantibus: *κ. §. 54. 2. §. 44.*
- C. Rebus in nervum bellicum erumpentibus, ut in bello Ger-
manico, Gallico, & Belgico: quem ſtatum Scriptura *Terra
motum magnum vocat*: *κ. §. 55.*
- D. Deſenſoribus fidei captis, præcipue Electore Saxonico: *κ. §.
56. 2. §. 46.*
- E. Fratrum ſchiſmate, Eccleſiam dividente in Lutheranos &
Calvinianos: *2. §. 46, 47.*
- III. Reformationis nihilominus opus tantum abeſt, ut fuerit inhibi-
tum, ut potius fuerit promotum,
- A. Non obſtante Civitatum & Principum quorundam Auguſtanæ
confeſſionis legatione: *κ. §. 59.*
- B. Alii tamen erecto animo maloiverunt obviam,
*κ. Singulæ conſtantia in fide perſeverantes, multas ſolve-
re non detrectantes; ſed fidem deferere recuſantes: unde
Eccleſia laudatur ut pulchra: κ. §. 57.*
- 2. Peculiari auſu libertatem exercitii Religionis flagitantes: κ.
§. 60.*
- C. Eluſa quoque fuit Pauli III aſtutia, Chriſtianos ad Papiſmum
indulgentiis allicere ſtudentis: *κ. §. 58.*
- D. Acceſſit oppugnantium coercitio.
*κ. Dum Carolus V. coactus fuit in conventu Paſſavienſi an-
no MDLV. Proteſtantibus pacem dare: κ. §. 62. 2. §. 49.*
- 2. Dumque Reges Orientales, & in ſpecie Solimannus ad
epulum Dei Magis admitterentur: κ. §. 65.*
- IV. Horum conſequens fuit, quod Papiſmus fuerit redactus in eum
ſtatum, ut
- A. Puteus abyſſi fuerit apertus, & gladius ſpiritualis in dextrum
paſtoris ſtulti oculum immiſſus: *κ. §. 62. 2. §. 50.*
- B. Separatio rata fuit facta per totalem Eccleſiæ ejectionem ex
Papiſmo, per anathemata Concilii Tridentini, Imperiique Pa-
pæ detruncationem, ſuperſtitibus ex tanto corpore Italia, & Hi-
ſpania: *κ. §. 63. 2. §. 51.*
- C. A quo tempore, flagrante Clericorum invidia, cruciatus con-
ſcientiæ Papiſtarum invaluit. & Jeſuitæ caudis ſuis, ſcorpio-
num inſtar, pupugerunt homines; *κ. §. 64.*

PERIODUS SEXTA.

De Ecclesiæ angustiis, & earum eventu.

ARTICULI HUIUS TEMPORIS.

Ecclēsia huius temporis spectatur in Scripturis Prophetiis

I. Ut magnæ ingratitudinis rea, & multis vitiis contaminata, quod applicatur.

A. Ecclesiæ puriori: n. §. 66. 2. §. 52.

B. Ecclesiæ minus puræ, retinenti alicubi idola: n. §. 48. 2. §. 72.

II. Ut castigata ex paterno Dei amore,

A. Varia mala infligente;

n. Restrungendo libertatem conscientie ad Augustinam formulam: n. §. 67.

2. Congregando contra Euangelicos multas gentes: n. §. 71. 2. §. 53.

a. Germaniam invadentes: 2. §. 54.

β. Patronos Ecclesiæ prostermentes: 2. §. 58.

3. Enervando Ecclesiam per bella intestina: n. §. 79. 91—93. 2. §. 61—67.

B. Ecclesiam explorante, unde secuta

n. Scortantium manifestatio: cujus

a. Occasio fuit Babylonis recordatio: n. §. 98, 99.

β. Consequens multa apostasia: 2. §. 55.

2. Proborum perseverantia, quorum

a. Zelus commendatur: n. §. 70.

β. Virtutes manifestantur: n. §. 75.

γ. Reliquiæ perseverantes sunt: n. §. 76.

3. Electorum correctio, qui Dei castigationes justificarunt.

a. Peccatorum confessione: n. §. 77.

β. Precibus pro manifestatione Regni contra hæreticos: n. §. 76.

γ. Regni in Scripturis scrutinio: n. §. 96.

C. Afflictiones moderante

n. In Belgio.

a. Titulorum septem abolitione: n. §. 73, 74.

β. Aurora Pacis: n. §. 78. 2. §. 59.

2. In Germania patronorum excitatione: n. §. 60, 61.

3. In Gallia casu decimæ partis civitatis: n. §. 72.

3. In Anglia: n. §. 68, 69.

(I)

III. Ut

III. Ut ad summas angustias redacta : ubi

A. Adventus Domini ad lucem faciendam huic iudicio promittitur : κ. §. 85. γ. §. 68.

B. Angustia , ut principium operis præclari describitur. Cujus

κ. Vehementia exaggeratur : κ. §. 79. 87, 88. γ. §. 67. 74.

γ. Consequens.

α. Ecclesiæ petitio , & suspiria : κ. §. 86. 89.

β. Paucitas conservatorum , mala sustinentium : κ. §. 87.

γ. Immunitas quorundam a tentatione magna : κ. §. 94.

γ. §. 65.

IV. Ut eventum benigniorem sortita , respectu

A. Hostium , quorum ultimum iudicium inciperet

κ. A casu urbium : κ. §. 93. γ. §. 67.

γ. Nili exsiccatione : γ. §. 68.

γ. Fastu retuso : γ. §. 69.

γ. Plagarum multatum inflictione : κ. §. 100. γ. §. 73—75.

B. Terminaretur in

κ. Rejetti Ægyptiaci sceptri ablatione : γ. §. 70.

γ. Finali exterminio : γ. §. 76.

C. Ecclesiæ , quæ acciperet

κ. Liberationem a dissipatione : κ. §. 71. 77.

γ. Pacem , compositio Mundi & Maris moru : κ. §. 95. γ. §. 66.

γ. Multiplicem benedictionem : κ. §. 83. γ. §. 76. 79.

PERIODUS SEPTIMA.

D E

Regno Ecclesiæ.

Beatitudo ultimi temporis , unde beata vocatur illa Ecclesia , consistit in

I. Ecclesiæ

A. Gratiola vivificatione : κ. §. 105.

B. Summo incremento per multorum conversionem : κ. §. 102. γ. §. 80.

II. Pertinacium , non resurgentium conjectione in probra seculi :

κ. §. 103.

F I N I S.

ANA.

ANALYTICA,
ET
PARAPHRASTICA
ELUCIDATIO
SERMONIS PAULINI, IN SYNAGOGA
ANTIOCHIÆ PISIDIÆ HABITI,
AD LOCUM
ACTOR. XIII. v. 16—42.

THE
ADDITIONAL
MEMBERS
OF THE
SOCIETY



A N A L I T I C A
 E T
P A R A P H R A S T I C A
 E L U C I D A T I O.
SERMONIS PAULINI, IN SYNAGOGA
ANTIOCHIÆ PISIDIÆ HABITI
A D L O C U M
A C T O R. XIII. v. 16—41.

§. 1.



Nter sermones Apostolicos, in Aëtis commemoratos, alii habiti sunt cum Judæis, alii cum Gentibus; atque in utrisque notare oportet, quænam supponant, quidve probare intendant, ad fidei Christianæ demonstrationem absolvendam, Apostoli. Adeoque cum hic Paulo res sit cum Judæis, utile erit paucis præmittere, quid sibi probandum sumserit, & qua methodo id executioni dederit.

§. 2.

Proculdubio sibi probandum sumit Paulus Jesum esse Christum. Verum cum illa controversia nimis sit generalis, totaque pendeat a causa mortis, Ejusque resurrectione, totum *argumentum* est in v. 8—31.

(I 3)

I. Con-

- I. Conveniunt Judæi & Apostoli, Euangelium concionantes, in eo, quod Jesus supplicio fuerit afflictus, quodque fama resurrectionis Ejus mortem Christi fuerit secuta. Quod ultimum etiam indubium est ex Matth. xxviii. v. 12—15.
- II. Dissentiunt vero in eo,
 - A. Quod Judæi Jesum fonticam ob causam supplicio affectum fuisse asserant, atque inter causas adduxerint illum blasphemum fuisse, se profitendo Filium Dei unigenitum, Patri similem, atque ita se *ἰσού τῷ θεῷ* fuisse. Confer Joann. v. v. 18. Matth. xxvi. v. 65. Paulus contra in hoc sermone: v. 28. ponit Judæos nullam causam mortis habuisse, nempe justam, cum a Pilato peterent Eum occidi.
 - B. Judæi tamam Christi resuscitati eludebant, dicentes aut fictum esse rumorem, aut, ut alii, phantasma & spectrum aliquod oculos Discipulorum elusisse. Quale quid Josephus & Celsus opponunt. Paulus contra v. 31. provocat ad satis distinctum conspectum eorum, qui cum ipso in Galilæa fuerant conversati.
3. Formato ita statu controversiæ, unde omnis causa pendebat, prudens rem pertractandi methodus postulabat simul etiam, ut sermo variis occurreret præjudiciis, Judæos a fide retinentibus. Quam non inutile erit in antecessum subnotare, ut prudentissimum Pauli consilium perspectum habeamus, videamusque, *quam nihil frustra dixerit. Qualia sunt.*
 - I. Quod totus Israel foret hæres mundi futurus, atque Messias, quando venerit, ambabus ulnis a tota Gente amplectendus.
 - II. Differri autem adventum Christi propter peccata Populi, atque non adventurum, nisi omnia in Populo, ad Eum excipiendum, parata fuerint.
 - III. Fieri proinde minus congrue posse, ut non recipiatur a Synedrio Magno, Populi legislatore; atque absurdum videri, si quis sit verus Christus, & nihilominus ab ordine Pontificum, Seniorum, totaque plebe uno ore rejiciatur.
 - IV. Contra Personam Jesu in specie movebant, hominem nimis tenuem, vilemque fuisse, omni apparatu Regio destitutum.
 - V. Nec liberationem a jugo hostium, tantopere a Messia expectatam, ab eo sperandam esse.
 - VI. Imo contra, Eum compertum esse hominem blasphemum, Qui sibi titulum Filii Dei arrogaverit.
 - VII. Et quod ultra excedit, moliri Ejus sequaces novas leges, Ejus nomine propagatas, legique Mosaicæ haud parvum præjudicium creantes.

Qui

Quibus præjudiciis notatis, beneque menti propositis, facilius erit artem Paulinam eruere, & quomodo communi & perpetuo sermone omnia huc direxerit, ut omnia ista præjudicia, aut in sermonis exordio, aut in subsequente positionum defensione absciderit, & quam mollissime occupaverit.

ANALYSIS SERMONIS.

In hoc sermone itaque expendenda sunt

I. Præmissa, exordii vicem occupantia.

A. Incipit ab alloquio: Ψ. 16. Ubi occurrit

κ. Compellatio, qua, ad captandam benevolentiam, duplex auditorum genus blandis ornat titulis.

α. Ἀδελφοὶ Ἰσραηλῖται ἀκούουσιν, quotquot sunt ex progenie & prosapia Jacobi. Licet enim isti homines dispersi certam suam tribum forte non tenerent amplius, nihilominus ortus ille ex Israele monuit illos, ut promissionum hæredes se esse gloriarentur; atque adeo idem ac æquale cum omnibus Judæis jus sperandi, expectandique Regem Christum haberent. Ut itaque titulus ille erat honoris, sic quoque erat officii monens de obligatione aulcultandi præconio Evangelii.

β. καὶ οἱ φοβούμενοι τὸν Θεόν. Ita vocantur stylo N. Testamenti profelyti, qui de divinitate religionis Mosaicæ convicti, πολυθεΐαν abjuraverant, unumque Deum Abrahami, Isaac & Jacobi revereri didicerant. Quasi dicat, & quotquot pietatem ac reverentiam Numinis, per conversionem ad Synagogam admissi, ex vestris pectoribus non excussistis.

γ. Postulatio sequitur, qua attentionem exigit, cum dicit ἀκούετε. Quasi dicat, ne patiamini vos præjudiciis ita occupari, ut mihi auditum, & dictorum examen negetis; perpendite quæso, quæ dicenda habeo!

B. Præmittit abhinc Evangelicæ suæ demonstrationi historiolum rerum, olim in Populi exortu gestarum, eaque adducit, quæ ad causam suam valitura novérat. Allegat itaque hic

κ. Pristinam Populi electionem & separationem, qua a Gentibus sejuncti in terram Canaan introducti fuerunt: Ψ. 17—19. Ubi occurrit

α. Beneficium electionis ipsum. Quando inquit, *Deus hujus Populi Israel elegit Patres nostros*. Testatur Paulus se hac in parte consentire gloriationi Gentis. Fundamentum præjudicio.

ciorum erat, Populum Israeliticum jam in Patribus esse electum, ut Christum Messiam recipiant, & cum Regno Ejus omnem benedictionem foederalem, Abrahamo obligatam. Quod admittit & concedit Apostolus.

6. Argumentum fidelitatis Dei, electionem istam prosequentis exaltatione Populi in Ægypto. Unde subjungit, *Et Populum exaltavit, cum peregrini essent in terra Ægypti, atque alto brachio inde eduxit.* Scilicet cum consilium Dei, cum Patribus communicatum, videretur in nihilum relapsurum, contra omnes verisimilitudines externas.
7. Specimen tolerantiae Divinae subnequit, addens, *Et circa tempus XL annorum in deserto tulit mores eorum.* Ἐξέποιοσέν, id est, sub disciplina coactus est formare mores, ut legi suae assuescerent. Ita egregie in memoriam revocat
 - a. Ducem Populi in deserto, Quem vocaverat Deum eligentem Patres, illosque ipsos redimentem. Qui ipse est Angelus foederis, quem Judæi מַטְרֹן appellunt.
 - b. Dein quam difficulter illam disciplinam receperint obmurmurando, seque multis modis opponendo, adeo ut totos quadraginta annos exerceendi fuerint, & judicii Dei expurgandi, antequam hereditatem promissam ingrederentur. Quæ faciebant adversus primum præjudicium, de toto Populo futuro hærede Regni Christi. Probabat enim clanculum, non obstante illa electione Patrum, & miraculosa Populi educatione ex Ægypto, maximam Populi partem posse esse apostaticam, Angelo foederis obnitentem, & ad hereditatem Testamenti non admittendam.
 - c. Argumentum novum constantiae divinae in præstanda foederis promissione. Quod hisce exprimit Paulus. *Et septem populos in terra Canaan delens, sorte illis terram eorum distribuit.* Quæ constantia facit adversus secundum præjudicium. Cum enim Judæi inter dilati Christi adventus causas conferrent peccata sua, hic clanculum refutantur, id saltem constantiam Dei non permitisse in resignatione primi testamenti. Sicut enim exitus secutus est post annos ccccxxx. & introductio in terram post annos XL definitos, neque hereditas terræ fuit dilata propter pessimos Israelitarum in deserto mores; ita cogitare licuit, rem se habituram in adductione secundi testamenti, ejusque resignatione per Messiam. Fieri enim æquo jure

jure potuisse, ut **נשיב** descenderet ad Gentem Judaicam, pessimis moribus imbutam, maximaque tolerantia ferendam, obmurmurationibus & objectionibus insignem, atque secum ferret tantummodo partem Populi meliorem, cum hæreditatem mundi adiret & ingrederetur, reliquis omissis & judicatis.

3. Electionem Davidis, præmisso Samuele, huic rei subjungit. Ratio translocationis istius est, quod Paulus sibi destinaverat præprimis Davidem ponere in rei typum & exemplar, Judæorumque attentionem revocare ad perpendendum modum, multimodis difficultatibus oblitum, quo Davidem in Regem extulit, atque in Regnum suum introduxit. Commode sane, cum extra controversiam fuerit, Messiae Regnum Regno Davidis typico fuisse prædelineatum, unde Messias in Sacris tanquam Davidis Antitypus sæpius proponitur. Hoc itaque expediturus Paulus

a. Tempus notat præmissum: §. 20. dicens, *Et postea annis circiter quadringentis quinquaginta dedit iudices usque ad Samuelem Prophetam.* Ut forma Reipublicæ primigenia & antiqua, œconomiz Populi conveniens, fuerit regimen sub Judicibus.

β. Occasionem mutationis subjungit, dicens, *Et abhinc petebant Regem.* Scilicet nauseabundi a forma reipublicæ, Deo Auctore concessa. *Dabatque eis Deus Saul, filium Kis, virum ex tribu Benjamin, annis quadraginta.* Quæ compendiosa verborum recitatio satis superque in memoriam revocabat novum crimen, commissum adversus **Δαυιδας**; nam Regem petentes Regnum Dei spreverunt: ut Regnum, Deo vero Rege indulgente, in Populum fuerit introductum.

γ. Introductionem Regni Davidis adumbrat: §. 22. Explicans, *Ut amoto illo, Saule nempe, excitavit eis, intellige Israelitas, Davidem Regem, cui etiam dedit testimonium, dixitque: inveni &c.* Licet Theologi admodum solliciti sint circa illud testimonium; nos tamen putamus hic respici dicta Samuelis, ex collatione locorum: 1 Sam. xii. §. 14. 1 Sam. xvi §. 1. 12. Atque in unum testimonium componi. Nullam enim aliam ob causam vocatur David vir secundum cor Dei, in utroque loco, quam quod faceret omnia **Θελήματα**, id est, **εὐτάλματα** Dei. Aliiter de Saule dicitur, qui non observavit, quod Jehova ipsi præceperat: 1 Sam. xii. §. 14. Ut jure verba **κατὰ τὸν καρδίαν μου** resolvantur in sequentia, & per ea explicentur, quando subjungit **ὅς ποιῶν πάντα τὰ Θελήματα μου.**

(K)

In

In hisce observamus, ut Pauli consilium fuerit artificiosa satis methodo nova Judæorum præjudicia occupare & pravertere: nam

a. In Regno Saulis occurrebant contemptus & rejectio *Christus*, seu Regni Dei, ut Deus evidenter testatur Samueli, dicens, non te, sed Me ipsum spreverunt, ejusque criminis reus est factus universus Populus una cum Principibus ejus, & quotquot auctoritate pollebant, in oppositione adversus Samuelem, insurgentes adversus Regnum Dei. Quod validissime facit adversus tertium præjudicium, quo absurdum putabant, fieri posse ut Regnum Dei, per Messiam adducendum, a toto fere Populo & Ducibus ejus rejiceretur, illisque præesset, qui consilium Dei opprimeret, quantum in se esset: cum hic videant tanquam in præludio exemplum plane contrarium, haud absimile exemplo istius seculi, quo Christum rejicientes cum Monarchia Romana scortati fuerunt, Regem cupientes Cæsarem, atque ita formam regiminis cum circumvicinis populis conformem.

b. In Regno Davidis observare illis licuit, ut vir secundum cor Dei, populo præficiendus ad consilium Dei ulterius exequendum cum in operibus gloriosis, tum præsertim Templi idea, novisque legibus ad ordinem cultus publici spectantibus, fuerit vilioris originis, filius Jesse minimus, sola Samuelis auctoritate introductus, atque ex ejus constitutione unctus. Quibus probe pensatis, poterant videre *Davidem* adversus quartum præjudicium, ab humili Jesu ortu desuntum, cum nulla major Judæis fuerit causa respuendi Jesum ob familiæ depreffionem, personæque reliquam humilitatem, quam fuit imitatoribus & sectatoribus Saulis, qui Davidem spernebant propter personæ vilitatem, multisque persecutionibus affligebant: quibus omnibus non obstantibus, tamen ille ipse fuit minister singularis consilii divini, jam a Deo quasi adscitus, ut jura Regis Dei tueatur, asserat, atque defendat; imo in aliquibus circumstantiis novis statutisaugeat, quæ ordinem œconomix in Templo definiebant.

II. Argumentum ipsum, quod Paulus sibi pertractandum sumserat. In quo attendere oportet.

A. Ad propositionem, continentem transitionem cum tacita applicatione dictorum ad subjectum, de quo sibi dicendum statuerat: *ŷ. 23—25. Ubi iterum*

R. Per-

N. Personam cum relatione ad genealogiam suam designat, dicens, *Hujus*, nempe Davidis, *e semine Deus secundum promissionem Israel excitavit sospitatorem Jesum*. Ita personam denotans, simul cum nobili charactere prærequisito, qui est *E semine Davidis esse*. Hoc enim jure promissionum requirebatur, ut non solum ex Prophetiis constet, verum etiam extra controversiam positum erat; ut non solum ex Evangelio, sed etiam ex Talmudicis affatim constet. Quando *Jesum* Servatorem appellat & *Sospitatorem*, designat munus Messias; neque hoc negare poterant Judæi Messiam Regem fore, qui Populum liberaret. Assertio Christiana contra Judæos solum est, Jesum Davidis Filium esse verum Illum Sospitatorem.

D. Modum introductionis definit; & quidem

a. Prodromum nobilem in memoriam revocando, quando addit, *Quum ante prædicasset Joannes eoram Eo, jam adventante, baptismum resipiscentiæ omni Populo Israeli: §. 24.* Ita clanculum Joannem cum Samuele confert, cujus auctoritas valuit circa Davidem, ejusque introductionem. Notandumque apprime Judæos ipsos magni fecisse Joannem, ut non tantum ex Josepho, sed & ex Chronico de *Regibus Domus secundæ* palam est. Virque inter omnes laudatus, quod Populum ad *resipiscentiæ* revocans baptismo ad officium restrinxerit. Jam jubet Paulus ut notent talem virum *ante prædicasse, & eoram Jesu*, adeoque Deum excitasse hoc ipso tempore, quo Jesus Prophetam ageret & Sospitatorem, Virum satis fide dignum; cujus testimonium non facile spernendum, sicuti testimonium Samuelis de Davide non sine injuria adversus Deum sperni poterat.

ß. Testimonium ejusdem prodromi, quo Jesum agnovit Christum, Eundemque qua talem exposuit Populo: §. 25. Ubi verba ita se habent, *Quum autem expleret Joannes cursum*, id est, ministerium ejus aliquousque provectum esset, atque ipse auctoritatem sufficientem jam sibi comparasset, *Dixit: Quem me suspicamini esse? Putatisne me esse magnum illum Prophetam Christum, Non ego is sum.* Confer Joann. I. §. 24, 25. *Sed ecce venit post me, Cujus pedum soleam non sum dignus, qui solvam.* Confer Matth. III. §. 11. Quo monuit se prodromum agere Messia, Qui ipso dignitate multo potior foret.

B. Thema propositionis, declarans

N. Gratiam notificationis hujus Sospitatoris, illis a Deo factam
(K 2) per

per ministerium Pauli; quæ Apostolus pathetice enunciat: *ψ. 26, 27. Viri fratres*, inquit, ut fraternum amorem testetur. *Filii generis Abrahami*, ut spem promissionis de futuro Semine rememoraret. Et *qui inter vos timent Deum*, innuens profelytos, ac simul subiinnuens spem benedictionis, qualiumcumque Gentium in isto Semine. *Vobis sermo salutis hujus est missus*, nempe dum ipse Apostolus cum verbo hoc tanquam legatus Dei, ad illos venerat. Causamque subjungit, cur iste egressus jam fieret a legatis Christi ad Synagogas, in dispersione degentes, nempe quia *Habitanter Hierusalem, & Primores eorum, quum Hunc ignorarent, Eo condemnato, impleverunt voces Prophetarum, quæ per omne Sabbathum leguntur*. Quibus verbis monet, ut cautius agant, quam Hierosolymitani, qui Hunc, a Joanne designatum, ignorantes damnaverant, & post condemnationem in sua perfidia perstiterant. Ne tamen hoc præjudicium crearet, ac si tale quid non esset sperandum a Primoribus & Hierosolymitanis, antidoti loco addit, *Ita fieri debuisse secundum voces Prophetarum*, easque haud obscuras, in ipsis lectionibus & sectionibus Sabbathicis comprehensas.

2. Causam totam per narrationem historicam. In qua status controversiæ ita attingitur, ut quid ex fide Christiana statuendum sit, evidenter explicetur. Et quidem

a. Occisum esse Jesum præter causam asserit: *ψ. 28. Verba enim sunt Quod, nulla causa mortis inventa, petierint a Pilato, ut necaretur*. Convenit utraque pars in eo, quod Jesus, a Judæis damnatus, Pilato cum hac petitione fuerit traditus ut *interimeretur*. Dissensus est circa causam, quam nullam fuisse, aut inveniri potuisse ad judicem persuadendum de justitia postulati, asserit Paulus: imo nequidem ad quemquam persuadendum, qui rem ex æquo expendat. Imo addit & illos fecisse secundum Scripturam Propheticam: *ψ. 29. dicens. Quem vero perfecissent omnia, quæ de Eo scripta erant*. Intellige ad mortem Messiae spectantia, quam variis characteribus insigniverant Vates. *Detractum e ligno posuerunt in monumento*.

b. Resuscitatum fuisse a Deo, atque a multis testibus visum, quo causa Ejus justa fuit justificata: *ψ. 30, 31. Deus autem*, dicit Apostolus, *excitavit Eum a mortuis*. Quod allegat tanquam factum Dei, facto Judæorum oppositum, non solum consilium eorum reddens irritum, verum præsertim bonitatem causæ Christi justificans, dum opus quammaxime miraculosum intercessit. Verum ne putent hæc temere

temere asserere Paulum, addit rationem certitudinis hujus rei factæ; dum dicit, *Qui conspectus est per dies multos iis, qui simul cum Ipso adscenderant a Galilæa in Hierusalem.* Et sane in quæstione facti majus argumentum adduci non potest, quam quod ab experientia ocularis inspectionis desumitur. Additque spectatores illos, *Testes Ejus esse apud Populum.*

2. Causam illam adversus tacitas objectiones vindicat & confirmat: §. 32—39. Hic probe notandum, quod assertio Paulina gravari poterat quibusdam præjudiciis.

a. Dixerat *Nullam causam mortis inventam fuisse*, Ast hoc non facile concesserit Judæus; nihil enim notius est, quam cum Pilatum persuadere non possent Primores Hierosolymitani de justa causa mortis, Ei crimen Majestatis objecisse; nihilominus habuisse causam, eamque allegasse: licet Pilatus eam minus curaverit, quæ juxta legem supplicium meretur. Notum etiam est, Eum reum peractum fuisse blasphemix, quippe, *Qui Semet Filium Dei dixerat*, *Seque Deo parem sececerat*. Quod sane crimen erat, haud ferendum in quoquam Propheta. Huic ut occurrat Paulus, ea profert, quæ occurrunt: §. 32, 33. Dicens, *Et nos vobis evangelizamus eam promissionem, quæ Patribus est facta*, nempe, *quod Deus eam impleverit filiis illorum*, nobis, inquam, *dum Jesum excitavit*. Gradatim progreditur, monetque nihil in Jesu fuisse, quod non faceret ad impletionem promissionis, Patribus factæ, id est, quod non exhauriret omnes conditiones in Christo requisitas; adeoque nihil potuisse jure acculare Primores, imo ne hoc quidem, quod *Se Filium Dei dixerit*. In quem finem adducit: Psalm 11. Testimoniumque adfert, quo iste character tanquam requisitus in Messia proponitur. Unde verba ejus sic se habent, *Sicuti etiam in Psalmo secundo scriptum est.* Quasi dicat hoc ipsum est Quod in Psalm 11. legitur. *Filius meus es Tu, hodie genui Te.* Quasi dicat, nihil est in Jesu inventum, quod characteribus Messix sit contrarium, atque adeo causa Eum rejiciendi inferri non potest, imo ne hoc quidem, quod *Se Filium Dei dixerit*, licet id tantopere jactitarent, & objecerint Primores vestri, hoc enim titulo ornatus est: Psalm 11. Neque quod *Se eo jure parem sececerit Deo*, cum idem Psalmus Eum exhibeat *Filium ab æterno a Deo genitum*, adeoque proprium, & naturalem. Ut potius in ea professione agnoscere debeatis, quod hoc

charactere impleverit demum Deus promissionem Patri-
bus factam.

Verum cum hic locus admodum sit controversus, oportet ut hanc nostram interpretationem nonnihil adstruamus. Sociniani putant locum Psalmi allegatum a Paulo, adductum fuisse, ad probandam resurrectionem Christi, adeoque conjungunt cum verbis *ἀνίστασαι Ἰησοῦ*. Verum erronee, cum simplex *ἀνίστασαι* distinguatur ab *ἀνίστασαι ἐκ νεκρῶν*: *ψ.* 34. Ut excitare Jesum hic nihil aliud sit, quam Jesum sistere cum omnibus suis requisitis. Alii putant ex Psalmo probari generationem Jesu ex Maria. Verum nec illi recte sentiunt, cohæret enim locus allegatus cum verbo *ἐκπληρώσει*, respicitque plane modum sistendi Jesum cum satisfactione, & impletione omnium promissionum, characteres Messiae exhibentium. Modum indicari monet particula *ὅτι*, & particula *καὶ* subjuncta innuit specialem modum, quo Jesus excitatus comparuit esse Christus. Jam vero, cum versus antecedens omnem modum, juxta promissionem requisitum innuerat, causa fuit, cur Paulus his omnibus in communi hunc modum specialem addere voluerit; ut argumentum evidentissime ita procedat. Evangelium de Persona Jesu suscitati nihil dicere, quod non sit consentiens characteribus promissionis, etiam isti, quem Psalm. 11. designat. Jam negari non potest circa hunc characterem offensos fuisse Judæos, ergo causa characterem hunc specificandi proculdubio fuit illam Judaicam offensionem auferre, eique Psalmi testimonium tanquam antidotum opponere.

β. Dixerat Deum Eum suscitasse ex mortuis. De cujus rei fama dubitare nemo poterat, ast de veritate famæ omnis peracta fuit disceptatio: aliis fraudem discipulorum asserentibus, qui cadaver rapto abstulerant: aliis verecundius objicientibus, omnem apparitionem Christi fuisse artificio Diaboli, discipulos, nescio quo phantasmate, illudentis. Quale quid alibi in Josepho, Celfo, aliisque observavimus. Hanc objectionem seu exceptionem occupare porro instituit Paulus: *ψ.* 34-36.

a. Afferens resurrectionem veram, non phantasticam aut fictam: *ψ.* 33. *ὅτι ὁ ἀνίσταται &c.* Ubi notandum, constructionem dependere a verbo *ἐκπληρώσει*; nempe Evangelium annuntiare, & Paulum ut testem per Evangelium, Deum Ipsum suscitasse ex mortuis, ut nunquam sit reversurus ad corruptionem.

b. Pro-

b. Probat hoc ex collatione duorum locorum, ne quis putet, hoc non esse requisitum Messiae, aut id revera praestitum non fuisse in Jesu.

a. Non putandum esse, quod Deus pateretur falsa signamenta spargi de filio Davidis, adducit locum: Jes. LV. v. 3. ut verba sint. *Ita dixit, dabo vobis* *etiam Davidem et Jerusalem.* Studia Davidis fidelia, quod accipi potest de studiis Dei erga Davidem; quippe Qui promissiones Davidi factas, non pateretur certis modis eludi; nam revera studia Dei erga Davidem non essent *etiam vana*, si fieri posset, ut filius aliquis Davidis omnes characteres Christi habens, & legitimo modo introductus non esset Christus: tantumque concederetur Diabolo, ut posset falsis apparitionibus pios homines decipere, & spem Messiae tali subordinatione personae corrumpere.

b. Neque existimandum, tale quid minus requiri in Christo, aut Davidi talem spem factam non fuisse de futura Christi resurrectione: unde allegat dictum Psalm. xvi. v. 10. Quod urget: v. 34-37. Demonstrans illud dictum de Davide non posse intelligi, cujus coemeterium adhuc habebant inter se, in quo placide obdormiebat David, ergo Prophetam egisse de Sancto Illo, Qui ejus foret Antitypus, & in Quo Deus majorem gratiam exhiberet.

γ. Restabat adhuc aliud praejudicium de liberatione Populi a jugo hostium, cum subjectione mundi per Christum introducenda. De qua re insignem spem fecerant Prophetæ. Cumque Jesus crucifixus sine bellis & victoriis jam præterierat, non videbatur implevisse spem Populo factam. Cui praejudicio ut etiam occurrat Paulus, hoc agit, ut veram notionem liberationis & subjectionis mundi restituat, simulque adhortetur, ut eam gratiam agnoscere non negligant. Proinde

a. Exponit veram liberationem cum invitatione ad attentionem: v. 38, 39. Dicens, *Notum igitur sit vobis, fratres, annuntiari vobis remissionem peccatorum per Iesum.* Qui veræ liberationis verus fructus est. Dein subjungit, *Et ab omnibus, a quibus non potuistis per legem Moysi justificari, per Hunc credentem quemvis justificari.* Emphasis est in voce *quemvis*, notante Gentem æque ac Judæos, in hoc Semine benedici. In qua re subsistit vera subjectio mundi.

b. Ap

b. Applicat suam expositionem ad conscientiam, commendans illis prudentiam, ut caute cum hoc Evangelio agant, hunc fructum spiritualis liberationis quærant, & ita fidem in Christum admittant, nisi velint, ut iis superveniat, quod dictum est in Prophetiis. *Videte ergo, inquit, ne vobis superveniat, quod dictum est in Prophetis. Videte contemtores, & admiramini, & evanescite: quia opus operor ego diebus vestris, opus quod non credetis, si quis enarraverit vobis.* Locus desumptus ex Hab. 1. §. 5. Quem in commentariis expendimus: quique confirmat fore ut multi sint increduli, quando Evangelium annuntiabitur, atque in justum Dei judicium incidant. Quod etiam valuit adversus cogitationem carnalem, & præjudicium jam ante allegatum; scilicet non esse illud Evangelium verum, quod multos & magnos viros inter Israelitas habet opposcentes, atque fidem negantes.

F I N I S.



BIBLIO.

**BIBLIOTHECA
THEOLOGICA.**

ADVENTURE AND ADVENTURE

BIBLIOTHECA THEOLOGICA SELECTISSIMA.


Consilium nostrum hic est consulere Verbi Divini ministris
indicando auctores & libros, quibus *Bibliotheca
Theologica* minime carere potest.

IN FOLIO.

I.

Biblia Hebraica & Chaldaica.

Cum Rabbiorum commentariis ex editione Buxtorfii.



Quoniam fidelissimo Verbi Divini interpreti semper ad fontes recurrendum est, textus originalis proculdubio perpetuo est inspiciendus, neque inutile erit tenere expositiones Judaicas, praesertim antiquissimas perlucentes in paraphrasibus Chaldaicis, nec non & hodiernas: ut qui methodo deliberativa velit progredi, videat in quibus Judaeos habeamus consentientes aut dissentientes, ut ita formemus subiectum sub denominatione generali, extra controversiam, constitutum, & in progressu deliberationis recedentes Judaeorum expositiones per praedicata abscindamus. Editio Buxtorfiana praeter alia exhibet commentaria trium doctissimorum & celeberrimorum Rabbiorum, qui sunt *Schelomo Jarchi*, *Aben Ezra*, & *Rabbi David Kimchi*.

I I.

Biblia vernacula, cum notis plenariis.

Quisque pro lingua sua eligat versiones ultimas. Britanni Anglicanam cum notis Chronologicis *Usserii*, & notis marginalibus *Scattergood*, quibus adjiciant annotationes, ut appellantur, majores II. Vol. in Fol. editæ. Hoc Virorum doctissimorum opus laudatissimum, non nisi lingua Anglicana exstat. Clarissimus *Maresius* edidit Biblia Gallica cum notis, ex Bibliis Belgicis translata. Versio nova Belgica cum notis pro eo tempore etiam habenda est ut optima, in quo opere consiciendo, Interpretes præter versiones Lutheri, Piscatoris, Junii, & Tremellii, Anglicanam, & Italicam Diodati in consilium adhibuerunt Viros maximos *L. Empercurium*, & *Dominum de Dieu*, ut ex scedis doctissimi *Domini Bogermanni* patet, qui huic labori præfuit. Ante eos *Marnixius d'Aldegonde* Genesin & Psalmos transtulerat; *Drusius* multa converterat: *Amama* in *Antibarbaro Biblico & Biblica collatione* viam præparaverat, ut magno cum applausu hoc opus exceptum fuerit.

Nihilominus istæ versiones non eo debent haberi loco, quasi non liceret Viris doctis modeste ab iis dissentire, quoniam ratio temporis habenda est: multum enim lucis postmodum accessit linguæ Hebraicæ cognitioni.

- I. Quia Lexica nondum fuerunt consummata, ut *Pfeifferus* in *Critica sua Sacra* monet, notans etiamnum desiderata in Lexicis; & postmodum multa invenerunt *Capellus*, *Bochartus*, *Coccejus*, & nuper *Gussetius*, quæ ante ipsos fuerunt incognita.
- II. Quia cognitio accentuum nondum erat satis illustrata, unde eorundem annotationem minus curarunt Interpretes anteriores.
- III. Eo quod minus moniti fuerint de temporum anomaliis, & enallagis fugiendis, qua de re nuper tractatum edidit *Florentius de Bruin*.
- IV. Accedit nimia *Calvini* alias maximi auctoritas, quem adversus Lutheranos defendere susceperant Theologi Reformati; unde multi alieniores fuerunt a Prophetiis, Christo Ejusque Regno applicandis.
- V. Delassata attentio etiam prudentissimos aliquando confundere potuit, ut superflua apposuerint, nonnulla omiserint, aut aliter aberraverint; quod quoad versionem Belgicam nuper ostendit *Dominus Sterringa* suis in *Pentateuchum animadversionibus*.
- VI. Memoria infirmitas, & operis inter plures divisio effecerunt etiam, ut una eademque radix & vox sæpe aliis verbis & vocibus vernaculis

culis præter necessitatem translata sit, quod Index ad *Concordantias* Trommii ad oculum manifestat.

Sumant sibi tirones exemplar optimæ editionis, charta pura interposita, ubi adscribant quæ ad versionis elucidationem, confirmationem, aut correctionem in adversariis collegerant, adscripto numero in adversariis invento, ubi observationes istæ annotatæ fuerunt.

I I I.

Biblia critica majora . & auctiora.

Cum Thesauro Dissertationum Philologicarum, ex editione nupera Amsteladamenfi.

Licet Londinensis editio sit magis nitida, hæc tamen præferenda est propter insigne auctuarium: adjectæ enim sunt notæ, seu *Electa* Cartwrighti in *Genesis* & *Exodum* eruditissima. Varia inedita Masii & Drusii, eaque satis magno numero: nec non Amanæ in *Libros Historicos*, V. T. *Psalms*, *Proverbia*, & *Ecclesiasten*.

Hoc opus utilissimum & necessarium est, ut teneamus progressum doctrinæ *Criticæ* in illustrandis dictis S. Scripturæ: habet enim in V. T. notas Munsteri, Fagii, Vatabli, Castalionis, Clarii, & Hug. Grotii, nec non selectos quosdam Auctores in particulares Libros, ut sunt Masius in *Josnam*, Codurcus in *Jobum*, Pricæus in *Psalms*, Baynus in *Proverbia*, Forerius in *Jesaiam* & Liveleus in *quinque piores Prophetas minores*. In N. T. notæ adfunt, quas dedit primus Valla, Revius, Erasimus, Vatablus, Castalio, Zegerus, Clarius, Drusus, & Grotius. Omitto jam tractatus de variis rebus Philologicis insertos, quibus Thesaurus Creticus adhuc multas dissertationes adjecit. Ita ut nulla fere materia difficilis ex Antiquitatibus eruenda occurrat, quæ non ab aliquo horum discussa sit. Accedunt tractatus integri de *Antiquitatibus Judaicis* Atiz Montani, Bertrami, & Cunæi, ita ut in his compendium sit *Bibliothecæ Criticæ* & *Philologicæ*.

I V.

Beza & Camerarius in N. T. ex ultimo editione Cantabrigiensi.

Hi Viri docti etiam crisin in versiones exercuerunt, imprimis censuram in Vulgatam versionem, Miror horum doctorum Virorum labores

non exilare in Bibliis Criticis majoribus, legendi enim erant post Val-
lam, & Erasum, ne rumperetur cursus studii Critici. Plurimi æsti-
mantur horum nota ab omnibus, quicquid garriat contra auctoritatem
Bæze Grenius. Notandum tamen, quod Leze exemplar manuscriptum
N. T. Græci tantum contineret partem Codicis, quæ hodie in Anglia
asservatur, sicuti pars altera in Gallia, & Simonium detexisse non esse
pote nota exemplar, quia in Occidente descriptum est, & manifesta ha-
bet indicia, quod ad versionem Vulgatam fuerit castigatum; unde va-
riæ lectiones ex hoc codice profluentes nullius sunt momenti.

V.

Waltoni biblicus apparatus.

Hoc opus coheret cum Bibliis Polygotis Londinensium, verum quod
doctrinam Theologicam seorsum exculum est in Helvetia. Jungi
debet cum Bibliis Criticis propter varia Antiquitatem spectantia,
quæ in tractatibus, Bibliis Criticis insertis, aut non occurrunt, aut mi-
nus plene. Continet enim Ludovici Capelli *Chronologiam Sacram* cum
tabulis, & eundem triplicem *Tempa delineationem*; nec non *Descriptionem*
Terræ Sanctæ ex doctissimis Boniverii notis ad Adrichomium, & *Ligi-*
jam notis ad tabulas Geographicas: item Breerwordii tractatum de *Idio-*
typis Lingue Hebrææ & Græcæ in Sacris Literis occurrentibus. Acce-
dunt tandem XVI. Waltoni dissertationes, agentes de *Linguarum origi-*
ne, ætate, numero, & mutatione. De *literarum origine, inventione,*
& ætate. De *Lingua Hebrææ antiquitate, conservatione, mutatio-*
ne, præsertim, quæ, nec non de characteribus ejus antiquis, punctis, vo-
calibus & accentibus. De *Hebræorum præcipuis editionibus & variis ver-*
sionibus. Nec non *variantibus in scriptura lectionibus*. De *textuum Ori-*
ginalium integritate & auctoritate. De *Masora & Cabbala*. De *versio-*
nibus Græcæ, Latine Vulgatæ, Samaritanæ, Chaldaicis, Syriacis, Ara-
bicis, Aethiopis, & Persicis. Additis, de singulis linguis expositionibus par-
ticularibus. Ex qua enumeratione constat, quantum auctuarium Philo-
logi ex hoc opere accedat us, quæ in Bibliis Criticis inveniuntur.
Minusculis tamen est Lector, Virum ductum patrocinari scientiæ Cap-
elli de mutatione literarum Hebræarum, & novitate punctorum, &
accentuum.

V I.

Cocceji opera omnia cum auctoris operum postumorum.

Nemo dubitat, Auctorem istum in Helveticis & Græcis fuisse versatil-
limum, ut & Clarissimus Collega Vithus dicit ad invidiam utque
Unde

Unde profluxit, ut varias novas versiones & expositiones protulerit, in quibus nos magnum incrementum cognitionis Hermeneuticæ agnoscimus, quare ob progressum eruditionis Hermeneuticæ ceteris videtur quam maxime adjiciendus. In hisce operibus invenies.

- I. *Commentarium amplissimum in omnes libros V. & N. T. exceptis solum Historicis*, quos strictioribus notis tantum hinc inde attigit, quem defectum adimplere possumus Cl. Burmanni expositionibus in *Legem & libros Historicos V. T.* quæ lingua nostra vernacula exstant; & Balduini Walæi commentario Critico in quatuor *Evangelistas & Acta Apostolorum*.
 - II. *Didactica & elenctica una cum epistolis, consiliis, & disputationibus*. Ad Theologiam didacticam pertinent ejus *Summa Theologiæ. Summa fœderis*, & notæ ad *Catechesin*. Elenctica quod spectat, Socinianis opposuit principium *Evangelii Joannis*, & solidissimam responsionem ad *apologiam Equitis Poloni*; Grotio principium *epistolæ ad Ephesios*, & tractatum de *Anti-Christo*: Pontificiis *stricturas in Bellarminum*, & tractatus de *potentia Scripturæ*, deque *Ecclesia & Babylone*, nec non probationem *Scripturam contra Masenium*, ejusque defensionem: *Judæis responsionem ad quæstiones a Judæo motas* validissimam & elegantissimam. Omitto scripta critica circa quæstiones a Maresio, Voetio, aliisque motas.
 - III. Ad illustrationem Antiquitatum & linguæ Hebraicæ spectant *tractatus in Sanhedrin & Maccoth*, quem titulum vertit & notis illustravit: ubi primus excerpta Gemarica quoque resolvit, opus eo tempore ab omnibus doctis ambabus ulnis amplexum. Et *Lexicon amplissimum*, quod fere concordantiæ vicem adimplere potest. Ubi id peculiare præstitit, quod verba synonyma secundum singulares connotationes prudentissime distinxerit. Velim tamen lectores ejus monitos in commentario ejus ad *Jobum* varia observasse, quæ cum dictis in *Lexico* hoc sunt conferenda, ob ampliores rei assertiones & confirmationes.
- Liget Vir doctus multorum crisi fuerit subjectus, nihilominus agnoscenda est providentia Dei in hoc ipso, Qui noluit ea dimittere inexplorata, ut lux, quam accendit, rebus hodie persplendeat illustrior, & gratior. Licet enim stylus videatur Viro Docto singularis & insuetis obscurior, remedium facile quis inveniet, si quis ejus *Summam fœderis* diligenter discusserit, sive proprio Marte, sive Duce experto; laboris enim pretium referet Lector inde uberrimum.

VII.

Concordantie Biblicorum in quavis lingua.

Concordantiarum usum esse maximum nemo nescit, harum enim subsidio testimonia, quæ memoria exciderunt, renovantur; phrasum parallela demonstratur, vocabulorum numerus, quæ hermeneiam requirunt ex cathedra, suis limitibus includitur, & harum concordantiarum ope alicubi metaphorica a simplicibus distinguuntur. Laudatissima sunt Euxtorfii *Concordantia Hebraica* V. T. Et Schmidii *Concordantia Græca* N. T. Licet & Stephanus eandem ediderit, sed Schmidius cum æstuario. Anglis & Britannis commendanda *Concordantia Cantabrigiæ*. Verum omnibus istis palmam præcipit *Concordantia Belgica Tinnami*, qui in indicibus vocum Hebraicarum & Græcarum vicem *Concordantiarum* Euxtorfii & Schmidii adimplere potest: quique etiam ostendit, quin varie interpretes Belgici transtulerint voces, & verba in textu originali occurrentia. Non tantum accuratum hoc opus est, sed & significationes vocabulorum simplices a metaphoricis distinguit, & ut prædicata eadem variis subiectis applicentur, Deo nempe, Christo, hominibus piis, impiis, imo rebus inanimatis sub distincto titulo subnotavit, ut nemo isto opere carere possit. Nihilominus optarem, ut ejus ederetur contractio, ac redigeretur etiam in formam repertorii Biblici, sicut Henrici Witten *Repertorium Bionicum* in quarto: ut forma esset portatilis. In eum finem textus citati possent deleri, servatis tantum numeris capitum & versuum librorum: utque minor sit confusio, particula Hebræorum & Græcorum potuissent minoribus exemplis proponi. Quid enim attinet omnia illa testimonia adducere in quibus χ copulativum copulationem denotat, aut particula $\epsilon\lambda\lambda\iota$ ratiocinativa ratiocinium indicat? pauca enim exempla hic sufficiunt, multitudo nullam præstat utilitatem. Ita etiam nomina propria, vellem, aut ablata, aut in alium catalogum relata. Opusque illud esset utile, si & *Concordantia Kirkeri* ita conjungerentur, ut adscripto verbo Græco teneremus, quomodo Græci interpretati fuerint verbum Hebraicum. Ita enim librum portatilem in quarto haberemus ad omnes usus sufficientem, & ubique in promptu, impedit enim diligentiam necessitasvolvendi tria volumina in folio. Non quod *Tinnami* opus abrogatum velim, cum propter indices, conferendos cum corpore operis, adhuc singularem utilitatem retinebit.

SELECTISSIMA
MISCELLANEI.
VIII.

Usserii Annales.

Doctissimus ille Theologus Hibernus in rebus Historicis & Chronologicis versatissimus fuit. Hujus laudatissimi operis Auctor in eo absolvit *Historiam* V. T. & N. usque ad excidium Hierosolymitanum; eaque omnia revocavit ad *Annales*, & ubi potuit historiam dedit ipsis verbis probatissimorum Actorum, adjiciendo loca Auctorum, ex quibus ea fuerint descripta. In doctrina Chronologica omnibus palmam præripuit, sicut & addidit *Canones Chronologicos*. Ita ut *Bibliotheca* saltem ad tempus carere possit laboribus, alias eruditissimis, Scaligeri, Petavii, aliorumque Chronologorum, modo quæ Chronologiam attingunt in *Apparatu* Waltoni, & *Bibliis Criticis* adjungantur. Quare commendo tiro-nibus, ut hoc opus volvant revolvantque perpetuo, legendo enim & rem tenebunt, & fontes, ex quibus vera historia profluere debet.

I X.

*Basnagius Flottemanvillacus in opere nondum absoluto
cujus titulus est
Annales Politico-Ecclesiastici.*

Ex tribus voluminibus jam editis perspeximus Virum diligentissimum attingere omnes quæstiones Historicæ. N. T. & Chronologicas, adeo ut videatur Usserii *Annalibus* adjiciendus propter Historiam Ecclesiasticam N. T. Nihil enim eorum omittit, quæ habent Magdeburgenses, Baronius, Salianus, & Pagius, quos etiam corrigit, ubi corrigendi sunt. Quæ quæstiones in Gallia ventilatæ sunt inter Viros Historiæ Ecclesiasticæ peritissimos recenset, discutit, & *iniquam* suam interponit; ut proinde in *Bibliotheca selecta* locum multorum adimplere possit.

X.

*Sanfonis Geographia Sacra.
Cum notis Clerici nuperrime edita.*

Hic Auctor videtur Geographis in Bibliis Criticis insertis, & in *Apparatu* Waltoni repræsentatis adjiciendus. Nemo enim videtur felicius distinxisse Terram Sanctam, quam Geographus ille peritissimus. In indice locorum omnium adjecit mapparum suarum fundamenta, apponendo locorum longitudines & latitudines. Hallucinationes paucas correxit Clericus ex post observatis Geographorum.

X I.

Suiceri Thesaurus Ecclesiasticus e Patribus Græcis.

Opus omni laude majus. Lexicon est vocabulorum Græcorum quotquot apud Patres occurrunt, & repertorium rerum omnigenarum ad Theologiam aliquo modo spectantium. Voces philologice expendit, adjecit multis ex Calaubono, aliisque Viris literatis. Si titulus sit Theologicus, eam rem exponit, & Patrum Græcorum sententiam subjungit; idem si titulus sit practicus. Imprimis vere *Thesaurus* est *Antiquitatum Ecclesiasticarum*, dum agit de omnibus ritibus veteris Ecclesiæ quam solidissime, de templis & templi partibus; de officiis ecclesiasticis, quidquid formam Ecclesiæ antiquæ illustrare possit ex omnibus auctoribus adducens, probans, & adstruens. Cumque adhuc in libris ad *Bibliothecam selectam* adductis nihil horum invenerimus, & hoc opere non destituenda est *Selecta Bibliotheca*.

I N Q U A R T O.
S Y S T E M A T I C I.
I.

Walei loci communes.

Licet doctissimus Auctor in hoc opere secutus fuerit methodum *Catechesios Heidelbergensis*, quæ minus videtur conveniens studiis academicis

SELECTISSIMA:

II

micis, nihilominus conferri potest cum nostro *Compendio Theologiæ Revelatæ*, in quantum satis accurate varias quæstiones Theologicas, & controversias definivit, atque doctrinam orthodoxam ab objectionibus adversariorum vindicavit.

I I.

Heidani corpus Theologiæ.

Doctissimus hic Auctor methodum vulgarem secutus, conjunxit principia Philosophiæ Cartesianæ cum Theologia revelata; & acutissime cum adversariis, imprimis cum Remonstrantibus disputavit; dignus revera ut expendatur & legatur.

III.

Oweni ΘΕΟΛΟΓΟΥΜΕΝΑ.

Vir inter Britannos doctissimus fuit Owenus, præstantioris eruditionis exemplum: qui in hoc opere non tantum multa delibavit, ex quibus Theologia Patrum eruitur ante legem & sub lege: verum etiam inseruit huic operi multa præclara ex Theologia Gentilium, atque inter dissertationes insertas excellit ea, quæ agit de *Origine Idololatriæ*,

ELENCTICI.

IV.

Cloppenburgii opera Theologica.

In hoc opere varia occurrunt didactica & elenctica. In elencticis excellit Auctor propter succinctam agendi rationem. Contra Socinianos occurrit *Compendiolum Theologiæ Socinianæ confutatum*. Ubi confessionem religionis Socinianæ secundum omnes articulos discutit: præfigiturque *Historia ortus & progressus religionis Socinianæ*, lectu utilissima. Dein ejus *Anti-Smalcius*. Contra Remonstrantes exhibet hoc opus *Disputationes contra V articulos Remonstrantium*, breviter & nervose rem omnem absolventes. Ut & liber contra *Poppii portam angustam*. Contra Anabaptistas scripsit librum, cui titulus *Gangrana doctrinæ Anabaptisticæ*. Huic operi insertæ quoque sunt epistolæ *deusæ* inter ipsum & Ludovicum de
b 2
Dieu,

Dieu, cujus titulus *Deliciae Biblicae Brielenfes*, in quibus multa critica ad Sacram Scripturam discutiuntur. Nec non discussiones cum Capello de quaestionibus, an Christus eodem die cum Judæis pascha comederit, & quid Lucas per *Sabbatum dispensatus* intellexerit.

V.

*Hoornbeekii.**Refutatio Socinianorum.**Tractatus**Pro convertendis Judæis.**Indis & Gentilibus.*

Fuit doctissimus Auctor versatissimus in studio elenctico, atque hæc opera edidit omni modo consummata: ut nullæ sint cum *Socinianis* aut *Judeis* controversiæ, quas non plenarie pertractaverit. De convertendis *Indis & Gentilibus* liber utilissimus est ministris ad *Indos* mittendis.

V I.

*Heideggeri.**Tumulus Tridentini Concilii.*

&

Historia Papatus.

Hunc si adjiciamus iis, quæ in Clarissimi Cocceji operibus contra Pontificios exstant, habebimus quæ in controversiis cum Pontificiis sufficere possint. Hunc Auctorem multis esse præferendum existimamus, quia sibi refutandum tantum proponit *Concilium Tridentinum*, ne videatur cum umbra dimicare: & singulis controversiis præmittit historiam deliberationum in isto *Concilio* habitaram. Ex variis *historiæ Concilii Tridentini* auctoribus statum controversiæ ad mentem istius *Concilii* eleganter circumscribit, argumentum evidenter proponit, & ab objectionibus *Abbatibus*

S E L E C T I S S I M A.

is Einsidlensis vindicat, sicut & omnes objectiones sibi diluendas proponit. 13

Historia Papatus.

Quæ Mornayus in *Mysterio iniquitatis*, quæque alii adduxerunt magno cum auctuario nobis dedit, ut liceat progressum videre apostasiæ ecclesiæ Romanæ in ipsa deductione rerum.

V I I.

Altingii exegesis confessionis Augustanæ.

Pertractat Auctor noster controversias, quæ inter Lutheranos & Reformatos intercedunt, idque scilicet & pacifice, ipsam confessionem Augustanam cum debita laude & honore pertractans, calumnias adversantium modeste amolens, quæque vere in quæstione sunt satis, sufficienterque discutiens, ut ille solus contra Lutheranos sufficere videatur.

P R O P H E T I C I.

V I I I.

Junius Vertroostinge der Schriften.

Auctor lingua vernacula hoc opusculum edidit, cum quæstiones inter Fratres de usu scriptorum Prophetiarum caput erigerent, atque adeo omnes nervos intendit ad utilitatem scriptorum Prophetiarum demonstrandam: quo cum si quis conferre velit nostram *Introductionem in scripturas Prpheticas*, habebit, credo, quæ in antecessum tenenda sunt, ut hoc studium, feliciter excolatur.

I X.

Gulichii Theologia Prophetica.

Constat nobilissimum hoc opus tribus voluminibus. In uno volumine contraxit analytice omnes Clarissimi Cocceji commentarios in libros Propheticos tum V. tum N. T. exhibetque interpretamenta omnia quam compendiosissime. Usus hujus est in quotidiana Sacrarum

Literarum lectione summus, ut sine ullo temporis dispendio cum lectione simul mentem Spiritus Sancti intelligamus: sed velim ut simul conjungatis Clarissimi Heideggeri *Enchiridion* cum nostris animadversionibus.

Duo altera volumina omnes prophetias, ex mente Cocceji expositas, ad certos temporum articulos revocant; ut videatis, quid de fatis ecclesiae omnes & singuli Prophetæ prædixerint, idque suis in locis; quod ad omnium consensum manifestandum, & egregiam parallelam conficiendam, quotiescunque mediante collatione harmoniam omnium inter se eruiamus, quam maxime facit. Dolendum, quod Auctori nobilissimum hoc opus & institutum ad finem perducere haud licuerit, subsistit enim in judicio Judæorum sub Romanis. Horum usus concionatori meo evangelico maximus est, quotiescunque in textibus versatur historicis, aut prophetis. In historicis enim notat Interpres articulum temporis, qui ubique præfigitur, & pro facienda ἀποδείξις annotat subjuncta vaticinia quorum implementa ad pertractandam historiam, in implementis recludendam, adducenda sunt. In textibus autem prophetis unusquisque articulus spei, cum aliis prophetiis parallelis conferendus, plenariam invenit præparationem. Imprimis observandum, ut locum pertractandum quæramus in indice, atque inveniemus toties adduci locum, quoties ex phrasibus diversos articulos spei & temporum contineri cernimus. Quæ insignem cum præbeant compositioni sermonum ecclesiasticorum materiam, hoc opere *Bibliotheca Theologica* carere non potest.

X

Gurtleri Systema Theologiae Propheticae.

Idem argumentum nuper tractavit Clarissimus Gurtlerus, qui desideratos temporum articulos N. T. quos adjicere Gulichio meo negatum fuerat, etiam ad finem mundi usque elaboravit. Consilium tamen Gurtleri fuit, non omnia, sed evidentiora Prophetarum vaticinia adducere. In historiis, earumque enarrationibus probat se Auctor Virum eruditum, & valde exercitatum. Animadvertit enim in historiis fata ecclesiarum persequentibus varias circumstantias, quas solidissime ex probatis Auctoribus confirmat. Deest in præclarissimo opere index locorum citatorum, quem ut fini operis adjiciant tirones, suademus, cum ejus utilitas eadem sit, quæ sit indicis locorum operis Gulichii, de cuius utilitate statim monuimus.

SCRI:

S C R I P T U R A R I I.

X I.

Sterringa animadversiones Philologico-Sacræ in Pentateuchum.

Examinat Vir doctus versionem Belgicam ultimæ translationis, atque in publicum prodierunt hætenus ejus *Animadversiones in Pentateuchum*; observatque nonnulla in ea desiderari, quæ revocantur ad tria capita. Ut alia *omissa* sint supplenda. Alia superflua dimittenda, & *omittenda*, qui defectus natus est ex nimia festinatione, cui subjecta sunt omnium hominum ingenia. Erronea (ut vocant) *mutanda* & corrigenda, quæ nata erant ex imperfectione Lexicographorum. Lingua enim Hebræa post Viros Clarissimos multum lucis accepit ab iis, qui obscuriora ad evidentiorum cognitionem revocarunt. Qualia a Capello, Bocharto, Coccejo aliisque profluxerunt. Hæc itaque cum textu pertractando erunt conferenda.

X I I.

Burmanni commentaria Belgica in Pentateuchum & Libros Historicos V. T.

Collegit Vir Clarissimus, dum viveret, ex optimis Interpretibus & Philologis ea, quæ Libros Historicos V. T. illustrare possunt. Cumque in operibus Cocceji in Libros Historicos pauciores essent animadversiones, & quosdam vix attingat, hi labores adjiciendi sunt ad complementum rei: conjuncti enim integrum V. T. illustant affatim. Quæ enim Seldenus, Bochartus, aliique Viri optimi sparsim habent ad illustrationem rerum in iis contentarum, diligentissime transtulit Vir optimus in hæc commentaria.

X I I I.

Balduini Walæi commentarii in Libros Historicos N. T.

Labor utilissimus, & commentariis Clarissimi Cocceji adjiciendus, ut omnes Libros Historicos N. T. sufficienter habeamus illustratos.
Re-

Repræsentat hic Criticus suis locis, quidquid in Libros quatuor Euan-
gelistarum, & Acta Apostolorum notatu dignum adduxerant in notis
Viri præstantissimi. Beza, Camerarius, Camero, Capellus uterque,
Gomarus, Stephanus, Scaliger, Casaubonus, Salmasius, Heinsius, Dru-
sius, Grotius, Pricæus, de Dieu, Montanus, & Novarinus. Omitto
multos alios, qui hinc inde in animadversionibus adducuntur. Dolen-
dum est, quod mors Viri optimi consilium abruperit; qui in animum
induxerat eodem modo & ceteros N. T. Libros illustrare, atque ita Cri-
ticis, & Antiquitatum observationibus Sacri textus intellectum ubique
adjuvare. Si quid novi observent hujus disciplinæ cultores, auctor essem,
ut adversariis suis inferant, & numerum in adversariis consignatum in
hunc Auctorem transferant: ut ita incrementum cognitionis cum ante
observatis, & ibi notatis diligenter conferant.

X I V.

Melchioris Opera.

Hujus Theologi Herbornensis labores post fata ejus duobus conti-
nentur voluminibus: in quibus sistuntur exegetica, didactica, practi-
ca, & elenctica.

Tomus primus plenaria exhibet commentaria in *Canticum Salomonis*;
& *Michæ librum propheticum* ex V. T. In *Epistolas ad Colossenses*, & *He-
braeos* ex N. T. una cum dissertationibus in partem magnam *Apocalypsios*.
Subjunguntur quoque discussiones *Locorum*, quæ ex V. T. *allegata sunt*,
qui tractatus satis elegans est. Nec non *Parabolarum euangelicarum*. Tan-
dem adhæret expositio *Loci Danielis* 1x. §. 23—27. cum vindictis adver-
sus *Marshallum*.

Tomus secundus comprehendit doctissimam tractatus *Theologico-politici*
Spinozæ censuram. *Fundamentum Theologiæ Didascalicæ*. Et *Methodum*
Theologiæ Paracleticæ. Ceterum adjiciuntur tractatus varii *Historico-Theo-*
logici De *Communione & separatione ecclesiastica contra Methodistas* ex Pon-
tificiis. De *obligatione naturali inter Deum & hominem*, qui ad Theologiam
naturalem spectat. De *sanguine eucharistico* contra Bossuetum. *Investi-*
gatio prædestinationis. De *transubstantiatione nonnisi per enthusiasticum cre-*
dibili. De *principio credendi enthusiastico Pontificiorum, & rationali Or-*
thodoxorum. De *necessitate & sufficientia credendorum ad salutem, & com-*
munionem ecclesiasticam. Adhærent quoque orationes. De *Cathedra Theo-*
logica. De *Veritatis ad conscientiam demonstratione*. De *corona Justitiæ*:
ad II Tim. iv. §. 7, 8. De *Lege libertatis & Regia*. De *Emendatione ul-*
timi temporis. De *Juris divini & humani consortio*. De *Oeconomo inju-*
sto, ad *Parabolam* Luc. xvi. §. 1—9. Nec non lectio. De *testimonio*
Abc-

Abelis post mortem ejus: ad Hebr. xv. §. 4. *De Velamine Moysi*: II Corint. III. coll. cum Exod. xxxiv. §. 29—35. *De Homine Dei*: II Timoth. III. §. 17. *De Præstantia Canis vivis præ mortuo Leone*: ad Ecclef. ix. §. 4. *De Condimento sermonis*. *De Scriba in Regno Cælorum*: ad Matth. XIII. §. 52. *De Firmitate Sermonis Prophetici*: ad II Pet. i. §. 19. *De Sacra Scriptura*, & *de ejus fato in N. T.* ad Apoc. xi. §. 3—12. Tandem adjicit solidissimas locorum vindicias, quibus Anti-trinitarii & universalis gratiæ patroni abutuntur. Cumque istæ materiæ sint rariores, ut etiam *Selectam Bibliothecam* ingrediatur hoc opus, idque ocus, postulamus, quia studium elencticum & exegeticum inde singularia commoda sibi spondere potest.

X V.

Wilhelmi Mommae opera.

Vir Doctissimus meliori fortuna, quoad viveret, dignus, & Clarissimi Cocceji discipulus ingeniosissimus, obscuriora Viri Magni cogitata stylo longe facillimo & planiore exposuit. Continent ejus opera præter orationes & dissertationes notas in *Catechesin*, & quædam molimina in *Epistolas Pauli ad Romanos & Galatas*. Præcellit tamen tractatus de *Oeconomia Dei* amplissimus; in quo innumera Sacra Scripturæ dicta & testimonia tam V. quam N. T. ita fuse & eleganter discutuntur, ut concionatori meo evangelico in construendis, & eloborandis concionibus sæpe amplissimam præbeant disferendi materiam. Occasio huic tractatui obla fuit disputatio de *Oeconomia temporum*, quam Auctor & respondens sub Clarissimi Cocceji præsidio defenderat. Adversus quam insurrexerunt Verbi Divini Ministri Hamburgenses, qui excerpta ad formam quæstionum miserunt ad Clarissimum Maresium, unde lites inter Maresium & Coccejum nata. Quare Auctor etiam consultum duxit rem omnem fufius prosequi, sed thetice, & non per modum disputationis.

X V I.

Geieri Commentaria.

Scripsit Theologus Lutheranus in *Psalms. Proverbia. Ecclesiasten. & Danielelem*. Quæ postea in folio simul edita sunt. Laudandus a singulari & succincta commentandi methodo, qua vocum in textu originali occurrentium potestatem diligentius expendit.

XVI.

Sebastiani Schmidii commentaria.

Theologus hic Lutheranus Argentoratensis, Vir fuit linguæ Hebrææ peritissimus, & judicio pollens strenuo. Hic autem methodo Geieri insitens, elegantiora scripsit commentaria in Libros *Judicum. Ruthæ. Samuelis. & Regum.* Item in *Jobum.* Partem *Jesæ.* & in *Jeremiam.* Quæ ut præcellentiora commendamus. Quæ enim in Libros quosdam N. T. conscripsit, non sunt tanti momenti.

PRACTICI.

XVII.

Mastrichti Theologia Theoretico-Practica.

In hoc opere licet Vir doctus aliquando præter causam invehatur in Clarissimum, piæ memoriæ, Coccejum ejusque sequaces, nihilominus hoc opus propter practica acquirendum est. Id enim egit, ut omnes titulos Theologicos revocaverit ad usus practicos. Distingui tamen debet iste labor a justo opere Theologiæ Paracletiæ, cum Theologiam theoreticam tantum ad usus revocet.

XIX.

Hoornbeekii Theologia practica.

Vir præstantissimus ex scriptoribus Anglicanis Systema hoc officiorum composuit, quod & suam præstat utilitatem, atque referri debet ad nostræ Theologiæ Paracletiæ librum secundum, qui agit de studio sanctificationis excolendo.

XX.

Wittewrongels Oeconomia Christiana.

Fuit Ecclesiastes ille Amstelædamensis in practicis versatissimus, imprimis etiam Anglicanis. Hujus operis pars prima continet officia æconomi-

nomica in matrimonio, & domestica œconomia observanda. Altera vero pars habenda est pro Ethica Christiana, quippe quæ excutit satis fuscè virtutes Christianas; ita ut & hoc opus adornare possit partem illam nostræ Theologiæ Paraleticæ, quæ Sanctificationis studium promovere laborat.

XXI.

Belcampii hora novissima.

Fuit & hic Ecclesiastes Amstelædamensis, hujusque labores illo libro comprehensi præprimis comparandi sunt, quia Auctor seculi nostri vitia florido & eleganti stylo fuscè arguit & perstringit, ut propter elegantias insignem præstare ulum possit.

XXII.

Labores Domini vander Hagen.

Vir doctus varia composuit forma homiletica, quæ post ejus fata edita sunt. Intervire possunt concionatori evangelico in principio ministerii, quia in iis comprehenduntur conciones anniversariæ & occasionatæ. Anniversarias voco, quæ singulis annis redeunt, quales sunt conciones Festivæ, & Passionales, & Catechetiæ. Festivæ & Passionales comprehenduntur sub titulo *Mysterii pietatis*. Catechetiæ autem peculiari volumine comprehenduntur ad *Catechesin Heidelbergensem*. Occasionatæ autem homiliæ versantur circa conciones pœnitentiales, & praxin Sacræ Cœnæ. Priores in singulari volumine sub titulo *Concionum pœnitentialium* exstant. Posteriores sub titulo *Collectedaneorum*. His accedunt conciones in *Epistolam ad Philipenses*. Cumque anniversaria perpetuo redeant, oportet tironem in iis componendis omnem adhibere diligentiam: materiam iis suppeditat Auctor allegatus, sed methodo utitur Gallicana, quæ quomodo adhuc reformanda sit in annotationibus ad *Methodum concionandi* diximus.

XXIII.

Bynæus de Natali Christi.

De Morte Christi.

Cum utraque materia spectet ad conciones anniversarias, atque Auctor quam doctissime utramque materiam discusserit, postulamus,

ut & legatur isto tempore, quo materiam illam pro cathedra petra-
dam suscipimus. Continent Viri docti labores, quidquid studium Criti-
cum & Antiquitatum ad materiam illam illustrandam suppeditare potest,
atque Celeberrimorum Virorum sententias discutit exacte, ut inde magnum
auctuarium rerum his, quæ pertractavit præcedens Auctor, adjici queat.

X X I V.

Pearson in Symbolum Apostolorum.

Lumen illud ecclesiæ Anglicanæ post Vossium, aliosque ita pertracta-
vit duodecim Articulos fidei Apostolicæ, ut contulerit, quoad di-
versas lectiones exemplaria qualiacunque ex scriptis Patrum, & aliun-
de. Opus ipsum in pertractatione profundam sapit eruditionem in omni
scientiarum genere. In margine appoluit confirmationes variarum enun-
ciationum, quæ ab Historia Sacra aut Ecclesiastica pendent. Cumque per-
tractatio Symboli istius insignem partem faciat Catechismi, pastor evange-
licus in concionibus Catecheticis exstruendis, ubi Symbolum istud pertra-
ctatur, inde magnam sibi lucem comparabit.

X X V.

Witsius in Synolum & Orationem Dominicam.

Hi labores Clarissimi Collegæ ob solidam Viri eruditionem, & ele-
gantem præm non prætereundi sunt. Cum & Oratio Domini-
ci juxta cum Symbolo Apostolico etiam partem faciat Catechis-
mi, conferendi etiam sunt a pastore evangelico doctissimi hi labores.

X X V I.

*Goessii Pilatus Judex.**Una cum ejus Animadversionibus.*

Spexit hoc opus etiam ad conciones Passionales: idque egit Juriscon-
sultus doctissimus, ut omnes processus judiciales Pilati cum Chri-
sto ad leges Romanas expendere, & secundum jus & æquum de
omnibus, quæ inter Pilatum & Judæos super causam Christi gesta sunt,
faceret. Adhaerent Animadversiones in quibus sententias suas contra stric-
tas Viri docti defendit: qui Vir doctus innumeras licet, fuit Franciscus
Burmannus pie memorie, quem ut amicum jussit invitari, ut judi-
cium suum de hoc opere int. præmeret, quod cum fecerat Theologus in-
signis in margine, postmodum aggre tulit Jurisconsultus. Res tamen sin-
gularis momenti sunt, quæ discutuntur.

XXVII.

X X V I I.

Binchii Mellificium Theologicum.

Etiam hic labor concionibus struendis haud inutilis est. Auctor enim progrediens secundum titulos Theologicos, notiones Scripturarias tam simplices quam metaphoricæ aperuit, & amplificavit, colligens ex omnis generis Homilistis, quæ in enucleandis & amplificandis istis notionibus præstiterant. Itaque intervitt amplificationibus rerum, in expositionibus Homileticis observandarum. Monitos tamen velim studiosos & pastores, ut judicium adhibeant & interponant, cum non omnia sint ejusdem soliditatis.

P H I L O L O G I.

X X V I I I.

Glassii Philologia Sacra.

Hoc opus continet

- I. *Vindicias locorum*, quæ a Pontificiis alicujus corruptelæ insimulantur, defenditque integritatem utriusque Codicis, cum V. tum N. T.
- II. *Tractatum de Stylo sacrorum Scriptorum* haud spernendum.
- III. *Grammaticam Sacram*. Ubi animadversiones Grammaticorum ita proponit, ut exempla Biblica ad eas revocet diligentissime.
- IV. *Rhetoricam Sacram*. Ubi omnes tropos & figuras in Sacris Literis occurrentes, sub suis titulis repræsentat. Subjunguntur indices locorum amplissimi, qui inspiciendi sunt, quotiescunque textus pertrahendus eligitur; ut videat concionator, quæ ex Grammatica, & Rhetorica in eo textu sint perpendenda, ut sensum realem tandem feliciter eruat.

X X I X.

Dissertationum Philologico-Theologicarum de Stylo N. T.
Syntagma, ex editione Clarissimi J. Rhenferdii.

Dissentiant Viri docti & eruditi circa Stylum N. T. Dum alii linguæ Græcæ genium ubique fuisse observatum propugnant, alii in Codice sacro Hebraismos satis frequentes observari existimant; ob quos Hebraismos,



X X X I.

Joh. Vorstii de Hebraïsmis N. T. commentarius.

Vir ille doctissimus Hebraïsmos N. T. ad tres classes revocavit. Opus quidem contraxit Leusdenius in suis *disputationibus de Hebraïsmis*; quas suo Syntaxmati inseruit Rhenferdius. Nihilominus propter accuratas plurimorum dictorum N. T. discussiones, quæ ex hoc principio illustrantur, hic Vorstii labor etiam *Bibliothecæ Theologicæ* ut adjiciatur, dignissimus est.

X X X I I.

*Petri Keuchenii annotata in Evangelia, &
Acta Apostolorum.*

Scopus hujus Auctoris fuit phrasas N. T. conferre cum idiomate Græco, quo interpretes Græci V. T. utuntur, atque ex iis de sensu earumdem pronunciare; adjunctis, quæ judicium logicum suppeditant. Mors Viri optimi intercedens cursum vitæ abrupit, ut ad reliquos libros N. T. progredi non potuerit.

X X X I I I.

*Christiani Noldii concordantiæ particularum
Hebræo-Chaldaicarum.*

Judæorum Grammatici voces distinguunt in nomina, verba, & particulas; cumque has ultimas exponant varie interpretes, variam in significando vim observantes, Auctor noster particulas revocavit in classes, & varias significandi potestates annotavit. Calci adhærent testimonia 2016, in quorum expositione propter ambiguum particularum potestatem dissentiunt interpretes; quæ omnia ibi expenduntur, Auctore nostro Judicium suum interponente, ac de vero eorumdem sensu sententiam suam aperiente, in quibus discutiendis judicium & eruditionem comprobavit Auctor.

X X X I V.

Georgii Crauseri Phosphorus.

Theologus Lutheranus in Græcis versatissimus, adversaria sua ad voces Græcas, in N. T. occurrentes plurimas, in hoc opere edidit, & ad genuinas earundem significationes ex Sacris & profanis Auctoribus eruendas insignem contulit diligentiam. Indices facile præstabunt, ut lector omnia in ordinem redigat. Alphabeticus, ut verba & voces elucidatæ comparentur cum Lexico Græco N. T. Dictorum Scripturæ autem, ut observata transferantur ad ipsum textum N. T. Græcum Quibus subsidii & textum aliquem pertractaturus uti feliciter potest. Animadversiones continet hoc opus 951. Testimonia N. T. innumera, illustrata ex genio linguæ Græcæ magnam præstant utilitatem. Opus est collectaneum ex variis doctissimis scriptoribus, qui allegantur: adjecitque Auctor ubique & proprias observationes.

X X X V.

Wasmuthus de accentuatione Hebræa.

Quoniam accentuationum rationem non diu tenuerunt Viri docti, effectum est, ut interpretes illos flocci pependissent, & sæpe accentuationem deseruerint. Verum cum indies hæc lux increverit, Wasmuthus est, qui hanc doctrinam fusissime pertractavit, & absolvit, & accentuum antiquitatem, & rationem defenderit. Qui tamen cupit operis compendium, comparet sibi Opitii *Atrium Linguae Sanctæ*, cum tractatu de *Accentuatione*, qui doctrinam Wasmuthi contraxit in compendium.

XXXVI.

Reimbeck de Accentibus.

Novum hoc plane de accentibus opus est, & singulari consilio conscriptum, quod fuit omnium anomaliarum rationes reddere in accentibus, quod nemo ante eum conatus fuerat. Cumque ex iis argumenta sumerent Viri docti contra auctoritatem accentuum, hic Auctor quam elegantissime difficultatem illam motam diluit. Generalis Auctori regula est, quod ubi accentus conjunctivi occupant locum disjunctivorum, ibi indicari lectionis celeritatem ob passionem animi, quibuscum textus legendus est: & ubi accentus disjunctivi occupant locum conjunctivorum, ibi lectionem retardandam esse propter alias affectiones animi

mi exprimendas. Hinc progreditur Auctor ad accentus singulares, atque percurrit Sacram Scripturam ostendendo affectiones, quas per anomalias notari existimat revera convenire subiectæ materiæ. Ut causam videatis cur hoc opus priori adjici debeat.

X X X V I I.

Augusti Pfeifferi opera omnia.

Quæ summus Philologus ad illustrandam & promovendam Philologiam Sacram, quoad viveret, scripsit, nuper simul edita sunt, atque sub 11 tomis comprehensa.

Prior continet *Dubia vexata, & exotica N. T.* In quo opere 400. testimonia V. & 50. N. T. illustrantur. Variantes Virorum doctorum sententias, additis eorum nominibus, proponit, suumque judicium interponit. Adhærent decem exercitationes. *De Colloquio Raini & Abelis scilicet. De Henoch. De Lingua Protoplastorum, sive primæva. De Tera- phim seu Idolis Labanis. De Zophnat Paaneach, cognomine Josephi, quo à Pharaone cohonestatus legitur: Genes. xli. v. 45. De Schiloh Filio Jebudab. De Voto Jephthæ. De Integritate vocis יְהוָה. De Nomine Jesu. De Dialecto Galilæa.*

In altero tomo continentur *Hermeneutica Sacra*, exhibens legitimas Sacram Scripturam exponendi leges & regulas, sed non est magni momenti. *Critica sacra*, quam absolvit xvi. capitibus, agit enim *De partitionibus sacri Codicis. De Variis Scripturæ editionibus. De Linguis S. S. Originalibus. Puritate fontium. Interpretatione S. S. Masora. Kabbala. Versionibus in genere, & de Targumim in specie. De Pentateucho Samaritano, & Versione Samaritana. De Ceteris Scripturæ Versionibus Orientalibus. De Versionibus Græcis. Vulgata, cæterisque Latinis. De Versionibus Europæis vernaculis. Nec non de Libris Apocryphis. De Talmude. De Alkorano. Hanc Criticam Auctoris conferant studiosi cum Waltoni Apparatu. Accedit ejus Theologia Judaica, & Muhammedica, in qua agit iterum de Talmude. Targumim. Masora. Nec non de Tribaresio Judæorum. Eorumque calumniis in Christum & Christianos. De Muhammedis Alkorano. De Alisbiis & Sunnitis. Sequitur tractatus elegantissimus sub titulo *Antiquitatum Ebraicarum selectarum*. Ubi & pluribus Sacræ Scripturæ locis lucem accendit. Ut & alius, de *Quæstionibus e Philologia Sacra*. Adhæret expositio in *Obadjam cum examine Abarbancelis. Et in Jonam*. Claudunt opus *Oratio de Linguae Sanctæ usu catholico, & Epistola ad Poiretum*. Monitos velim tirones in Critica Auctoris capiti quinto adhærere digressionem de *Locis Philologicis dissertationibus illustratis*. Nec non de *Ritibus & moribus Veterum Ebraeorum*. ΕΞΙΛΓΡΑΦΙΑΝ *Systematis Antiquitatum Ebraicarum*. Additis etiam aucto.*

auctoribus, qui singulas materias discusserunt. Ad cuius imitationem nos etiam aliquando *Sciagraphian Antiquitatum* cum studiosis communicavimus. In qua quosdam titulos omisos supplevimus, & consecutiones rerum & titulorum mutavimus, ut tirones haberent *Systema completum* Utramque *Sciagraphian* Auctoris & nostram ut conferatis, rogo, eo felicius in hisce fiet studiorum progressus.

X X X V I I I.

Sigonius de Republica Hebræorum cum notis Nicolai.

Attigit Sigonius in isto opere, quæ politiam Hebræorum, & Sacra publica attingunt. Verum cum Actor præter Scripturam & Josephum Hebræorum sententias non adiecerit: vir diligentissimus notas adiecit, ex quibus colligere licet, quid postmodum ex Hebræorum voluminibus sapientes eruerint. In quem finem multi citantur, qui de iisdem argumentis egerunt.

X X X I X.

Cunæus de Republica Hebræorum cum notis ejusdem Nicolai.

Cunæus Sigonio adjiciendus est, quia varia attingit a Sigonio omissa, & ex Hebræorum lectione sapiebat. Nicolaus vero idem præstat hic, quod præstitit ad Sigonium.

X L

Bocharti Hierozoici compendium.

Stephanus Veesus vastum illud Bocharti opus in compendium redegit: prætermisit enim longas Arabum, aliorumque citationes, retinendo tamen, quidquid in vasto hoc opere Theologo scire utile sit. Ad calcem accedunt in *Obadjam paraphrasin*. *Theses in illustriores apud Mattheum, & Lucam parabolæ*. In *Epistolam Judæ, & Apocalypsin*. Non est mihi animus expellendi ipsum doctissimi Bocharti opus plenarium; attamen hoc opus ad *Bibliothecam secundæ classis* referri posse existimem. Hoc opusculum contractum sufficiet tamen ad animalium in Sacris allegatorum cognitionem, quantum ad locorum illorum illustrationem exigitur, referrique debet ad nostræ *Sciographiæ Sacræ* volumen primum.

X L I.

*Adriani Cocquii Observationes & Exercitationes
Philologico-Physiologicae.*

ad

Vetus Testamentum.

Duobus libris constat hoc opus. Priori agit de *plantis, arboribus & herbis in genere*; cui inseritur materia de *Paradiso. Arbore vite, & Arbore scientiae boni & mali*. Multaque habet *Physica & Emblematica*, quibus singularia Scripturae dicta illustrat. In libro secundo agit de iisdem in specie, quae memorantur in *Genesi & parte Exodi*; ubi scopus abrumptur. Defectus autem suppleri possunt ex opere Joh. Henrici Ursini. Auctor noster attingit ex arboribus frugiferis *Ficum, Oleam cum fructibus. Vitem cum uvis & vino*. Nec non *Amygdalum*. Ex Spinoso genere attingit *Spinas, Tribulas, Rhamnum. Et Rubum*. Ex arboribus sylvestribus *Platanum. Et Populum*. Nec non *Cupressum*, propter lignum *Gopher*. Ceterum agit de *Resinis, Bdellio, Staete, Styrace. Et Pistacio*. Accedit disquisitio de *Dudaim, Hordeo & Tritico*. Nec non *Lactuca Sylvestri*, quae ingrediebatur cenam *Paschalem*. Claudat opus deliberatio de *Ligno*, aquis amaris injecto: *Exod. xv. v. 25*. Loca Emblematica ubique discussit, & ex occasionibus oblatis de *Virga Aaronis. De Sacrificio Mincha*. Et de *Cena paschali* disseruit. Spectat haec materia etiam ad volumen primum *Sciagraphiae Antiquitatum Hebraicarum*.

X L I I.

Schickardi jus Regium cum notis Carpzovii.

Pro eruditione Viri, in scriptis Rabbiniis & Talmudicis, versatissimi, materiam istam doctissime discussit Auctor, & illustravit Carpzovius, Vir etiam in eo genere studiorum celeberrimus. Pertinet haec materia ad studii Philologici partem secundam, quae delineat politiam Israelis, atque ita nostram *Sciagraphiam Antiquitatum Judaicarum* adornat.

X L I I I.

Lydi Syntagma Sacrum de re Militari.

Opus multa eruditione refertum, quo tota haec materia ex omni Antiquitate exhauritur. Quod ne blattis & tinea relinqueretur, inter-

cem edidimus. Imprimis cum plurima etiam S. Sripturæ testimonia ex his elucidentur. Referendum etiam hoc opus ad nostræ *Sciagraphiæ Antiquitatum Judaicarum* partem secundam.

X L I V.

Seldeni varia Philologica.

Anglorum facile Princeps ex scriptoribus Judæis composuit libros de *Jure Naturali*, & *Gentium*. Nec non de *Synedriis* doctissimos. Utrumque opus referri debet ad librum secundum *Sciagraphiæ* nostræ, dum exhibent in politia Judaica *Synedrium* Magnum cum omni auctoritate, & minora ab eo dependentia. Prius volumen eodem pertinet ad titulum de legibus Hebræorum Juridicis. Edidit quoque libros, quibus titulus *Uxor Hebraica*, & de *Successionibus ad Leges Hebræorum*, quibus illustratur quarta pars *Sciagraphiæ* nostræ, ubi agit de matrimonio, & justo peculium acquirendi modo.

X L V.

Braunius de Vestitu Sacerdotum Hebræorum.

Multa contulit in hanc materiam egregia Vir doctissimus, & notandum huic operi inserta esse, quæ faciunt ad cognitionem colorum, & lapidum pretiosorum. Hæc ultima spectant ad partem primam Philologiæ Sacræ. Materia autem ipla de *vestitu Sacerdotum* ad partem tertiam ejusdem Philologiæ Sacræ.

X L V I.

Vitringa de Synagoga veteri.

Post sacra templi ad partem tertiam Sacræ Philologiæ spectant Synagogæ, quem titulum in omni ambitu discussit Vir eruditissimus. Nisi quod inter eum & Rhenferdium lites sint natæ de decem Otiosis, utriusque de hac causa scripta isti operi sunt adjicienda, dum multa arcana Judæorum in iis eruuntur.

X L V I I.

Bynæus de Calceis Hebræorum.

Etiam in hoc opere varia Scripturæ dicta egregie illustrantur. Materia spectat ad amictum Judæorum, in quem inquit Philologia Sacra juxta

juxta *Sciagraphian* nostram parte quarta, quæ omnem rationem œconomicam Judæorum discutit.

XLVIII.

Joh. Buxtorfii varia.

Edidit Vir doctus in quarto dissertationes de rebus variis sacris in templo, & vindicias pro *Antiquitate punctorum* contra Cappellum. Transulit autem ex lingua Hebræa in Latinam duos præstantissimos libros, alterum Maimonides sub titulo מורה נבוכים. Alterum sub titulo כוזרי. Qui continet dialogum cum Rege Colare de vera religione. Ubi propugnat Judæus doctissime religionis Judaicæ præstantiam. Subjunxit doctissimus Buxtorfius notas & dissertationes, in quibus præcellunt *De Poësi veterum,, & Neomeniis figendis.*

IXL.

Joh. Henr. Hottingeri varia.

Viri hujus doctissimi scripta, omnia licet sint præstantissima, nihilominus ut a principio ingrediantur *Bibliothecam*, minus necesse est. Ita differri potest ejus *Grammatica quatuor linguarum Hebræicæ, Chaldaicæ, Syriacæ & Arabicæ.* Nec non *Etymologicon Orientale, & Bibliotheca Orientalis.* Sed quæ Philologiam nostram excolunt, sunt

I. *Exercitationes Anti-Morinianæ.*

In quibus agit de *Pentateucho Samaritano, & ejus vitiis:* & nonnulla Scripturæ dicta, & Antiquitatis loca difficiliora de Samaritanorum religione, scriptis & moribus illustrantur. Calci adhærent Capita historica *Chronici Samaritani*, quod ex legato Josephi Scaligeri asservatur in Bibliotheca Leidenſi.

II. *Thesaurus Philologicus, seu Clavis scripturæ.*

In quo libro agit de *Judaismo, Samaritanismo, Muhammedismo & Gentilismo.* De *Theologia, & Theologis.* De *Verbo Dei scripto, & non scripto.* De *Variis Biblicorum exemplaribus.* *Fontium Hebræorum integritate.* *Scripturæ Accidentibus, Partibus, Distinctionibus, sensu & Commentariis.* Nec non de *Paraphrasibus, & versionibus Chaldaicis. Syriacis. Arabicis. Persicis. Samaritanis. Græcis & Latinis.* De *Masora & Kabbala.* Item de *Auctoritate librorum Canoniorum V. T. & contra Libros Apocryphos.*

III. *Juris Hebræorum Leges cclxi. Ductu R. Levi Barzelonita.* Opus Theologis & studiosis Juris utile. Judæi leges affirmativas & prohibitivas ex *Pentateucho* colligunt dcxiii. Harum priores ad numerum designatum continet opus hoc Hottingerianum. Differri possunt



III. *Contra Marcionitas.*

Qui confecerunt Gnosticorum sectam. Multa attulit, quæ historiam Gnosticorum illustrare possunt; imprimis notæ Viri docti additæ idem argumentum egregie illustrent.

L I I I.

*Minucius Felix ex editione Onzelii cum notis variorum,
& ipsius Onzelii.*

Fuit hic tertii Seculi Scriptor. Argumentum libri est per modum dialogi exhibere argumenta contra religionem Gentilium. Thesaurus est in notis multimodæ eruditionis, ut videamus, qua methodo Gentilium superstitiones & errores oppugnati fuerint, quæque vix teneremus ex aliis scriptis De ritibus Gentilium in colendis Diis, hic eruuntur, & illustrentur multa.

L I V.

Arnobius adversus Gentes cum notis variorum.

Etiam hic Auctor notis doctissimis illustratus est, & sua habet scitu necessaria, ut Minucio Felici sit adjiciendus.

L V.

Salvianus cum notis variorum.

Etiam hunc duobus prioribus adjiciendum existimo, licet ejusdem consilii sit Scriptor. Notæ etiam sunt insignis eruditionis conatus.

L V I.

Le Moyne Varia sacra.

Edidit Vir præstantissimus varia Patrum inedita cum versione sua, quæ exstant Tomo primo. Secundo vero Tomo notis quædam scripta illustravit, in quibus multa dicta Scripturæ ex Antiquitate illustrat, ita ut cum fructu insigniori ista legi, & in adversaria conjici possint: quo facto, certo scio, quod neminem pœnitebit laboris impeni.

LVII.

L V I I.

Cluverius Epitome Historiarum.

Cum studium propheticum exigat cognitionem historiarum singularem, legatur Cluverius, haud spernendus Auctor; qui a principio mundi historiam deduxit usque ad seculi anterioris annum **xiii**. Succincte & nervose sua proponit.

L V I I I.

*Cluverii introductio in Geographiam cum notis Bunonis ;
edita Wolfenbuttela.*

Monendi sunt tirones, quod sibi obtrudi non patiantur editionem Amstelædamensem, cum typographi illi intruserint mappas a mente Auctoris alienas, unde frustra inquirerent in verum locorum situm. Cum haberent mappas incisas, avaritia eos coëgit huic operi inferre eas, ut sumptibus parcerent.

L I X.

Heidmanni Palæstina.

Varia Geographica, quæ Palæstinam & regiones in Sacris Literis memoratas illustrant, occurrunt in Bibliis Criticis & *Apparatu* Waltoni. Qui primus aliquid molitus est, ut confusa in ordinem redigantur, fuit Adrichomius Delfensis; hujus errores castigavit Bonfrerius. Sed post illos materiam illam accuratius pertractavit Heidmannus. Adrichomius ex *Itinerario* Broccardi Monachi multa restituerat. Heidmannus itineraria posteriora diligenter discussit, atque ita profectum in ea cognitione haud contemnendum adduxit, licet & plane ἀναμάρτητος non fuerit: restant enim adhuc spicilegia post messem istam

L X.

Beveregii institutiones Chronologicae.

Fuit Theologus Anglus excellentioris eruditionis versatissimus in Historicis, Patribus, & re Chronologica. Nemo planius & feliciter leges Chronologicas discussit, aut exemplis illustravit: omnes æras attingit fere & epochas asseruit. Adhæret operi *Arithmetica Chronologica*, egregia
lane

sane & utilissima, qua discipulus Chronologiae, cui animus est tempora ad calculum revocare, egregie instruitur de modo calculi ineundi: ut hic unus sit instar omnium.

L X I.

Noris de Anno & Epochæ Syro-Macedonum.

Fuit hic Italus post conscriptum opus Cardinalis factus, nuper defunctus. Liber vel quovis auro redimendus, quo ex numeris Orientis operique insertis multa dubia sustulit. Tenendum enim est, Chronologiae tria esse principia. Primum Historicum, quod constat ex annotationibus temporum historicis. Secundum Numismaticum. Felicius enim nostra est ætas, a quo nummi veterum revocati sunt ad illustrationem Antiquitatis. Etiam invenit in nummis varia indicia temporis, quo aut Imperatores vixerunt, aut respublicæ, aut civitates floruerunt; ita tamen, ut singulæ suas æras habuerint. In numismatibus autem Orientis id peculiare observatur, quod in iis excusi sint annorum numeri; cumque in libris conscriptis aliquando numeri corrupti sint, aut male intellecti, ex numismatibus veritas eruitur. Etiam nuper observatum est, & quidem primo a Clarissimo Toinardo Aurelianensi, in nummis Samaritanis quoque annos æræ eorum appositos inveniri. Adeoque noster Auctor præprimis ob hos suos labores laudandus est. Tertium autem principium desumitur ex calculo Astronomico, de quo statim.

L X I I.

Ezechiel Spanhemius de Præstantia, & usu Numismatum.

Etiam hoc opus sedulo notandum est: pluribus enim Vir in re numismaria versatissimus ostendit usum hujus cognitionis ad illustrandam omnem Antiquitatem. Imprimis etiam demonstravit, ut Chronologia ex hac scientia illustrari & instaurari possit: nummi enim plurimi Romanorum, qui sunt majoris moduli, apponunt annos Tribunitiæ Potestatis, ex quibus certo concluduntur anni Imperii.

L X I I I.

Muleri Tabulæ Frisicæ.

Spectat hoc opus ad calculum Astrologicum eruendum, in quantum etiam usum habent canones ad studium Chronologicum. Dixeram
studium



habuerit varios contradicentes, opus hoc solidis & clarissimis notis illustravit pie memoriæ Christophorus Wittichius, ubi obscurius dicta illustravit, contradictiones aliorum diluit, & Auctori præter mentem afficta removet. Hoc opus ex tenebris eruire nobis ante hac placuit, propter Viri doctissimi singularem evidentiam & soliditatem: licet enim ex ejus Philosophia motæ plurime natæ sunt ex studio partium, quæ enim in sensum commodum poterant accipi, rigidiores censores in alium sensum rapuere, ut controversiæ motæ fuerint de logomachiis. Quas lites abhorreret omne ingenium generosum.

L X V I.

Geulinx annotata majora ad principia Philosophiæ Cartesii.

Etiam hujus Viri labores ex dictatis & manuscriptis, in scriniis privatorum latentibus, prelo subjecimus, adjectis disputationibus & orationibus Viri acutissimi: neminem enim novi, qui tanta styli facilitate & evidentia Cartesii doctrinam Metaphysicam, & Physicam enucleavit ac ipse, cum in analytica resolutione operis Cartesii, tum in re pertractata expositione. Disputationes lectu sunt dignissimæ, in quibus præter materias Physicas attigit præprimis materias Ethicas; in quibus tradendis excelluit.

L X V I I.

Wittichii Theologia Pacifica, eaque defensa.

In utroque volumine solvit quæstiones partim ex Philolophia Cartesii natas, partim ex Theologia Cocceji derivatas, quando litigatum est de sensu variorum dictorum S. S. vero. Historia hæc est, quod systema Theologiæ Maresionæ fere invaluerit in omnibus academiis, eo quod succincte Theologiam dogmaticam & elencticam exhauriret, ita ut collegia privata pro synopsi disciplinæ hoc Maresii opus desideraverint. Ex collegio in illud systema a Clarissimo Wittichio habito, ortæ sunt stricturne in illud systema ex ore Viri Clarissimi exceptæ, ubi ex Philosophia Cartesiana aut doctrina Cocceji aliter statuendum putaverat. Cumque istæ stricturne inciderint in manus Maresii, magna cum indignatione in istas stricturnas Vir magnus insurrexit. Clarissimus Wittichius in Theologia pacifica objectiones Maresii excepit, & cum moliretur novam systematis editionem Maresius, in notis, quas ipse adjecit, Wittichium & Velthusium valde perstrinxit, quod aniam dedit Wittichio nostro edendi Theologiam suam pacificam defensam novo volumine. In hoc opere rem ita pertractavit Vir optimus pacificusque, ut vix quisquam majorem lucem rebus attulerit.



Secundo Libro demonstrat certitudinem Scriptorum Sanctorum.

- I. Mosis in genere.
 - II. In specie exacta cognitio rerum scriptarum Mosis asseritur.
 - III. Nec non ejus fidelitas & candor.
 - IV. Fidelitas Prophetarum, Mosen sequentium, adstruitur.
 - V. Nec non veritas doctrinae propheticae.
 - VI. Et vaticiniorum eorum, & miraculorum eorundem.
 - VII. In aeternitatem Legis Mosaicae inquit. Porro & contra Judaeos disputat de abrogatione legum ceremonialium.
 - VIII. Veritatem religionis Christianae demonstrat.
 - IX. Divinitatem miraculorum Christi adstruit.
 - X. Cum ostensione differentiae inter miracula vera & falsa.
- Tertio Libro contra adversarios probat.

- I. Existentiam Dei.
- II. Originem mundi.
- III. Anxiam quaestionem de origine mali discutit.
- IV. Originem populorum secundum Mosen recludit.
- V. Originem fabularum Gentium, seu Theologiae eorum mythicae doctissime aperit.
- VI. Ac tandem praecellentiam Sacrarum Scripturarum ex haecenus demonstratis derivat. Ut fere unus ille sit instar omnium, qui ista capita ex omni argumentorum genere adstruxit.

I N O C T A V O .

S Y S T E M A T I C I .

I.

Synopsis purioris Theologiae.

Hoc opusculum collectum est ex disputationibus quatuor Theologorum praestantissimorum, qui post Synodum Dordracenam in Academia Leidensi docuerunt. Tractarunt illi Theologiam orthodoxam admodum circumspice & nervose, ut cum aliis systematibus judicemus hanc synopsis esse conferendam. Vigebant enim eo tempore maximae controversiae cum Remonstrantibus & Socinianis, ac praecipuum Socinianis inter Remonstrantes, qui certis coloribus gravissimos Socinianorum errores obtegere conabantur, ut ad societatem suam illos pertraherent.



VI.

Concilium Tridentinum.

Hic liber basis esto in controversiis contra Pontificios, ut sententiam ecclesiæ Romanæ a veritate deficientem inde hauriamus. In disputationibus enim cum Pontificiis prudentiores spernent allegationes ex Bellarmino, Becano, aliisque adductas: quæstionem enim dicent esse de fide ecclesiæ Romanæ, non particularium doctorum, quam nullibi invenias nisi in concilio Tridentino, cui omnes ex æquo fidem adhibere tenentur. Ut & Clarissimus Heideggerus in *Tumulo Tridentini Concilii* controversias prudentissime huc revocaverit.

VII.

Bossuet Doctrinæ Catholicæ expositio.

Ut desperatam causam Papatus erigant, & pro viribus suffulciant, doctores ecclesiæ Romanæ variis modis causam Reformatorum subvertere conantur. Consilium hujus Scriptoris fuit tollere dissentium inter Pontificios & Reformatos in quæstionibus fundamentalibus, ut convincat Reformatos schismatis reos, quasi nullo justo titulo ecclesiam Romanam dereliquissent. Hinc quæstiones a nobis motas existimat parum candidæ, dum tribuit Reformatoribus perversam fidei ecclesiæ Catholicæ interpretationem & odiosam: hinc libro suo titulum dedit *Doctrinæ Catholicæ Expositionis*. Verum difficulter assensum acquisivit ecclesiæ Romanæ: stricturas ad librum illum dedit Spanhemius, & doctas oppositiones variorum Gallorum expertus est. Verum dubito, an tantis moliminibus fuerit oppugmandus, ego enim putem ejus *Expositionem* conferendam esse cum expositionibus Jesuitarum contrariis, & postulandum esse, ut isti errores, quos Bossuetus nobiscum rejicit, in ecclesia Romana ut fundamentales primum damnentur, antequam reditum nostrum petant; quia communio, in qua tollitur error fundamentalis, semper fugienda est: si autem id præstare nequeant potius est nostrum postulatum, ut qui sincere nobiscum sentiant, ad nos transeant, & sic ex Babele exeant.

VIII.

Brutum Fulmen Papæ Sixti V.

Cum Sixtus V. anathemate percussisset Henricum Borbonium, aliosque Principes Viros, qui Reformatam profitebantur religionem, Vir in Jure Civili & Canonico doctissimus ea opposuit; quæ totum mysterium

sterium iniquitatis Papismi subvertunt, multis adductis ex ipsis Scripto-
ribus Pontificiis antiquioribus: liber auro carior.

I X.

Dallæi Apologia prò Ecclesia Reformata.

Doctissimus Theologus Gallus, eam quæstionem eleganter tetigit, qua
deliberatur, an ecclesia Reformata sufficientes habuerit causas exeun-
di ex communione ecclesiæ Pontificiæ: ex qua *Apologia* Bossueti
consilium eleganter adstrui potest.

X.

Tractatus de Methodistis, & methodis Pontificiorum.

Licet sine nomine auctoris prodierit in publicum, utilissimus tamen est
liber, quo deteguntur variæ Pontificiorum artes, quibus laborarunt
effugere disputationes de articulis inter Reformatos & Pontificios
controverfis, conantes se subducere foro divino, id est, iudicio ex Sacris
Literis formando. Cumque hi alia & alia methodo progrediantur, ne-
cesse est, ut, si quis Pontificius Theologos nostros invadat, artes eas tenea-
mus; ut illorum hominum stratagemata statim detegere possimus.

X I.

Cassandri Consultationes cum notis H. Grotii.

Fuit Cassander Vir in Antiquitatibus versatissimus, & ab Imperatore ro-
gatus circa abusus in ecclesia Romana introductos, & reformatio-
nem qualemcumque faciendam: nam eum in finem convocatum fuit
concilium Tridentinum, ut ecclesia reformaretur a quibusdam erroribus
& abusibus. Hinc Vir ille doctus Imperatori responsurus, scripsit hunc li-
brum per modum *Consultationum*, atque notavit sub antiquis titulis mul-
tos errores & abusus eo tempore viguisse in ecclesia Romana, omniaque
facile ad normam ecclesiæ antiquæ restaurari posse. Adjecit nonnulla Il-
lustris Grotius, quando studia Henotica inter Protestantes & Romanenses
promovere cupiebat, sed illi Viro magno adhæsit fermentum Remonstran-
tium: qui varias dissertationes inter necessarios fidei articulos non esse
recipiendas multum urgebant, ne, damnata eorum sententia, ex ecclesiæ
communione ejicerentur.

XII.

*Riveti animadversiones in Consultationes istas, &
Annotata H. Grotii.*

Theologus ille doctissimus aperuit feliciter pravum utriusque consilium, & quid justa reformatio postularet, indicavit: ita defendens justam Protestantibus fuisse, & esse causam amoliendi pacem oblatam, quam salva veritate divina adoptare non poterant.

XIII.

*Apologeticon Belgarum contra Librum Concordiæ Bergensium,
cum notis Ludovici de Renesse.*

Hunc librum rarissimum huic catalogo inserimus. Lutherani in conventu Bergensi schisma inter nos & ipsos firmarunt libro sub titulo *Concordiæ*, sed verius discordiæ, cumque præprimis intendebant oppressionem Reformatam in Belgio, molientes, ut Lutheranismus ab Illustribus Ordinibus inter nostrates introduceretur & reciperetur, multa sibi imaginantes de Lutheranismi Wilhelmi Auriaci I. Theologi Belgæ se pacifico huic scripto opposuerunt, obtestantes, orantes, & omni modo hoc agentes, ut studium illud non demandarent executioni, ne schisma illud sarcirent & confirmarent. Est inter prima monumenta Virorum Belgarum & inter Antiquitatis καμμία reponendus hic liber. Et schedis antiquis innotuit mihi, primarium ejus Scriptorem fuisse Virum nobilissimum Villerium, qui Principi Auriaco fuit a Sacris, & a Consilio. Notæ continent primordia Reformationis in Belgio, scitu jucunda, & necessaria: atque imprimis facit ad Theologiam elencticam adversus Lutheranos, una cum historia controversiarum illarum tenendam.

XIV.

Boerhave noodige Vernederinge des Menschen.

Spectat doctissimus hic liber ad controversias Anabaptisticas. Cum enim eo tempore Mennonitæ magis aberrarent, & errores Coornhertii susciperent, qui Pelagianismi in scriptis suis reus censebatur, & multa in Reformatione & Reformatioribus carpebat stylo satis inhumano; hic noster feliciter impugnavit illa omnia Coornhertii dogmata, ut impleverit controversias, earumque decisiones, quas apud alios religionis Mennoniticæ oppugnatores frustra quæras.



SCRIPTURA, & SCRIPTURARII.

X V I I I .

Hartsoekers Vertalinge des Nieuwen Testaments.

Fuit ille ex classe Remonstrantium Concionator Roterodamensis. Qui in hac versione sua quidem sectæ suæ hypothesibus & placitis interviit, sed tamen, quoad styli puritatem rem aliquando non infelicitè expressit: unde videtur conferendus, sive ad examen & discussionem controversiarum cum Remonstrantibus in locis cum iis controversis, sive in iis, ubi phrasæ acu tetigit, & satis feliciter expressit.

X I X .

Novum Testamentum Syriacum Gutbirii.

Quoniam versio Syriaca fertur antiquissima, atque feliciter exprimens primorum Christianorum sensum, magnæ est sane utilitatis in exegeticis. Primus, qui illud edidit, fuit Widmanstadius, cujus editio cum rarior esset, secuta est editio Trostii, in quarto. Sed typi Gutbirii sunt nitidiores. Videtur illa in octavo edita commodior ad usus.

X X .

Novum Testamentum ex editione Oxoniensium.

Hanc commendamus non tantum ob typorum elegantiam, sed imprimis ob variarum lectionum uberiores collectiones. Verum, quod semper in istis collectionibus displicuit, est, quod lateat codicum fides. Unde valde placuit nobis consilium Viri occulti in Germania, qui signa & notas invenit, singulis lectionibus postponendas, quibus omnes variantes lectiones ad codicum fidem revocantur. Quod volumen Viri docti avide desideramus, una cum præfatione, quæ instructa est plusquam xxx regulis Criticis; secundum quas tirones instruuntur, quo pacto inter istas variationes discernendum sit, ut momentum codicum sinceriorum pateat.

X X I.

*Th. Hackspanii notæ Philologico-Theologicæ in difficiliora
S. S. loca. Opus trium voluminum.*

Fuit Vir in Hebraicis versatissimus, qui plurima loca imprimis V. T. controversa discussit, & elucidavit.

X X I I.

Dougæi Analecta sacra.

Doctissimus hic Britannus, & in re antiqva versatissimus multa testimonia V. & N. T. nec non librorum Apocryphorum ex ritibus Judæorum, aliarumque gentium elegantissime illustravit: ita ut Philologi hoc Auctore carere non possint. Nupera editio in Patria nostra facta, conjunxit cum hoc opere laborem Criticum Knatchbulli in varia loca Librorum N. T. Qui in pluribus sollicitat constructionem textus Græci, camque sed non æque graves ob causas ubique invertit: nihilominus & ille inspiendus est, ut aliquando eum advertamus.

X X I I I.

Dillerrus in Canticum Salomonis.

Est hic libellus cujusvis pretii, propter notas Philologicas præstantiores, ex promptuario Philologiæ interioris depromptas.

X X I V.

Joh. Henr. Ursinus in Variis.

Doctissimus Theologus Lutheranus cum erudito Orbe communicavit sua *Analecta*. Itemque notas in *Hoseam*. & *Jonam*. In quibus etiam varia Philologica produxit, quæ ad illustrationem Scripturæ plurimum faciunt.

X X V.

De Veil in Canticum. Matthæum. & Acta.

Fuit hic Auctor Judæus conversus, quique in Anglia multum profectus est in Literarum cognitione. In scriptis Maimonidis, aliorumque

rumque Judæorum versatissimus, Sacra & Profana haud inutiliter contulit. Philologus magis quam Theologus, sed qui Philologica elegantiora adiecit.

X X V I.

Boisius in Evangelia. & Acta.

Hujus Viri docti Anglicani consilium fuit versionem vulgatam a multis accusationibus vindicare, & defendere. Tenendum enim est, quod Valla, Erasmus, Beza, aliique versionem Vulgatam in pluribus virgula censoria castigaverint: verum nimium rigidos censes illos Viros doctos egisse postea censuerunt Viri haud minus docti Drusius, De Dieu, Heinsius. In illorum numero comparet hic noster Auctor. Et cum exemplar rarius inveniri potuerit, mirum mihi visum fuit, quod Bibliis Criticis hic labor non fuerit insertus.

X X V I I.

Lamberti Bos ΔΙΑΤΡΙΒΑΙ in quædam loca N. T.

Prestitit nuper Vir Clarissimus suis notis collationem inter phrasas N. T. & optimorum Græcorum Auctorum; atque in locorum istorum inventionem, ad hanc causam spectantium, vilus est mihi felicissimus, quare, ut eo pede, quo cepit, pergat, valde flagitamus.

X X V I I I.

Alexandri Mori Notæ ad quædam loca N. T.

Vir ille doctissimus hinc inde sparsim ex studio Philologico in loca N. T. inquisivit.

NB. Hi omnes a numero XXI. ad XXVIII. potuissent facere ætuarium Bibliorum Criticorum haud ignobile, quoniam eodem modo Criticorum consilio inserviunt: & libri seperati in hac minori forma evadunt rariores, ut non sine labore aliquando acquirantur.

X X I X.

J. H. Alstedii Triumphus Bibliorum Sacrorum.

Opusculum hoc Clarissimi Alstedii utilissimum est. Curavit enim Auctor, ut omnium Artium & Scientiarum termini & phrasæ, quotquot in Sacris occurrunt, sive rem attingant Sacræ Literæ,



: X X X I I I .

Adriani Relandi Analeſta Rabbinica.

Vir Celeberrimus varios eum in finem conjunxit Auctores. Inter quos ego ipſi ſuppeditavi Genebrardi laborem ſane utiliſſimum. Ex quo ſolo quis facile proprio Marte Rabbinicos commentarios legere, eoſque intelligere poterit.

X X X I V .

Othonis Lexicon Rabbinico-Philologicum.

In hoc opere non tantum exſtant voces Rabbinis familiares, verum in compendium redegit ſimul omnia Lightfootiana. Quæ cauſa eſt, cur Lightfootum ipſum rejecerim in *Bibliothecam* ſequentem. Præſtat enim hoc opus indicem non tantum rerum in magno opere pertractatarum, ſed & compendioſam expoſitionem; ut & pro theſauro Antiquitatum Judaicarum haberi poſſit.

X X X V .

Kippingi Antiquitates Romanæ.

Huic Auctori peculiare eſt, quod Antiquitates Romanas cum Sacris contulerit, & teſtimonia N. T. allegaverit, quæ ex Romanorum Antiquitatibus lucem accipiunt. Id quod ſtudioſo Theologiæ commodiſſimum erit.

X X X V I .

Godwini Moſes & Aaron.

Expoſuit hic Auctor Antiquitates Judaicas, cum Politicas, tum Sacras, ut & nonnullas Oeconomicas. Reizius notas adjecit ex Coccejo præprimis, aliſque utiliſſimas. Clariffimus Collega Witſius diſſertationem unam & alteram addidit. Cujus editio itaque comparanda eſt tironibus.

X X X V I I .

Majus de Animalibus in Sacro Codice memoratis.

Scripſit doctiſſimus Lutheranus poſt Bochartum, & hinc inde cauſas diſſenſus adjecit: aliaque minus obſervata huc quoque contulit. Conferri debet cum libri primi *Sciagraphiæ* noſtræ capite, de *Animalibus Sacris*.

XXXVIII. *Job.*



XLII.

Gisberti Voetii TA AXKHITKA.

Doctissimus ille Practicus omnem Theologiam Practicam dividere solebat in Asceticam, Moralem, & Politicam ecclesiasticam. Ascetica ipsi pertinebat ad cultum Dei privatum, omnemque praxin pietatis domesticam; quæ materia in nostra *Sciagraphia Theologia Paracletica* pertinet ad volumen secundum de *Praxi Sanctificationis*, ejusque titulum primum, de *Officiis erga Deum præstandis, & cultu Dei publico & privato*, ut Ascetica exponat illum cultum Dei privatum. Titulus Theologiæ Asceticæ profluxit ex monasteriis Pontificiorum, & regulis pietatis, quibus monachi olim obstringebantur, ut observarent intra proprios monasterii parietes, unde & *Α'σκηται* dicebantur. Auctor autem transtulit ad omne exercitium pietatis intra Parietes domesticos; multaque præcepta contulit cum effatis Scholasticorum.

XLIII.

Zepperi Legum Mosaicarum Forensium Explanatio.

Auctor hic Clarissimo Voetio Dux fuit in reliquis, atque duas reliquas partes Theologiæ Practicæ, moralis nempe & Politicæ ecclesiasticæ attigit: adeo ut tiro in iis inveniat varia imitabilia.

XLIV.

Arndii Manuale Legum Mosaicarum.

Judæi Theologiam Practicam tractarunt secundum *DEXIII.* præcepta Mosaica tam affirmativa, quam negativa, sequentes ordinem consecutionum in libris Mosaicis. Clarissimus quondam Maresius illum ordinem præligendum putabat, ad acquirendam cognitionem rerum practicarum: quem minus probamus, quia clarus & distinctus rerum intellectus exigit, ut obligationes ad suas classes revocentur. Sed cum nondum esset adducta legitima rerum ordinatio, & materia illa relicta fuerit admodum in confusione, nos aliquando conati sumus *Sciagraphiam Theologiæ Paracleticæ* exhibere. In qua quisque videat disciplinam exhauriri, & singula justis locis collocari. Ita, quæ Auctor noster scripsit



SELECTISSIMA
PHILOLOGI.

Aliis prioribus adjiciendi.

XLVIII.

Outramus de Sacrificiis.

Doctissimus Auctor hanc materiam eleganter discussit, non tantum ex Sacris Literis, sed etiam ex Talmude, & Rabbiniis doctissimis: atque spectat ad volumen *Sciagraphiæ* tertium, ubi agitur de *Actionibus Sacris*.

IXL.

Buxtorfii Synagoga Judaica.

Qui accuratissime descripsit Sacra in Synagoga observata, & observanda, sed imprimis juxta ritus hodiernos. Referenda sunt etiam hæc ad volumen tertium *Sciagraphiæ*, ubi post sacra Templi tractantur *Sacra Synagoga*

L.

*Othonis Historia Doctorum Misnicorum cum notis
Clariss. Relandi.*

Quoniam Synagogæ Judæorum ex duplici æde construebantur, cujus altera constituebat scholam. Huc spectant Doctores isti Misnici, tanquam Academiæ Judaicæ Professores.

LI.

Johannis a Lent de Theologia Judaica Hodierna.

Doctissimus hic labor est, quo res revocavit Auctor doctrinam Judaicæ Theologiæ ad titulos Theologicos vulgares, ut facile sententias Judæorum consentientes & dissentientes conferri possint. Spectat itaque in *Sciagraphia* ad *Doctrinam synagoga & scholarum*.

LII.

Bernardus de Nummis & Ponderibus Hebræorum.

Theologus hic Anglus, nuper non sine damno Literarum defunctus, hoc argumentum post alios quam accuratissime discussit, ac pretia
nam-



Vir in re Medica & Antiquitatibus eruditissimus. Materia autem spectat ad *Sciagraphiæ* Volumen quartum, ubi agitur de *Morbis Biblicis* suo titulo.

H I S T O R I C I.

L V I.

Hornii Historia Ecclesiastica cum notis & continuationibus.

Ab hoc Auctore videtur gravissima illa materia auspicanda, quia succincta præcipue cognoscenda attingit.

L V I I.

Joh. Læti Compendium Historiæ universalis.

Hoc opusculum commendamus secundo loco, atque continet Historiam politicam & ecclesiasticam distinctis capitibus. Incipit ab Imperatoribus Romanis, omniaque deduxit ad sua tempora; ac propterea magis laudandus, quia in margine apposuit Auctores, quorum fide dicta sua munivit; ut etiam tirones ex istis allegationibus discant Auctores, qui suis temporibus de rebus gestis scripserunt.

L V I I I.

Hottingeri Historia Ecclesiastica N. T.

Auctor hic doctissimus singulis seculis exhibet statum Gentilismi, Judaismi, & Christianismi distinctis capitibus: habetque multa circa tempora Reformationis, ex manuscriptis in bibliothecis latentibus eruta.

L I X.

Sulpitii Severi Sacra Historia.

Auctor quarti seculi, qui ab initio mundi rem deduxit usque ad sua tempora, legendus est cum notis variorum doctissimorum Virorum, qui plurima illustrarunt. Hunc legentes, quoad statum ecclesiæ Christianæ trium seculorum, existimare debent se ex fonte haurire, quæ de iis tenenda sunt, licet non sine omni hallucinatione, ut ex notis Virorum doctorum legenti constabit.



istam historiam minime negligendam esse: nam vel fatentibus Pontificiis & imprimis Reinero eorum oppressore acerrimo, jam a temporibus Silvestri Papæ immaculata fuit apud ipsos fides, ut ab ipsis ad Petrum Vel-dum, Albigensum reformatorem, orthodoxa doctrina transierit.

L X I I I.

Æneæ Sylvii Historia Bohemica.

Antequam ad Papatum provectus fuerit Æneas Sylvius, historiam hanc Bohemicam conscripsit. Cumque illustret materiam de ecclesiis, ante Reformationem a communione Romanensi separatis, & multa ingenue dicantur ab Auctore adversario, quæ causam Bohemorum queant justificare, non negligendus hic Auctor est.

L X I V.

Sleidanus de statu Religionis.

Celeberrimus hic Auctor in eo libro describit historiam Reformationis ecclesiæ, quæque in principio rerum a Luthero, & cum Luthero gesta fuerunt, & quomodo gladio & igne Pontificii Reformationis illius progressum impedire conati fuerint. Itaque Sleidanus hic primus est, qui de ea materia legendus sit.

C H R O N O L O G I.

L X V.

Munkerus de Intercalatione Veterum.

Cum ab hac doctrina pendeat fere omnis kalendarii conficiendi ratio, & in diversa admodum abeant auctores, doctissime hanc materiam discussit Auctor designatus.

L X V I.

Usserius de Macedonum & Asianorum Anno Solari.

Pro Viri maximi eruditione in disciplinis Chronologicis rarissimam hanc materiam de Anno Solari Macedonum attigit; a cujus perceptione

ptione historia istorum temporum elucidatur, & inscriptiones nummorum illustrantur.

L X V I I.

Seldenus de Anno Civili Veterum Judæorum.

Cum menses Judæorum fuerint Lunares ac proinde intercalatus sit aliquando mensis integer, difficilior erat kalendarii Judaici constructio: ast omnes difficultates hic removit Auctor doctissimus.

L X V I I I.

Petavii Rationarium Temporum.

Contraxit hoc opere Auctor, quæ majoribus voluminibus de *Doctrina temporum* ediderat, homo Jesuita. Nescio qua prurigne obscurandi famam Scaligeri minima ad crisin revocavit. Multa quidem docte observavit, sed ita, ut sæpe præter causam Scaligerum reliquerit, itaque cum judicio hoc opus legendum est.

L X I X.

Marcelli Tabulæ Chronologica.

Propter compendium operis liber hic utilissimus est, atque Chronologice repræsentat Episcopos Ecclesiarum, Doctores, Hæreticos, & Concilia habita, idque fere ad unius oculi intuitum: ut Historiæ ecclesiasticæ discipulus sibi omnia statim in memoriam revocare possit.

P H I L O S O P H I

L X X.

Wittichii exercitationes de Providentia Dei cum aliis annexis.

Pro Viri doctissimi in Philosophia Cartesiana eruditione videas in hoc libro argumenta pro existentia Dei, & dependentia Mundi a Deo vidissime deducta, & defensa: nec non argumentum Ethicum de virtutum moralium Christianorum differentia a virtutibus Gentium.

L X X I.

*Burcheri de Volder Disputationes Philosophicæ &c.**Quibus additæ sunt**Disputationes Philosophicæ omnes
contra Atheos.**Exercitationes Academicæ adversus P. D.**Huetium Episcop. Sueffionensem.*

Duo tractatus utilissimi ad Theologiam naturalem quoque excolendam, & primas veritates adstruendas. Episcopus Sueffionensis dubia sua moverat contra Meditationes Cartesii, ejusque methodum philosophandi, unde videbantur sibi Anti-Cartesiani causam plaudendi oblatam esse, quasi ob adeptum triumphum: quæ tamen feliciter diluit Collega subtilissimus. Qui itaque per compendium ire velit, istos labores Wittichii & Volderi inter se conferat, & spondere ausim, post attentam lectionem utriusque laboris vix dubium aliquod remansurum.

L X X I I.

Aalstius Tractaten.

Vir acutissimus jam edidit lingua vernacula *Bespiegeling der Reden-leere. En Inleidinge tot de Reden-leere.* Videtur & hic comparandus propter styli linguæ vernaculæ evidentiam & elegantiam, ut, si quando in concionibus aliquid sit attingendum, discamus puro sermone eloqui. Neque deficiunt libri illi soliditate demonstrationum. Imprimis tractatus ultimus legendus est propter Theologiam Paracleticam: virtutum enim definitiones & principia ibi nervosissime traduntur.

L X X I I I.

Hugo Grotius de Jure Belli ac Pacis.

Gravissimus Auctor, hunc tractatum conscripsit ad Jus Naturæ erue-
dum & confirmandum. Quod Jus cum etiam pertineat ad Theologiam
Moralem, a Theologo practico minime negligendum est. In annota-
tionibus contulit eleganter ex Jure Naturali pronunciata a Gentibus.

L X X I V.

Ziegleri Annotationes ad eundem Librum Grotii

Vir doctus, & Philologus summus annotationes Grotii auxit, adducendo multa alia testimonia Gentilium, etiam notatu dignissima: quare videtur hujus Viri docti labor plane conjungendus cum notis Grotii.

L X X V.

Houttuyn de Politica Vera, cum Subversione Principiorum Hobbesii.

Rarus hic liber est, sed & præclarus, quia considerat obligationes hominis ante fœdus Politicum. Multis debellat impietates Hobbesianas, & feliciter quidem.

C O N T R O V E R S I Æ N U P E R Æ.

L X X V I.

Twist-schriften tusschen de Heeren Witzius en Allinga.

Anfa dissidiorum inveniebatur in Clarissimi Collegæ libro, sub titulo, *Twist des Heeren met sinen Wijngaard*. In quo certo capite inter causas judiciorum Dei, effusorum in Patriam nostram, recensentur noxiæ & periculosa novitates. In quo capite insimulabantur Viri docti, in aliquibus ab Autore dissentientes. Quod cum ægre ferrent multi, videntes plebem satis credulam incitari adversus Fratres, suarum partium esse existimavit Dominus Allinga Fratrum causam vendicare. In horum tractatumum lectione observabit Lector origines dissidiorum antecedentis sæculi.

L X X V I I.

Berigten en Tegenberigten, met haar Voorloopers, en Vervolgen.

Hæc scripta non sunt prætereunda, quia spectant etiam ad dissidiorum originem. Et quæ movebantur adversus ΘΕΟΛΟΓΟΥΜΕΝΑ Clarissimi Cocceji, ejusque interpretamenta prophetica, in iis præclarum in modum discutuntur, ita ut qui postea secuti fuerunt, nihil egisse videantur, quam cramben bis coctam reponere.

LXXVIII. *Van.*

LXXVIII.

Vander Wayens Regtsinnige Leere, en Opregt Bedrijf.

Quando autem tempestas illa adversus discipulos Cocceji reviviscebatur inter Zelandos, & multa particularia innuiscabantur supra allegatis. Clarissimus Waeyenus objectiones & accusationes Fratrum eleganter excepit, refutavit, & diluit, & iniquum cum Fratribus agendi modum ad vivum detexit: ut liber ille spectet quadantenus ad historiam turbarum in Belgio excitatarum.

LXXIX.

Cardanus de Utilitate ex adversis capienda.

Referendus est hic Auctor ad libros practicos, ac præprimis *Sciagraphiæ nostræ Theologiæ Paracletiæ* partem ultimam, quæ agit de *Consolatione*. Multimodos refert hic Auctor adversitatum casus, quibus singulis adstituit argumenta solatii, quibus erigantur afflicti, ut exinde spem gratiæ non deponant.

LIBRI IN DUODECIMO.

I.

Opitii Biblia parva.

Tironibus hoc manuale utilissimum est, ut perpetuo evolvant. Exhibet Auctor loca classica, quæ allegari solent in Theologia Theoretica & Practica, idque Hebraice & Latine. Versionem suam textus originalis adjecit Auctor, castigatam secundum accentuationem Hebraicam. Ego commendarem hunc librum, cum initiis cognitionis linguæ Hebrææ conjungendum esse, quando textus Hebræus grammatice est resolvendus; idque eo animo agant tirones, ut simul ea testimonia memoriæ imprimant, ita enim una fidelia duos dealbabunt parietes. Textus enim illi sæpe recurrunt, tenendi in interpretatione Theologiæ, & sæpe allegandi in cathedra publica; eos enim ita didicisse multum juvabit.

II.

Wimesii Synagoga Christiana.

Doctissimus ille Scotus, in Antiquitatibus Judaicis versatissimus, etiam hunc tractatum operibus suis inseruit; ob singularem utilitatem in linguam Latinam translatus. Continet enim regulas bonæ explanationis, & applicationis dictorum Scripturæ, pro concione populo Christiano proponendorum.

I I I.

Stephani Gaussenii Dissertationes.

Eruditissimus Auctor ea potissimum tradidit, quæ pertinent ad studiorum Theologicorum directionem, & concionandi methodum: hunc allegavimus in *Annotationibus nostris ad Methodum concionandi.*

I V.

Bawles Pastor Evangelicus.

Etiam hic liber erudit tirones circa omnem vitam, & officium pastorale; piaque proponit præcepta diligenter observanda, ut quis utilem navet Ecclesiæ operam. Etiam hunc sæpe allegavimus in *Notis ad Methodum nostram prædictam.*

V.

Augustinus de Doctrina Christiana.

Etiam in hoc opusculo Augustinus regulas dedit Scripturas interpretandi: plurimæque in eodem occurrunt testimonia contra Pontificios facientia, & doctrinam Reformatam iustificantia.

P R A C T I C I.

V I.

Augustini Meditationes.

In hoc tractatu occurrunt dogmata religionis Christianæ ad pietatem revocata. In Auctore admirantur omnes styli elegantiam, & cogitationum acumen.

V I I.

Thomas a Kempis de Imitatione Christi.

Licet Pontificius fuerit Auctor, recensetur tamen sub testibus veritatis, qui instar stellarum in tenebris emicabant. Argumentum spectat ad *Theologiæ Paracleticæ* partem secundam. de *Sanctificatione promovenda*: Christumque introducit ubique ut vitæ piæ exemplar, ac modum imitationis piissime describit.

VIII. *Joh.*

V I I I.

Joh. Gerhardi Meditationes.

Doctissimus hic Lutheranus ex Theologia dogmatica eleganter etiam assurgit ad practica.

I X.

Erasmi Enchiridion Militis Christiani.

Liber admodum delicatus, qui introducit Christianum militantem & luctantem cum Diabolo, mundo, & carne; eumque instruit de modo obcundi certamen illud, pro fide & pietate. Hinc inde producit elegantissima vitæ Christianæ principia, quæ materiam de genetica virtutum consideratione eleganter adornare possunt.

X.

Amesii Casus Conscientiæ.

Parvus quidem hic liber est, sed maximi ponderis. Tota pertractatio spectat ad partem secundam *Theologiæ Paræneticæ*, quæ de *Praxi Sanctificationis* agit.

X I.

Simon Ooms Opwekkinge en de Bestieringe, Om in allen Staet, van Voor-of Iegenspoedt, met het tegenwoordige vergenoegt te zyn.

Etiam hic Auctor multa collegit, quæ Theologum practicum erudire possunt.

X I I.

Joseph Hals Tractaten.

Quamvis hujus Viri cogitationes abruptæ sint, pollent tamen singulari elegantia, & rem practicam ex elegantibus principiis derivant.

X I I I.

Wits Practijcke des Christendoms.

Hic meus Collega prudenter progreditur circa officia resipiscentiæ, & sanctificationis.

XIV.

Saldenus Wech des Levens.

Attingit hic Auctor primaria studia vitæ sanctioris. Tituli vero pertinent ad *Theologiæ Paracletiæ* partem secundam, *Sanctificationis studia* delineantem.

XV.

Claude Onderzoek van sich selven.

Liber in linguam vernaculam translatus est ob singularem ejus præstantiam. Materia pertinet ad *Agonisticam Sacram*, & simul ad partem *Consolatoriam*, quæ in *Sciagraphia Theologiæ Paracletiæ* ultimam constituit partem.

XVI.

Saldenus Wech des Troostes.

Hic labor spectat etiam ad *Agonisticam* sacram & *Theologiam* consolatoriam, exponitque casus spirituales, qui consolatione egent, quidque ad eorundem erectionem faciat, eleganter aperit.

XVII.

Jonng Lof der Geduldigheydt.

Scriptor Anglicanus in linguam vernaculam translatus, rem omnem eleganter pertractat, materiamque adornat jucundis floribus & similitudinibus.

XVIII.

Petrarcha de Remediis utriusque Fortune.

Etiam hic Auctor minime omittendus, sed cum Cardano conferendus: adversa enim deducit per omnes casus, & argumenta consolatoria solide iis opponit. Referendus est hic tractatus etiam ad *Theologiæ nostræ Paracletiæ* partem ultimam.



XXIX.

Tomasinus De Tesseris Hospitalitatis.

Rarior etiam materia est, in hoc opusculo diligenter pertractata: quæ ad librum secundum *Sciagraphiæ Philologicæ* spectat, ejusque titulum de *Sociali cum concivibus & amicis conversatione*.

HISTORICI.

XXX.

Platina De Vitis ac Gestis Summorum Pontificum.

Homo Pontificius, & qui Pontificibus fuit a secretis, sed candidus & ingenuus in vitiis Pontificum notandis: cujus auctoritatem Romanenses respuere non possunt. Unde sæpe producit ut testis deformatæ ecclesiæ ante Reformationem, ut eruamus, quanta fuerit istius Reformationis necessitas, atque sæpe adstruamus characteres Anti-Christi in pluribus splenduisse.

XXXI.

Historia Persecutionum Ecclesiæ Bohemicæ.

Quoniam Ecclesia Bohemica a nostratibus adducitur, ut probetur, doctrinam Reformatam ante Lutherum fuisse traditam in Ecclesiis Bohemicis, a Papatu separatis, hic liber suppeditabit omnia, quæ ad cognitionem istius Ecclesiæ pertinent: diligentissimus enim Auctor multa particularia collegit, & in hunc librum transtulit.

XXXII.

Pauli Veneti Historia Inquisitionis.

Magnus ille Theologus maxime reformationem in Ecclesia desiderans, ad vivum depinxit in hoc opusculo sceleratissimos inquisitionum modos procedendi adversus suspectos: ut vel ex teste domestico videas Ecclesiam Romanam esse matrem iniquitatis.

XXXIII.

Status & Ritus Ecclesiæ Græcæ Græce descripti.

a

Christophoro Angelo. Latine conversi.

a

Georgio Fhelavio.

Quoniam nostrates sæpe provocent, etiam contra Pontificios, Christum habuisse Ecclesiam extra communionem Romanam, minoribus corruptelis obnoxiam, atque eum in finem allegetur Ecclesiæ Græcæ; non decet virum Theologum ignarum esse status istius Ecclesiæ & rituum. Hæc describit Christ. Angelus, ipse Græcus, atque ita magis credendus, atque Latinitate donavit Fhelavius, notasque addidit.

XXXIV.

Baselii Sulpitius Belgicus.

Fuit hic Auctor nepos magni Boxhornii, qui huic multa communicavit manuscripta, & Auctores rariores, ex quibus confecit hic noster Historiam ecclesiasticam Belgarum. In qua ostendit ab initio Christianismi in Belgium introducti varios casus, & imprimis, quinam postmodum corruptelis Ecclesiæ se opposuerint. Historia pertextitur usque ad tempus Reformationis. Cetera continuare morte prohibitus est.



BIBLIO.


BIBLIOTHECA THEOLOGICA SELECTIOR. SIVE SECUNDÆ CLASSIS.

Sicuti catalogus librorum *Bibliothecæ Theologicæ succin-
ctæ* respiciebat necessitatem Auctorum, qui omnibus
intentionibus Theologicis satisfaciebant, ita nunc
fit transitus ad *Bibliothecam secundæ
classis* diffusio-rem.

I N F O L I O.

I.

Forbesii Opera omnia.



uit hic Theologus Scotus in Historia ecclesiastica versatissimus, qui secundum titulos systematicos errores in veteri Ecclesia notavit: & historiam ortus hæresium, & a quibus damnatarum, quibusque argumentis refutatarum ab orthodoxis primæ Ecclesiæ Doctoribus, ex fontibus eruit.

I I.

Vossius de Theologia Gentili & Physiologia Christiana.

In hoc erudito opere de Diis Gentium & Theologia Gentili multa præclara occurrunt. In parte altera, quæ audit *Physiologia Christiana*, in Sacris Literis ad physicam spectantia, pro Viri magni eruditione, egregie exponuntur & cum veteribus conferuntur.

III

Le Blanc Theses Theologicae.

Doctissimus Theologus Gallus, se istis in thesibus valde accuratum exhibet in statu controversiæ cum Pontificiis, atque indicat, quousque moderatiores & prudentiores inter illos ad veritatem accedant, quis maneat dissensus, quousque Reformatis satisfaciant, addendo quid in iis desideremus.

IV.

Bellarmini Controversiæ.

Cum hic Cardinalis prodeat causæ Pontificiæ propugnator galeatus, ante omnes legendus est post *Concilium Tridentinum*, ut videamus quibus armis illi oppugnent doctrinam Orthodoxam. Imprimis respexit Calvini *Institutiones*, quem cum ob stylum Ciceronianum legebant plures, oppugnare sibi præprimis consultum dixit Cardinalis, additis & plurimorum aliorum objectionibus.

V.

Chamieri Panstratia Catholica.

Intendit hic Auctor omnia Bellarmini contra Reformatos producta ratiocinia diluere. Præter argumenta Scripturaria adduxit quoque Patres magno numero, quos Pontificiis opponit ex hypothesi; ut destruat ea, quæ sub traditione veteris Ecclesiæ jactantur a Pontificiis, & ostendat ea non profluxisse ex universali consensu Patrum, quæ tamen conditio in firmanda traditione requiritur, agnoscente ipso Bellarmino.

VI.

Galatinui de Arcanis Veritatis Catholicæ.

Totum hoc opus Judæis oppositum est; quos imprimis oppugnat ex antiquis Judaicæ religionis scriptoribus, ut teneamus rudera Theologiæ sincerioris, & orthodoxarum interpretationum Mosis & Prophetarum adhuc inveniri in scriptis Judæorum antiquorum. Sed culpatur ab aliis, quod unum & alterum auctorem adduxerit; qui forte in rerum natura nunquam fuerunt.

VII. Rai-

V I I.

Raimundi Pugio Fidei cum Observationibus Jos. de Voisin.

Hic Auctor opus suum quoque opposuit Judæis, & doctissimas notas adpersit Voisinus. In Germania hoc opus recusum est, cum animadversionibus Viri docti auctum. Galatinus fertur ut plagiarium exscripsisse hunc laborem in opere, de *Arcanis Veritatis Catholicæ*, transposito titulorum ordine: solum addendo dubios illos auctores quos non adduxit Raimundus.

V I I I.

Jansenii Augustinus redivivus.

Doctissimi Viri Pontificii labor est Jesuitis clanculum oppositus, quibus recoctio errorum Pelagianorum tribuitur. Cumque Augustinus fuerit summæ auctoritatis Vir, & Pelagianismi oppugnator strenuus, demonstrare Jansenius voluit per selecta ex Augustino excerpta, quid Pelagianismi aut Semipelagianismi fovebant Jesuitæ, jam olim ab Augustino fuisse debellatum feliciter. Magnos contra hoc opus fluxus moverunt Jesuitæ, multisque artibus obtinuerunt tandem, ut sententia Jansenii in quibusdam positionibus a Cathedra Romana fuerit damnata, & suo titulo hæresios proscripta. Hinc & hodierna certamina inter Jansenistas & Jesuitas.

S C R I P T U R A R I I.

I X.

Biblia Polyglotta Londinensium.

E T

Lexicon Heptaglotton Castell.

Continet præclarum hoc opus utrumque Testamentum, non tantum in lingua originali, sed & cum versionibus Orientalibus, Chaldaicis, Syriacis, Arabicis, Persicis & Æthiopicis: nec non Pentateuchum Samaritanorum, imo & antiquas Græcas, illasque omnes cum versione Latina: ut Theologus, ubi de versionibus lis est, statim per collationem videre possit. quem sensum secuti fuerint antiqui isti in Ecclesia Orientali interpretes.

X.

Bocharti Opera Omnia.

In finita Sacrae Scripturae dicta in hoc opere elucidantur, duobusque voluminibus absolvitur. *Hierozyicon*, quod referendum est ad *Sciagraphia Philologica* partem primam, ejusque titulum, de *Animalibus Sacris*, uno volumine continetur. Ejus *Phaleg*, in cujus prima parte indicat quas Orbis regiones posterius Noachi adierint; altera vero quomodo Phoenices colonias suas per plurimas regiones, mari Mediterraneo adlitas, propagaverint, ad *Sciagraphia* partem primam sub titulo *Geographia Sacra* referri potest. Ultima editio adjecit varias epistolas Viri, eruditione dignissimas, in quibus & multae difficultates, in Sacra Scriptura occurrentes, acutissime diluuntur. Monendi interim sunt tirones in libro *Phaleg* multas occurrere conjecturas, quae magis sunt subtiles quam demonstrativae, quaeque passim sunt Virorum doctissimorum observationes; quare in hoc opere expendendo cautissime progrediendum est.

X I.

Lightfooti Opera Omnia.

Vir in Judaicis rebus versatissimus, magnam comparavit diligentiae famam, quod ex Talmudicis, aliisque antiquissimis Judaeorum scriptis attulerit ea, ex quibus aut phrasas illustravit, aut Antiquitates eruit. Multa etiam ex Hebraeis, quae ad Geographiam Palaestinae illustrandam spectant, collegit. Etiam circa Chronologiam tentavit multa, sed quorum maxima pars frigida est; ut hujus Disciplinae peritus facile agnoscat, Virum in aliis doctissimum, in iis extra sphaeram activitatis suae versari.

X I I.

Ludovici de Dieu Critica Sacra.

Fuit Theologus ille Lugdunensis Vir in Arabicis, Persicis, & Aethiopicis versatissimus, qui eas ad N. T. diligenter contulit. Inter eos est numerandus, qui de versione Vulgata moderatius sentiens, eam adversus rigidiores quorundam censuras in multis defendit. Notae in V. T. ab ipso confectae sunt, ut Interpretibus Belgicis essent usui. Conferendus est cum Cloppenburgii literis amicis, quarum titulus est *Deliciae Brielenenses*. De multis enim locis N. T. per commercium literarum Viri illi docti egerunt amice.

XIII.

L. Capelli Commentarii, & Notæ Criticæ in Vetus Testamentum &c.

Continet hoc volumen Virorum doctissimorum Ludovici & Jacobi Capelli commentarios in varia electa loca V. T. & in integros libros. Ludovici hic cernitur labor in *Octo cap. Genes. ab II ad IX Jesaiæ LIII. Abdiam. Michæam. Nahum. Habacuc. Zephoniam. Aggæum. Zachariam. & Malachiam.*

XIV.

Francisci Junii Opera Theologica.

Fuit hic Theologus Lugdunensis Vir, pro ea ætate eruditissimus, & non spernendus Analyticus Sacrarum Literarum: deditque Analysin in *Pentateuchum. In septem Psalmos. Commentarios in Ezechielem. Danielelem. Jonam. Epistolam Judæ & Apocalypsin. Ante omnia laudanda sunt ejus Parallela, quæ continent locorum V. T. in N. T. citationum explicationem.*

XV.

Gomari Opera Theologica Omnia.

Fuit Gomarus Vir judiciosissimus. Ut autem elenctica ejus scripta præteream, notandum in commentariis dedisse exegetica in *Epistolas ad Romanos. Galatas. Philippenses. Colossenses. Utramque ad Thessalonicenses. Philemonem. & Hebræos. Nec non ad Epistolas omnes Catholicas. Et quinque priora capita Apocalypseos. Etiam expositiones in Loca Selecta Matthæi. Lucæ. Et Joannis dedit. Et Analysin in Prophetiam Abdiæ.*

XVI.

Andrea Riveti Opera Theologica.

Præter varia elenctica, imprimis contra Pontificios volumine tertio, duo priora volumina comprehendunt amplissimum commentarium in *Genesim. Exodum Decalogum. Iosephum. Et Psalmos nonnullos Propheticos. Agiturque Commentatorem, res egregie & amplissime deducentem, ut jure Commentator realis audiat.*

XVII. Merz

X V I I.

Mereri Opera.

Fuit hic Vir in Hebraicis versatissimus, atque adeo inter Philologos & Criticos haud infimo loco collocandus. Præbeque notandum Cl. Coccejum sæpe in commentariis suis supponere, quæ Mercerus circa genium Linguae Hebraicæ adduxerat jam ante. Scripsit in *Genesin. Jobum Proverbia. Ecclesiasten. Hoseam. Joëlem. Amosum. Abdiam. Et Jonam.*

X V I I I.

Marlorati Catena.

Hujus Viri judiciosi scopus fuit, ex commentariis Calvini, Musculi, aliorumque Reformatorum catenam facere, id est, eorum sententias colligere, & optime dicta seligere, quæ ad textus elucidationem aliquid conferre possunt. Hoc quod intendit, etiam singulari judicio feliciter præstitit, non tantum quæ singularis ponderis erant, excerpando, sed & optime cohærentia sibi invicem subordinando: ut ipsis Scriptoris carere possit *Bibliotheca nostra. Talem catenam scripsit in Genesin. Psalmos. Jesaiam. Et Novum Testamentum.*

X I X.

Viccars Decapla in Psalmos.

Auctor totus est in eo, ut ex Judæorum commentariis suppeditet electa, quæ ad elucidationem & verum sensum eruendum facere possint. Confert quoque strictim veterum Christianorum sententias, ut proinde haud spernendus sit Auctor.

X X.

Aretius in Novum Testamentum.

Theologus hic Helvetius, inter Bernenses celebris, præ reliquis Reformatoribus mihi semper visus est felix in sensu eruendo, & textum analitice resolvendo; præ aliis sensum refert ad scopum, & voces Græcas ad emphasin. Dolendum est optimos Auctores, nescio quo fato, in usum non revocari. Dum eorum chartæ blattis fere & tigneis relinquuntur; noster mihi semper visus est meliori fortuna dignus.

XXI. *Chem-*

X X I.

*Chemnitii Harmonia Evangelica cum Continuatione Lyseri,
& Gerhardi.*

Adduxerunt hi Theologi ad Euangeliorum illustrationem ex Philologia & Theologia nonatu dignissima, suppeditantque nobis commentarium revera realem: ut novitius pastor hoc opus negligere non debeat.

X X I I.

Bonfrerius in Libros aliquos Historicos Veteris Testamenti.

Laudatur Jesuita a diligentia & doctrina, scripsitque in *Pentateuchum*, *Ruth. Historiam Josue* iungitur *Topographia Palestinae*. Ubi exhibet *Eusebium* Græce, & *Hieronymum* Latine de *Locis Terræ Sanctæ*; quibus adjicit notas haud spernendas, ad correctionem spectantes.

X X I I I.

Pineda in Jobum, & Ecclesiasten.

Felix fuit hic Auctor in dictorum amplificatione, unde amplissimi sunt ejus commentarii.

X X I V.

Maldonatus in Quatuor Evangelia.

Jesuita hic etiam in doctorum numero receptus est. Verum totum opus profluxit fere ex studio emulandi Calvinum, in quem censoriam aliquando stringit virgulam, sed sæpissime præter causam. Audiendus est tamen, ut videamus quid velint adversarii, ut eorum dubia removeamus felicius.

C R I T I C I &c.

X X V.

Leigh Critica Sacra, cum Prodromo critico Heeseri.

Lexicon est Hebraicum & Græcum. Circa Hebraica tamen parum præstitit, sed plura circa Græca. Hoc agit potissimum, ut quæ in com-
k men-

mentariis probatoribus de vocum significationibus occurrunt, ad hoc Lexicon Græcum suum retulerit, citatis tamen auctoribus; ut quid cuique debeamus, videre liceat.

X X V I

Gussetii Commentarii Linguae Ebraicae.

Cum hoc opere conjungi debet Forsteri Dictionarium, ad quod commentarium hunc adiecit Gussetius. Consilium Viri doctissimi fuit significationes verborum & vocum revocare ad significationem primam, & varias significationes, quantum fieri potuit, imminuere potius quam augere. In hisce satis felix fuit, licet & ipse procul dubio spicilegium reliquerit post messem. Infinita loca Sacrae Scripturae in praestantissimo hoc opere elucidantur, & nova versione ornantur. Quod consilium sane egregium est, & imitatione dignum. Imprimis etiam conatus est sua non adeo ex vicinis linguis, quam ex ipsa locorum collatione eruere.

X X V I I.

Dieterici Antiquitates Biblicae.

Duo continet hoc opus volumina. In priori attingit *Antiquitates Hebraicas*, quæ sub suis capitibus proponuntur, & ad designata V. T. loca deprimuntur. Ex hoc opere multa transferri possunt ad *Scenographiam nostram Philologicam*; rariores enim materias attingit, & mores Hebræorum cum Gentilium consuetudinibus confert. Alterum volumen *Lexicon Græcum* exhibet ordine alphabetico, quæque ad Græcas *Antiquitates*, N. T. spectant, profert sub vocibus suis, tanquam sub titulis.

P R A C T I C I.

X X V I I I.

Halli Contemplationes Sionis.

Fuit Anglus ille Theologus Practicus insignis, quique percurrit obiter libros Historicos, atque subjungit practicas contemplationes satis judiciosas. Opus exstat in lingua Anglicana, & translatum in Belgicam.

rit ex familia Gamalielis, in qua certissima fuit Judaicae fidei & morum traditio. Multum facit hoc opus ad *Sciographia Phileologica* consummationem, & ad phrasium & morum in N. T. elucidationem. Si quando accusantur Talmudici, ut fabularum fictores, id non de Mischnæ, sed de Gemaræ auctoribus intelligendum est, qui glossas dederunt in textum Mischnæ.

X X X I I.

*Buxtorfii Lexicon Chaldaicum, Talmudicum
& Rabbinicum.*

Hoc lexicon revera thesaurus est fidei, & Antiquitatum Judaicarum Opus inexhausto labore confectum, ut non tantum significationem vocum, in Talmude occurrentium, exposuerit, sed & res ipsas eleganter deduxerit.

X X X I I I.

Bibliotheca magna Rabbinica Bartoloccii.

Opus quovis ære redimendum propter Viri docti accuratam librorum Judaicorum collectionem. Nullum enim scriptum Rabbinicum editum est. quod non ipse exposuit quoad argumentum. De quibus egerint, & quænam rariora pertractaverint, pluribus illustrat. Multa inedita manuscripta, quæ latent in Italicis bibliothecis, pervestigavit, & quid de iis sentiendum sit reclusit. Interferuit varias dissertationes curiosas, & amplas de rebus Judaicis, quas etiam magno cum fructu legere poteritis.

H I S T O R I C I.

X X X I V.

Josephi Opera Græco-Latina.

Commendamus hæc editionem Coloniensem propter insignem præfationem, quæ aperit omnia Virorum doctorum molimina circa hunc Auctorem, quæ tamen in vanum abierunt. Desideramus editionem cum variis lectionibus, quia optimus Auctor nondum editus est ex plurium manuscriptorum collatione. Ex iis enim occurrere possumus multis difficultatibus, quæ adversus Josephum moventur. Nuper id moliebatur Bernardus Angelus, qui multas filulas imprimi jussit, quæ
etiam

ut evolveret libros editos & ineditos, ex quibus selegit dicta Theologorum, in communione Romana ante Reformationem viventium, quæ querelas continent de corrupta ecclesia. Prima editio rara est, quia Jesuitæ & Pontificii fere omnia exemplaria redemerunt, ut opus illud supprimerent. Tantos enim protulit veritatis testes, & testimonia evidentia, ut, cum diluere non possent Pontificii, lividis conspexerint oculis, & opus e medio tollere conati fuerint.

X X X V I I I.

Centuriæ Magdeburgenses.

Hi Theologi, inter Magdeburgenses celebriores, Historiam ecclesiasticam nobis ex omni scriptorum genere dederunt: resque sub titulis & classibus suis eleganter revocarunt, easque sub singulis seculis. Scopus erat ostendere non tantum Historiam seculorum, verum etiam Scriptores orthodoxos una cum excerptis ex eorum libris, quibus dogmata à Reformatis suscepta confirmantur, & hæreses damnatæ eleganter discutuntur.

X X X I X.

Baronii Annales cum continuationibus Spondani.

Famigeratissimus Cardinalis Baronius conatus est Historiam ecclesiasticam ad annales revocare, & imprimis Centurias Magdeburgenses enervare, ne doctissimorum Virorum animi occuparentur. Congessit Baronius ex editis & ineditis multa, quæ videbantur patrocinari Monarchiæ Papæ, & sententiis ecclesiæ Pontificiæ hodiernæ. Verum in hoc Auctore desideratur fides, multa enim congessit ex Pleudepigraphis, a nugacibus monachis effictis: multa ex orthodoxis, sed præter scopum allegatis, & avulsis a contextu. Diciturque per discipulos excerpta illa conscribi curasse, atque ita Annalibus inseruisse; quod virum ingenuum minime decebat. Tantam enim rem committere discipulis parum eruditis, fieri non potuit sine multorum errorum commissione. Imprimis sæpe aberravit in annis, & iusta rerum digestionem.

X L.

Pagii Critica ad Baronium.

Monachus ille Minorita, sed doctus, in Baronio castigavit errores imprimis Chronologicos, multaque quali expunxit, ostendens satius

X L I V.

Jobi Ludolfi Historia Æthiopum, ejusque commentarius &c. II. Volum.

Vir in linguis Orientalibus versatissimus, & præprimis in Æthiopicis. De hac Gente & Ecclesia multa præclara protulit, hætenus obscura & incognita. Secundum volumen continet notas ex intimo thesauro Philologiæ derivatas; ut proinde omnino laudandum sit opus.

X L V.

Noris Historia Pelagiana.

Fuit ille inter Italos Vir celeberrimus Cardinalis, nuper defunctus, qui undecunque contulit ea, quæ Historiam Pelagii & Pelagianorum illustrare possunt. Quæ hæresis etiam multos hoc tempore infecit & occupavit, si non in totum saltem ex parte: unde hæc historia cognitu admodum necessaria est.

X L V I.

*Belgarum aliarumque Gentium Annales Auctore E. Reidano.
Dionisio Vossio Interprete.*

Quia non decet Belgam esse ignarum rerum, in patria gestarum, imprimis tempore notuum Belgicorum contra Hispanos, & introductionis religionis Reformatæ in Belgium, legendus videtur hic Auctor.

G E O G R A P H I.

X L V I I.

Ptolomæi Geographia Græco-Latina, ex editione Bertii.

Cum hic Scriptor vixerit seculo secundo, & more Mathematico regiones & civitates revocaverit ad climata longitudinis & latitudinis, unica spes repræsentandi mundi regiones & urbes in tabulis Geographicis, auctor est inter primos ponendus; quoniam qui ex eo fonte sapit, non tantum habet Geographiam Historicam, sed & Astronomicam id est, Astronomicis argumentis demonstratam. Ast dolendum, nullam editio-

Viri doctissimi; inter quos excellit doctor Lydiat. In iis invenias, quæ & Antiquitates Græcorum eleganter illustrent: imprimis argumenta Chronologica, ex auctoribus desumpta, ex istis marmoribus aut confirmantur, aut corriguntur. Marmora enim & Numismata fere tertium constituunt principium Chronologiæ restaurandæ.

LIX.

*Thesaurus Antiquitatum Romanarum, ex Editione
Clarissimi Grævii.*

Est Viri Clarissimi collectio rariorum librorum, in quibus de rebus Romanis, & Romanorum Antiquitatibus actum fuit. Libri qui colliguntur & varii sunt, & rariores erant, ut pauci & magno ære vix eni potuerint. Atque Systema Antiquitatum Romanarum ex hoc solo Thesauro omnimodam invenit materiam; ut si rationes cui permittant, hoc utilissimum opus omittere non debeat.

LX.

*Thesaurus Antiquitatum Græcarum, ex Editione
Clarissimi Gronovii.*

Quod Clarissimus Grævius præstitit in colligendis Scriptoribus, rem Romanorum spectantibus, id feliciter etiam præstitit Vir Clarissimus Gronovius. Auctores præclariores, qui de rebus Græcorum scripsere, exhibuit, quorum catalogum apud ipsum Auctorem videre licet.

LXI.

Salmasii Pliniana Exercitationes.

I N

Caji Julii Solini Polyhistora. II. Volum.

Scripsit eruditorum Princeps has suas animadversiones in Solinum, Plinii compendiatorem. Nupera editio adjecit ad calcem ejusdem Salmasii tractatum ineditum, de *Homonymis Hyles Jaurica* &c. Atque nemo inter Philologos pro viro erudito habetur, qui hæc Salmasiana non discussit.



L X X.

Menochius de Republica Hebræorum.

Licet Jesuita non ita sapiat ex Judæorum scriptis, plurimas res tamen singulares attigit, quæ non ita alibi occurrunt, atque ex Sacris Literis, Josepho, & Philone definire conatur.

LIBRI IN QUARTO.
SYSTEMATICI.

I.

Francisci Burmanni Synopsis Theologiæ.

Egit hoc Præstantissimus Auctor, ut systematica, & elenctica cum judicio pertractaverit. Verum & pomœria Theologiæ dilatavit, ita ut Oeconomix V. T. inferuerit totam rationem legis Cerimonialis; & titulo de Ecclesia totam Historiam ecclesiasticam, ita ut utriusque doctrinæ compendium apud Auctorem videre liceat.

I I.

*Gerardi Joannis Vossii Theses Theologiæ & Historiæ.
Disputationes xx. de Baptismo &c.*

Theses Viri Clarissimi propositæ sunt singulari cum prudentia, & elucidatæ eleganter, sapiuscule etiam confirmatæ ex Patribus. Imprimis intendit Pelagianorum errores detegere, & quomodo refutati fuerint ex Patribus ostendere: ubi occasio se offert, antiquos ritus ecclesiasticos doctissime expendit.

I I I.

Vogelsangii Exercitationes Theologiæ.

Legendus est Vir doctus propter stylum floridum & elegantem, & propter res, solidissime sæpe discussas.

ELEN.



controverſis in ſe ſuſcepit , indicando ab una parte doctrinam Apoſtolicam ex Sacris Literis , & Patribus , quamdiu inviolata perſtiterit. Ab altera parte indicat quando , & a quibus dogmata Pontificia in Eccleſiam introducta fuerint , quæque lites in Eccleſia jam ante Reformationem obortæ fuerint.

V I I I.

Kromayeri Eccleſiæ Romanæ Apoſtaſia.

Idem fuit Auſtoris ſcopus , eadem ſcribendi ratio : verum aliquando plura adduxit , ad quæſtionis illius deciſionem facientia.

I X.

*H. Grotii Defenſio Fidei Catholicæ de Satisfactione Chriſti
adverſus Faustum Socinum.*

Illuſtriſſimus Hugo Grotius , antequam Socinianorum partibus eſſet involutus , argumentum hoc contra Socinianos eleganter pertractavit , & tanquam Jurisprudentiæ fax & lux ex ea diſciplina multa attulit , quæ cauſam hanc illuſtrant.

X.

Eſſenii Triumphus Crucis de Satisfactione Chriſti.

Hic liber continet libri Grotiani defenſionem , adverſus reſponſa Crellii. Labor hic Viri docti tantum invenit in erudito Orbe applauſum , ut ob operis ſoliditatem ad profeſſionem Theologicam evectus fuerit Auſtor.

X I.

*Joh. Henr. Biſterfeldius de Uno Deo , Patre , Filio , ac
Spiritu Sancto , Contra Crellium &c.*

Theologus ſubtiliſſimus , imprimis ad difficultates Philoſophicas , quas Crellius movet adverſus myſterium Trinitatis , multa egregia reſpoſuit. Crellii opus eſt a latere , ut videamus ipſum nihil omiſiſſe , quod non ſolverit ſolide.



XXI.

Ant. Hulsii Theologia Judaica de Messia.

Videbis hic auctorem Judæum, describentem signa antecedanea adventus Christi. Notæ sunt satis elegantes, quibus Hulsius vanitatem Auctoris ostendit. Invenies etiam aliquos excursus ad dicta quædam Scripturæ.

PRACTICI.

XXII.

Mich. Baumanni Analecta Typica.

Hoc commodum præstitit Auctor, ut ad titulos Theologicos retulerit varia typica, dederitque adversaria sua ex variis Theologis Lutheranis, non nisi cum judicio in usus transferenda: ut potius quæcunque adducit sint conferenda cum iis, quæ Clarissimus Coccejus & ejus discipuli adduxere. Utius est ad inveniendæ exordia typica: cum enim expendimus ad quem titulum Theologiæ textus sit conferendus, possumus nos eo conferre, atque inde quod solidum est in nostros usus referre.

XXIII.

Gisberti Voetii varia.

Dividebat Vir Clarissimus Theologiam Practicam in Moralem, Asceticam, & Politicam Ecclesiasticam. Moralia multa continentur in quinque voluminibus *Disputationum*. *Politica Ecclesiastica* plenum dedit systema IV voluminibus. ΑΣΚΗΤΙΚΑ ejus pertinent ad libros in octavo. Ejusdem exstat liber, cui titulus, *Proeve van de kragt der Godsalighejdt*. Cum enim Remonstrantes accularent religionem nostram, ut ad pietatem ineptam, inque eum finem librum edidisset Daniel Tilenus, contrarium sibi demonstrare eleganter sumit Clar. Voetius in hoc opere, atque calumnias Tileni redarguit.

X X I V.

*Het Schat-Boeck der Verklaringen
Over de
Cathechismus, uyt de Latijnsche Verklaringen van
Z. Ursinus en andere &c.*

*Door
Festus Hommius &c.*

Editio comparanda est ultima, in qua comparent notæ Ursini non tantum & Bastingii, sed & præmittuntur tabulæ Festi Hommii, more analytico integram concionem exhibentes, & Spiljardi observationes practicæ; ita ut concionibus Catecheticis materiam suppeditet hoc opus amplissimam. Utus est, ut omnia ad legitimam tantum methodum revo-centur, observatis regulis subordinationis, & proportionis legitimæ, secundum nostram methodum.

X X V.

Watsons Werken.

Anglus iste in varios textus Scripturæ tractatus edidit; commendaturque vulgo ob flosculos, & stylum admodum succinctum: nec adeo prolixus est in Practicis, ac ceteri istius Gentis Theologi.

X X V I.

Robinson Christus alles ende in allen.

Etiam hic varii textus enucleantur, qui de Christo agunt, atque haud inutilem materiam suppeditat concionibus construendis.

X X V I I.

Simon Oomius Practijcke der Godgeleerdheid.

Deduxit Theologus Practicus Practicas observationes ex Theologia Theoretica; sed tres tantum attingit titulos, de *Sacra Scriptura. Deo. & Trinitate*; ubi hinc inde utilia occurrunt.





X L I.

Suicerus ad Colossenses.

Erat Vir præstantissimus linguæ Græcæ callentissimus, ex quo penu-
eruditionis multa contulit in hanc epistolam, quæ Paulinam sapien-
tiam manifestare possunt.

X L I I.

Camp. Vitringa ΑΝΑΚΡΙΞΙΣ *Apocalypsios*
Joannis Apostoli.

Vir primæ eruditionis, quoad Philologica etiam haud spernenda con-
tulit ad librum hunc mysticum. Quamvis dubitem, an in omnibus
rem acu tetigerit, sententiæ tamen ejus dignæ sunt ut expendantur.

L U T H E R A N I.

X L I I I.

Joh. Gerhardi Commentarii, & Notæ.

Theologus eruditus multam sibi comparaverat famam ex iis, quæ
Harmoniam Evangelicam Chemnitii compleverunt. Scripsit & in
Genesin & Deuteronomium & in *Utramque Petri Epistolam* ampliores
commentarios. Verum invenit Filius notas, quas post fata Parentis edi-
dit, & auxit, in *Matthæum. Acta. Epist. ad Romanos. Utramque ad Timo-*
theum Epistolam.

X L I V.

Johann. Tarnovius in Prophetam Hoseam, & ceteros
Prophetas minores III. Volum.

Etiam hic Commentator pluris existimatur.

X L V.

Grauerus in Michaam.

Attulit & hic haud spernendam eruditionem Philologicam: unde Mi-
chæ verba diligenter expendit ex natura linguæ Hebrææ.

L V.

*Joannes Spencerus de Legibus Hebræorum ritualibus,
& earum rationibus.*

Contulit Vir doctus ritus Ægyptiorum undiquaque ex profanis Scripto-
ribus cum legibus Mosaicis, malo tamen consilio, dum Ægyptia-
ca Divinis voluit anteriora, atque a Deo populo solum concessa,
non præcepta, ut genio populi Israelitici concedat aliquid in assuetis.

L V, I.

Hermanni Witsii Ægyptiaca.

Collega meus doctissimus consilium illud feliciter evertit. Res eo re-
dit, quod Ægyptii potius per *κακοζήλια* Mosaica imitati fuerint, aut
saltem nonnulla derivarint ex disciplina.

L V I I.

*Thomas Hyde Historia Religionis veterum Persarum,
eorumque Magorum.*

Opus nuper editum ab Auctore, dum viveret, in lingua Persica versa-
tissimo. Ille multa inaudita protulit in publicum, nec non fra-
gmenta Pyrolatrarum. Multisque voluit Persas antiquos unum ve-
rum Deum coluisse. Unum Deum agnovisse evincit. Sed miratus sum, Vi-
rum doctum illum Deum denunciaſſe verum Deum, quod facile ex circum-
stantiis, & multis ab eo adductis refutari potest. Ostendit illam antiquam
religionem adhuc ſervari ab illis, qui vulgo Gauri appellantur, ipſosque
ſua lingua, ſuis litteris poſſidere librum ſatis magnum & amplum, quem
pro lege Divina habent. Multosque invitavit Principes, ut vellent ſumptus
impendere, ut opus illud in Europam transferatur, non niſi magna pecu-
nia redimendum.

L V I I I.

Balthasaris Bonifacii Rhodigini Historia ludicra.

Eſt farrago adverſariorum, quæ collegerat ex pluribus Scriptoribus pro-
fanis, quæ variarum Antiquitatum expoſitiones haud indoctas com-
prehendunt.

L I X.

Servatii Gallæi Sibyllina Oracula.

Multa disceptat de Oraculorum istorum origine & effictione. Exhibet textum Græcum cum versione Latina, notaque amplas textui adjecit.

L X

Joh. Lomejeri Syntagma de Lustrationibus Veterum

Discussit hanc materiam Auctor diligenter ex Auctoribus profanis, atque Gentilium vanitatem ubique aperuit.

L X I.

Van Dale de Idololatria & Superstitione.

Post Vossium nonnulla tentavit hic Vir, Mennoniticæ sectæ addictus, sed in Antiquitatibus admodum versatus. Multa peculiariora adduxit pro suo ingenio admodum novaturiens, in quibus sunt mala mixta bonis, discutienda cum judicio.

L X I I.

Pythii Delineatio Apologetica Maris Aenei fusilis.

Libellus rarior est, & Auctor fuit Mathematicus insignis eruditionis. Cumque Mathematici moveant quæstionem adversus mensuram Maris ænæi, in Sacris traditam; quod scilicet diameter Mathematicæ non conveniat cum linea circumferentiæ, doctissimus Auctor ex Mathesi nodum hunc solvere tentavit.

L X I I I

*M. Leonh. Christoph. Sturmii Sciagraphia Templi
Hierosolymitani. &c.*

Magnus est dissensus quoad speciem, in descriptione Templi inter Iosephum & Talmudistas. Ex legibus artis Architectonicæ Auctor veram Templi rationem depromere conatur. Hic obiter mihi

hi testari incumbit, quod longa indagazione rei invenisse me existimem, Auctores solummodo quoad speciem dissentire, non quoad rem ipsam. Numerus enim diversus in mensuris inde oritur, quod alii atriis annumerent ædificia, alii vero id solum, quod sub dio fuit, ut diversa tantummodo calculum ineundi ratione utantur.

L X I V.

Stephanus Morinus de Lingua Primæva, ejusque Appendicibus.

Opus multijugis eruditionis. Deferuit doctissimus Gallus nuper sententiam Cappelli de literis, qua antiquas Hebræorum fuisse Samaritanas defenderat, quadratas vero ab Hebræis susceptas sub captivitate Babylonica. Nitebatur argumento nummorum, cum literis Samaritanis procusorum: quod argumentum ex diligentiori inspectione plane evanescit; a quo ostensum fuit, nullos istius generis nummos editos fuisse ante Aslamonæos. Quæ ratio Morino fuit deferendi sententiam Cappelli: eam tamen de novitate punctorum pro viribus tuetur.

L X V.

Wagenseilii Dissertatio de Charactere primævo Bibliorum Hebraicorum.

Mira de iis somnia effinxerat Helmontius, cujus dissertationem de hac causa refutavit Vir doctus, & de literis quadratis, earumque antiquitate, notatu digna interposuit.

L X V I.

Jacobus Triglandius de Secta Karæorum.

Collega piæ memoriæ magna cum diligentia indagavit rem adhuc obstrusam. Feliciterque inciderat in Karæorum libros, ex quibus veram eorum sententiam exsculpit. Rabbanitæ enim, eorum adversarii, & rigidi traditionum defensores, varia iis affinxerant veritati dissiona. Adjecit Auctor noster hunc tractatum laboribus Serarii, Drusii & Scaligeri de *Tribusæio Judaico* scilicet de *Sadducæis*, *Pharisæis*, & *Essenis*.

L X V I I.

G. Saldenii Otia Theologica.

Discussit Auctor varias materias Philologicas, & ad Antiquitates spectantes in hoc opere, quæ lectu non sunt inutilia.

L X V I I I.

Rebelii Antiquitates Euangelicæ & Judaicæ.

Theologus Lutheranus Argentoratensis, omnia Euangelica, quæ ex Judaicis lucem accipiunt, illustravit & fere ad titulos systematicos retulit. Opus lectu sane jucundum.

L X I X.

Jos. Arndii Lexicon Antiquitatum Ecclesiasticarum.

Multis exponit Vir doctus ritus Ecclesiæ Antiquæ Christianorum, ut teneamus distinctius, quo modo Pontificii aut ab iis recesserint, aut aberrantes a justo fine in alienos usus rapuerint.

L X X.

Salmasius de Primatu Papæ.

Opus apud omnes laudatissimum. In quo ex omni Antiquitate demonstravit Vir summus, quo modo Episcopatus, & primatus inter Episcopos introductus fuerit in Ecclesia Christiana, & quale incrementum successive ceperit potissimum ille primatus.

L X X I.

*Ludov. Ellies du Pin de Antiqua Ecclesiæ disciplina.
Dissertationes Historicæ.*

Auctor Pontificius, sed genuinus admodum, doctrinam hanc ex suis principijs & causis eruit. Ex hoc ipso opere, collato cum hodierna papistarum disciplina, facile apostasia ecclesiæ Romanæ deduci potest.

LXXII. Hy-

L X X I I.

Hyginus & Polybius de Castris Romanis cum notis Schelii.

Schelii nomen quidem non apponitur, sed aliunde novimus, Virum illum doctissimum notarum illarum Auctorem fuisse: quæ sunt amplissimæ & eruditissimæ, multumque illustrent Militiam antiquam Romanam,

L X X I I I.

Joannes Schefferus de Re Vehiculari Veterum.

E T

Militia Navali Veterum.

Rariores illas materias Aucter pro insigni sua eruditione attigit non solum, sed plane exhaustit; ut omnibus doctoribus in pretio sint isti labores.

L X X I V.

Hieronym. Mercurialis de Arte Gymnastica.

Etiam rem illam ex omni Antiquitate discussit Vir ille doctus. Additæ sunt figuræ, ex antiquis rudibus depromptæ.

L X X V.

David Christianus de Messia, duobus Messis, Pseudo-Messis &c.

Rarus & hic liber est: adhibuitque Auctor omnem diligentiam, & undecunque adduxit, quæ ad historiam illam illustrandam facere possint, vitam & fata hominum describens, qui singulis seculis se pro Messia Judæis obtrudere conati fuerunt.

L X X V I.

Joannis a Lent Syntagma de Pseudo-Messis.

Non videtur Vir doctus vidisse laborem Christiani. Et imprimis pertractavit ultimi illius, & scelestissimi hominis gesta ac apostasiam ad Turcas: de quibus tanta in principio jactabant Judæi, seculo proxime elapso.

HISTO-

ELECTIOR:
HISTORICI.
LXXVII.

105

*Christiani Matthiae Theatrum Historicum
Theoretico-Practicum.*

Praeter Historiam universalem continet hoc opus speciatim varias observationes Ethicas & Politicas, quæ aliquando Concionatori possunt esse utiles, quoniam eas deducit per exempla Sacra, & profana.

LXXVIII.

R. David Ganz Chronologia Sacra-Profana &c.

Scriptor ille Judæus Historiam suæ gentis ex Seder Olam Rabba, & Seder Olam Sutha. Nec non ex Chronico Templi secundi. Josepho. Aliisque Auctoribus ad tempora sua deduxit. Et quamvis Judæi sæpe impingant in veram Chronologiam, tamen hic noster adhibuit aliqualem prudentiam, secundum quam de Judæorum sententiis in historiis statuendum est: propter quam utilitatem versus est.

LXXIX.

Pococki Specimen Historiæ Arabum.

*Abulfarii Historia Dynastarum,
ab eodem translata.*

Hi libri spectandi sunt tanquam fontes Historiæ Orientalis & rerum gestarum a Muhammedanis.

LXXX.

*Marci Zuerii Boxbornii Historia universalis Sacra
& Profana.*

Fuit versatissimus in Historiis, atque sæpe in rebus excurrit notabilioribus, adductis ex manuscriptis, quæ alibi non inveniuntur.

L X X X I.

Adrian. Regenvolscii Systema Historico-Chronologicum Ecclesiarum Slavonicarum per Provincias Varias.

Argumentum continet res Ecclesiasticas, quæ spectant ad Bohemos, Polonos, & Hungaros: multaque enarrat hic Auctor, quæ frustra alibi quaras.

L X X X I I.

Ottii Annales Anabaptistici.

Etiam hic Theologus Helvetius insigni diligentia collegit, quæ totam hanc Historiam ab origine illustrant.

L X X X I I I.

Christ. Christ. Sandii Nucleus Historiæ Ecclesiasticæ &c.

Homo ipse Arrianus, conatus est ostendere Arrianismum originem habere ab ipsis discipulis Apostolorum, pergitque per omnia secula N. T. multaque habet ex variis Scriptoribus, quæ ad hanc causam spectant. Attamen nimium favens Arrianis in eam classem pertrahere conatur, quæ tamen non nisi invito huc trahuntur. De Austrogothis & Wisigothis multa habet scitu dignissima.

L X X X I V.

*Historie der Waldensen van Jan Paul Perrin,
vertaald uyt het Frans.*

Auctor fide dignissimus, qui Historiæ suæ inseruit varia authentica scripta Waldensium, eaque antiquissima, quæ exhibentur lingua Waldensium vernacula cum versionibus, ab altera columna conspicuis; ut ex istis scriptis eorum orthodoxiam vindicatam contra adversariorum calumnias videamus.

L X X X V.

Petrus Gillis Kerkelyke Historie van de Gereformeerde Kerken &c. Eertijds genaamt Waldensen.

Hoc opere repræsentantur ultimæ persecutiones Waldensium; præprijis quas præcedens Auctor non attigit, post eum enim gestas.

L X X X V I.

Wesenbeek van den Staat en Opgang der Religie in Nederland.

Hic Auctor attingit origines Reformationis in Belgio quam accuratissime. Cum fuerit Senatui Antverpiano a secretis; inter auctores reponendus est primæ auctoritatis, & fidei.

L X X X V I I.

G. Brandts Historie der Reformatie.

Quamvis Auctor faveat potissimum Remonstrantibus, multa tamen habet ex manuscriptis, diariis magnorum Virorum, quæ cognita sunt utilia, neque alibi occurrunt. Stylus Auctoris floridus etiam hujus operis lectionem commendat. Quædam tamen suppleri possunt ex notis Ludovici de Renesse ad Epistolam Apologeticam Theologorum in Belgio, quam in *Prima Bibliotheca* commendavimus.

L I B R I I N O C T A V O.

I.

Hermannus Alex. Roell de Religione Rationali.

Est Amicus noster Philosophus subtilissimus, multaque habet cognita utilia, licet, salva amicitia, etiam intercedant, quibus calculum nostrum non adjicimus. Prudenter itaque legendus est, & cavendum a Philosophia, quotiescunque philosophemata sugillant Revelata. Evidentia enim Revelationis debet nos revocare ad dubitationem in ratiociniis.

I I.

*Joh. Martinus Over den Catechismus der Ware
Christelijcke Religie.*

Visus est mihi hic Auctor supra omnes commentatores in Catechesin excellere propter succintas, & evidentes interrogationes, & responsiones, & selectum locorum Scripturæ, ad confirmationem spectantium: imo & propter observatam regulam proportionis; dum nihil dicendorum omittit, & superflua prudenter refecat. Dedit Catechesin *Resolutam, Succinctam, & Ampliorem.*

I I I.

De Catechismus der Remonstranten.

Cum multa gravamina movissent Remonstrantes adversus Catechesin Heydelbergensem, ipsi post condemnationem causæ suæ in Synodo Dordracena novam ediderunt, hypothesebus suis consentaneam.

I V.

*Abrah. Heydanus Proeve ende Wed'rlegginge des!
Remonstrantschen Catechismi.*

In hoc opusculo Vir summus notavit latestes in eo Catechismo errores; unde ansa scribendi postmodum causam dedit.

V.

Du Moulin Schildt des Geloofs.

Liber ex lingua Gallica in vernaculam translatus. In quo controversiæ cum Pontificiis eleganter discutuntur. Character Auctoris est, quod admodum evidens sit in rerum deductionibus.

V I.

*Philip Marnix, Heer van St. Aldegond
Byen Corf der H. Roomscher Kerke.*

Lepidus est Auctor, sed interim continet multa doctissima ex jure Canonico, & aliunde allata; atque falsè irridet vanam religionem Papisticam.

V I I.

Matthiae Martini Procatechesis & Tractatus de Deo.

Fuit ille Theologus Bremensis Vir minime spernendus, qui multa attulit satis docta & egregia.

V I I I.

Leenhof Keten der Bybelsche Godtgeleerdtheydt.

Opusculum hoc magna cum utilitate ab Ecclesia exceptum est. Continetque succinctis admodum verbis medullam Theologiae, & universae Sacrae Scripturae ad mentem Clarissimi Cocceji. At dolemus, Virum doctum postea nimium indulgisse suis philolophematibus, variasque periculosas propagasse.

I X.

Horchii Sacerdotium Romanum NOBILIAE convictum.

In hoc opere multa more Mathematico opposuit Romanensibus, circa materiam de Sacrificio Mistico.

X.

Joh. Martini Analytica & Topica Dominicalia Tripartita.

Nimirum.

Evangelica.

Epistolica.

Catechetica.

Nec non ad

Philippenses.

Colossenses.

Fuit Vir optimus in analyticis admodum versatus. Unde qui cupit conciones analyticas conficere, aliquando cum fructu ejus labores conferre poterit.

PHILOLOGI. & ANTIQUARII.

X I.

*Walonis Messalini, id est, Salmasii Dissertatio de Episcopis
& Presbyteris.*

De Cefarie Virorum, & Mulierum Coma

Omnia Salmasii summam sapiunt eruditionem. Sub titulo de Episcopis, sed nomine occultato, impugnavit Petavium. Etiam de *Transubstantiatione*, & contra librum postumum Grotii, pro maximo ejus ingenio, elegantissima protulit.

X I I.

Jacobi Usserii Opuscula duo

D E

Episcoporum, Et Metropolitanorum Origine

In hoc labore Usserius sibi similis est, & ostendit profundam suam eruditionem. Ut hinc contra Episcopos & Metropolitans facile ostendere possimus regimen hierarchicum non esse Divini, sed Ecclesiastici juris. Quæ usum habent non tantum contra Pontificios, verum etiam contra Episcopales hodiernos plurimos in Anglia, qui Imperium hierarchicum ex Jure Divino urgent.

X I I I.

*Thomæ Smithi Notitia septem Asiæ Ecclesiarum &c.
Miscellanea.*

Anglus doctissimus diu egit in Asia minori, & diligenter inspexit regiones & loca, in quibus rudera spectantur septem Ecclesiarum & urbium, quarum mentio fit in Apocalypsi: quæ rem antiquam illustrare possunt. Imprimis contra Simonium *Historiam Cyrilli Martyris, Patriarchæ Constantinopolitani*, edidit, auxit & defendit.

XIV. *Lar-*

X I V.

*Larroquani Adversariorum Sacrorum libri tres**Accedit**Diatriba de Legione Fulminatrice.*

Doctissimus Gallus in his adversariis rariores ritus Ecclesiæ Antiquæ eruit & exponit : ex quibus de statu Primitivæ Ecclesiæ, & posterorum quorundam seculorum felicius judicare possumus.

X V.

*La Rocque de Photino Hæretico ejusque damnatione &
de Liberio Pontifice.*

Quoniam Sociniani fere cum Photinianis antiquis consentiunt, utilissima tractatus prioris est lectio. Cumque Liberius Pontifex inciderit in hæresin, & Pontificii, infallibilitatem Papæ defendentes, multis modis istius historiis obnitantur, rem ex vero discussit doctissime, & quam evidentissime Auctor.

X V I.

*Joh. Doughteus de Calicibus Eucharisticis Veterum
Christianorum.*

Liber singularis, rariorem materiam pertractans, ideoque suo tempore *Bibliothecæ* adjiciendus.

X V I I.

*Bernardinus Ferrarius de Ritu Sacrarum Ecclesiæ
Veteris Concionum.*

Etiam hic Vir doctus attingit materiam minus pertractatam, & lectio haud inutilis.

X V I I I.

Jacobus Perizonius de Prætorio.

Accedit

Dissertatio de Augustea Orbis Terrarum Descriptione.

Prior quæstio nata est ex loco epistolæ ad Philipenses : Cap. I. Ubi Paulus testatur, se apologiam fecisse in Prætorio. Altera ex Lu-
cæ

cæ Cap. 11. Atque inquit in Descriptionem Augusti universalem; nec non, quomodo dicatur facta sub Quirinio Syriæ Præsidi. Ubi Auctor Clarissimus eruditissime ostendit, Evangelistam conferre Descriptionem primam cum altera, postmodum facta occasione relegationis Archelai, atque adeo verti debere, *Antequam Quirinius Syriæ Præsides esset.*

X I X.

Johannes Saubertus de Sacrificiis Veterum.

Etiam hic Vir doctus materiam de Sacrificiis ita discussit, ut dignus sit cum aliis conferri.

X X.

*Johannis Urfini Analecta Sacra
Adversaria &c.*

Purima Scripturæ dicta etiam in istis tractatibus illustrantur ex Antiquitate, satis eleganter.

X X I.

Jacobus de Vulneribus Christi.

Adjiciendus est auctoribus, qui de Cruce Christi scripserunt.

X X I I.

*Antiquitates Ecclesiæ Orientalis. Et Epistolice Dissertationes.
Quibus præfixa est Joh. Morini vita.*

Multum hic Vir versatus fuit in rebus Ecclesiæ Orientalis, in Syriacis, & Samaritanis. Imprimis in Epistolis conspici licet omnia ejus molimina circa Pentateuchum Samaritanum, quem ille primus edidit, reliquosque ejus labores in rebus Orientalibus; ut Historia Literaria inde illustretur.

X X I I I.

Petr. Joseph. Cantelius de Romana Republica.

Etiam ille videtur adjiciendus Kippingio, quippe qui succincte attigit res Romanas.

XXIV. *Franc.*

XXIV.

Franc. Rous Archaeologia Attica.

Scripsit Auctor lingua Anglica, atque translatus est in Belgicam. Magnam contulit eruditionem in illustrandis rebus Atticis, atque elegantissimas adhibet probationes, non tantum ex Scriptoribus Græcis, sed imprimis ex Scholiasticis cujuscunque ordinis: ut vix Græcæ Antiquitatis studiosus hoc opere carere possit.

XXV.

Elias Schedius de Diis Germanis.

Sicuti materia singularis est, ita & multa habet Auctor de origine idolatriæ, cum Sacris Literis collata.

XXVI.

Kerk-zeden en de Gewoonten, die huyden in gebruyk zijn onder de Jooden.

D O O R

Leo de Modene &c.

Auctor fuit Judæus Venerus. Cui aliquas illustrationes adjecit Simonville. Ex lingua Gallica translatus est liber, conferendus cum Synagoga Buxtorfii.

SCRIPTURARI.

XXVII.

Ramus in Proverbia & Ecclesiasten Salomonis.

Hoc egit Auctor noster, quod Proverbia varia Salomonis ostenderit transiisse ad Græcos & Romanos, eaque, quæ invenit, contulit.

XXVIII.

Bened. Pererii Commentarii in Daniele.

Jesuita doctus, qui multa contulit erudita, ceterum caute legendus.

X X I X.

Snojus in Psalmos.

Belga fuit, qui ante sesqui seculum in Patria floruit, quique plurimos Psalmos ad Christum & Ecclesiam ejus retulit; stricteque notis sumpsit ex Patribus.

X X X.

Brichtman in Apocalypsin.

Anglus hic, aut Scotus, insignem laborem contulit in librum hunc mysticum; unde & magnam sibi comparavit exultationem.

P R A C T I C I.

X X X I.

Ant. Joh. Botfacci Promptuarium Allegoriarum Sacrarum.

In hoc opere sunt bona mixta malis, excerpenda juxta canones legitimæ Allegoriæ. Solida enim a luctibus ingeniorum discernenda sunt, ne adversarii ansam capiant ea spernendi, quæ fundamentum habent in Scriptis, ex iis quæ minus solide adducuntur.

X X X I I.

Puget de la Serre Onderhoud der Goede Geesten &c.

Multa hic in tractatibus variis, translatis ex lingua Gallica in Bellicam ingeniosa protulit. Stylus floridus & facundus, inventiones subtiliores, & eleganter deductæ, ut ad stylum excolendum in moralibus, nec non in inventionibus multum conferat.

F I N I S.

I. I N D E X

LOCORUM S. SCRIPTURÆ,

Quorum

ANALYSIS EXHIBETUR

I N

Commentariis ad Methodum Concionandi.

G E N.			M A T T H.		
Cap.	ŷl.	Pag.	Cap.	ŷl.	Pag.
XV.	I.	163	IX.	27-30.	159
			XXII.	2-7.	246
	J O S.		XXVI.	49, 50.	180
VI.	1-16.	157		J O H.	
	J U D.		I.	46-52.	172
VI.	1-6.	158		A C T O R.	
	E Z R.		I.	10, 11.	190
I.	1-4.	154		E P H E S.	
	J E S.		VI.	32.	290
				I N C A T E C H.	
VII.	14.	206		Ad Domin. 18,	p. 263
LIV.	12.	239		Ad præcept. 8. Decal.	270
				Ad Orat. Dom. Petit. 5.	276

II. INDEX

LOCORUM S. SCRIPTURÆ,

Quibus

Lux quædam affunditur

I. N.

Commentariis ad Methodum Concionandi.

[illegible]

II. INDEX LOCORUM S. SCRIPTURÆ.

ESTHER.

Cap.	ŷf.	Pag.
IV.	41.	240
V.	6.	248

J O B.

I.	5.	54
XXXVIII.	7.	38

P S A L M.

II.	7.	251
X.	2.	40
XIX.	8.	79
XXII.	17.	28. 220
	19.	59. 220
XXIII.	1.	39
XL.	7.	28
XLI.	10.	187
L.	15.	53
LV.	22.	182
LXVIII.	19.	196
LXIX.	22.	59
LXXII.	1.	251
LXXIII.	24-28.	169
XCI.		226
CIX.	2-4. 8.	187
CX.	3.	37. 198

P R O V E R B.

I.	7.	50
VIII.	30, 31.	216

E C C L E S.

XI.		109
-----	--	-----

C A N T I C.

III.	II.	251
------	-----	-----

J E S.

Cap.	ŷf.	Pag.
I.	2, 3.	34
	18.	105
II.	1.	52
	2.	70
VII.	14.	51
XI.	1.	176
XXI.	11.	201
	11, 12.	69
XL.	3.	79. 172
	5.	207
XLV.	1.	219
LIII.		37
	9, 10.	60
	10.	87
LIV.		237
	11, 12.	225
LV.	6.	33
LXI.	3.	198
LXII.	4.	78

J E R E M.

XXXI.	34.	40
-------	-----	----

E Z E C H.

X.	18. <i>seqq.</i>	263
XVIII.	13.	4
XXI.	10.	253
XL.	12.	240
XLIII.	13. 17. 20.	<i>ibid.</i>

D A N.

IV.	34-37.	162
V.	8.	54
IX.	24.	42

H. INDEX LOCORUM S. SCRIPTURÆ.

H O S.

Cap.	ſc.	Pag.
IV.	<u>4.</u>	<u>66</u>
XI.	<u>2.</u>	<u>217</u>

M I C H.

V.	<u>1.</u>	<u>39, 41</u>
----	-----------	---------------

H A B A C.

II.	<u>4.</u>	<u>15. 37. 43. 45.</u>
-----	-----------	------------------------

M A L.

IV.	<u>1.</u>	<u>136</u>
	<u>5.</u>	<u>29</u>

M A T T H.

I.	<u>21.</u>	<u>48</u>
II.		<u>33. 55</u>
III.	<u>2.</u>	<u>251</u>
IV.	<u>9.</u>	<u>53</u>
V.	<u>2.</u>	<u>47</u>
VI.	<u>19.</u>	<u>102</u>
	<u>32.</u>	<u>65</u>
	<u>24.</u>	<u>61. 106</u>
	<u>33.</u>	<u>27. 74</u>
IX.	<u>2.</u>	<u>83</u>
XI.	<u>5.</u>	<u>47. 74</u>
XIII.	<u>24-30.</u>	<u>238</u>
XVI.	<u>26.</u>	<u>106</u>
XIX.	<u>29.</u>	<u>169</u>
XXIII.	<u>13.</u>	<u>82</u>
XXVI.	<u>38.</u>	<u>27</u>
XXVII.	<u>4.</u>	<u>101</u>
	<u>35.</u>	<u>220</u>
	<u>54.</u>	<u>51</u>
XXVIII.	<u>19.</u>	<u>48</u>

M A R C.

Cap.	ſc.	Pag.
I.	<u>15.</u>	<u>61</u>

L U C.

I.	<u>17.</u>	<u>29</u>
II.	<u>1-7.</u>	<u>68. 70. 74. 91.</u>
	<u>13, 14.</u>	<u>76</u>
	<u>25.</u>	<u>49</u>
XIII.	<u>32.</u>	<u>45</u>
XIX.	<u>40.</u>	<u>67</u>
XXII.	<u>48.</u>	<u>183</u>
XXIII.	<u>34.</u>	<u>220</u>
	<u>39.</u>	<u>49</u>
	<u>43.</u>	<u>53</u>

J O H A N.

I.	<u>14.</u>	<u>64. 72, 73</u>
	<u>29.</u>	<u>43</u>
III.	<u>14, 15.</u>	<u>66. 229</u>
IV.	<u>24.</u>	<u>51</u>
XII.	<u>32.</u>	<u>28</u>

A C T.

II.	<u>1-4.</u>	<u>71</u>
XII.	<u>8-3.</u>	<u>48</u>
XVIII.	<u>24.</u>	<u>44</u>
XXVII.	<u>23.</u>	<u>52</u>

EPIS T. ad ROM.

I.	<u>1.</u>	<u>27</u>
	<u>15-18.</u>	<u>63</u>
	<u>17.</u>	<u>37</u>
III.	<u>24.</u>	<u>62</u>
	<u>31.</u>	<u>II</u>

Cap.

II. INDEX LOCORUM S. SCRIPTURÆ.

Cap.	ŷf.	Pag.	Cap.	ŷf.	Pag.
IV.		62	III.	12.	19
	4.	<u>167</u>		1.	42
	25.	<u>60</u>		8.	85
V.		226		20.	<u>195</u>
	1.	<u>10. 62</u>	EPIST. ad COLOSS.		
	2-5.	<u>135</u>	II.	<u>17.</u>	226
VI.	23.	<u>46</u>		<u>18.</u>	<u>17</u>
VIII.	1.	<u>16. 84</u>	EPIST. ad THESSALONIC.		
	31, 35.	135	IV.	<u>13.</u>	128
XII.	6.	24		<u>16.</u>	195
	9.	41	2 EPIST. ad THESSALONIC.		
	<u>12.</u>	<u>74</u>	III.	3.	<u>187. 90. 93</u>
XIII.	1.	55	1 EPIST. ad TIMOTH.		
XIV.	17.	<u>134</u>	I.	5.	<u>80</u>
1 EPIST. ad CORINTH.			III.	<u>16.</u>	<u>196</u>
II.	4.	126	IV.	<u>16.</u>	<u>83</u>
	14.	35	2 EPIST. ad TIMOTH.		
X.	11.	<u>229</u>	<u>II.</u>	<u>25. 26</u>	<u>92</u>
XIII.	4-8.	<u>46</u>	III.	<u>16.</u>	<u>97</u>
XV.	<u>17. 18.</u>	<u>67</u>	EPIST. ad TITUM.		
2 EPIST. ad CORINTH.			I.	2.	54
I.	22.	89	III.	<u>1.</u>	<i>ibid.</i>
EPIST. ad GALAT.			EPIST. ad HEBRÆOS.		
III.	13.	<u>16</u>	L	14.	<u>46</u>
V.	25.	<u>68</u>	II.	4.	<u>179</u>
EPIST. ad EPHES.			III.	<u>4.</u>	219
V.	15.	<u>140</u>	VIII.	<u>13.</u>	228
EPIST. ad PHILIP.			Cap.		
I.	21.	50			
II.	7, 8.	<u>64</u>			

H. INDEX LOCORUM S. SCRIPTURÆ.

Cap.	¶f.	Pag.	I EPIST. PETRI.
IX.	1-5.	218	
X.	1.	226	Cap.
	18.	40	II.
XI.	1.	46	¶f.
XII.	11.	47	5.
	14.	125	
	EPIST. JACOBI.		I EPIST. JOANNIS.
II.	25.	103	I.
	26.	11	II.
			7.
			1, 2.
			APOCAL.
			III.
			3.
			43. 92. 93
			60. 94
			65



INDEX



I N D E X


A U C T O R U M,

QUORUM OPERA COMMENDANTUR

I N

BIBLIOTHECA THEOLOGICA.

A.

	<i>alstinus.</i>	57	<i>Apologeticon Belgarum.</i>	<u>41</u>
	<i>Abrabanel.</i>	<u>24</u>	<i>Apologia Remonstrantium.</i>	<u>90</u>
	<i>Acta Synodi Dordrace</i>		<i>Aretius.</i>	72
	<i>na.</i>	<u>91</u>	<i>Arndius.</i>	<u>49. 103</u>
	<i>Aeneas Sylvius.</i>	55	<i>Arnobius.</i>	31
	<i>Allinga (Joh.)</i>	36	<i>Arnoldi (Nicol.)</i>	<u>98</u>
	<i>Alstedius (Joh. Henr.)</i>	<u>45</u>	<i>Augustinus.</i>	<u>60</u>
	<i>Alting. (Henr.)</i>	<u>13</u>		
	<i>Alting. (Menso.)</i>	<u>82</u>		
	<i>Amesius.</i>	<u>61</u>		
	<i>Antiquitatum Græcarum Thesaurus</i>			
		<u>84</u>		
	<i>—— Romanarum.</i>	ibid		
	<i>Antiquitates Ecclesiæ Orientalis.</i>	<u>112</u>		

B.

B	<i>aillius.</i>	83
	<i>Baldwinus.</i>	<u>64</u>
	<i>Baronius.</i>	78

q

Bar-

INDEX AUCTORUM ET LIBRORUM.

Bartholinus (Thom.)	25. 64	Cappellus (Lud.)	71
Bartoloccius.	76	Cardanus.	59
Baselius.	66	Casalius.	29
Basnagius.		Cassander.	40
Baumannus (Mich.)	92	Castellus.	69
Bebelius.	103	Catechismus (van Ursinus)	23
Beckius.	95	— der Remonstranten.	108
Belcampius.	19	Cave.	86
Bellarminus.	68	Censura confessionis Remonstrantium.	90
Berigten.	58	Centuria Magdeburgenses.	78
Bernardus.	51	Chamierus.	68
Beveregius.	32	Chemnitius.	73
Beza.	5	Christophorus Angelus.	66
Biblia Critica.	ibid.	Ciacconius.	64
— Hebraica & Chaldaica.	3	Claude.	62
— Polyglotta.	69	Clemens (S.)	50
— Vernacula.	4	Cloppenburg.	11
Binchius.	21	Cluverius.	32
Bittersfeldius (Job. Henr.)	89	Cluverus.	ibid.
Blanc (Le)	68	Cluverus Phil.	82
Bochartus.	21. 76	Coccejus.	6
Boerhave.	41	Cocquius (Adr.)	27
Boissius.	45	Coddeus.	95
Bonfrerius.	73	Collatio Scripto habita Hagæ Comi-	
Bos (Lamb.)	45	tis.	90
Bossuet.	39	Concilium Tridentinum.	39
Botjaccus (Ant. Job.)	114	Concordantia.	6
Bowles.	60	Confessio Remonstrantium.	90
Boxhornius.	105	Craeserus (Georg.)	24
Brandt.	107	Crocus.	38. 88. 91
Braunius.	28	Cuneus.	26
Brubmannus.	114	Curtius.	63
Brissomus.	64		
Brutum Fulmen.	39		
Burmans (Franc.)	15. 87		
Buxtorfius.	29. 51. 76		
Bynaus.	19. 28		
C.			
Calovius.	90	D.	
Camerarius.	5	Dale (van)	101
Canselius.	112	Dallaus.	40
		David Christianus.	104
		Dietericus.	74
		Dien (Lud. de)	70
		Dilherrus.	44

INDEX AUCTORUM ET LIBRORUM.

<i>Doughtens.</i>	111	H.	
<i>Doughtens.</i>	44		
E.		H	
E rasmus.	61	agen (vander)	19
Essenius (Anar.)	89	Hakspanius Tb.)	44
Eusebius.	77. 82	Hal (Jof.)	61. 74
F.		Harisfocker.	43
F errarius (Bernardinus.)	111	Heydanus.	11. 36. 91. 108
Flaccus Illyricus.	77	Heydeggerus.	12. 13. 46. 94
Forbesius.	67	Heymannus.	32
G.		Historia Inquisitionis.	65
G alatinus.	68	— Persecutionis Eccles. Bohe-	65
Gallens (Servatius)	101	mic.	65
Ganz (R. David)	105	Historie der Reformatie.	107
Gausenius (Steph.)	60	— der Vrome Martelaren.	79
Gejerus.	17. 63	— der Waldensen.	106. 107
Genebrardus.	95	Hofmannus.	85
Gerhardi (Job.)	61. 27	Honert (van den)	22
Geulinx.	35	Hoornbeck (Job.)	12. 18. 38
Gillis (Pet.)	107	Horebins.	109
Glassius.	21	Hornus.	53. 81
Godwinus.	47	Hottingerus (Job. Henr.)	45. 52. 53
Goesius.	20	Houtman.	58
Gomarus.	71	Huetius.	42
Granerus.	97	Hulsius (Ant.)	92
Groenewegen (Henr.)	94	Hyde (Thom.)	100
Grotius (Hugo)	42. 57. 89	Hyginus.	104
Gulichius.	13	I.	
Gurtlerus.	14	J acobiades (Jof.)	94
Gussetius.	74	Jacobus.	112
Guthirius.	43	Jansenius.	69
Gyraldus.	85	Josephus Flavius)	76
		Joang.	62
		Junius.	13
		Junius (Franc.)	71
		Junius (Franc. Fr. F.)	85
		Justinus (Martyr.)	50
		K.	
		K empis (Thomas a)	60
		Keuchenius.	23
	q 2	Kip-	

INDEX AUCTORUM ET LIBRORUM.

Kippingius.
Kircherus.
Kirchmannus.
Kromayerus.

L.

Lactantius.
Lati (Job.)
Lamy (Bernard.)
Lansman (Andr.)
La Roque.
Larroquanus.
Leenhof.
Leigh.
Le Moyne.
Lent (Job. à)
Leo de Modene.
Lexicon Heptaglotton.
Lightfootus.
Limborg (Petr. à)
Lipsius.
Lomeyerus (Job.)
Ludolfus (Jobus)
Lydius.
Lydius (Jacob.)

M.

Magendus.
Maldonatus.
Marcellus.
Marloratus.
Marmora Oxoniensia &c.
Marnix (Phil. de)
Martinus (Matth.)
Martinus (Job.)
Mastrichtus (Pet.)
Matthias (Christ.)
Majus.
Melebius (Job.)
Mellinus.

47 *Menochius.*
99 *Mercerus.*
63 *Mercurialis (Hieron.)*
89 *Methodus Methodistarum.*
Mey (Job. de)
Meyerus.
Minucius Felix.
54 *Mischna.*
53 *Momma.*
96 *Morinus (Steph.)*
88 *Morus (Alex.)*
111 *Moulin.*
ibid. *Mulerus.*
109 *Munkerus.*

N.

51. 104 **N**isanius (Christ.)
113 *Nigronius.*
69 *Noldius.*
70 *Noris.*
90
63
101
80

O.

27. 54 **O**omius (Sim.)
48. 63 *Opitius.*
Origenes.
Otho.
Ottius.
Ostramus.
Onwenus.

P.

108 **P**agius.
109 *Pasor (Georg.)*
108. 109 *Paulus Venetus.*
18 *Pearson.*
105 *Pererius (Bened.)*
47 *Perezonius (Jacob.)*
16 *Perrin (Jean, Paul)*
79 *Petrivius.*

87
72
104
40
98
48
31
75
17
102
45. 95
108
33
55

98
64
23
33. 80

42. 61. 93
59
30
47. 51
106
51
11

78
63
65
20
113
111
106
56. 83
Petitus

INDEX AUCTORUM ET LIBRORUM.

<i>Petitus.</i>	85	<i>Samson.</i>	10
<i>Petrarcha.</i>	62	<i>Saubertus.</i>	99. 112
<i>Pfeifferus.</i>	30	<i>Scacchus.</i>	86
<i>Pfeifferus (Augustus)</i>	25	<i>Scaliger.</i>	83
<i>Pin (Ellies du)</i>	103	<i>Schedius.</i>	113
<i>Pineda.</i>	73	<i>Schefferus (Job.)</i>	104
<i>Platina.</i>	65	<i>Schickardus.</i>	27
<i>Pocockius.</i>	105	<i>Schmidius (Sebast.)</i>	18
<i>Polybius.</i>	104	<i>Scriptores Historiæ Ecclesiasticæ.</i>	77
<i>Ptolomæus.</i>	80	<i>Seldenus!</i>	28. 48. 56
<i>Pythius.</i>	101	<i>Serre (Puget de la)</i>	114
		<i>Sibersma.</i>	50
		<i>Sigonius.</i>	26
		<i>Sleydanus.</i>	55
		<i>Smith (Thom.)</i>	110
		<i>Snojus.</i>	114
		<i>Spanhemius. (Frid.)</i>	38. 86. 96
		<i>Spanhemius (Ezech.)</i>	33
		<i>Spencerus (Job.)</i>	100
		<i>Stephanus Byzantinus.</i>	81
		<i>Sterringa.</i>	15
		<i>Stillingfleet.</i>	36
		<i>Strabo.</i>	81
		<i>Stukkius.</i>	85
		<i>Sturmius (M. Leonb. Christ.)</i>	101
		<i>Suavis Polanus (Petrus)</i>	88
		<i>Suicerus.</i>	10. 67
		<i>Sulpitius Severus.</i>	53
		<i>Surenhusius.</i>	75
		<i>Synopsis Purioris Theologiæ.</i>	37
		T.	
		<i>Tailor.</i>	46
		<i>Tarnovius.</i>	97
		<i>Tatianus.</i>	50
		<i>Tegenberigten.</i>	58
		<i>Testamentum Græcum Oxoniense.</i>	43
		<i>— Syriacum.</i>	ibid.
		<i>Tilenus.</i>	38
		S.	
		<i>Saldenus.</i>	62. 103
		<i>Saimasius.</i>	84. 103. 110
		<i>Salvianus.</i>	31
		<i>Sandius (Christ.)</i>	106
		Q.	
		<i>Quaresmius.</i>	82
		<i>Quistorpius.</i>	98
		R.	
		<i>Radt (Alb. de)</i>	46
		<i>Raimundus.</i>	69
		<i>Ramus.</i>	113
		<i>Regenvolscius (Adr.)</i>	106
		<i>Reidanus.</i>	80
		<i>Reinbek.</i>	24
		<i>Relandus (Hadr.)</i>	47. 52
		<i>Rhenferdus.</i>	21
		<i>Rhodiginus (Balth. Bonif.)</i>	100
		<i>Rio (Del)</i>	99
		<i>Rivetius (Andr.)</i>	41. 71
		<i>Robinson.</i>	93
		<i>Roel (Herm. Alex.)</i>	107
		<i>Rosinus.</i>	30
		<i>Rous (Frans.)</i>	113
		P.	
		<i>Pailor.</i>	46
		<i>Parnovius.</i>	97
		<i>Patianus.</i>	50
		<i>Pegenberigten.</i>	58
		<i>Testamentum Græcum Oxoniense.</i>	43
		<i>— Syriacum.</i>	ibid.
		<i>Tilenus.</i>	38

